



序 總目

一
一
一
四

敬業堂詩集

敬業堂集

此序漢洋文
集不載



此序先生作敬業堂詩序云
五七之古體劍南不甚留意
而以后山遺山為初白勛
予初讀之謂放翁于古體
豈有不留意者此特作序時
出筆去世之病耳七細律
之乃以此語之有目也放翁
之詩以直抒胸臆為主故
其於五七之古體一亦其五七
近體之體也予特寫其五七
之古詩罕有五七之類外
其特以是書而止非若鋪

原序

冰修

老友海昌陸先生辛齋嘗攜其愛壻查夏重詞一卷見
示且曰此子名譽未成與先生少假借之弁以數語其
時余官曹署冗俗碌碌未及為也及余轉官司成則夏
重與其弟德尹後先入成均余乃得以一日之長臨之
德尹旋與友人入粵而夏重肄業橋門離經鼓篋魚魚
雅雅弱不勝衣近是黃叔度一流乃其詩若文則又滂
葩鼻兀奔發卓犖蛟龍翔而虎鳳躍今之詩人或未之
能先也然且深情獨寫孤韻一往令人諷咏徘徊乍不
能已蓋夏重既辛齋玉潤且為吾友勉齋黃門猶子仍
世通顯胚胎濡染昔人有云半子孫固應爾姚江黃晦



敬業堂詩集序

此排以孝新親于碧海者矣
此既序妙七言詩上妙及劍南
集之前數子以見其際非復如
妙杜韓蘇通全集而用力者
也然既序此序以後上遺山
並論而此妙七言詩乃不及
於后也則所以後上凌厲峭
直力追絕險者不過謂其係
事賦筆 近以七言而已既妙
山谷附以二意是矣自不必復
贅以后也遺山雅意在蘊杜
而天挺神秀時出古人頽
度之外是以七言詩妙者
遺山為其后也蓋既序先
生集中所以為推而白
而遺於品也夫為故避若

而舉后山又避東坡而舉遺
山也若謂本自自集源洋
集曰本詩是教管李杜蘇
黃但教分遺之同或原集
身此則該括古七體言之所
以奉放初也之作初白詩序
至此段者以古體言之所以
奉后山也奉後山也奉山
若之教子而世奉遺山也則即
非東坡之教子也蓋遺山於彼
若之後自成一派此間直進
而由也 就既序本生指詩
大為準之惟此書偶一語后
少身 亦且見下體必須推
此助開壯浪能肆而非可以
直體偶於倚與在聚之也
後在慎勿因既序此段而

木先生常題目其詩比之劍南余謂以近體論劍南奇
創之才夏重或遜其雄夏重綿至之思劍南亦未之過
當與古人爭勝毫釐若五七言古體劍南不甚留意而
夏重麗藻絡繹宮商抗墜往往有陳後山元遺山風後
山凌厲峭直力追絕險遺山矜麗頓挫雅極波瀾吾未
敢謂夏重所詣便駕前賢然使起放翁後山遺山諸公
於今日夏重操螯弧以陪敦槃亦未肯自安魯鄭之賦
也且夏重學有本根斷斷自愛于瞻曰一時文人如魯
直補之無已文潛少游吾未嘗以師資自處皆以朋友
待之而吾乃以一日之長臨夏重乎顧屈指同學其才
可到昔賢者正復無幾蘇門諸君子與放翁後山遺山

皆名節自持凜凜有國士風蓋有重於詩文者而詩文
益重吾方處夏重於諸公之間正以其詩而又不取限
之於詩也去冬余奉使南海夏重操長歌送行且以詩
集序見屬歸而夏重慎旃二集已哀然成卷帙矣余既
已諾昨者之請重憶辛齋疇昔之言時已臥病請假匆
匆戒道庭驢在側僕夫倣衰援筆以完宿約蓋於夏重
與夏重之詩皆有不能自已於言者夏重其益勉之異
日相見其必有更進乎此者矣濟南王士禎序
已未春余奉 命撫黔陽而同邑查子夏重短衣挾策
自吳涉楚追及之於荆江夢渚之間其時疆場未啓豺
虎塞塗余提戈束馬自銅仁間道崎嶇谿谷崖箐孤軍

輕視放翁而不可不知
詩之因源體格非一家
所能備非一言所能概
耳 丙辰五月十日 藏

轉戰一旅深入帳下健兒能從者不過數十人而夏重
獨忼慨與俱經年而後抵貴治相與仰視飛鳶俛蹈荆
棘烽火晝紅簫笳夜咽未嘗一日不同之也軍府初開
書檄旁午調遣徵發將伯助余倉卒肆應又兩年始定
夏重則去余歸里往謁其觀察世父於鄱江焉夫以白
面書生年未及壯弱不勝衣骨稜稜出衣表乃能骯髒
自喜如此則已齷齪監儒異矣顧復戎旅之頃不廢吟
嘯握槊賦詩磨盾草檄軍中有傳修期既隱若敵國兼
得陶寫歲月瘴雲如墨毒草搖風以賦咏當悲歌浣花
工部不履行間淮蔡軍諮羗無篇什庶几小益之戎衰
競傳劔南之詩句藻采橫飛綺思艷發抑又多焉何其

壯也今年夏重入游太學而余適膺 召命歸佐夏官
因復留之邛舍夏重乃哀其行旅之詩梓之問世其豫
章之吟別爲一集題曰慎旃蓋取詩人行役之義且屬
余爲弁語夫詩人有言維予與汝往者貴竹之日余與
夏重真同蛩駘回首蠻烟驚心駭魄歷歷如在目睫序
夏重之詩非余又誰屬也因爲纂述舊遊書之卷首若
夫齊紈未貴菱歌萬金夏重業已狎主齊盟又無埃余
稱說矣同里楊雍建序

余賣藥海昌查子夏重屢有詩疇和尋其佳處真有步
武分司追蹤劍南之堂奧者夫今人卒業兔園孰不以
風流自命左挾右摛東綆西繙都欲駁正李杜之瑕璽

元白之卑弱爲漢爲魏爲陶爲謝目空千古苟從旁細覈正如揚灰萬斛求半銖銅鐵且不可得況於金乎此所以深歎於才難也夏重視彼猶孤鳳獨鶴翱翔於百鳥雞羣中可謂橫絕一時者矣復能謙退以好善微特不敢輕議古人抑有味乎水樂樵歌俱將引爲筆墨之助此非取法淺陋也惟其知作者苦心一字一句莫不有深意於其間若屬目麓浮矢口妄論真耳食吠聲徒作撼樹蚍蜉爾夏重是編自己未至壬戌四年間水陸萬里往來楚黔之什山川詭變與江浙殊絕苗蠻風俗與鄉土迥判加以亂離兵革之慘饑荒焚掠之餘天寶詩人所不及覩投荒遷客所未曾歷者聚斂筆端供其

驅使寧樊籬鷄雀可望其項背哉吾因是而更有慨焉使夏重據龍山之田數頃桑柘茂密池有魚園有果牛宮豕柵靜謐於先人之舊廬兄弟相爲師友必沈酣經史守先以傳後無疑也乃歷鹿舟車蹭蹬亭臯即耳目之聰明足發其誕幻然於青燈四庫不能無夢寐焉雖然麻姑年少將見蓬萊揚塵不難返海外之逸書使歸學宮按龍宮之秘圖傳諸人間斯蠹粉陳言又奚足云刻中老友黃宗炎篋

夏重自黔歸哀其三年往反道路之詩自題曰慎旃集
吾友黃晦木先生喜而序之爲獎許其所已至而勉惜
其所未至晦木夏重尊人逸遠畏友儻然以古道自處
早過查逸遠詩

辛齋是初白
婦翁甘射也

集鈔有氣骨

二者才力而未

及初白也



射山集鈔近日海

鹽張文在已付梓

昨汪徽縣入部

惠贈乙部



夏重既拜而登之集矣今年余偶來燕臺夏重方客燕
未返其同學友人欲梓其集燕中乃過余而請曰小子
不幸早失怙恃舍其先人之廬奔走四方冀以續食晦
木先生所云青燈四庫杳然夢寐斯集所留與嶺猿瘴
鳥相爲和荅勞者易歌不自知其言之長也然而山川
登涉動魄驚心追思昨夢讀之而怛怛心悸不欲便付
摧燒姑應友人之請丈人亦有以終進之乎余應之曰
子之詩自附於陟岵詩人之義夫亦知詩人之根抵乎
夫陟岵之詩人疲勞困頓晨夕不遑而於父母兄弟三
致思焉忠孝悱惻之懷咏歎滄泆而不能自己此固風
雅之本原而非流俗之咏唱也今之稱詩者挾持唐宋

頌酒爭長各爲門戶余竊以爲皆非也夫詩何分唐宋
亦別其雅俗而已古之詩人其志潔其行芳自託於芝
蘭芳草而絕遠蕭艾故雖至坎壈失職卻曲於傾軋駭
駟之途而耿介特立終不移於積俗以此求之陶彭澤
杜浣花之流操持卓犖磊砢傲兀凜凜皆有國士風故
其爲詩迥然自遠於俗即白分司諷諭閒適諸篇言近
指遠一唱三嘆真得風人之遺與元亮子美同其根抵
而不知者妄謂之俗嗚呼耳食拘墟之徒又豈足與論
六義之旨趣乎夏重稟承庭訓濡染家學反覆四始之
際旣已有年一旦遠涉江湖崎嶇貴竹發而爲詩依然
陟岵之思晦木老友以爲上武分司而下追射的一言

爲智知其不輕借游揚也且晦木以父執登堂門庭無
恙牛宮豕柵橘圃魚陂俛仰流連乃更以青燈四庫欲
廣夏重之意夫亦以先人手澤存於縹緗卷帙間冀使
無忘其根抵爾夏重勉之歲月易遷盛年不再計夏重
挾策遠遊之年正與余抱痾焚研之歲等雙九轉轂余
已素髮被領老大空悲了無可紀夏重詩已見許前輩
春華之藻恃本根之不拔耳根之盛者其枝幹日益繁
慎旃之詩夏重之本末存焉無俟訪逸冊而搜秘圖益
保其陟岵之思而已輒以此勉夏重且請更質諸晦木
冰叟陸嘉淑序

慎旃二集者吾友查子夏重游豫章之詩也初查子自

巳未遊黔至壬戌而歸名其詩曰慎旃集今自癸亥遊
豫章至甲子而歸復名其詩曰慎旃二集蓋皆取孝子
行役不忘其親之義也嗟乎查子乎遊乎而欲慎旃乎
古昔盛時民有恒產士有常精負耒橫經溫清定省安
所事遊其偶有遊者不過賢勞王事耳故孝子行役而
得以慎旃自勉至春秋戰國之世而士以遊名朝秦暮
楚已有不遑言慎者矣然孔子曰遊必有方孟子曰人
知之亦囂囂人不知亦囂囂則是遊亦未嘗不得慎也
天變人窮最困者莫如四民之首饑來驅我急何能擇
其尚能有方乎曳裾無門投筆安往其尚能囂囂乎於
此之時而欲慎旃難矣且夫查子之遊豫章也鄱陽之

險不若洞庭之惡也洪都之近不若鬼方之遠也六月之暫不若數載之久也舊遊詞客往還唱和之樂不若蠻獠寇賊戰爭殺戮之慘也較之遊黔之役又似可以無愼而查子慕親之誠守身之孝每念不忘用名其集余於是而歎陟岵詩人何代茂有決不得以古今時地限也世衰學喪風雅道淪言宋言唐言魏言漢紛紛聚訟之徒類皆飲潘拾唾正如家僮路乞各張勢豪所有以相矜詡而不自知其妻孥安在彼豈不聞虞廷言志之說哉勢利薰溺情性銷亡隻句單詞譁世取寵自謂言志而其實無志之可言也得查子慎旃之意而振之登山臨水感時咏物吊往驚離無往而非不忘其親之

心所寓揚用修謂詩須有爲而作蓋自三百篇而降屈大夫陶彭澤杜工部千古俱有同旨寧謂風雅一道不可自此而復續乎彼區區以韓歐蘇陸之間擬之者猶皮相矣余病留京邸因懷岵岵之望不欲受人牢籠間或自鳴其酸苦遇塵堆糞壤之人輒秘不使見唯查子與一二故交至始出與誦之暑退秋來襍被南返查子過別索序此編長吟低諷慨然喜其與余有合也易曰同聲相應余其能無言哉同學弟鄭梁題於燕京旅次

前又有原野云
十八年己亥秋七
月朔洛溪袁村
許汝霖序云依
齒庵先生夏重
舉京北時同年
友也丙申冬出按
粵東夏重至訪
之別捐俸焉
刻其詩集以同世

凡古今文章著作之事其深造獨詣名當時而傳後世者類皆有驚才絕學而又加以不已之好好之至者且或有其癖焉昔杜元凱有左傳癖而少陵亦云為人性癖耽佳句好至於成癖則顛固之極通於神明變化生而能事盡矣吾友查夏重先生天縱異才深沉好古於書無所不闕而其生平所癖好者惟於詩於山水於友朋而於進取榮利之塗泊如也昔人論文謂必得江山之助以先生之才之學而天又故遲其遇俾其馳驅游覽以盡吐其胸中之奇嘗挾策從軍至牂牁夜郎之地以及齊魯燕趙梁宋之區郵亭驛壁題詠殆徧往往傳誦人口又嘗渡彭蠡過洞庭登匡廬之巔探峴山黃鶴



之勝所至必與賢豪長者相結往復訓唱詩益富而且益奇癸未成進士簡入翰林即受天子特達之知授職以後比歲西巡扈蹕者再常在屬車豹尾之間涉大都之河窮甌脫之境荒遐幽阻從來詩人之所未到題詠之所不及盪胸駭目悉繪之於詩凡有所作皆呈御覽未嘗不篇篇稱善也人皆謂先生遭逢盛世將駸駸嚮用而先生常懷箕穎之志亟欲告歸當道鉅公競挽留之不可年未及懸車已決然竟賦遂初矣既歸里門於世事一無干預而登臨詠歌之興未衰也乃復南遊閩粵尋無諸之故墟訪尉佗之遺蹟而其詩益豪蕩感激超神入化矣先生於詩文山水友朋之外餘

無所好蓋先生不獨以詩傳而其為人高情逸韻尤負乎其不可及也昔予在京師與姜西溟趙蒙泉楊晚研惠研谿湯西厓宮恕堂吳西齋諸君及先生弟姪德尹聲山為文酒之會每月必再會每會必分韻賦詩西溟有酒所嘗謂諸君我輩大約人人有集然其詩或傳或不傳今當牽連綴姓氏於集中百年以後幸有傳者則附載之姓氏亦不泯沒於後世矣予時笑以為迂由今觀之先生之集固已必傳無疑且不忘舊好予之姓氏既屢見於集中而又屬予為序予固將滅沒無聞而得挂姓氏於先生集中不特如少陵之於阮生朱老東坡之於杜伯升楊耆老符秀才而已也則予其亦有厚幸

也夫妻東同學弟唐孫華撰

詩四十八句凡四

三百五十四首

西中八日先生燈

機持來許才為

儒因一過世許前

則陸平齋後則

庚東江朱竹垞江

紫源徐方虎詠先

生又有先生自勳

筆一更然皆未臻

難之也中林前

敬業堂詩集總目

第一卷

此三句皆貴州作

慎旃集上

古今體詩八十五首

第二卷

慎旃集中

古今體詩九十一首

第三卷

慎旃集下

古今體詩七十七首

第四卷

還家

遄歸集

古今體詩八十一首

西江集

古今體詩八十四首由浙往西

第五卷



踰淮集 古今體詩五十九首 以上至京師

第六卷 此三司者為京師作
假館集上 古今體詩六十四首

第七卷
假館集下 古今體詩六十九首

第八卷
人海集 古今體詩八十九首

第九卷 還家
春帆集 古今體詩六十六首

第十卷
獨吟集 古今體詩七十六首 由里居之以上京師

第十一卷

竿木集 京師 古今體詩五十五首

題壁集 古今體詩六十首 由陸汝甫行

第十二卷

橘社集 古今體詩六十四首 洞庭寺

第十三卷

勸酬集 古今體詩九十三首 還家

第十四卷

湓城集 古今體詩九十一首 注九江

第十五卷

雲霧窟集 古今體詩七十三首 廬山

第十六卷

客船集

古今體詩二十九首由西江而江南

並戀集

古今體詩四十三首以上京師

第十七卷

冗寄集

古今體詩六十三首登西社中式北園

第十八卷

白蘋集

古今體詩三十五首

秋鳴集

古今體詩五十二首里俗注金華

第十九卷

敝裘集

古今體詩三十四首以上

酒人集

古今體詩七十五首京師

第二十卷

游梁集

古今體詩九十七首中州

第二十一卷

皖上集

古今體詩六十一首由宣城沁陽至安慶

第二十二卷

中江集

古今體詩七十三首由皖口而九江

第二十三卷

得樹樓集

古今體詩八十九首又自北而南歸

近遊集

古今體詩二十四首嘉興湖州

第二十四卷

賓雲集

古今體詩四十四首武夷

第二十五卷

炎天冰雪集 古今體詩三十五首 閩中救荔

垂橐集 古今體詩四十二首 自閩歸家

第二十六卷

杖家集 古今體詩六十五首 家居

第二十七卷

過夏集 古今體詩七十四首 京師

第二十八卷

偷存集 古今體詩十七首 出都

繙經集 古今體詩八十一首 家居

第二十九卷

赴召集 古今體詩九十七首 以上卷未選原

第三十卷

隨輦集 古今體詩一百十四首 遊名山莊

第三十一卷

直廬集 古今體詩一百二十四首 京師

第三十二卷

考牧集 古今體詩一百四首 遊名山莊

第三十三卷

甘雨集 古今體詩四十三首 遊名山莊

第三十四卷

西阡集 古今體詩六十二首 假歸

迎鑾集

古今體詩四十六首 淮揚高郵

第三十五卷

還朝集

古今體詩八十首 自江淮中州北上

第三十六卷

道院集

古今體詩七十三首

以下三卷皆在京師

第三十七卷

槐移集上

古今體詩九十八首 宣武門西

第三十八卷

槐移集下

古今體詩九十七首

第三十九卷

棗東集

古今體詩一百八首 魏冉胡同寓中

第四十卷

長告集

古今體詩一百七十二首

第四十一卷

待放集

古今體詩一百五十九首

第四十二卷

計日集

古今體詩七十九首 還家

第四十三卷

齒會集

古今體詩一百二十八首

以下四卷皆家居

第四十四卷

步陳集

古今體詩一百二首

第四十五卷

吾過集 古今體詩六十四首

第四十六卷

夏課集 古今體詩四十五首

望歲集 古今體詩五十首

第四十七卷

粵游集上 古今體詩八十四首

第四十八卷

粵游集下 古今體詩一百五首 又

第四十九卷

餘波詞上 長短調一百二十二首

第五十卷

餘波詞下 長短調一百十一首

續集 六百七十首
廿八首 合前集
共五千零八首

敬業堂集總目終

放翁讀易十絕編而未有解述之者先生
用易說辭集解十篇卓然有所見處
甚多不必傳之書也世人但知蘇詩補
注耳



吳槎若拜經樓訪詒查梅餘晚號初白老人蓋
取東坡僧臥一庵初白頭勺也既得隙地於
所居之西謀築初白庵未果又欲築於妙
果山然詎於未成妙果山見許冠妻東坡訪詒



敬業堂詩集卷一

康熙十八年

海寧 查慎行

悔餘



慎旃集上

盡巳未是年先生三十歲編詩起
一年 先生生於順治七年庚寅五月七日

巳未夏同邑楊以齋先生以副憲出撫黔陽招余

入幕時西南餘寇未殄警急烽烟傳聞不一而余

忽為萬里之行其在陟岵之詩曰尚慎旃哉由來

無棄夫當行役之時不忘父母兄弟而終以危苦

之辭讀其詩者傷其志焉余不幸早失怙恃終遠

兄弟麻衣被體瞻望漣沔因取慎旃以命集自勵

也亦以慰予季也自已未迄壬戌首尾三年凡如

千首釐為三卷

是年以境五十歲

授職檢討漁洋

四十七歲於前年

授侍講



一不字印重後字
況此句原不該是
初字

遊燕不果乃作楚行

北道初停轍。南轅未息戈。一門初約。變岐路獨行。多不
是彈箏客。誰為擊楫歌。也知田舍好。壯志恐蹉跎。

留別仲弟德尹一首

形影何當出處分。君應憐我我憐君。孤雲出岫寧無意。
獨雁衝寒奈失群。門戶全生終碌碌。兵戈絕徼尚紛紛。
虎頭分少封侯骨。投筆聊從萬里軍。
雞聲驚起對床眠。纔說江關便黯然。與爾未曾經遠別。
得歸難定是何年。渡江風物悲元亮。懷土人情感仲宣。
瓦屋三間門兩版。頻煩為我掃東偏。

訓別盛鶴江徐淮江程禹聲次禹聲原韻

輕檣夾岸柳。珍珍短笛長亭。最不堪江路。恰逢鴻雁北。
山程遙指鷓鴣南。異時對酒懷重五。同調關心記兩三。
此去湖湘烟水濶。鷗波長自夢春潭。

京口和韜菴兄

江樹江雲睥睨斜。戍樓吹角又吹笳。舳艫轉粟三千里。
燈火沿流一萬家。北府山川餘霸氣。南徐風土雜驚沙。
傷心蔓草斜陽岸。獨對遙天數落鴉。

曉發梁山

一鈎殘月吐。仍銜薄霧濛濛著。布帆行過天門天未曉。
風來東北路西南。

贈胡星卿先生胡之先東川侯海其子觀尚南

康公主

蔡戟侯門奕葉光可能無意感滄桑草廬望重名賢宅
竹苑年深貴主莊滿地秋瓜仍爛熳渡江春燕只尋常
白頭一老鍾山下筋力猶看八十強

題王璞菴南北遊詩卷

我初未見聞君名十年懷抱一夕傾眼中指顧空豪英
乃欲以詩鳴不平蓬累時作蒼茫行江南江北無期程
流離滿前皆孩嬰道傍見之淚縱橫爾生其間一蒼生
補救敢與乾坤爭俛今仰古氣孰櫻長篇倚劔頃刻成
東將入海手掣鯨嘲弄花月非人情余從涉江來舊京
足所遊歷手勿停君詩首歷小謝城如以六國當秦兵

此種已見架白
於非其玉者

聳肩雒誦作大聲煌煌高燭燒長檠須臾街鼓報五更
紅日欲吐東方明

登金陵報恩寺塔二十四韻

不盡興亡恨浮圖試一登孤高真得勢陡起絕無憑法
轉風輪翅光搖火樹燈地維標寶刹天闕界金繩碧落
開千里丹梯轉百層規模他日壯感慨至今仍禍自歸
藩啓兵從靖難稱比戈殘骨肉問罪假疑丞袞冕俄行
遜戎衣遂謁陵朝家同再造國事異中興此舉無名極
當時負媿曾兩京雄岳峙一塔鎮旃稜銖兩材俱稱纖毫
辨欲矜琉璃紛紺碧欄楯落鮮澄事本誇餘力基猶念
丕承監宮留太子給俸濫干僧原廟衣冠冷豐宮獻卜

真字不真

中興中字云云

丕字則對是作仄
承之理

增侈心崇梵竺神道託高曾世往疑經劫人來乍得朋
同登者雲烟爭變幻日月幾升絀絕頂盤旋上虛窗偏
六人仄凭近身棲怖鴿側背躡飛鵬勝境才何有高歌氣或
騰鍾山青入望相對故峻嶒

金陵雜咏二十首 并序

僕年三十始至舊京路近一千還同異域感生涯之
已晚歎故事之無徵彼都人士憶南渡之風流故國
山河見北邙之陵寢四百八十寺烟雨猶新三五六
千塲笙歌頓歇表羊因而狂憤衛虎所以神傷况以
飄零再當搖落芳樹攀條泪盡塵城之妓金釵插髮
魂消綺閣之歌凡江干覽物之端言遊子言愁之什

此等書畫都屬吳
梅却而止之

敢自信其可傳與知音之勿罪云爾

沙漠真人本至尊青蛇罷祀出梧垣孝陵松柏猶樵牧

元廟何妨有淚痕 青蛇罷祀嘉靖朝迷信事陳鼎語也

想像承平樂事留履綦陳迹也風流輕烟翠柳今何處

明初妓館名十六門如十六樓

洒掃他時屬內官鐘聲好句逼人寒御溝儘有流紅事

塵壁傷心是媚蘭

夜半傳呼聚寶門金蟾嚙鎖內城昏武皇大有南遷意

故遣鑾輿宿報恩 此用唐白岩事

蒙溪石刻表南都形勢居然屹壯圖白馬青絲他日事

倉皇曾補一毫無 張家溪為南司馬以至金陵形勝

妙選三家入後宮。抱來馬上石榴紅。胭脂不到長城外。何必明妃怨盡工。

武定橋欄玉磬如。泠泠七尺響清虛。蜀桐不發岐陽扣。等是崑岡劫火餘。

宗伯奩清世不知。菱花初照月臨池。點粧巾帽俱新樣。不用喧傳鏡背詩。

杏村玉樹接春華。太史詩留典客家。不許繡球誇獨絕。鳳臺還有些微花。

薛鴨表羊七箸餘。江鮮風味只如初。年年八月隨潮上。柳貫紅腮燕子魚。

粉竹香塵調不齊。和來雁字鬥高低。即從紅豆徵奇麗。

便壓元人十四題。

元手全後謝字可背讀物訪明往茂冬擇其十者影雁字睡

頓老琵琶擅教坊。供筵法曲別歌章。故須小技通文義。

游此古

垂老知音付漫郎。

雷雨隨絃四座驚。秀之絕調自泠泠。隔簾傳語催停板。

頭白扶來制淚聽。

用魚牛彈琵琶事李二十名魚字廷和學區生法彈其

昭文小楷法黃庭。繡佛新詩玉琢成。不及錦雲名句好。

白頭双淚夜

斷腸芳草斷腸鶯。

珠市收胡昭文楷程王舊院未七暇詩名繡佛齋再又齊

一月花名簇錦筵。舊家手帕亦因緣。曾陪盒子春筵會。

冷落飄燈四十年。

鰲足盤龍氣象吞。東華扶出尚驚魂。書生小膽當前破。

何取紛紛出大言。

明太祖廷試解山院字初但自有聲望至四極鐘山端一龍之白

太祖拍案

後村傲兀自竒才。覓句曾過此地來。春草不生山路白。
兩卷至不生竹。劉後村詩。一片山。生竹。散生。

樹陰濃罩雨花臺。
少岡黃文耀。結句。社於春。唯一。時入社。俱名。後。此。名。姓。者。

臥遊宗炳已傷神。畫社秦淮點染新。怪得江山生色少。

少岡老死更無人。
少岡黃文耀。結句。社於春。唯一。時入社。俱名。後。此。名。姓。者。

鈔庫街頭第一坊。遊人消渴試新嘗。近來曲巷添茶社。

誰記新都是濫觴。

名士年來已可嗔。騎驢腰扇怕逢人。李昭竹骨王郎畫。

難掩西風障扇塵。
李昭竹骨扇。王孟仁。畫。為。王。陵。二。條。

蕪湖關

昨日出龍江。今晨抵蕪湖。順風滿帆幅。過關快須臾。關

吏責報稅。截江大聲呼。舟子不敢前。棹柁轉。轆轤余。咲謂

之。何。疑。面。字。之。誤。

關吏竒貨我則無。聯吟三寸管。壓浪百卷書。船頭兩巾
箱。船尾一酒壺。此外更何物。隨身長鬚奴。吏前不我信。
倒篋傾筐簾。棄捐無一可相顧。仍睚眦。買酒例索錢。迴
身若責逋。有貨官盡征。無貨吏橫誅。有無兩不免。何以
慰長途。

題余鴻客金陵覽古集

神傷叔寶髻。初斑詩草年年手。自刪莫問六朝興廢事。
謝家名句有江山。

曉出荻港

鞍馬習人勞。舟航令人情所苦。風濤爭孤篷。坐掀簸。般
師喜出險。拍手咲相賀。輕生涉江湖。緬維神力荷。詰朝

風日美百里悠揚過雲峰石門竒天勢江浮大望窮樹
攢齋機靜魚趁柁琉璃千萬頃一葉點不破倒影白日
深蛟龍鏡中臥江豚忽掉尾散作鱗箇箇豁然闢詩境
遠景開淡施

銅陵太白樓同韜荒兄作二首

不盡長江萬古流吳天遼廓倚孤舟疾風捲雨過山去
虹氣晴開百尺樓

我昔曾從夢見之精靈長接百篇詩豈知流落才無用
猶羨宮娥捧硯時

遊兵營

苔苔拍衡湘屈蟠路如蛇江天風月夜往往聞清笳尋

差字誤入在類不
得以上體通用為解

聲向曲岸燈光出薰葭古哨聚遊兵汛地錯犬牙上下
十數里塘迴互周遮警急一舉烽夜行禁艣艇茅屋三
五間各自比建衙門前蔭垂柳屋後編籬笆恐爾本良
民賦歛逃科差居然長兒女戍久還成家炎荒屬未寧
羽檄方紛拏惜哉好身手宴坐銷精華何當鉦鼓息再
見戶口加

那刹磯弔黃忠節公名觀

國門投水死江寧通海河

天道本好生無端殺機伏惻然遜國際罹此靖難酷天
下自一家諸臣義不辱侍中初出亡乞援向誰哭勢窮
繼以死初念固不欲漸漸那刹磯洶洶怒濤蹴嗚呼蒙
墓地乃在江魚腹賢哉翁夫人偷生不忍獨提攜及二

此處存之以傳
其人

女感激到婢僕舉家十三口同日死江曲真難贖百身
竟用全九族當時故吏士過者不敢目藁葬同一墳夫
人及二女合葬招魂倘來復易名雖兩經弘光南渡廟
金陵塞洪橋北貌未嚴肅我思鑄遺像鎮此千山麓貧賤復何言詩成
淚盈掬

雨後渡攔江磯

片雨南來壓短篷迴看天北吐長虹風纔過處雲頭黑
霧忽消時日脚紅遠岸浮沈沙柳外危磯出沒浪花中
扁舟一葉無根蒂咲擲吾生付柁工

小孤山

峨峨百里外烟鬟望歛矐峭颿兩日程始及抵山脚連

勿法小妾以
避直

山亘兩岸千仞排垠堦不知渾沌來孤嶼孰開鑿初從
山背望上下勢相若兩崖忽中分老牛角紆昔向陰樓
鷓鴣石齒白磊砢其陽峰面銳鵬喙高卓卓青葱起美
蔭遠景翳林薄脊骨不貯土長根自蟠錯旁觀倚崔嵬
遙勢借恢擴大哉造物奇咫尺形體各中腰神女祠紺
碧架飛閣藐焉冰雪姿玉貌坐端慤小雨夜歸梁晴雲
曉寒幕神威不在猛水怪自驚還帖然率群醜俛首受
條約移舟試欲登夸險費斟酌聳肩卻步立窘若被束
縛攀躋雖未成夜枕夢已噩起來攬帶坐波軟風力弱
圓月光吐吞蛟龍恐驚攫

皖口

力之遠別有王架社
長之契此所以不及
七人矣

每畫虛字太多

此種七古亦為
非世玉者

八卦依然列女牆一城斗大劃荆揚雨濃隔浦吳山盡
風澹空江楚水長官渡無人還繫艇客程有樹但垂楊
曾經百戰東南定鼓角殘兵又夕陽
殘兵鼓角夕陽中
明初高季迪題安
慶城樓
詩語也

路灌溝阻風

行李先愁過吉陽荏苒何物尚披猖孤舟喜出兩關阻
一雨能生三日涼紈扇雲皴山入畫蘆花風起客思鄉
柴桑舊事吾猶記咫尺翻嫌路渺茫

過鄱陽湖口望大孤山次黃伐檀舊韻

江長如帶湖如襟廬山挈領高歎峯大孤欲束湖口住
石脚下插三千尋浪頭有時過滅頂噓吸倒影影亦沈

康郎彭郎兩不妬微步但覺凌波深西江賈兒晚泊棹
東南月上明孤斟渚蘩汀芷近楚俗水味洵潔神居歌
群鷗飛盡亂鴉舞瘦藤瘦棘森成陰天青沙白獻濃翠
恍悅余目怡余心船頭擊汰船尾臥末疾不受風霾淫
馬當之險幸已脫一壺珍重攜千金

蘄州道中

設險憑全楚江防此地遷千家猶帶郭獨客偶停船天
濶星如墜江空月最先時危憂盜賊慘澹話當年

漢口

巨鎮水陸衝彈丸壓楚境南行控巴蜀西去連鄢郢人
言紛五方商賈富兼并紛紛隸名藩一一旗號整駢駢

此可存

驢尾接得得馬蹄騁俤俤人摩肩蹙蹙豚縮頸群雞叫
啣啞巨犬力頑獷魚蝦鯉就岸藥料香過嶺黃蒲包官
鹽青箬籠苦茗東西水關固上下樓閣迥市聲朝喧喧
烟色晝暝暝一氣十萬家焉能辨廬井兩江合流處相
峙足成鼎舟車此輻輳翻覺城郭冷黃沙撲面來却扇
不可屏稍喜漢江清浣紗見人影

漢陽晴川閣

已失當年鸚鵡洲晴川高閣劫灰留苦嫌過客多題壁
却咲神仙盡好樓閣傍新創方士書院粉堵日斜浮鄂渚蒲帆風
急下黃州山根一線分江漢不遣清流混濁流

題王方喬齋壁

不存

此雅極順於唐
沈石明白矣待
却安以沈書為
貴也

半捲湘簾不滿鈎大江檻外日東流碧空過盡千帆影
一榻臥看黃鶴樓

安國寺東荷池上

蓮蓬味美差同藕荷葉香清似勝花懊惱休陰無一樹
閉門長日坐僧家

漢江舟夜

露宿風餐兩月餘入秋懷抱少應攄濃陰隔浦初疑霧
晚食投竿果得魚夏口帆來飛鳥外洞庭木落早涼初
楚天微雨瀟瀟夜漁火分光到檢書

漢川道中紀所見

沙岸百尺高水落岸容槁火雲蒸久旱旭日秋杲杲田

不存

早年諸作
未任事錄

新本改云果可活
於先生仍復字
願多可以不改

家候雞鳴趁伴起最早放閒惜牛力飽食眠秋草不念
婦子疲提攜及襁褓桔槔遠灌田俯仰困機巧單衣汗
沾背滿面塵不澡鑼鼓懸柳陰兒童事擊考金燥革亦
乾愁聲振林杪土音帶蠻徭過客不盡曉勞歌有訓荅
各自相媚好豐荒關天運轉瞬誰得保民愚亦可憐聊
用慰翁媪對之我抱慙饑驅空擾擾人言行路心擇食
苦不飽此意行已堅毋為亂懷抱

渡百里湖

湖面寬千頃湖流淺半篙遠帆如不動原樹競相高歲
已占秋旱民猶望雨膏涸鱗如可活吾敢畏波濤

洪湖

七七極改章
矣於亦為非集
中之至者

漢江支流入洪口水勢舒緩地勢窪葑田中開畝千頃
緯經去聲一露渚牙殘荷尚擎歛仄葢紅蓼競吐殷鮮花
鷺鷥聳肩作人立意思閒暇窺魚蝦瀕湖幾點暮烟起
曬網者漁三五家海簪半閒蘆架屋黃篾十丈水占涯
春漲生時隨斷梗秋潦退後依平沙東西北南隨所向
泛泛何異鷗鳧駕老漁顧我咲相荅客行要自同樓莖
我聞此言發狂咲片席飛渡蒼蒼葭

沔陽道中喜雨

一枕涼侵被朝來得晏眠江清收潦後風勁掛帆前宿
雨纔如露秋雲不近天可能涓滴意蓬勃起枯田

初入小河

魚米由來富楚鄉入秋飽噉只尋常如今米價偏騰貴
賤買河魚不忍嘗

將至玉沙舟中述懷呈家季叔二首

村荒人少但寒雅夾岸薰葭一道斜偶到不妨頻問俗
既來何苦又思家愁經零露秋前草夢吐疎燈夜半花
拋却田園荒舊業并攜僮僕走天涯

勞苦官居已六年人傳綠鬢改華顛眼明稍喜流亡復
城小曾蒙盜賊憐五斗粟容彭澤傲一厨酒愛步兵賢
定知情話無窮在幾夜篝燈記不全

玉沙即事二首

銀絲壓髻學盤頭少婦粧成不上樓客久語音通土俗

此等字
字皆在
扯長之
病

路長征戍阻炎州蘆中船去花搖雪柳外天低月吐鈎
淨洗胭脂湖水闊荷陰閒淡自清秋郭外胭脂湖
荷花絕盛
絕少魚蝦入膳庖豚蹄隨意散塘均雞棲茅店鴉爭食
燕去蘆廬鼠嚼巢暗窟草深移蟋蟀晴絲露重綴蟪蛄
乍來寂莫荒江曲欲賦蕪城感慨交

初得家書

九十日來鄉夢斷三千里外客愁疎涼軒燈火清砧月
惱亂翻因一紙書

與韜荒兄竟陵分手兄至荊州余往監利滯留
且一月矣作詩以寄

長江多蛟龍噓吸通潮汐兩人行結束惘惘將奚適維

入聲類全不依
却不知如何
刈可

時夏苦旱千里火雲赤壓頭一扇蓬灸背等煎迫而我
於其間狂吟快新獲兄詩工而遲顧我速以拙篇成必
傳示瑕類互指摘我賞兄不疑兄領我感額丹砂百煉
金點鐵隨手擲文從字怪發往往到擊節績學兄貫穿
懸河瀉胸膈陳言務掃蕩妙解生創闢文章竊願學下
語頗不擇兄爲啟其鑰竒正示體格經經而緯史較若
分黑白溯流止一源馳騁戎旁隙有時雜游戲間亦事
博奕枯棊紙畫局低手兩笨伯毫末勢必爭怒容毛髮
磔推枰起相詢衾枕紛狼藉幸未投諸淵俛首旋拾撫
旁觀但移晷一笑意已釋我飲僅半升兄傾可一石村
沽必盡量醉語有終夕舟子訝未聞家奴憤不嚇漢陽

半月住又復事行役竟陵暫分袂謂作淡旬隔余去向
玉沙兄行指鶴澤萍蹤忽漂散踐約苦難責吾叔方南
征輸將任煩劇尸陵用兵地久滯佐籌畫西風吹客衣
稍欲換絺綌冷暑啼寒蜚庭柯響撼撼獨來閱中秋消
息斷咫尺豈如孤舟夜臥起同枕席正當盛壯時長駕
困短策依回投幕府此段良可惜我年雖少兄本性奈
孤僻輪困剩肝膽感憤腕徒搯妻孥敗人意兼顧終無
術鹵莽一出門何從笑游跡歸與須早計惆悵分飛翮

從監利至荊州途中作

餘恨空傳

謫據還青天了了隔江山

對岸爲華容諸山

人來小

雨初晴後秋在垂楊未老間望遠易成千里隔時危敢

愛一身閒。荆州亦是從軍地。怪得參軍語帶蠻。

初至荆州韜兄出岳家口留別絕句見示和一

首

竟陵小別無多日。又向江陵把一樽。此夕憑君談客况。已如三峽聽啼猿。

呈大中丞楊公二首

烏爨要荒路幾千。牙門小駐且江邊。時駐節荆州他年峴首

沈碑會不羨龍山落帽筵。千古英雄皆史冊。一時形勝

又山川從今覽眺猶多暇。只在披圖聚米前。

樓船直下擁旗旌。絕勝貔貅十萬兵。吳漢威名如敵國。

魏公倚重抵長城。鐵橋徼外先聲度。銅柱天南赤手擎。

8

若問封侯何事業。征南原是一書生。

重陽後六日奉陪中丞公登龍山落帽臺次原

韻

遠上坡陀碧水灣。蒼然平楚夕陽間。可無好事傳新句。

恰有佳名似故山。余所居在龍山故云霜氣銷來還綠樹。狼烟起

處是烏蠻陪遊不少鄒。從事此日風流媿再攀。

荆州與楊語可別

一身萬里逐南征。八口村居累不輕。入幕稍酬賓主分。

勸餐真見弟兄情。雨清江館啼猿夢。天濶砧鄉去雁程。

莫怪從軍還作賦。仲宣樓畔尚徵兵。

荆南秋盡野鶴群飛。楊公有詩屬余並作

不用一字或字以避
熟套之於此種五
古為皆非集中
之玉者



遠遊望滇黔萬里方汗漫中途得小憇朝爽快清盼野
鶴亦出遊聲聞自天半來從織霓端倏過蘆花岼紛紛
排雁陳一一作魚貫或前如導引後者敢奔竄成群似
得朋獨往寧無伴感通在聲氣形影有聚散應防凡鳥
嗾未怕弋者篡那將閒人目送汝入霄漢豈無好爵縻
乘軒方好戰當年羊叔子坐鎮示閒晏可憐烟霞姿曾
作耳目翫氈氈驅對客妙舞恥輕炫故澤今重來華表
如再見荆南有鶴澤相傳
羊叔子養鶴處但令鍛雙抵警露報昏日拾
粒仰稻梁野性恐不慣聳身托風馭毛骨庶可換我欲
從之游招手已難喚

荆人田芝來年老好事所居城南隅瓦屋三楹

小庭曲砌雜蒔花竹性喜蓄錦石貯以瓷盆清
泉涵之因狀命名乞余分咏余以其名不雅不
欲作詩重違其請賦一章以示意

風日媚冬暄行行歷郊陸登高三百步埤堦轉城曲墻
頭見鵲巢老樹出修竹叩門得小憇寄興抵巖谷白鬚
揖相迎一咲情已屬小庭容旋馬關徑故蟠伏插籬竹
架格對面植花木隔簾霜氣清老葉冬猶綠井然見位
置頗未嫌局促琴書了無塵几榻淨如浴清泉貯磁斗
浮面不盈菊纍纍錦石圓紋理細可矚紛紛誇示客手
點口品目寓形窮想像比喻借金玉余咲戲謂翁此事
取遠俗有生經喪亂奇貨手翻覆錦繡折麟鳳珠璣裂

奩軸君家茅堂清枅棋無改築收藏恃無恙彼好非此
蓄奈何清琬具反以穢名辱託名喪其實石意恐不欲
何如兩相忘碌碌復碌碌

初冬登南郡城樓

牢落城南賣餅家空傳形勝控三巴天寒落日千羣馬
葉盡疎林萬點鴉沙市人來穿故壘渚宮烟暝動悲笳
累累新冢荒郊徧還有遺骸半未遮

寒夜次潘岷源韵

一片西風作楚聲臥聞落葉打窗鳴不知十月江寒重
陡覺三更布被輕霜壓啼鳥驚月上夜驕饑鼠鬪燈明
還家夢繞江湖濶薄醉醒來句忽成

雪後

繚牆茅屋閉孤城寒壓鼃厨火未生連日窮陰疑有雨
五更微雪徑成晴坐銷短晷經檐影閒聽隣家壓酒聲
天意似催梅信早望鄉孤客最關情

荊州雜詩六首

要害西南最乾坤百戰餘孤城還矢石陳跡遂丘墟白
日吹笳外枯風落木初暫來戎馬地慙愧得安居
三戶亡秦讖孤軍覆楚師難消終古恨常動後人思形
勝今何用英雄事必奇挑燈繙史傳渾似覆枯碁
中山存後襲失路亦依劉大局分三國深心借一州圖
王須得勢割據豈同仇滿眼俱豚犬應思孫仲謀

梁元仍舊鎮此地屢稱兵禍福憑方士干戈盡弟兄戎
衣臨講殿詩句到巡城世亂文何用君王乃好名
枇杷門外路降表是前驅建業無王氣湘東只霸圖占
星憂客位給札咲家奴秋草荒郊徧元陵問有無
南郡風流地雄藩轂久推梨花前隊擁紅粉後車來馬
酒分麀飶狐裘逐兔回明明軍令在蜀道幾時開

洪武銅砲歌

荆州城頭古銅砲洪武元年戊申造土花剝蝕鏽微生
首尾撞撐任顛倒憶時僞漢方縱橫虎視江東勢輕剽
旄鉞鄱陽一戰收割耳淋漓行告廟荆湘指顧入圖版
駕幸武昌懾苗獠遂令守土頒火器何異分藩鎮險要

集本作鏽微不知誰
改微鏽者却改得
是

邪許聲中走百夫巨材作架牛皮冑二百餘年烽燧冷
講武承平背時好何來寇賊忽披猖將士倉皇棄牙纛
可憐橐鞬等無用下策火攻恃騰趨底貢初曾致島荖
後來特賜紅夸號豈知將軍竟負國俯視焦原縱群盜
彼非吾產且勿論爾獨胡爲亦忘報萇弘碧血釁未足
嗚呼懸目慘無告羸顛劉蹶誰惜之去者自悲來自咲
而今西南又轉戰形制雖存力難効我來見汝荆棘中
并與江山作憑弔金狄摩挲總泪流有情爭忍長登眺

荆州護國寺古鼎歌

臨淮王氣日盪摩東吳西漢兩燭蛾天教禹鼎歸一統
掃蕩不再煩矰落煌煌開基自建鄴豐沛大風時作歌

此篇後有鋪排
之迹不足貴也

金枝玉葉出九塞帶礪錫誓如山河

名山藏分藩記遼王植洪武二十五

年自衛改封成祖靖

難後王自請移荆州要害古重鎮水合沱澧山岷

嶓親藩改封頒重噐汾陰寶氣移騰那遼宮北望四千

里輦致遠自清泥塢

遼東地名見遼史本紀

吳牛回首喘甫定辟

易罔象潛蛟鼉中容百石外菌蠢價重奚啻千銷鍋白

日蓬蓬霽雲起清宵謁謁香烟和百餘年間封未絕嗣

王拱壁垂紈網力營梵寺覲祈福丹碧插漢高鬼峨棧

齧層級疊堦砌翠恩繪藻連重阿明珠百八綴瓔珞黃

金丈六袞韋馱憑將此鼎配清供位置端正平無頗千

林散花傳蔗蔔七葉覆影依樓櫺居人空巷競頂禮一

日萬手爭摩抄年深餘潤溢精采斑駁青綠紋成螺厥

初賜額號護國豈意國步旋跌蹉西北忽傳盜群起轉

掠印棘搖糝河叢祠狐鳴妖廟火雄王雌霸紛么虜公

然出陘入曠衍楚境旁突其誰何鳧毛東浮蔽大海較

塵南下驚纖蘿紅巾方見劇賊走白帶又報官軍過紅

蓮幕乏庾長史碧油幢引揚沙哥廟廷無人經略摧覆

鍊折足遑知他北門吠犬失利苾南微跼鳶悲伏波簡

書右方半塗改泮水左耳全欺訛中軍但思挺鹿豕列

陣孰肯領鸛鵝九州聚鐵鑄一字白金立木招群魔腰

間大弓肅肅羽掌上利劔霍霍磨濕梢積屍填巨壑洗

城漂血生盤渦烏飛白頭竄帝子馬挾紅粉啼宮娥魯

藏大盜竊寶玉武庫烈焰燔瑀戈玉魚晨穿赤蟻穴金

虎夜落毛蟲窠神焦鬼爛逃后羿天驚石破愁皇媧王
坤驚聽或滲漏諾臯載紀從譏訶是時古鼎乃無恙疇
役丁甲來撫呵乾坤元黃蟻旋磨日月來往龍騰梭爾
來一瞬四十載渚宮已長油油禾昆明土灰識燒劫銅
仙泪雨收滂沱城中故物僅留此坐閱人代成飛柯金
剛寶杵衛帝釋彫篆石碣敲頭陀殘僧近前為指點詞
客好事空吟哦吁嗟兮滄桑變易等閒耳區區一物奚
足多

渡荆江

虎渡迴船日又曛。旌旗高捲渡頭雲。聞鷗意到忽飛去。
斷雁聲多時一羣。南入五溪江路盡。西連三峽楚程分。

亂離光景逢人問。或有新詩當紀聞。

白楊堤晚泊

客行公安界。榛莽遙刺天。百里皆戰場。廢竈依頽垣。豈
惟人踪滅。鴉鵲俱高鶩。但聞水中鳧。拍拍繞我船。朝來
望豐陽。稍稍見疎烟。晚泊得墟落。澗沙水洄沿。天風鳴
枯楊。衆鳥巢枝顛。居民八九家。其下自名村。野火燒黃
茆。瘦牛皮僅存。姻親兒女舍。相對籬無樊。我前揖老父。
歎曲使盡言。云自南北爭。兵火六七年。初來尚易支。斗
米換佰錢。去秋忽苦旱。穀價十倍前。朝市有推移。世業
誓不遷。况聞江南北。兵荒遠。哀延逋逃等。無地旅。仆誰
哀憐。我感此語真。歎歎泪流泉。有生際此倚朝夕。計孰

白楊堤晚泊

全悠悠逐徒御即事思田園

公安道中

折戟沈沙極望中勿論猿鶴與沙蟲一江路阻城猶在
萬竈灰飛壁已空便有閒情論戰伐誰能按壘識英雄
分明世事如償博細雨殘燈局就終

過龍陽縣

李衡洲畔水潭潭生計漂流最不堪拋却故園三百樹
來嘗霜橘洞庭南

晚泊安鄉縣六韻

布帆衝雪到小泊記荒程沙岸冬收潦湖光晚放晴百
家成小聚一縣得虛名路險行吟客天驕跋扈兵廢池

猶帶樹殘壘竟無城不到干戈地誰知荆棘生

渡洞庭湖四十韻

一氣吞全楚孤舟望不窮後兩儀浮澹沲萬象入鴻濛冰

雪凝壺淨烟霞拂鏡融恍疑天四合長見日當中散作

魚鱗去虛憑鳥道通洪流年莫紀開坼力何雄險蓄波

濤勢陰防霧雨零落帆分向背瞻斗辨西東晶晶趨靈

域泱泱表大風回車辭崦嵫仗劍倚崆峒絕境何由達

狂飈偶一逢未成騎赤鯉直欲駕晴虹空曠曾張樂軒轅

想馭空鸞雛嬌懈竹鳳唳引荆桐去約西王母行邀東

海童舞幽潛百怪協律奏群工貝闕清於玉冰簾暖似

烘人閒常屬耳天外或呼嵩沈壁攜辭壯燔柴望祀豐

石公其意任在

雜湊

此言山石不似之
延頰得身

嶺上石

逢誤二

老

居然憑嶽瀆渺矣托神叢河伯憂方大蚩尤禍忽終長
鯨摧爪甲封豕殪豨縱不分驅秦鹿終成失楚弓紛紜
吹野馬變化到沙蟲貪說含珠睡乖從割耳龍蛟涎腥
蚌窟魚目闖龍宮往往狼爭肉紛紛雉離置崩沙埋鎖
杙壞板拆矇矓短景西南陷浮氛宇宙充客行愁渺渺
事往惜匆匆飄泊今無地吁嗟一倚蓬向來拘眺聽渾
似出樊籠弔古夫何及傷時又不同九疑荒率指七澤
蕩明瞳易觸蒼茫句難消塊壘衷非才慙擊楫有識咲
從戎不作沾泥絮翻隨別蒂蓬文詞新畫虎爪跡舊飛
鴻壯志銷積俗流年撫薄躬中流發長嘯誰負濟川功

臘梅和中丞公韵

此字似猶具神
氣矣



一枝開異域獨秀殿群芳
梔額黃添暈檀心蜜作香
折應傷歲暮力欲挽春陽
待共梅花咲先期耐雪霜

武陵除夕

嶺徼溪山指後期
楚天風物莽參差
江船雨鬧羹魚市
岸柳波柔飲馬池
俗陋初逃兵火厄
年荒真覺酒醪糜
春光已作先庚報
試看燈花爛熳時

敬業堂詩集卷二

海寧 查慎行 悔餘

慎旃集中

盡庚申一年

廿一歲

喜季叔自荊州至二首

會合期難定，蒼茫憶舊秋。
烽烟隨地滿，書疏隔年收。
薄宦供驅策，空囊愴去留。
荆南曾久住，回首似并州。
再見干戈地，方知骨肉恩。
人情方畏虎，客路漸啼猿。
那得窮無恨，惟應醉勿論。
如何連夕話，多半是田園。

人日武陵西郊閱武二首

鷹揚盪決勢無前，鯨角相持又一年。
豈謂陳湯寬吏議，尚煩充國策屯田。
桃花色映巴滇馬，杏葉裝成子弟韉。

漫說秦人曾避地而今此地是窮邊

如茶如火望中分鼓角鏡鉦一路聞黑齒舊疆仍結壘
綠旗別隊自將軍轅門誰上平蠻策朝議先頒諭蜀文
翰與書生工策奕疎簾殘局轉斜曛

再遊德山為雨雪所阻留宿乾明方丈次石間

周益公石刻舊韵二首

石在羊生府城東南石刻七已

但令興到便登山路轉鳧鷖第幾灣福地自留蒼翠外
閒身偏在亂離間殘碑日月看仍在前輩風流許再攀
五百年來如轉瞬知從何處證無還

城外清江江上山依然白浪捲蒼灣雪飄燈事闌珊後
春到梅花淺淡聞竹樹一丘迷出入樓臺幾處記躋攀

茶烟芋火前因在信宿留人未遣還

春晴登朗州城樓

沅水湘烟入望深郡樓閒上當登臨晴邊日作薰檐氣
亂裏歌傷去國心芳草迎船迷舊岫綠楊盤馬試新陰
劉申去後空城在水次猶傳上堵吟

三閭祠

平遠江山極目迴古祠漠漠背城開莫嫌舉世無知己
未有庸人不足惜放逐肯消亡國恨歲時猶動楚人哀
湘蘭沅芷年年綠想見吟魂自去來

朗州絕句四首

翎雀彈來新調多竹枝舊法定如何居人不解邊頭曲

只唱西風葉葉歌

江干草市竹爲椽容易移家逐貿遷昨日官軍又南去
辰溪一路有新烟

雨餘天氣好清明薺菜花開去踏青樂令園荒桃李盡
更無啼鳥入空城

督師聲勢震蠻荆父老徒誇畫錦榮不信但看楊相國
遺恩還在鼎州城

○武陵送春

時初聞官軍
源復辰州

○箭○履○籃○輿○幾○地○逢○春○華○一○夢○記○南○中○草○痕○吹○過○青○楊○瘴○
○花○信○飄○殘○盡○角○風○燒○尾○蛇○應○流○枉○矢○驚○絃○鳥○亦○避○虛○民○
○桃○源○只○隔○孤○城○外○流○下○辰○陽○戰○血○紅○

舟發桃源

武陵溪口朗江灣花落鶻啼血正殷楚甸回看惟見水
蠻程從此始登山分灾小劫推移過避世遺風想像還
但使耕桑能復業仙家原自在人間

○辰龍關

結陣愁雲傍水濱望中高勢故嶙峋古來形勝知何地
天下英雄竟少人獨戍饑鴉喧落日連營荒草壓征塵
曾經官渡相持後柵孔枝枝插柳新

海螺峰歌

楚南地窮山聚族逞怪爭竒走相逐桃源以上篁箐多
碧玉簪如春筍束海螺一峰天下竒形模髣髴神依稀

雷礮鬼斧劈不得造物伎倆初奚施中豐上銳下微窄
凹處痕青凸邊白古苔繡錯十六盤蠻髻椎高二千尺
輕身想像窮烟霄仰天一咲天爲高不知獼猴爾何恃
騰擲絕頂相矜驕似聞老螺生海底鯤化鵬飛忽移此
偶然蝸殼吐饒涎倒覆江干吸江水我唾汝腹彭亨幾
許寬安能吸盡五溪之奔湍天公渴汝一掬慳故實汝
腹封泥丸嗚呼已實汝腹封泥丸只合棄置當百蠻胡
爲秀聳拔萬山坐令荒徼人俱頑

清浪灘

怒勢中流劈浪開蟄龍潛處起驚雷衣冠如故神留像
牙角爭雄石騁才鄉戶幾看疲輓運洪濶何事故奔積

炎荒有路天難限百險終須楛柂來

北溶驛

西隔辰陽纔百里傷心戰地見何曾尸隄林下烏爭肉
瘦棘花邊鬼傍燈井與田平柴柵廢燕隨人散土巢崩
相逢漫說從軍樂一飯無端百感增

辰州

連岡猛火夜燒營槃瓠西來尚有城百雉憑高經雨黑
五溪流惡入江清就傾廬舍全無主畏險舟車半不行
欲訪遺書尋二酉旁人指點笑書生

壺頭山伏波廟

功業蠻方萬古尊當時朝謗竟騰喧耿舒本意難同事

朱勃猶存解訴冤馬革裹屍言竟驗雲臺圖像事休論
中興諸將俱茅土不解於公獨少恩

發辰州馬上大雨

百折岡巒去復迴弓刀小隊轉城隈馬頭雲勢俄爲雨
谷口泉聲併應雷礮礮連山愁路滑離披滿眼惜花開
竹雞無賴啼偏切直送行人度嶺來

宿五里亭

舟行脫險還遵陸跋涉誰知險更并牛跡水添三尺澗
雲頭暮轉一峯晴頗聞西上攀躋苦却嘆南遊性命輕
細數道旁雙隻堠辰陽辛苦是初程

羅舊驛

徒固有力

陽明舊日留詩地我到偏傷亂後情淺草平陂荒微路
殘陽小驛舖司城西征將帥猶堅壁時前軍尚駐沅州南牧牛
羊各占營此日蠻人皆佩犢不煩布穀苦催耕

午日沅州道中

一年傳旅食吳楚隔干戈蠻果枇杷熟山花躑躅多蒲
魚鄉國味風雨客程歌佳節今朝是誰知馬上過

○沅州卽事二首

萬馬南來牧宿荒連山淺草不能長營門日暮聲如沸
論擔分錢買綠秧
官兵十萬擁岩隈糧運頻煩羽檄催米價最高薪最賤
炊烟晴散盡梁灰

此是先生能事

雞冠岩

絲路微從鳥道分半空雞犬隔江聞雨聲飛過岩頭若
多少人家是白雲

漾頭司

雲山獅口寨風俗短裙苗兩郡封疆錯孤城控制遙遺
民收野芋狹路入山椒怕見征南騎臨江叱馭驕

自沅州抵麻陽二首

半月天無一日晴亂山處處走溪聲廢坪隔岫分秧水

楚南皆山地稍寬衍者名為坪小砦因高占土城鄉民避兵者俱踞山築城名曰土砦楚

樹含情如有待蠻花間俗總無名嶽崎路在風波外不
礙行人觸暑行

欲知黔楚分疆處只在孤雲兩角邊自是勞人貪僻路
也如渴馬愛清泉參天有勢松何健肖物能工石亦妍
一片銅崖青入望夕陽跼跼數飛鳶

初入黔境土人皆居懸崖峭壁間緣梯上下與
猿猱無異睹之心惻而作是詩

巢居風俗故依然石穴高當方木顛幾地流移還有伴
舊時井竈斷去聲無烟餘生兵革逃難穩絕塞田疇瘠可
憐好報長官蠲賦歛獼猿家室久如懸

大雨泊黃蜡關江水暴漲黎明解纜諸灘盡失
矣

頑石堆瘦瘠清江曳羅帶黔山雖可憎黔水頗可愛雨

聲怒流濁曉鏡忽破碎千年老樹枝礪石亞完魂小舸
啣尾去脫葉舞澎湃榜人顧我笑壯士行何畏來當異
華交夸險視一概誰能守孤蓬鬱鬱坐久待輕生犯過
涉既濟稍知悔

早發齊天坡

山偏嵐氣侵仲夏曉猶冷離披馬鬣濕十里霧未晴
雲莽迴湯陸海開萬頃東日生其間金丸上修綆殷鮮
一輪而倒射却無影蒼茫樹浮藻叅錯峰脫穎攀躋足
力窮目賞得奇景方知夜來宿乃在最高頂

六月十五夜銅仁郡齋坐雨憶去年此夕同韜
荒兄潯陽對月有作

琵琶亭外記停船昨歲今宵月最圓短篷迴風溢浦浪
孤燈響雨夜郎天文章幕府才相左鱗羽天涯眼並穿
若笑歸程余較遠江樓鹵上又三千

兄時在南
昌幕府

枕上偶成

漏盡雞一鳴遙遙村砦裏須臾徧城市歷亂殊未已晨
光澹列宿虛白上窗紙夜來江湖心夢斷不可理似覺
柔櫓聲啞啞猶在耳

連下銅鼓魚梁龍門諸灘

上灘力相爭下灘勢相借連山百餘里一抹蒼然化輕
舟紙作底百折穿石罅雨雹飛兩旁雷霆奮其下篙師
心手習快若王良駕又如鼓強弩東向海門射胥濤浩

蕩來歛怒却退舍河神况小婢拍摘或遭咤因斯悟至
理出險在閒暇向來覆舟人正坐浪驚怕

麻陽田家二首

牛羊爭隘巷井日蔭高木村村聚一姓雞犬並食宿兵
荒分同死男女不輕鬻所以五溪蠻古來多巨族
俗貧盜見棄夜戶可不設翻為防逃兵鄉社有團結隔
河聞人聲睽睽鬼燈滅我欲從之言灌莽高八尺

浦市晤宋梅知兼贈別

與子總角交賤貧互相得自從行萬里始作可憐色兩
萍浮大海後會那可即初春得子書感子遠相憶令兄
久辭家托我覓消息武陵快相遇恍與子面覲頗怪經

此首用韻太雜

於頹作詩為
非難事矣
令人不可解

亂離神清髮深黑報章走急足與爾慰饑怒十年一紙
書奚啻萬金直平生骨肉恩獨往輕遠涉沅江石齒齒
白日飛霹靂投軀試奇險聚散俱慘戚汝兄我先見我
弟汝新別兩家兄弟間異姓派如嫡銅崖聞子來喜劇
遽走覓買舟下浦市石觸舟中裂怖餘身幸在再理渡
江檝沙頭重把袂迎面淚反滴開口先暄寒次第家事
及子言聊慰我指似聽歷歷舍弟辭人幕今年復家食
別中六寄書此度凡兩接是日接德尹所寄第六札子來喜見飛飄
泊手重執余行別諸弟渺渺孤飛翼同落百蠻中悲歡
儼殊域江天秋平分晝夜五十刻月魄哉初生飛蟲撲
燈入從昏話達旦對酒唇不濕別當爭戰場岐路莽南

北子颿已高挂我馬尚羈勒去去勿回頭涼風在蘆荻
重陽前一日銅仁郡齋得韜荒兄豫章信

豫章書到雁程勞山館孤燈夜屢挑怕說重陽又明日
南來何地不登高

此批字誤入二蕭其在

銅仁書懷寄德尹潤木兩弟四首末章專示建

兒

客行已度萬峰巔咫尺西南接漏天雲棧險應輕蜀道
布帆穩憶上吳船家書眉鼻題難盡春草刀環夢未圓
了了故園東下路洞庭高浪白門烟

虛名小郡笑猶存官舍無烟米不屯鵝鴨池荒餘棄壘
漁樵人少但空村路窮江口船稀到山近黔東石盡懸

最是子規啼未歇插天丹嶂起露痕

眼見青旗換白旗幾聞殊俗震餘威月斜嚙虎巡城去
風定饑鳥繞樹歸超石諸營兒作戲射生別帳妓成圍
飛書草檄非吾事悔著征人短後衣

阿庚失學阿承癡滿架殘書急護持不願生兒還似父
尚憐有叔可為師殺雞為黍人誰過綴鳳粘珠想要奇
便使他時能典謁草堂花發是歸期

高慎旃罷官入都索贈行之句

八年遠宦阻迴車萬里高堂悵倚廬

少司寇先歸路已生尚在堂

遲鴻鴈後逢人猶說亂離初蘭成恨滿江南賦孝穆情
真僕射書此去朝家崇吏事崔瞻蘊藉比何如

送雷玉衡赴印江學博任

雙江路盡還雙峽此去休論跋涉難
秋雨隔城聞戰伐夕烽傳點望平安
鄉程漸近柝榔樹宦味初嘗首着盤
昨夜尊前頻送喜燈花何負鄭虔官

得家荊州兄都下書久而未荅夜窗檢笥中舊札因續報章并作二詩奉寄

朔南踪跡兩浮萍爾渡滹沱我洞庭
橘柚候依京國雁茱萸會散故園星
瘴鄉弓力秋來健沙磧笳音嶺外聽
若向此遊論客况兵荒一眼曾經

陳東倘許持清議經濟如兄綽有餘
夜雨新豐空作客秋燈絕徼又開書
絕竒世事傳聞裏最好交情見面初

如此畏塗須閱歷興闌吾欲賦歸與

銅仁秋感和劉丙孫六首

風物移黔境關城接楚邦亂山爭戴石
細水亦名江遠燧連苗砦孤燈冷客窗
崎嶇經戰地游屐不成雙

吾亦疑天意人間事渺茫陣雲秋易結
驛路晚偏長雞犬無安土衣冠剩古粧
少年鞞袴好輕薄笑蠻方

郭外於菟穴城中跋扈兵幾時除獫狁
終日逐鼯鼯警急傳雞羽悠揚聽角聲
草間殘子在却立望昇平

居民竄崖谷顏狀類麕麇薄賦猶輸賧
餘生各戀家銅苗收石綠金氣辨丹砂
輕蠻貨何時到客槎

隙火飛蟲入庭隅樹影生月光經雨淡
嵐氣入秋清南

味疎鮭菜西風到。鱠橙可憐鄉夢斷。戍柝正三更。
莫謾愁羈旅南遊。計亦良主。嫌蘆酒濁。客愛野蔬香。珠
米升春雪。刀魚寸縷霜。蹉跎叨七箸。容易送流光。

秋懷詩并序

蠻城秋晚風雨淒其。懷友思鄉。一時并集。次第有作
得詩十六章。江湖浩蕩。分寄無由。異日奉几杖於先
生。寫心期於同好。當出以相質。用博和章焉。

諸詩皆前年
典故

四海靈光劫燒餘。名山一席老仍虛。及門漸散天南北。
舊事閒隨夢卷舒。黨論甘陵多擬似。交情中散從何如。
公朝謾有程文海。又費先生却聘書。姚江黃夫子掛名
薦贖知驅馳無力

不能北
上也

事與心違。恨久離京華。一信底差池。望窮難覓衡陽雁。

客到遙傳塞上詩。南國霜華蓬著鬚。東籬秋信菊如期。

買山歸臥談何易。始覺巢由是盛時。外舅陸射山先生
久留都下。短章勸

駕情見
乎辭

黃浦花深護竹扉。隔江城郭鶴初歸。風生故壘餘蘆荻。

天遣西山長蕨薇。註易十年留小草。憂時一涕肯輕揮。

老衰來往錢唐路。藥裹丹爐計未違。黃晦木先生註易
垂成近復事黃治

術之

青山無恙罷登臨。收取雄才入苦吟。快馬短裘他夜夢。

荒亭野史故交心。謂金正
希先生愁侵衰髮絲何極。老傍窮途

感易深。一片臺城吹角外。秦淮烟柳變秋陰。王汾仲寓
居白門

村為不工

江桓旅
人王楫

板輿自草閒居賦駿骨何心羨築臺評許客來論舊雨
能令人妬是奇才對門瓦屋相望住謂斯年稱意溪花
一笑開還有江山傳好句青蓮曾到夜郎來長水李
南戒江山破涕新傳臬壺門長貧英雄混跡疑亡賴
風雨高歌覺有神一劍乾坤鳴怪事六朝裙屐咲文人
采蘋橋畔留詩別母在尤宜惜政身白門王璞菴
管鮑雷陳原有數臨岐執手語分明後來此會知何地
同輩如君豈好名薄俗誰堪論古道浪遊吾恐負平生
但令出處存初約應諒天涯共此情客夏同人餞別於
事紛然感懷同志作
詩寄主人朱與三
憶從奉杖別岩隈遠在馳箋又一回軍角風高蟲語合

後教為不泚教

獵塵秋早雁翎開石光敲火三年過銅柱無名萬里來
珍重先生期許意緘題欲報每遲徊家伯二南
酒幔河橋柳拂絲故人欲折並依依篋中行卷春留別
畫裏孤颿客憶歸蠻郡秋聲迴鼓角戰場風力展旌旂
賣文剩買防身劍不改從軍一布衣朱人遠陳揚謙子
蔡黃主一各有文

見送繼緣之意
別後不忘也

三徑無資謾管絃清才差勝廣文壇藍田記入昌黎集
絳帖碑留淳化年一縣葡萄秋釀酒千家砧杵月臨邊
豬肝不用供他客雙鵲東軒信早傳陳子文舉家赴安
邑承近聞子厚亦

作晉游同
此致意

存歿相關事忍論桓山翼折嘆賢昆謂鳳久從恭謹傳

此淳化年淳年雅
實難改社不及前
孫仲謀之孫字

家法却幸諸孤聚義門二頃良田貧減價兩朝汗簡淚
添痕買隣擬就墻東住及取遺風教子孫祝彥方南宮下第閉門讀史無孤姪如已出言念及此不無存歿之傷

望衡對宇雅相親南阮才高不諱貧帶雨村春晨隔巷
歎門燈火夜留賓兩家子弟如行雁一姓婚姻少比隣
角酒爭棋曾此地荒雞絕微夢何因王子穎右朝兄弟

石佛橋邊一繫舟遠來情感寄書郵關心風雨經聯榻
輕命江山博壯遊木葉波仍浮楚甸蘆花雪又滿吳洲
莼鱸橙蟹家鄉味容易懷人負好秋徐孝績有書見存並簡盛鶴江徐淮

江程禹聲諸子

消息烽烟萬里通憐余踪跡久從戎羞言處士河陽幕

豈有書生絕域功浴鐵甲分秋練白蠟丸書傍燭花紅

知君矯首西南望懷友思親一概中得楊嵩木京邸書

晴川高閣揮杯後兩度西風閱歲華鷓鴣夢銷江上草

鷓鴣啼老日南花舞迴雞枕宵初半讀罷魚書飯好加

莫道楚材多放廢居然屈宋起名家漢陽王孟穀羅魯峯

曾作江湖同隊魚洞庭南上更愁余舊遊想像重題閣

故國平安有報書去日兒童皆項領同時牛馬亦襟裾

捉刀未了生涯事只是羞乘下澤車與韜菴兄江陵分手兄赴豫章余至

沅南相望各天音塵負隔比得鄉信因寓感懷

同沈將雲楊魯山遊銅崖

雙江合處勢滌洄地盡中流忽有臺沙際馬知寒潦縮

此同字平聲為不助
為甘在末首為覺
水來者力耳

城西鴉帶夕陽回年深兵燹碑難讀路入榛蕪眼劾開
片石只從開闢在題詩曾閱幾人來

天擎洞歌

黔江自與楚水通楚山不與黔山同神靈有意幻奇譎
使我豁達開心胸初披榛莽覓微徑旋渡略約踰奔洪
水窮雲起巖洞出外象軒翥中含空陰叢轟轟聚蚊蚋
老骨硤硤摧虬龍懸崖俛瞰勢將墜一柱突兀撐於中
蜂房倒垂作層級鐘乳亂滴穿玲瓏不知瀑布之源在
何許天紳飄下朝陽東石梁截斷千匹練明珠迸出鮫
人宮又疑蜥蜴吐沫散冰霄寒氣飈飈生迴風長林豐
草四時潤雨露不到誰尸功

重過齊天坡

十月新寒障已輕萬峰濕翠雨初晴人來天除斜陽影
馬踏雲中落葉聲杆軸誰憐民力盡郵亭遙數成烟生
半年遊跡愁重到何計雲山慰客情

再至沅州哭劉丙孫二首

幕府論交快得群天涯失意手重分不應小別輕揮淚
豈謂重來果哭君中秋前在銅仁酒盡賣衣裘供薄殮
誤他僮僕遠從軍瓦燈相對僧窗夕忍讀龍場瘞旅文

劉官吏
目故云

偶然倡和成詩讖鵬賦長沙最不祥丙孫秋感詩有長
沙鴉似鵬腸斷洛
陽年之句萬里慙余稱好友一官累爾死殊方招魂有母傷

垂白昇櫬無兒等國殤拚却負薪貧也得九原應自悔

辭鄉劉為安丘相國次子

送楊魯山省覲歸里

殷勤卮酒別蠻天安穩圖書壓客船經眼雲山窮戰地
稱心詩句遠遊篇綵衣綫綻三秋後白髮花穠八座前
不載丹砂供服食閒居一賦已如仙

夜觀燒山和中丞公韵

寒空月黑燄初熏照夜俄生萬嶺雲赤幟千人爭趙壁
火牛百道走燕軍危時莫以烽為戲我意方憂玉亦焚
不信劫灰吹不盡草間狐兔尚成群

麻陽運船行

麻陽縣西催轉粟人少山空聞鬼哭一家丁壯盡從軍
老稚扶攜出茅屋朝行派米暮催船吏胥點名還索錢
輓轡轉絙出井底西望提溪如到天麻陽至提溪相去
三百里一里四五灘灘灘響流水一灘高五尺積勢殊
未已南行之衆二萬餘樵爨軍裝必由此小船裝載纔
數石船大褻多行不得百夫并力上一灘邪許聲中骨
應折前頭又見奔濤瀉未到先愁淚流血脂膏已盡正
輸租皮骨僅存猶應役君不見一軍坐食萬民勞民氣
難甦士氣驕虎符昨調思南成多少揚麾白日逃

雪後平溪道中時官軍初復貴陽

馬足聲堅凍未融楚南晴雪照黔東百家廢井懸軍後

一路啼猿灌莽中。斑白逢人愁鋌獸。萑苻何地集哀鳴。
書生亦有傷時淚。袖濕征鞭裹朔風。

清浪衛廣福寺

瓦礫城隅萬竈旁。居然古寺比靈光。殘僧一去塵蒙佛。
盡角孤吹夜雨霜。劫過昆明灰尚黑。年深龍漢事全荒。
斷碑知是何年物。野火燒來栢葉香。

飛雲巖

白雲本在天。變幻隨所到。無端忽隨此。穴地啟洞竅。石
髓久漸凝。靈姿特神妙。軒軒勢欲舉。外秀中驚鷲。望勞
佛力鎮。刻畫恣凌暴。山靈怒不受。企脚首頻掉。猶虞從
風揚。出山不可叫。呈形寓百怪。意想得竒肖。昂昂舞獅

象。狼狼蹲虎豹。蛟龍護鱗甲。鸞鳳披羽翽。或疑人卓立。
又似波傾倒。形容口莫悉。覽勝難領要。造物太雕剗。將
毋元氣耗。林泉爲映帶。芻引轉深奧。清陰蠹古栢。遠響
落幽瀑。遂令過客心。出入殊靜躁。惜哉靈勝境。乃落西
南徼。好事偶一逢。高情復誰較。獨留陽明碑。千古表蠻
獠。

王文成月潭寺碑記聖果亭偈石刻俱在焉

度油榨關

平明走馬出城闈。峭壁西風冷。偏身轉粟上天。非易事。
據關連柵。復何人雪填土窟。埋屍淺水裂刀痕。逆血新
等是三災。逃不得疆場溝壑。兩窮塵。

題鎮遠中河寺後石洞

一片青山展石屏天光西豁灤陽城豈知躍馬橫戈地
猶有晨鐘暮鼓聲

黎峨道中二首

馬滑前岡冷未消冷音另點中冬月霧雨之一鞭絲雨

上衣潮瘴茅黃過三郎舖寒水清涵葛鏡橋

青紅顏色裹頭粧尺布縫裙稱膝長犴狓打牙初嫁女

花苗跳月便隨郎

黔陽雜詩四首

蚩尤百丈吐寒芒時有彗星之變殺氣西南莽未央燕雀君臣

空殿宇蜉蝣身世閱滄桑亂山似作孤城衛橫戟誰堪

一面當錯料夜郎知漢大井蛙曾此自稱王

休將臥虎比前禽諸將功高賊未擒
梟馬隔城邊草瘦幕烏啼曉陣雲深
盤江路盡黔疆險鉤棧人從蜀國尋
一片壽陽汚血地浪傳田叟哭王琳

玉斧銅標界有無苴蘭城外亟儲胥
田橫客已辭窮島樂毅功難敵
謗書官濫羊頭爭獻鏡謀新鼠穴可乘車
英雄子論誰是廣武登臨歎有餘

吹唇沸地勢縱橫約束人稱峽路兵間道無援防豕突
叢祠有火散狐鳴殘年租賧催何急鬼俗流離命已輕
勿倚弓刀能殺賊向來漁獵本蒼生

送王兎菴學博赴安順

芭蕉關前打戍鼓漏天十日九日雨西征健兒猛于虎

道傍箐深狸伺鼠朝行縛人暮驅牯張目睚眦避無所
仲家生苗砦無主肆虐公然曠強弩野無烟市絕行旅
飛鳥山山鍛毛羽爾獨胡爲此焉處別家十年長兒女
失意勿復論鄉土文章下筆造竒古詩法亦可籍湜伍
髮須如絲白縷縷宛然褒博說鄒魯及門弟子紛可數
往往功名拾芥取先生齒豁五十五猶抱麀經應科舉
廣文片擅寒且苦顧獨求之榮袞黼僅留僮僕喪資斧
別我西行何踴踴我爲爾歌爾起舞舞意低昂歌激楚
而今輸邊方用武何處堪容腐儒腐桑榆有路行可補
曷不去作咸陽賈

貴陽除夕次德尹去年此夜湘南見懷韻

秦城趙壁價誰償隻影隨身漫去鄉
劍氣久寒忠拂拭
雞聲無伴起徊徨
吟殘蠟燭三更笛
夢結春雲千畝桑
不是無家輕遠別
天南回首一推腸

敬業堂詩集卷二

敬業堂詩集卷三

海寧 查慎行 悔餘

慎旃集下

廿二歲 起辛酉正月 盡壬戌四月

辛酉元宵月蝕

顧兔乘鸞事總乖
暗塵誰鬪踏燈鞵
但期來歲圓還再
肯照人間缺亦佳
金筑舊聞荒野史
玉川奇句抵齊諧
素娥似有刀環約
漸放清光入客懷

黔陽蹋燈詞五首

川主廟前啗笑來
花蠻猶學裙釵馬
鞭攔入北門去
閒殺新城普定街

不用彎環竹架棚
長條宛轉曳紅繩
月光人影蒙籠裏

一色花籃廿四燈

雄蜂雌蝶擁官衙先後輪番唱采茶忽轉歌頭翻四季
聲聲齊和牡丹花

龍尾龍頭五丈餘葺鱗鏤甲洗兵初班頭舊出霧官閣
鼓板中間領木魚

赤脚媿徒鬧掃粧木梳籠髻去隨郎一年一度蘆笙會
又趕春山跳月場

滇南從軍行八首

漏臥响町接夜郎井蛙穴鼠口尋常開邊使者今頭白
他日嬰兒號竹玉

旨下羊皮督責多前軍追電出祥牂城烏三匝重圍外

聽唱先鋒敕勒歌

捷書夜半刺閨還再發西山板楯蠻特賜龍家懸鵲印

士丞新綴總戎班

金馬關頭毒草春道傍掩鼓不驚塵受降老將幽燕種
半是當時獻鏡人

三道兵威轉戰餘革囊潛渡計何如肉屏盡向金沙路
可少姚樞裂帛書

朝家納粟重輸邊卜式才高逐賀遷不是湟中甌脫地
何勞封事策屯田

天地鴻濛儼再分別傳科斗出奇文就中機密無人識
惟見飛書入北軍

稱帝稱王意自慙投瓊一咲抵朱三桔槔烽火同兒戲
兩度燒營到博南

軍中行樂詞十首

旌旗小隊插竿竿簷簷聲中路百盤明日山頭移帳去
牛毛鵝毳滿兵欄

猩猩貼地坐鋪氍紅點酥油一樣鮮普洱團茶煎百沸
偏提分賜馬蹄前

斑鹿黃羊左右盃射堂割炙盡羶腴行廚可口烹鮮味

新淪羹湯進鷓鴣

此字本不用字是誤讀跳為反字

粵西白獺近來多項鎖金鈴跳碧波鷹犬技窮渾不用
旌門別唱打魚歌

果下名駒愛水西騎來鬢鬣剪初齊戰場多少洮河種

骨立秋風向北嘶

臂鞬小鷄覓窠雛密箐深榛近却無駙馬手書馳驛到

羽毛四出比軍符

仲家苗弩末猶強機轉銅牙怒蹶張楛矢舊曾克武庫

特煩中使到炎荒

衙頭樵牧占官莊射虎歸來白日藏夜夜橫屍荆棘地

浪傳車騎出南塘

萬里京華十日通雲邊優詔下軍中錦袍貂帽征南將

拜賜從誇第一功

五千名籍隸西江乳臭居然擁節幢太尉一軍長不調

擐蒲蹴鞠自雙雙

邸報二首

曾趨絕域拜昆盧降將還朝籍未除博得封侯須好語
太平天子是文殊

暴露揚灰罪未伸肯容武庫貯亡新專車長狄僑如骨
四出猶煩驛騎塵

即事二首

嬰婦粧成細馬馱梨園立部曼聲多太常別有平蠻樂
不取金釵玉樹歌

幾處開疆議叙同綠旗歸去亦分功新加細鎧銜都督
寶頂朱纓隊隊紅

諸葛武侯祠

割據人才出真從運數爭苦心扶季漢餘力到南征廟
古寒鴉集山高薄雪成渡瀘緣底事錯莫咲書生

自正月以後不得德尹消息用少陵遠懷舍弟
穎觀等一首六韻

聞汝辭人幕經時少寄書兵戈淹別日梅竹且村居池
草詩爭秀蠻燈歲逼除兩年期易爽十口計全疎殘雪
啣雙岫春冰破一渠依依游子夢長自繞林廬

白櫻桃花歌

空庭瘴消風日春櫻桃花頭繁且勻枝南枝北並時放
初月隔窻浮粉雲梨花無香李太俗別具幽艷存天真

石為雀作

山胡飛來好毛羽字清調熟啼聲頻金鈴風細驚不起
啄花如妬花含嚙有時一片近人隊酒面掠過香烟熅
故園開時記寒食年年讌賞遲芳辰依稀為汝評品格
杏花顏色同鮮新眼前一樹白堆雪開及二月當初旬
近南已得天氣早雅態更自離紅塵有情相對萬里外
一醉何必非前因明年花時定誰賞我是今歲吟詩人
得家信

吉禮除喪後悲驩意各真他時憐弱穉此舉慰先人與
俗寧從儉傳家合稱貧一門婚嫁畢兩姓恰朱陳小姝去夏

歸朱季弟
今春聘陳

寒食看海棠

不見鞦韆架榆烟火又更轉防花咲客真覺雨無情綺
句紅紗護微風翠幄迎萬山樵採盡憐汝獨傾城

此真字不真

偶遊東山寺

草長忽無路重來跡已陳寺貧僧乞食臺古佛蒙塵兵
火殘碑劫鶯花絕域春近南多戰壘愁殺獨游人

檳榔

不愁侵瘴癘開闢得竒功遠客熏顏醉蠻孃論口紅香
迴金醴液清漱玉川風萬里經相識誰憐庾信同庾子山

柳詩莫言行萬
里曾經相識來

啞酒

蠻酒釣藤名乾糟滿甕城茅柴輸更薄桐酪較差清暗

此篇字有作
者

梅却驚宮頰
風勝矣

露懸壺滴幽泉借竹行殊方生計拙一醉費經營

送彭南陔赴長沙即次留別原韵二首

畫灰竒計決從戎入幕何妨許掾聾鄭俠圖曾傷目擊
陳琳檄可愈頭風嘉魚有味江東好老馬無群冀北空
車壁擊殘壺口缺白頭白盡雨聲中

湘中風物近何如太息羅含未定居竹閣語清悲擁髻
芝田春秀夢迴車頻垂旅橐千金散獨泛歸舟一葉虛
劫火不燒周易壞乞音君枕秘發竒書南陔臨行投
余河洛易數

三月十五夜夢遊南湖追憶舊好因寄淮江

夢趁歸心得故園鴛湖遊跡宛然存濃烟隔浦浮諸塔
春樹分行綠一村萬里烽烟遊已勸三年光景向誰論

往來最憶尚書墅柔櫓伊啞直到門

四月十六夜喜雨

天苗小砦破春畊生造二字如此後錄異俗差堪慰客情萬井雲烟拂小閣
四山雷雨動空城漏侵書榻移難定臥想園廬去未成
好是綠針浮水候陂塘徹夜有蛙鳴

黔陽即事口號三首

帳有炊烟戍有樓山無林木水無舟王瓜入市家家病
箐雨經梅日日秋苗婦短裙多赤脚僮尺布慣蒙頭
兵荒滿眼圖誰繪卉服先教遞速郵

土產丹砂及水銀若論肥腴自來貧蠻分烏白皆名鬼
麤合東西略似人莧葉分鹽沾鳩舌棋榔和血點猩唇

水西小馬新來貴買得偏誇內廐珍

役夫肩背幾曾停楨尾歌殘忍再聽劫過流亡初著籍

碑傳德政已鐫銘羊腸鳥道千盤瘴馬背牛皮百鞘釘

正是西南需餉亟螳螂川路接蜻蜓

上恭謁陽明書院

不遣先生成謫宦誰將理學闢荒榛後來事業皆由此

異俗詩書遂有人複壁只今留絕徼劫灰終古怨亡秦

講堂亦與兵戈厄馬踏空堦萬瓦塵

送秦望兄東歸

萬里相逢有弟兄羈孤無那送君行雨腥雙袖弓刀血

風靜諸山草木兵夢裏田園重到眼蠻中兒女自成聲

極南從古無秋雁歸去休輕議子卿

懷葉鄧林副使播州

重巒疊嶂鎖空壕蜀徼孤城近不毛佛現催晴秋閃閃

鬼車啼雨暮騷騷宦途載涉應知味鄉夢頻歸可憚勞

計日江南秋信好黃花酒熟待登高

得都勻汪明府子參書却寄

劔河秋漲轉山鳴桂象天低瘴壓城旅况難辭邊邑苦

蠻人能愛長官清巖光夜放金蠶蠱兵氣秋荒木箐耕

此際回頭家萬里可因捧檄慰毛生

送李子受往武陵並簡山學禪師

不是無家等罷官客中即次取粗安江清城郭移帆過

戰定棄麻避地難落日孤鴻迴健翮西風老馬卸征鞍
鄴侯自具神仙骨燒芋差宜對嬾殘

楊大中丞壽讌詩八十韵

宇宙方多壘英雄必大儒兩朝懸碩望一代應貞符學
貫天人策才鎔造化爐清名傳四世賦價儷三都暫應
郎官宿旋樓禁掖梧龍鱗批可畏虎齒探何虞銳氣真
無敵虛名自不沾在廷推小諫有識服訐謨十載官難
調三遷秩稍渝納言班漢爵罔命入周書繼領霜臺豸
重聽柏府烏花驄行盡避赤棒或時須姻婭論權貴歡
傳溢路衢異時公望合一德舊臣孚再秉金銀管弘開
貢舉途風流歸吐納文義闢榛蕪桃李公門盛茶烟瑣

此字二字的

二夕真

院晡微猷真藉甚經術故非迂撤帳傳衣鉢臨軒命僕
夫上情深眷注廷論協都俞鎖鑰西南重 恩榮禮數
逾雕鞍紅叱撥宮宴玉盤盃朱芾加元老黃金賜內帑
不應煩侍從直為寄形依赫赫千秋業明明萬里塗三
旌紛照耀單騎歷崎嶇憶昨初開幕殘疆尚負嶠客塵
雙短鬚時事一長吁深籌蠻調象叢祠鬼托狐蒼茫生
膽勇警策戒衣繻大義攻鳴鼓先聲算獲俘壇場收老
將舟楫付烝徒轉粟時方亟屯田計似紆量沙俄積聚
編戶悉將輸剖斷才無滯沈深意每殊幾時休戰伐隨
處萃逃逋間道纔通蜀前軍已渡瀘焚巢移渥朴拔穴
徙於菟及見干戈息從教政化敷時危須震厲地瘠賴

文林百集詩卷之三 頌 隨手笑

支吾樓爲籌邊築弓因克敵呼經年煩草創即事具規
模俗陋雖難化苗頑亦可忤羈縻存體統指摘詆眈
發難相如檄留心鄭俠圖御囚仍有禮討罪每矜辜疾
苦逢人問瘡痍試手扶心銘關感動口惠詎驩娛春雨
膏曾徧秋風病卒瘞哀憐看賣劍痛切請蠲租澤雁勞
初集吳牛喘漸蘇陰功多被物憂國細傾壺世儘榮殊
遇公猶孫碩膚乞歸辭婉委 優詔答勤劬法曜輝南
極 皇威暢兩隅印金龜轉紐袍錦鶴呈珠側聽中興
傳誰云往事誣穀城傳拍石鈴閣叶懸弧俯仰差無負
韶華好自愉長生花是桂異域酒名蘆野獵登麋鹿山
肴進鷓鴣黑頭光黼黻明目艷毳瑜仙骨清方貴豪家

習摠無風華矜少壯顧盼拍須臾瘴癘披襟淨烟霞滿
腹腴西園催刻燭東郭濫吹竽賤子通家舊頻年幕府
趨孤踪隨泛梗里耳厭皇莠自比依枝鵲誰憐伏櫪駒
襄陽留叔子夏口滯元瑜鄉思年年共陪遊往往俱禮
優慚上客才短惜微軀知己能容拙開懷必盡愚但令
親几烏何用苦牽拘古有輕投筆人今異執爿詩狂容
杜甫搽袂笑淳于感憤尋常失蹉跎歲月徂受知非泛
泛述報祗區區醉酒杯長潤啣毫墨未枯平淮碑好在
未敢憶江湖

九日同赤松上人登黔霧山最高頂四首

絕磴扳躋望已窮忽穿鳥道入禪宮雲端方丈娑羅日

井底孤城簷葉風草木連天人骨白關山滿眼夕陽紅
興亡何與閒僧事一角枯棊萬劫空

空谷西風晝怒號山寒九月馬歸槽路危怪石驚將墜
天縱諸峰勢競高羅甸一軍深壁壘滇池千頃沸波濤

勞人何限登臨意不向糟丘覓二豪

諸將開邊振鼓鼙幾聞京觀築鯨鯢巴賓未脫金牛險
土貢長聞櫪馬嘶事異汶陽休許魯謀新曹沫恐輕齊
亂山中有豺狼穴曲突何人議水西

渡瀘溝畔闢新阡瘦棘荒苔半石田漸有疎烟生郭外
那無一雁到天邊蠻方對景憐佳節客路登高感去年
落帽臺孤風雨暗短裘長路又三千

十月二十二日接德尹長沙第二信驚聞三叔

父訃音旅中爲位而哭悲痛之餘得詩三章

荆南風雨沅南雪幾處追隨意最親乍喜遠遊依骨肉
却愁別路音塵人來絕域原拚命事到傷心每怕真
兩地存亡身萬里一襟啼血隔江濱

燈花剝落雨沈沈昨夜長沙有訃音薄宦竟虛三徑計
首丘終負九原心老成頓盡天難問家運中衰勢不禁
好與精靈扶後起松楸先兆已成陰

臯魚路盡獨悽然此意能生叔父憐豈謂縲麻辭故國
重將涕泪洒蠻天孤蹤黯澹成千里一信蹉跎到半年
也擬招魂歸未得瘴鄉誰與慰沈絛

得荆侯姪習安訃信拭淚寫此并寄尊人楷五
兄二首

手札頻開破旅愁訃音此夕黯然收眼枯倦枕孤燈淚
天偏哀猿萬壑秋憂患豈知緣識字男兒真悔覓封侯
一棺難掩平生氣鬼火高于百尺樓
黔雨滇風近十年歸裝臨發尚遷延浮名誤汝今如許
異域生還洵偶然賸與孤兒留筆硯最憐少妾賣花鈿
倚閭別繫高堂望旅櫬何時到墓田

老僕東歸寄慰德尹兼示潤木

迢迢萬里途莽莽三歲隔離兼旅況雜沓難並釋欲
寬居者情聊紀獨行跡前年遠辭家荆南事挾策中丞

杜云後時乃上句
有曉字也

天下賢謁入容揖客賓徒車服盛中有麻衣雪偏臘踰
洞庭羽毛風瘳瘳武陵一春住山水愛澄碧尋僧就閒
暇橫草應煩劇隨師赴辰沅跋涉隣殞賊麻陽三挂帆
銅仁雙著屐前軍灑陽戰破竹勢深入偏臘抵貴陽孤
城如破驛荒署瓦僅存窗戶悉頽拆移時開敞篋稍稍
置硯席主人況巨才手自樹英烈烈蠟丸刺閨至文案日
幾尺岑范媿幕僚但坐看壁畫邇者西征將繼被中旨
責已合兩粵師咽喉勢交搯滇城久未下攻守力云竭
師久必屯田其能懸釜鬲熨僮竄榛莽廢土曠牟麥即
事常躊躇察着愴捐瘠那無一尊酒排遣就務爨蠻花
非時開犄鳥亂格磔窮愁託吟咏好語慰行役束縛得

印事以容着為對
非因杜詩太熟正生
杜法未熟耳

蹉跎年華坐拋擲憶昨初來時針孔冒矢石髑髏委亂
草霧淞雜凝血馬驚忽騰躍人意一悽切亂離民命輕
鷄犬等狼籍僕夫掖我前慘慘度軍柵回思田園樂歲
晏情逾迫功名捷徑故大府破常格我無卜式貲寸進
計斗石移文累好友初約背疇昔全生爲門戶識者應
見惜枵然旅橐垂念爾勤拊撫家門忝居長慙愧少擘
搯子言嫂姪貧何忍分涓滴不記少小時推梨恥割宅
開函見子意至性生感激族譜教方衰錙銖起墻闥豈
知手足恩具適異疎逖即此慰先靈庶幾免離析草堂
父書在千卷皆手澤西園梅竹林十畝錯塍陌得錢了
公稅餘用佐菽帛讀書兼治生生理恒苦窄吾方逐游

情勉汝終苦說長鬚隨我久嬾惰亦成癖憐渠筋力衰
遣去情脉脉臨發寫此詩萬山猿叫夕

烏山戰象歌

并序

歲六月前軍轉戰于烏木山陣獲三象遂以捷告驅
象北行道出貴陽觀者如堵僕爲作歌

烏山轉戰煩驍騎鴉鳴牙中風捲幟南人驅象迎我軍
鼓未成行氣中潰渠豪力盡投深箐竄鼠奔猿互顛躓
是時三象屹不動却立如山鼻垂地將軍獲象等獲俘
陣上懸金募生致須臾拔箭膝行入柱箠圓蹄一十二
橐駝珠玉壓背裝象也輕身受人制我聞內廐舊成群
食俸曾援三品例牙花雷雨偶一開何必焚身因挾賄

此行生死隨所置莫更回思戰場利君不見功成則騁
敗輒降世上男兒盡如是

送人赴黔西

羅甸西游影倍孤
亂猿啼入贈行圖
邊城事少餘詩興
幕府花開散酒徒
北鴈久遲鄉信到
南霜偏著客髯枯
封侯不是書生事
投筆無端笑渡瀘

咏史八首

翻覆興亡閱兩朝
老來劉濞氣逾驕
十年賓客謀何密
四海漁鹽利頗饒
西貢幾曾歸武庫
南琛無復換文貂
徒薪可少長沙策
一擲金甌險得梟

近說孤鷁死首丘
特煩獻馘入皇州
朝家舊識田橫面

飲器難寬智伯頭
視墓敢容雙騎客
爭功何與什方侯
天南從此無征戰
上苑昆明罷習流

輓轡綆斷井應枯
溢主休傷押不蘆
粉麝餘香啣語燕
珮環新鬼泣啼烏
殘粧掩鏡雙蛾短
白醜埋沙尺土無
別有紅粧連騎入
金盤銀燭揀明珠

析骸食肉一城空
阿父空提五尺童
旅火焚巢何自苦
齊書飛矢竟誰功
大臣未必憐朱瑒
故吏寧須問向雄
滿眼殘黎皆僕妾
向來跼縮倚神叢

風急降旗舊折竿
播州歸甲極凋殘
一時管統援師盡
同日臧洪赴死難
赤手何顏還抱馬
白頭無望復登壇
夫斤山下逢隋將
猶作燉煌戍卒看

襲美官高並入秦他時聲望起紅巾豈應東市陳尸客
妄比南唐下第人記室有文慚勸進霸才無識咲輕身
鴻毛一燎全家盡豫讓橋荒鬼火新

勾漏龍門接壤間謾勞回首望刀環銷沈戰壘金沙澗
畫斷關河玉斧閒季布敢論亡命去田疇爭許奉書還
滿堂舊日三千客幾個聞鷄並出關

大廷一意注安危充國金城事不疑滇海有人聞鬼哭
棘門此外盡兒嬉古來成敗原關數天下英雄大可知
莫咲書生無眼力與君終局試論碁

黔陽元日喜晴

以下
壬戌

廿三歲

曙色晴光一片明亂峰銜雪照孤城未吹北笛梅先落

纔及東風柳便輕萬里烟霜迴綠髻十年兵甲誤蒼生
眼前可少豐年兆野老多時望太平

楊南城自鄢陵陞任劔川州牧道出黔陽因病
乞休比方養痾黔霧山寺高其勇退之意作詩
贈之

如此山深可耐寒鬢絲禪榻且盤桓日南郡較中州僻
天下官惟牧守難世路交情雙鬢換春風歸信一帆安
君家舊住吳淞岸三泖烟波底樣寬

送友人入蜀

揚鞭倚劔出祥柯鈎棧盤雲幾驛過盜賊烽銷諸郡僻
英雄祠入亂山多卜居未穩寧論地行路雖難莫放歌

便擬題詩繼夔後此邦風物比如何

水西行

烏蠻遺種稱羅鬼剽悍斷頭能掉尾傳從濟火年代深
世土居然屬宣慰我從里俗詢大概復取興衰質諸史
中古荒茫不足論淵源請自先朝始洪武初年禍亂平
遠畧僮荒來越舊是時奢香一巾幗躍馬金陵謁天子
承恩歸去立奇功一諾西南九驛通却咲五丁開不到
亂山高下隔蠶叢二百餘年太平業世世分藩比臣妾
後來生聚啟規模四十八支互蟠結別開荆莽起臺殿
硎户硎房高櫛櫛已分王土作王臣旋練夸兵護夸穴
剝牛磔犬片言重聚蟻屯蜂一呼集布囊籠髮覆覆肩

負弩搽刀輕出沒泰和功烈汾陽亞神廟中年平播賊
當時亦用水西兵驅使前行借餘力釀成殃禍啟頑朝
殺吏圍城氣漸驕深宮南顧鞭難及諸將西征功屢邀
土司如狼吏如鼠八捷餘威棄歸路內莊一夜隕河魁
明日三軍齊縞素眼中大創真無幾可惜偷安旋就撫
閣鴉關外曉傳烽靄翠營南夜鳴鼓爾來桑海變須臾
此輩根株未盡除夸性陸梁還似故朝家謀畧故非疎
經營特借強藩力辛苦開疆一載餘至今父老猶能說
墨守輸攻真勁敵老窠地險石作城要隘不容雙騎入
銅牙毒矢斃濡縷竹柄長矛利鉤棘馬蹄過嶺捷于猱
革甲環身輕似葉連宵斫陣萬炬明散入深林曉無跡

蛇神蠱鬼助饕虐飛食人頭吐人血砦前路斷奔壑
失勢一摧千萬尺四山伐木斲作廂裹用牛皮冒生鐵
石椒懸絙下槌門雷奔轟天巨靈劈攀藤健兒氣力盡
拍手蠻娘咲投石重圍坐困又經時轉粟方愁乏良策
豈知存滅總關天渠首終成戲下懸萬嶺提封開四郡
一朝腥穢滌千年自此巖疆少蜂蠆餘威遠懾諸苗砦
空留徼外廓清功自蹈人間僭亡罪此日重勞問罪師
烏飛三匝失棲枝忽傳耐德生還日趙氏中山尚有兒
烏蒙犄角稱甥舅曾是安坤舊婚媾也挈遺孤代乞哀
復歸故土希恩宥頗聞軍令競邀驩滿許開田復見還
土貢紛紛呈鐵陪庚苴往往賜銀盤寄語封疆諸大吏

從前開闢談何易莫貪扯手納金錢此事孤雛有深意
輸糧禽賊爾何功王會圖成戎索同不見天心今厭亂
戰場新鬼盡英雄

中山尼

中山女尼顏似玉布襪青鞋行彳亍白日潛形灌莽中
逢人不敢吞聲哭自言生長本名家阿父才名宋玉誇
千里飄飄隨遠宦一家迢遞入三巴養成嬌女嬌無偶
掌上明珠唾隨口花前侍妾盡知書鏡裏新粧時學母
自從觀察去朝天官署清涼遂可憐寇盜西南俄阻隔
慧氛狼鬣掃東川孤兒寡婦皆臣僕翠袖舉羅行補屋
賣散平頭計漸貧嫁分紅粉身何獨飄零無賴到南遷

漁洋集中有不得
宗嘉裳妻學消
息訪石原照九
年原中
嘉裳在石原照
二年燈印此余舊

許也二東一東初
得定氏若不行
此始若宗嘉裳
著屬苗蜀中二年
而序皆獲保金
一散者初白
此詩未可以存信也
嘉裳卒於甲寅三
月詳見余書此詩
後拙著內

夫婿移家遠入滇幾夜新婚成永訣旋收戰骨莖江邊
早年淪落多關命石上三生眼前證便遣情緣着死灰
行依心月開圓鏡小鬟何意尚隨身宛轉青絲手共分
金剪無聲雲委地寶釵有夢燕依人扶攜同向中山寺
改口人前喚師弟別與繡經起法名慶光舊是閨中婢
皓齒明眸兩比丘久拚生死等浮漚香燈繡佛前因在
從此相依擬白頭晨鐘暮鼓流光易荏苒今年三十二
骨月深恩且勿論滄桑時局關何事何當六詔又屯師
十月孤城乍解圍將軍奏凱功無敵悍卒撥牢勢不支
移巢拔穴驅人起但是有身無避理一朝蓄髮強同行
幾度剗刀猶不死歸程昨夜次徧橋哀角吹殘令寂寥

康熙二
十二年

却喜道傍俄見棄草間跌坐度清宵同行偶傍江東客
拍點雲山曉來跡雙江暫擬尋同伴半路又驚逢邏卒
太守呼來淚未乾含啼一一語悲酸亂來莫說為官好
兒女姻親那得完夢裏生還愁故里依稀記得萊陽是
已作昆明劫後人托根何必仍棄梓君不見列帳西來
珠翠圍忿忿粉鏡去如飛不知皂帽天涯住何似紅裙
馬上歸

班師行

滇池平滇水清滇南曠蕩餘空城犬無夜吠鷄不鳴將
軍奉詔初拔營幾姓分旗徧行賞同時帳下添廝養何
取邊頭戶口繫十年生聚滋奸黨白頭翁媪啼且僵棄

擲不得收戎行翻身一仆委溝壑骨月滿眼紛飄揚紅
顏如花扶上馬坡高驚騎珊瑚把兒郎新嫁羽林軍山
下人逢執鞭者近前一隊飛塵起中有傷心泪偷洒朝
家本意重開邊劇賊初平近十年爾等纍纍皆鬼妾偷
生敢復祈哀憐即如滇城圍七月未能下戍卒壘頻高
書生箸誰借君不見禁旅一出西南通煌煌中百褒
膚公叅軍誇謀士誇勇逢時多少稱英雄綠旗只合就
裁汰那許尺寸貪天功從此歸成垂白叟賣刀買犢安
農畝猶及生兒際太平家家相賀持羊酒

和答彭南陔長沙除夕見寄原韵

薄遊依地主歸計幾時成老被妻孥累貧銜故舊情綠

尊消夜淺白髮競春生亂後飄飄跡能無感北征

黔南署中連接與三子穎右朝手書知德尹已
入燕歸計遂決先馳詩以寄

出門儔侶稀蒼莽七千里豈不念離群徒亂人意耳素
心十餘輩一散如潑水同源乃殊流所到隨坎止行人
半萍梗居者僅桑梓所恃氣誼敦尺書屢見慰開械試
終讀感歎忽中起吾弟賦北征殘冬束行李嚴程霜雪
惡急往寧得已雙親尚淺土舉念每穎泚幼弱兩三人
田廬詎堪委我來已天末欲去難遽爾鳥道阻且長戈
船塞江汜主人荷垂諒告別輒諾唯僮僕亦欣欣行期
屢屈指到家幸非遠計日及秋尾期予賦同歸開園召

知己

敬業堂詩集卷三

Blank space for text in the right-hand column.

敬業堂詩集卷四

海寧 查慎行 悔餘

遄歸集

起壬戌五月
盡癸亥九月

客揚中丞幕下且三年德尹以壬戌正月北游余
在黔聞之遂束裝遄返與季弟潤木局促里居甫
周一歲不及待仲歸又將出而丐於親舊矣合歸
途所作及家居詩共成一卷名曰遄歸集

發貴陽留別大中丞楊公三首

風波纔過又烽烟一路看山漸近滇浪跡南雲直萬里
濫竽東郭忽三年孤熊舐掌粗知分飛鳥依人正自憐
不覺對公成洒涕也應容我賦歸田

鄉社扮榆隔後塵交情翻借布衣親勒銘事大才難稱
絕代人稀見始真寶匣異光刀剖玉銅盤高燄燭輝銀
他時重話西征績慚愧曾充幕下賓
紛紛桃李艷公門鴛鴦如余尚服轅明鏡何私顏欲換
清談無用蝨空捫人來江左名慚項詩和春陵格紀元
束縛倘酬知己分敢隨流俗說啣恩

高寨

綠蕨荒無際黃茅直到天祇因鄉路遠猶自惱啼鴉

度雲頂關

目極雲生處到來雲滿身時清存畏路興盡有歸人馬
力疲堪惜禽言聽似真往來經戰地白日起陰燐

將至清平縣馬上作

石秀山漸佳城荒日將暮遙見孤烟生猶知有人住

晚宿龍里縣署

官舍周圍帶土墻盆池新漲接方塘歸人已夢田廬好
只道蛙聲是水鄉

母豬洞觀瀑

蠻中六月交山路苦焚爇臥聞夜雨來快起尋乳穴入
洞微有聲足底響嗚咽出山忽震怒閃睽不容掣巖前
滙奔流人駭馬辟易來如曳組練一綫注飛白跌爲淵
潭深湛湛落澄碧石牙互參錯吞吐霹靂舌直從灣濶
底跳沫騰百尺慘慘天變容凜凜風作雪岡頭杜宇叫

萬竹劃然裂將歸得奇觀頓解肺肝渴

冷溪

溪渾三尺雨馬渡一汀烟徑轉長防虎沙平忽有田斷
雲依岫險亂草得花妍滿眼悲涼意新詩記不全

平越遇雷玉衡索留別之句口占贈之

依舊青衫把一鞭紛紛白面看談邊冷官未了從軍志
岐路猶餘話別緣急雨淋浪茅店外亂山高下馬蹄前
得歸吾已無餘恨只欠游蹤未到滇雷滇人也

黎城北福泉山張三丰禮斗亭尚存

清池照影樹扶疎亭前有浴仙池張姓姓畫靜廊空想步虛閱世
人來棋散後出山雲澹雨晴初窮塵滾滾孤亭在浩劫

茫茫百戰餘華表鶴歸應有泪舊時城郭半丘墟

題興隆衛聖母閣

隔斷荒城別一丘蟬聲寂歷鳥鈎輻忽來風雨疑無暑
如此林巒合有樓塵刹留僧還竿奕瘴鄉有路莫回頭
澹忘未必同靈運直為清暉作少留

寓樓晚坐

一聲清磬出柴關庵主軍持乞米還暝色群群栖樹鳥
夕陽朶朶隔城山

偏橋田家行

結茅住山顛種田在山麓田荒費牛力僅得播種穀七
年際離亂饑饉死相屬稍思歲一稔生命絲或續師旅

比凱旋驕嘶百萬足黔山無水草何以充苜蓿成群走
阡陌泥淖沒馬腹食葉躡其根螟蟥等荼毒秣芻一朝
盡婦子終歲哭天下自昇平民生有踣踖我為老農語
物理視反覆來年期好收重看秧田綠

晚登偏橋玄都觀後閣

承平推舊鎮設險控西南水勢全趨楚山形尚帶黔壤
城平似掌古觀廢成庵即事多興廢兵戈實厭談

重宿灤陽中山寺贈紫橋長老

水色山光淨眼前下臨無地有蒼烟長虹自亘西來路
峭壁剛支北面天開士偶逢堪一笑舊游重到已經年
亂離風景勞生夢可少秋堂借榻眠

以放翁

舟發沙灣入沅州境

烟村紅日吐初晴野泊艸艸促早程秋水澄鮮魚味美
曉山葱蒨鳥言清城連槃瓠形猶壯灘過鸕鷀怒未平
我是沅南留滯客舊游一一總關情

天星灘

明星的的吐飛湍石勢參差亂眼看莫擬乘槎到天外
偶從奇險博奇觀視星于舟中

神堂灣村家

布裙翩翩短幅高髻亭亭古粧望看人成翁媪不知世
有姬姜

辰溪縣晚泊

夕陽孤塔表辰溪。江面初寬地漸低。從此一舟平似掌。
萬峰回首夜郎西。

瀘溪

傍穴纍纍架樹梢。懸崖百丈俯江坳。小舟恰傍山根過。
長恐風狂隕鳥巢。

兩頭纖纖曲二首

兩頭纖纖舫子船。送郎只到洞庭邊。四時雪浪灘前石。
白日雷霆枕底天。

兩頭纖纖月上弦。中秋屈指又今年。歸路二三千。里近
別家四十一回圓。

晚過界亭

先生詩以可心不
必右體皆明

晚景融融剪渡還。鳧鷖隨我過前灣。半江風色參差浪。
臥聽猿啼夾岸山。

桃源訪胡孔志不值

漢陽分袂已多年。聞說遊蹤久入燕。歸路我經秦客峒。
故人貧就廣文壇。麻舊俗今誰主。首荷荒齋醉少緣。
秋雨暮帆惆悵在。可堪回首洞庭烟。

沅江縣治濱湖。居民皆漁戶。水盛時舉家乘舟
入湖。秋冬水縮則結茅沿岸住。

官舍無城傍水濱。鵲鵝鴨半居民。疎燈幾點夜呼渡。
老屋百家秋結隣。岸曲蘆深長響雨。船頭魚健欲驚人。
饒他小縣輸漁課。賦斂湖湘俗久貧。

將之長沙留別沈將雲

武陵溪口手重揮，獨向長沙未得歸。
憑寄家書傳客況，為言弱羽又分飛。

青草湖

淼淼湖光天盡頭，曠曠初日起蘆洲。
小船百折行難到，一片蒼雲白露秋。

長沙舟次聞德尹入黔之信二首

去年此地君思我，君到黔中我又歸。
世路茫茫誰料得，離人黯黯意多違。
兩萍湖海原難遇，獨雁瀟湘正嬾飛。
此夜夢回姜被冷，殘燈疎雨倍依依。

岐路匆匆過朗州

弟去常德纔五日而余至

菊花初約誤林丘，音塵

京國書遲達，詩草炎荒客。善愁道路半年成，萬里

德尹于正

月自故鄉入都今又來黔故云

江湖一信到孤舟，踟躕浪泊來何為歸

去吾方羨少游

長沙喜遇彭南陔

鷺立蘆花淺水，蟹肥稻壟新霜。
夢去故鄉秋好，一尊閒話瀟湘。

長沙雜感四首

水遠山平極望賒，湖南風物一長嗟。
屈原已去終亡國，吳芮如存可世家。

湘竹舊痕啼夢雨，薜蘿新鬼怨囊沙。

孤城自繞殘陽岸，風急秋清急暮笳。

鯨魚關山百戰過，征南精銳竟如何。
牛羊隊逐移營盡

忍是起字之訛

山
山
山

細帳二字
若
若

犀兕人傳棄甲多。蜀虎連年勞悵望。黔驢無技任譏訶。
孟明一青功無敵。別路今聽唱凱歌。
窮年供億奈兵荒。穀賤傷農力莫償。地遠舟車還絡繹。
時清圖繪有流亡。勞魚未必忘煦沫。集鴈何當穩稻梁。
十萬人家君勿問。如今瘠土是三湘。
卑濕南遷事可哀。鬼神宣室召空回。君臣如此猶嗟命。
絳灌何人乃忌才。史漢高文光照耀。江山故宅客徘徊。
治安敢擬長沙策。直為先生痛哭來。

同南陔九畹遊嶽麓中途遇雨興盡而返

細帳曾披北海碑。南游雅興素心期。好奇歷險人皆笑。
冒雨尋山興又癡。雙屐泥痕苔剝落。一江帆影浪參差。

衡山咫尺猶難到。敢望雲開似退之。

八月十四夜洞庭舟中風雨再寄德尹黔南

扁舟小泊最蒼涼。那更回頭望夜郎。浪跡久經烟瘴地。
懷人今在水雲鄉。燈紅極浦秋何際。月黑寥天夜有光。
滿眼江湖飛不到。始憐羽短道途長。

洞庭阻風歌

湘陰去岳陽湖回。一日程雲從北來。風色惡吾力敢與。
吾命爭船頭。紙錢撒白雨。舟子酬神致私語。老鴉啄肉。
掠水飛。廟祝鳴鐘月東吐。大哉神靈本至公。憑私詎可。
祈感通。不如繫船整蓬索。南北東西預難度。明朝風便。
從爾行。莫使有風帆力弱。

先生七古入局以
來此為最疑
鍊之作矣

中秋夜洞庭對月歌

長風霾雲奔千里雲氣蓬蓬天冒水風收雲散波乍平
倒轉青天作湖底初看落日沈波紅素月欲升天斂容
舟人回首盡東望吞吐故在馬夸宮須臾忽自波心止
鏡面橫開十餘丈月光浸水水浸天一派空明互迴盪
此時驪龍潛氣深目炫不得銜珠吟巨魚無知作騰蹕
鱗甲一動千黃金人間此境知難必快意翻從偶然得
遙聞漁父唱歌來始覺中秋是今夕

湘江舟晚

清湘清徹底人影淨征衫秋水漸歸汊遠舟惟見帆荒
洲無雁到落日被龍銜一樣天邊月今宵迥不凡

岳州

湖腹平吞爾許貪湖唇一噴勢難拮力爭全楚功誰託
讖應孤城戶已三客夢堠長還堠短夕陽山北又山南
太平設險非無意漁獵九泥敢尚探湖中盜賊充斥故云

赤壁

一戰三分定英雄洵有神古今才不偶天地局長新故
壘秋吹角荒江晚問津祭風臺下路惆悵是歸人

夜宿鱗洲驛

洞庭晨出險小驛宿兼程漁火遠村沒雁沙殘月明荏
苒荒大澤賦斂窘餘生不敢論時事乾坤及罷兵

過湖口作

楚水吳烟一覽收，新移鎖鑰控中流。誰興棄孔繆錢利，盡算江湖大小舟。山脚酒旗孤店晚，縣南風色亂帆秋。詩囊壓擔琴扶膝，關吏何妨咲薄游。

登蕪湖浮圖

落帽家山記幾巡，弟兄南北各傷神。茱萸明日重陽酒，五處登高各一人。

時家次谷在粵，荆州在燕德。尹在黔，惟籍蕪家，居故云。

木末亭謁方文正景忠烈兩公祠

一姓興亡際，忠臣尚力爭。百年公論定，兩字易名成。山雨晴蒸氣，江雷怒作聲。君看南渡後，降表出書生。

發儀真

綠楊城郭碧蘿洲，夾岸紅燈映酒樓。為愛吳船聽軟語，

不知年時元生各有漢洋白石

買帆連夜下真州

欲登金山不果

也有登山興，中流去不多。眼中江路盡，翻覺畏風波。

梁溪秋晚

繞郭林塘淨，晚烟放閒黃犢。水平田吳霜未剪，江南綠猶有菱歌動。斂舫

初到家，得陳六謙書，并見寄詩二章，期余作北

遊馳聲以報

睽違不在久，依依念儔侶。與子惜分陰，矧乃遞寒暑。六年五寄書，故人在肺腑。才華我何有，藻賞終見許。久要期勿負，感子心獨苦。師門一回首，過眼如風雨。初約貧

漸渝旁觀惜毛羽青衫行謁選此意吾諒汝昂藏七尺
軀行與衰老伍忿忿簿領下英氣恐少沮并州地苦寒
臘盡雪片舞寒驢數十驛遠宦等羈旅此邦經五季地
險全用武連延二千年往往警鞞鼓海內今連兵閩粵
接秦楚河東耕鑿安天道合存撫安邑古帝墟唐俗仍
樸魯官清資俸薄折柬到鄉土也擬上羊腸得君作賢
主

哭王右朝四首

還家約略中秋後長路風波恨稍遲六日不詹君尚望
三年重到我成悲魂來蘋末蛟龍駭泪殺燈花枕席知
恠得吳江催噩夢喚迴孤帳雨飄絲

九月十二夜舟泊吳江夢中忽有人

大呼曰三日內汝當有奇禍一時驚寤明日到家遂聞兄重陽訃信

廿載交親氣誼中蓋棺事了太匆匆擬從頽俗存家法
不願諸甥有舅風冰雪一枝憐抱鵲圖書四壁哽秋蟲
東山便是西州路欲學羊曇計轉窮

勿論死別與生離存歿心傷無盡期鮑叔有情貧敢諱
尚平多累出偏遲向來語笑猶堪憶從此肝腸好付誰
海角天南諸弟散訃音欲寄苦差池

未改頭銜屬望虛手題丹旆又躊躇携來萬里千行泪

檢得三年五度書

余出門以後兄凡五寄書

好事誰還評月旦餘生

吾久負居諸文壇詩社飛揚氣百念俱灰一慟餘

除夕與潤木分韻二首

曾為茆堂乞少資不成覓地向西枝弟兄蹤跡團圞少
兒女心情指顧移扣角騎牛聊復爾設罝守兔定何為
升沈此際知誰是欲悔身謀又自疑
燈花檐雨夜沈沈懨我淪飄得故林久別翻驚相對影
急裝誰諒倦游心時清壯士才難盡俗薄貧交望苦深
稍喜來年春帶閨未應相對廢聯吟

不見外舅陸射山先生屈指六年今春奉謁里

門旋有吳行兼以送別二首

以下癸亥作廿四歲

鬢霜髯雪走天涯拂袖歸來記歲華海內詩文無手敵
座中筋力許誰誇談深世態多經眼老喜遊踪漸近家
五柳有情難繫別勿論鄉思米囊花

亂餘三徑長蓬蒿粟里田荒尚屬陶逸興人扶雙屐健
名山天靳一星高春濃遠市紅燈月烟泛輕帆白鷺濤
恠底尊前還戀戀六年書疏阻江臯

重過聽鶯齋與徐淮江話舊

風雨高齋別幾春小池佳樹碧添鱗兩湖地主憐君在
三月鶯花笑客頻夢裏何曾忘對榻畫中只合著閒人
倦游莫訝歸心切知己無如穉子真

三月晦日陳元亮家看海棠

一番陰雨花期盡難得君家尚有春路隔西川無好句
眼明南郭又芳辰濃雲薄霧憐香意翠袖紅紗絕代人
還有掛帆惆悵在滿湖烟水夢何因

與顯武別有約而未遂故云

初白此篇皆據
實之後源洋此
篇皆在後之初
然二作同讀之初
白終不能勝源洋
此何故也

傳經堂歌卓次厚屬賦

後生學術無授受往往談天哆衍口春華秋實古難兼
氣節文章誰不朽塘西卓氏本望族遜國名臣侍郎後
天教一姓留典型幾輩蟬聯起諸叟西京篋衍探源委
北宋儒林辨誰某煌煌藜火燃太乙種種琅函發大酉
雕龍餘技矢穿楊石鼓舊文魚貫柳一經三世屬名家
兩字千秋推作手頗聞名儒後必大賢嗣文孫洵非偶
百年榷楠尚如新別築祠堂寬十畝已看歌頌美輪奐
更蒔花竹貽長久藏經閣閱曉繙書族譜亭成夜呼酒
才名後先滿南國不比虛名拍箕斗余家盈盈隔帶水
累世交情誼稱厚三十年前枯菀分家運地連連陽九

鄴籤兵火蕩餘劫陶逕柴桑慚世守老成頓盡人所嘆
小子無承良自醜竭來塵蓋逐游惰筆墨祇用供奔走
祖父遺書讀未成肩堂肩構夫何有詩成對君三太息
獨抱殘經莽回首

同淮江登東湖美珠樓

但令興到便移船我得同游亦偶然疎磬晚潮孤影墮
暖雲濃樹四垂天稱心圖畫憑欄外經眼亭臺落照前
却笑詩成無傑句驪龍依舊抱珠眠

過吳漢槎禾城寓樓

快事相看一笑真忽傳絕域有歸人劫灰已掃文星燦
黨禁初寬士氣伸佳客偶逢如有約

時陳寄齋俞盛名
大文俱在座

長恐見無因廿年冰雪思鄉夢纔向田園過一春

漢槎將携

家八

吳門喜晤梁藥亭

三十一日

三十一日

僕家海東君海南海道相距三千三有時憶君發遐想

此非越

直欲芒屨遊瓊儋故人

謂魏禹平

金閭傳好語知是久客猶

停驂買帆兩日風色順百花洲外波潭潭風塵在顏刺

銜袖咲口一豁心俱甘披襟更覺有深致黃鬚綠鬢垂

鬢鬢名言霏微齒牙潔絕勝香味飄迦楠小儒窘步不

踰闕訓詁馴繞如衣蟬讀書已破十萬卷可使蹤跡無

窮探吳中此來凡兩度一一紗壁留精藍山塘四月天

氣好輕衫拂領來晴嵐家家綠陰轉黃鳥曷不載酒携

顏而何

禮堂云閩粵人不解者宗人集故

清之霏玉屑者

微字別不通

勤字不

雙柑閉門却掃吟獨苦郢雪屬和何人堪平生美好百不入正坐好古成竒貪知君力欲追正始三唐兩宋須互參皮毛洗盡血性在願及有志深劇勘拙詩與君不同調小言未可誇詹詹數篇見賞自京洛君愈降氣余彌慚匆匆人事促輕別欲去暫止曠清談紅綿花開鷓鴣叫歸夢定繞枕柳庵

聲山姪自都下歸相見闔門舟次出荊州兄手

札期余北游戲作一詩以答

春冰一騎蹴滹沱柳色蘇臺握手過鹵莽不須慚計拙驅馳真欲悔才多吟紅日晏誰同調變徵聲移急和歌每遇南轅頻問訊長安米價近如何

同祝豹臣及家西母叔飲翰荒兄齋

高樹柴門景又遷小堂南北綠遮天偶然不速來三客
如此相思閱五年居近人應疑卜晝路難吾轉愛歸田
棟花風急村橋暮欲散閒愁仗酒顛

養蠶行

去年收絲利倍三村中家家貪養蠶蠶多桑少葉騰貴
千錢一筐賣未甘溫風吹蠶蠶易老滿箔三眠上山早
蠶娘一月不梳頭懶惰却輸辛苦好東家採得繭如脂
繰向檐前索索吹西家繭頭薄於紙一樣蠶來兩樣絲
將絲換錢索官串無者價昂有者賤貧家衣食天所慳
別許居竒營巧宦即今閩海尚與師爭利人人學買兒

聞道樓船皆市舶買絲豈必盡虫虫

變無秋行

三春雨多二麥荒纒卷盡菱田中央大麥莖長穗未起
小麥莖短葉早黃棟花風過繰車傍憶得年時變上塲
塲乾日烈聲拍拍打變作糜湯餅香腰鎌往刈纒盈尺
雉尾襪襪藏不得驚人角角渡水鳴別向原頭草間活
可憐鴉鵲不知時群下荒疇覓餘粒我爲老農語鴉鵲
明年好收從爾食明年好收理則那只愁無種將奈何
西園書屋順治丙戌燬於火瓦礫之塲長養茨
棘垂四十年比方有事於墾闢既惜地力且以
習僮僕之勤焉用東坡七首韻與潤木同作

池亭剩曩基長養藜與蒿中更四十載未盡荏刺勞貧
家供賦斂尺寸無所逃焉能守石田鬱鬱希陰膏益利
興由人棄捐成不毛旬來拾瓦礫積比頽垣高
赤日黧我顏白汗沾我背鋤荒如去病快得三年艾伊
昔締構初春秋想高會滄桑變時局草土少完塊誰歌
蟋蟀詩蹶蹶職思外南山方朝躋厥象占蔚蒼百年雖
莫保三徑幸猶在給口荼蓼間其甘等炙膾

生涯失習勞貴賤誰比數優游不堪事尚記前賢語主
人既率先僮僕趾齊舉給餐稱勤惰功力積毫縷種豆
畦橫從種瓜架支柱所憂歲將旱六月竟無雨滄畝一
歉收何由載筐筥力惡不出身貨惡不出土尚恐機事

牽高人未全許

陶家有田園三徑忍就荒籬落缺粗補東西互相望叢
牙覆塊生一片蒼雲蒼地力久不効新萌必繁昌未飽
啄粟鴛先防踏蔬羊望腹聊忍饑先疇胡敢忘

土性既有宜人情亦有適養材待椅桐孰若樹榛栗移
根尋丈內本向鄰家乞落實庶可期拙謀作乃逸舉羸
力不逮何敢議築室灌園豈無人戢影勿輕出此中足
生事吾計今已必

惡木次第除丁丁響斤斲析薪析克荷生子願愚慙我

貧天所憐田舍免風雹

用北史王蒙傳事

隨翁課晨夕老圃庶

可學先公垂訓在遠蹟企商嶽黽勉奉前編偏傍敢駮

第三首頌後在此
作第五首而刪也
第八首年字類

犖勿言世業盡五畝澤已渥兄弟且同居相容在蝸角

用庾信小園賦中語

仲子性好遊旅食辭南村叔子嬾甘寢鼻息鳴西垣我

介兩者間竒士羞王孫有時事游惰挾瑟隨雍門有時

賦歸來及見松菊存行者咏陟岡居者勸加殮營身各

有役出處且勿論若較杜樊川季強慚令昆杜牧望故園賦云昆

今季強分鄉黨附

題朱子蓉六丈所藏張穆畫馬用黃山谷韻

綠楊風起驕不行低頭嚼環如有聲乾坤一線塵縱橫

肉中帶骨筆力透不比東郊詩咏瘦苦憶尋常棧間豆

青絲漫絡高家驄龍眠妙手亦老翁誰能更貌桃花紅

送唐殿宣之浦江學博任

琴書壓擔曉風清別路山行復瀾行青髻功名秦博士

白頭經義魯諸生月泉詩好篇篇秀寶掌峰竒面面晴

勿對空枰嗟首宿如今驥足是初程

同韜荒兄飲鄭春薦齋

雲巖醉別忽經春重向吳山問主人陶侃登堂還拜母

茅容為具也留賓迴風却扇渾無暑急雨催詩若有神

鸚鵡莫誇才子賦鄭家名擅鷓鴣新坐側有鸚鵡故戲及之

七夕同鶴江孝績序仔集淮江聽鶯齋

紅蓼蒼葭水一方到門松桂已迎涼燈前岐路天南北

時鶴江初從山右歸屋角雙星夜短長雅集幾回逢好

友離悰多半話他鄉當筵有客傷存歿不忍臨風發酒

狂思右朝也

次谷兄自粵西扶先伯父櫬歸里二首

萬里行何畏歸來始泣然亂離成子孝危苦得天憐
盡干戈外魂驚瘴癘邊路難經死地初不計生還
自古蒼梧道征人半舛棺猶獨啼赤子父老贈清官
竟返天南魄翻疑夢裏看附書吾久望執手雜悲驪

彭南陔長沙寄書知其長郎越千已於去冬物
故一詩當哭兼以相慰

鵬賦長沙痛未窮短書緘泪寄西風隔年別酒征衣爛
幾日歸帆旅櫬同善病我曾憐久客未亡人又累衰翁

畏途盡室成何事頭白君應悔斷蓬

雨中過董靜思山居

十里沿洄暮靄昏熟衣天氣半清溫菰蒲響雨烟沈浦
蘆荻迴船水到門躍網忽驚魚尾健墜簷初見橘頭繁
好山偏阻登高屐笑指郎家半日村

題陳允文圮橋授書圖小影

戰鬪功輸運籌亞英雄勇退神仙舍誰招四皓出商山
我信留侯本儒者竒謨秘策乃天授老父一編事聊假
不然韜畧世所知豈必傳從圮橋下陳生爾意非好竒
那將此景供圖寫志大何妨學賢聖時清未許談王霸
披圖畧意何如傳習師門計有餘

余與允文俱出姚江先生之門

前經術皆經濟莫問人間未見書

同人中秋集陳寄齋宅

南游我昨逢佳節兩度中秋瘴如墨去年對酒洞庭湖
萬頃平波鋪練雪電光一瞬等閒過倏忽還家又今夕
良朋折柬邀共醉憐我匆匆復行色晚來微雨過城西
影落人衣月東出明河一洗秋容淨海氣天光較然劃
街頭無人市聲斂相國門前月尤白門前看月堂上歌
白月紅燈互相射繡屏屈膝圍嬌面赴節紅牙夜深拍
沈沈簫管索索絲微動梁塵隨猶澁清商一線徐引去
桂樹流颼葉初脫此時中庭月停午窈窕穿簾巧相覓
須臾腰鼓忽勾闌假面西涼群嘖嘖歡場冷落年數久

對此翻令感蕭瑟却憶江湖載酒時蘆花深岸聞吹笛
故人顏色就歸夢羽短途長莽飛越此來會合殆天幸
竿木逢塲看跳擲徵歌自笑膽氣粗起舞偏驚耳輪熟
東南盤敦君眼見供帳如雲掃無迹獨留好景付我曹
莫向瑤臺話塵陌只愁客散月易斜人事蒼茫難料得
來年作客知何地此地來年召何客南枝棲鵲催五更
東野寒蛩號四壁殷勤酌月還一杯珍重清光照離別

過曹希文齋

恠底移家忽入城小堂幽事頗關情琴牀近海潮添潤
茶榻分泉火就烹摩詰園亭依畫橐建安人物入詩評
也知習嬾便支戶不廢堦除有送迎

有感戲寄韜荒兄

格新曾被老元偷此外何堪說唱酬但到西園應秉燭
不逢東野肯低頭故交牛耳成孤憤棄婦蛾眉托四愁
指一博得美人開口笑暫時跛足也風流兄以酒後傷
邑子

去夏余自黔東下與德尹相左於辰沅道中今
德尹嶺外將歸余又有西江之役二詩留寄

薄遊踪跡久沈吟準擬歸飛息故林別去無端隨末格
窮來何事愜初心書籤日過塵窺隙茶竈風迴響和琴
一笑飄然仍作客竹窻閒殺是清陰

二頃田知戀洛陽眼中岐路等亡羊江風海雨愁頻結
桂樹荆花感又長草草歸程雙爪跡勞勞別夢五星霜

惟來出入如相避鄉國何時鴈作行

留別朱日觀祝豹臣朱與三陳寄齋王南屏家

西海叔韜荒兄看山姪二首

綠髻西風幾遍吹許巢貧過少年時用方干詩中語好官氣色

車裘壯獨客心情故舊疑近月江雲偏絢采未霜淮柳

尚搖絲名場此日誰高步消得樊川贈別詩

渭城歌酒氣纏綿存歿關心一黯然落日故人長笛賦

右朝發已一年曉星同調斷鴻天夢回露白移橙候路入秋紅

剝棗邊任是登高何地好青帘那不憶羊川

西江集

起癸亥十月止甲子三月

甲子三十五歲

萬里歸來繼逢儉歲家憲副伯方攝西江臬篆邀

余入署自冬涉春周旋六閱月爲治遊學之裝到
家五日北行不欲浮沈鄉曲傷長者之惠也

將有南昌之行示兒建

我年二十九足不出鄉閭南舟阻錢塘北轅限姑胥循
循守矩矱尺寸敢少渝汝祖見背日戊午暮春初銜恤
在終天有生不如無實擬奉成訓終身依墓廬黽勉同
汝叔食蒿甘薺如此意難自保饑寒旋相驅初心忽中
變末俗誰諒余麻鞋走從軍凶服尚未除自傷越禮教
臨去還躊躇汝時年十二戀戀來牽袪汝母病在林強
起縫衣襦爲我擇吉日勸我姑姑徐徐山林忍窮餓此事
古有諸奈何逐浪遊浪游計終迂我雖口不答含意鬱

未攄恐喪丈夫勇一笑起跨驢寇盜滿西南殺人棄土
首書生爾何恃急往不暫須輕命踏危疆凶莽併焉孤
雖無司馬才肯戀終軍繻逅避關西公憐才等璫璣留
我置幕府開誠使懷抒初來荊州城漸入西南隅蹉跎
戰爭地四載過隙駒憶自前年冬洞庭上雙魚吾叔又
捐館訃音傳豈虛蠻燈黯淡花相對慘不舒天低嘯哀
猿月黑號訓狐開書忍再讀自感併集枯土念爾先靈
窀穸未歸居下念汝曹長失學猶從渠告歸策始決寧
獨懷樵漁中丞知我真贈言借吹噓坐覺瘴癘掃清風
拂長途檢點篋中裝百金頗有餘束書戒行李觸熱我
僕痛故人灑陽守開館留籃輿不惜分俸錢寄歸樹妻

拏命窮氣方傲却去同揮鋤行行百餘日始得還菰蘆
夜半叩柴扉犬吠雞群呼門前五株樹綠槐間黃榆亂
葉落我前忽驚秋又徂入門拜靈几血淚交模糊舉頭
汝在旁依稀記形模汝弟急欲見喚起髮未梳見爺不
識面反走牽娘裾對之重泗涕存沒傷心俱別離經喪
亂泛若浮海鳧得歸特天憐未歸敢自圖稍欣世業在
斷蓬復依株繞屋十畝園桑下可種蔬即此勤學圃貧
士有故吾都緣懶惰久力不任菑畬室人免交適官稅
多積逋倦羽又辭巢飄飄徭洪都仲氏久去家南北音
塵疎季子資性矯青檀誤為儒齷齪小兒曹欸段下澤
車蟲蝦恣跳躍蝸涎活停潞翻咲尺水艱蛟龍困泥塗

男兒誇富有豈在堆倉庾願汝勤孝弟餘事到讀書孝
弟乃本根根完花葉敷章句粗能通已勝耕田夫煌煌
京兆後子孫雜賢愚五世澤未斬有生夫豈徒不聞王
僧虔鳳凰綴蠟珠崢嶸覘頭角少小志本殊十五號成
童何況十六與當時同隊者轉眼分龍豬昏母學汝父
風塵厭微軀厲人恐似已取火夜看雛悔心用自警作
詩焉敢誣

輓呂晚村徵君

屠龍餘技到雕蟲賣藝文成事事工晚就人誰推入室
蚤衰君自合稱翁才今漸少衣冠外名果難逃出處中
身後有書休論價也應少作愧楊雄

黃晦木先生從魏青城憲副乞買山資將卜居
河渚有詩十章志喜邀余同作欣然次韻亦如

先生之數

黃竹先生今夏黃自離商嶽走踉蹌青錢易長苔莓路
畫藁頻移薜荔牆未就丹砂顏屢換欲尋白社願難償
身經開寶流離後那問西川舊草堂
覆巢事過儼他生回首風波噩夢驚碩果兩朝誰鬥健
白頭一意自孤行縱橫鈎黨清流禍峭藉風期月旦評
幾爲借柯憐病鶴羽毛如雪照人明
力圃雖艱勝力耘多時吟矯望停雲未完婚嫁何多累
投老關河正失群菜把恩羞叨地主薦章名幸脫徵君

故人高義傾頽俗薄俸能爲卜築分

方丈蓬萊事不經收心風物到園亭紅蕖艷後蟬遺蛻

黃菊開時鴈拂翎感遇詩還工屬對垂簾卜屢驗奇零

少微越國真高士移向吳天只一星

松木場遙路向西人言罨畫似西溪雨中綠樹雞豚柵

霜後黃雲稔秫畦琴筑鏗鏘聲落澗風花高下踏成蹊

憑君指點神先王可待游人爲品題

數折溪橋兩版門也須插槿植籬樊閒携翠竹紅藤杖

晴晒牛衣犢鼻褌耕讀新功兒解課漁樵故事客能援

名香老研隨身具目擊誰知道亦存

樂事從來出苦辛錯將勞尾比枯鱗眼空身世殘棋劫

日漏軒牕過隙塵。方外衣冠驚俗客。夢中墳墓抵歸人。
碧幢紅堵村村徧。肯咲繁華不稱貧。
釣臺何必盡桐江。牀下人來拜老龐。隱几湖山歸四野。
捲簾風雨到西牕。花源舊隱今何代。白鶴新居即此邦。
已約隣翁勤斬竹。與排蟹棹打魚樁。
一痕龜墨食江郊。從此深居遠市朝。椰子冠從方士借。
筍皮鞵赴老僧。招定巢屋角晨依鶻。挾彈林端夜逐鴉。
馬跡車輪何處覓。遁仙名籍在丹青。
槃澗時清且寤歌。欠伸光景底消磨。年豐米穀登場賤。
水濶魚蝦漏網多。勿藥肯教眠食減。不祥端賴鬼神呵。
鷄豚預有登堂約。慰我歸來興若何。

武林哭萬充宗二首

武功十葉變儒風。理學君家創甬東。

謂尊甫履安先生

勳爵初

除緣國破饑寒不出勝途窮。傳家同異叅三禮。

君所著有學禮

質絕筆春秋闕兩公。

近註春秋惟定哀未就耳

四十九年君勿負。蓋

棺餘恨未成氣。

忘年交誼許忘形。君自殷殷見古情。看竹欵門纔一宿。

去秋余自黔歸充宗同主一敬之見過一宿而別

篝燈襆被每孤城。

充宗下榻海昌每入

城未嘗不快對也

無端泪落期難續。

前一曰人遠書來有與如

如

此人亡夢亦驚。回首師門誰領袖。慈湖風月可憐生。

宿黎洲夫子武林寓舍即次先生丙辰九日同

遊舊韵二首

蹤

少壯字太多

湖山憔悴哭新阡謂萬充宗何意蕭齋榻許連燈火夜長楓
葉雨杖藜秋老菊花天孤踪汗漫三年外萬事荒唐一
笑前話到昆明殘劫罷又緣久別却凄然
徑路先須辨陌阡眼中榛莽正鈎連肯携芸蠹隨書局
任放醯鷄覆甕天出處心情三聘後滄桑人物兩朝前
先生高臥貧何礙流俗知音恐未然

富春道中

烏柏林中霜撒華千樹萬樹圍村家門前紅葉掃還落
白子著枝如白花寒雅成群啄不盡幾處飛出聲啞啞
荒灣敗葦江忽轉鴈陣欲落整復斜青山正缺天一面
澹入無迹雲拖沙十年夢想富春渚拍點圖畫空嗟呀

豈知去家纔百里足所未到如天涯人情貴遠每忽近
往往耳目遺煙霞他年卜居恐未穩此際覓句差堪誇
江山秀絕客懷俗母使擾擾同魚蝦

雨過桐廬

江勢西來灣復灣乍驚風物異鄉關百家小聚還成縣
三面無城却倚山帆影依依楓葉外灘聲汨汨碓牀間
雨簑烟笠嚴陵近慚媿清流照客顏

睦州

過城灘更急直下漚分流樹色銜雙嶺山形豁一州炭
烟濃傍塢樵逕細通舟風日晴尤好初冬似晚秋

泊茶園

危樓高百尺水落岸如山村市尚開店檣燈別占灣喜
無塵點髻那用酒熏顏漁笛能相就飄飄壓浪還

淳安謁海忠介祠

桐鄉遺愛在民自不忘公一邑清名著三朝直節同衣
冠瞻古貌俎豆感村翁此日流離意誰憐在野鴻

青溪口號八首

裊裊荷帶風疎疎浪花雨吳客過淳安遙人少鄉語
隔水聞語聲空中應來肖行到響山潭人人發清嘯
溪女不畫眉愛聽畫眉鳥夾岸一聲啼曉山青未了
來船桅竿高去船櫓聲好上水厭灘多下水惜灘少
家住溪東西共飲門前水對面不聞聲長灘響十里

長灘在界口司上

漁家小女見郎嬌不避日莫並舟歸鷓鴣方晒翅
橋壞笮繫繩水淺牛可跨牛背渡溪人須看綠如畫
屯溪船上客前度去裝茶娶得東村婦經年一到家

威平鎮舊名青溪洞韓蘄王擒方臘處

舊日青溪洞英雄一戰歸江關留故壘草木震餘威路
僻烽烟靜時平盜賊稀悲笳吹薄莫峭僻冷斜暉

入歙州界

青山寒更高白日冬易暮蓬腳影初斜濛濛入烟霧
鮎魚口中流一山俗名小普陀絕頂佛閣頗盡
結攬之勝

神山海外絕經過此地名傳小普陀兩岸樓臺疑蜃氣
中流日月隘鰲波桑田有劫終成幻松頂盤空老作窩
我是游人憐偶到鐘聲回首夕陽多

從屯溪坐竹筏至休寧縣

江路西來盡輕裝稱竹舩人家新屋宇村落好山川沙
塌魚跳岸蘆荒鴈下田怕談兵火事猶記八年前

遊休寧城南落石臺

曾平考誤作仄

一片蒼雲護無端墮碧空離奇存石性刻畫憎人功

巖間

刻石多
俚鄙語

只有朝陽到偏宜曲水通峭寒難久住酒醒忽

西風

過齊雲山麓

亂峰尊白嶽一水接青溪雲自香爐出天盤石磴低勝
游憑指顧倦路失攀躋游子匆匆意征途只向西

晚至漁亭

小步聞名好到來頗覺煩鈴聲驢背米簞戶水窮村旅
食豐年便方言晚市喧黃茅山百折此路指祁門

祁門

二水走江湖下流極瀾翻濫觴不盈尺小縣同發源一
支下錢唐余家東海壘直從朝宗處溯回到山根西流
入鄱陽鯨口訝然吞飄飄孤帆色帶雨辭烟屯水流自
相背客意難並論五丁誰能駟頑石劃輿坤鏟除恐不
勝徒費斧鑿痕浩浩江湖流一道疾於奔關梁近增稅

亦如石塞津寧觸石磯怒莫逢關吏嗔君看商賈路辛
苦趨祁門

發猴潭出倒湖

石惡狀爭變波喧勢就低小舟輕畏路百折下危溪雪
意雅先覺寒光霧易迷似聞魚米賤已過浙江西

浮梁縣

苦霧吞江去茫茫出遠津長程催短晷白骨散青燐城
小初經亂民愚久疾貧琵琶臨老妓容易嫁商人

景德鎮觀御窑瓷器歌

浮梁縣西開畫棟御廠燒瓷供輦送江天漠漠生黑雲
百竈烟浮日光動初看兩眼炫青紅夜入孤舟夢龍鳳

文成璀璨羽毛活勢健開張牙爪弄畫彩新添寶石砣
異光欲走黃金汞頗聞中使出二年十斛缸成選難中
至尊服御崇節儉珍錯屢却選方貢即看嗜好非異物
器象雖精本日用同時玉瓚注黃流古玩金魚配清供
君不見宣成嘉萬舊官窯散落民間價自高博古圖成
曾進御猶容欵識倣前朝

登饒州鄱陽樓八韻

東北山根削西南地軸摧豫章帆不斷彭蠡鴈初迴再
見孤城闢翻憐往日災江湖銷戰伐荆棘妬亭臺旅望
天邊豁雄心亂後灰殺霜冬旭暖釀雪曉雲開欲去猶
延竚無聊柰獨來未除豪氣盡飄蕩媿詩才

曉渡鄱陽湖

三更我夢騰王閣，東北風高響簷鐸。覺來舟子已開篷，
澹月微痕天一角。須臾湖面過如飛，霜氣撲船人攬衣。
蒼茫烟霧來時路，水底紅輪吐半規。也知此景殊不惡，
失意翻令感牢落。少文四壁有江山，何苦年年事飄泊。
送又微姪自豫章東歸兼示德尹

垂老雙親鬢絲薄，游仍欠草堂賢。關河最左勞人計，
猿鶴能寬閉戶期。落拓生涯吾自笑，滯留情事爾應知。
從教物論分優劣，點檢初心也旋疑。

錢玉友自嶺南來

萬里歸裝一葉身，何緣相見即相親。世無元九知音少，

客到東方自譽頻。南北弟兄愁急雪，關山踪跡悔勞薪。
權輿殂落皆天意，羽獵賦萬物權輿於內殂落於外眼底休輕我輩人。

玉友別後寄詩二首次韻奉答

會合洵有緣，此會乃絕竒。數言甫投分，鼓勵兼箝錘。同
調世少人，高論宜卑之。平生喜聞過，指摘真吾師。啟我
腹笥草，當君囊中錐。刺骨實中病，苦口俄含飴。自笑狂
奴狂，况抱癡叔癡。來詩內一首示聲山者故及之全身受針砭，豈獨論
文詞。勉強學新粧，未必盛副笄。沈吟攬古鏡，又恐唾違
時。

浪游無近遠，同作風塵面。相顧眼雙青，相期心一片。勿
嫌去住乖，各要眠食健。布颿冰雪候，風色五更戰。青燈

豫章城幾夜猶夢見書來感深受金石矢不變因君激
壯志鍛羽敢辭倦來書期余同
作都門之行

杜肇余侍郎巡海閩粵故人嚴子愿在其幕中
道出南昌詩以贈別

短裘夜犯章江雪快馬嘶風三十驛梅花催促使臣鞍
楊柳春旂看一色平生未識侍郎面才子翩翩杜陵客
與君昔別年月深約畧歲書更六七余行絕徼偶生還
舌在遙人那堪說半生出處禍亂定萬事蹉跎謀算拙
喜聞田橫出海島旋見盧循免羈紲昔之滄海今桑田
萬戶春耕破甌脫如君此去真壯遊幕府從容借壽書
乾坤昇平我何樂差勝危疆事行役敝廬家世東海濱

禁網佃漁寬水國遲爾同歸作飽餐巨魚雪點吳鹽白

時初開
海禁

喜陳允文自故鄉至

十日春風釋硯冰客邊詩句擬催徵愛題僧舍紗籠壁
恨事江城雪打燈壓擔書兼行李重飄蓬感為故人增
西山晴色差堪望高閣何因載酒登

題聲山姪仗劍擁書圖

君不聞王喬厭世方盛年飄飄笙鶴緱山巔神仙尚須
致身蚤何況富貴如流泉爾生負竒學書劍三十頭顱
行可見毛錐秃穎刀善藏毋乃多才累窮賤揭來汗漫
事遠游劍首一映徧九州下澤車中羞識面跼蹐豈必

皆封侯歸來勸游凡幾日好酒好書兼好色明朝一笑
又出門惘惘都非可憐別時清氣壯驕不得依舊收身
弄文墨有田不耕男已長無米能炊婦非拙何緣此日
遂支靡難免他年聊捉鼻柳條風軟記騎馬木榻香清
夢調瑟余亦東西南北人圖中光景增太息

元宵前一夕家觀察伯署齋小集次允文原韵

以下
甲子廿五歲

又作春燈宴他鄉共此筵盤分柑味美時有以四會柑相餉者月
傍燭花妍故態逢人發新愁被酒捐南州有懸榻我醉
且同眠

與劉北海君與令季太史俱先大父門下士故篇中及之

我降庚寅月建午襁褓含飴及見祖升沈未定矩矱移
荏冉今年三十五客塵南北浪奔走家學淵源迷步武
先子音容漸藐茫典型何處追王父小時猶記竊餘論
文集諸劉指堪數翰林風度杳莫即伯仲聲華憶明府
布帆夜下十八灘幾日春風到南浦頗聞人頌神明宰
章貢循聲比卓魯劉時宰
贛縣一城烟樹起樓臺千里關河
靜鞞鼓官閒往往飛鳧出縵嶺軒軒見霞舉此時我作
豫章遊却恠知名緣獨沮即論世講屬前輩小子投謁
固其所懷中一刺署姓名雙屐逡巡阻春雨先生忘年
復忘分先枉高軒訪羈旅下車相揖亦有人此事今亡
乃聞古修名不立行可媿半臂重交義奚取謂余當有

祖父風不料頭顱尚如許長身三世求形似母乃蓬威
嗟仰俯入門一笑想欲狂注目含情兩無語

章江舟次送李斯年赴湖南幕府二首

同學紛紛起布衣文章聲價剩珠璣怪來五十高常侍
猶自隨人側翅飛

瀟湘歸櫂我匆匆重到如君又不同若對亂前談亂後
不知誰識李元忠

楚黃陶忠毅公以世胄協守寧前衛癸未城陷
公殉節焉事具合肥宗伯行略其冢子上辛出
公畫像索題用舊韻

已陷金城破玉門瓜沙河渭總啼痕捐軀幾輩曾當局

抵掌何人不大言五代鐵鎗傳畫像百年江月酌清尊
李家降表尋常事話到書生惱夢魂

黃泥山村看桃同錢道耕倪上韓家兄子敬南

城友日姪聲山

春洲雲煖烟濛濛天勢四垂濃靄中一望千檣萬檣外
綠揚芳草交青葱沿洄曲岸行數里小艇閣沙水忽窮
捨舟聯袂赴村落勝境引入桃花叢迷離景光耀平野
爛熳高燄燒晴空穠華似慳微雨著繁蕊欲拆朝陽烘
居民補綴好圖畫屋茅籬竹家家同沙灣汀溼限南北
徑路曲折迷西東老人衣冠稱古貌往往負戴隨兒童
隔花姹姪自呼伴笑語已斷迎迴風牛羊未歸隘巷靜

雞犬亂走柴門通。武陵光景在人世。但患放棹無漁翁。
兩頭絃管百壺酒。醉夢一醒風塵胸。江村草堂我亦有。
頗笑此景他鄉逢。韶華經眼况偶到。有意留戀終匆匆。
章江夕陽催晚渡。水面回看紅雲紅。

新柳詞和允文二首

輕烟和雨着梢頭。萬縷千條作態柔。落得游人春興懶。
遠遮鄉路近遮樓。

桃花輕浪過花朝。溪女提魚渡板橋。一種紅腮多貫柳。
阿誰先挽最長條。

次韵酬別聲山姪

讀書恨不搜大酉。結客每慚稱小友。命窮共落磨蝎宮。

木偶尋常嘲土偶。身輕勸翼尚江湖。力困常鱗等淵藪。
蚤知去住兩牢落。曷不杜門乃奔走。章江二月春風顛。
橫管孤吹折楊柳。愁來襍被思決去。貧戀家居恐難久。
青燈聽雨且鳴雞。白眼看雲又蒼狗。醉眠夜夜長加股。
欲出朝朝還被肘。行裝偶到急雪前。歸棹纔移禁烟後。
有生光景爾許過。懷抱逢人詎堪剖。酒尊一澆壘塊空。
如割魚鱉去乙丑。山妻不須視儀舌。俗子合訝哆行口。
子今高堂况白髮。好去稱觴酌大斗。天倫樂事古所難。
鬱鬱猶能居此否。

疊前韵訓別友日兄

弟生庚寅兄乙酉。五歲肩隨稱棣友。兒時嬉戲失同群。

稍長衣冠就參偶雞豚近局接南北烟火深村望林藪
余游故知生理拙君亦何爲轉蓬走夜雨燈挑江上花
春風夢繞門前柳男兒有懷奔未遂僕指半生時已久
未能扣角事騎牛抑且埋名作屠狗不爾合甘原憲分
鶉結從渠見襟肘誰令志氣自摧頽漫著征衣隨短後
君平季主世少人眼底升沈向誰剖頭盤叫噪抒狂憤
笑聽更籌移子丑忽然顧影還自憐氣塞神傷箝在口
豈應美好長貧賤定有光芒射牛斗勸君自信當益堅
適野不須謀可否

三疊前韵留別恭庵兄

黃雞白日移卯酉失學無端負師友名微自甘時所棄

此可不必注

命隻敢嗟吾不偶由李廣傳注惟兄諒我謂我真野鳥心終
戀郊藪君家如圃大可憶甃石開池煩下走竭來搔首
動鄉思想像春天好花柳阿翁官高諸子秀世業平泉
必長久余也先疇漸拋棄熊虎何當子命狗從教久瘦
帶寬圍遑問長貧衣露肘低顏分出古人下尚冀鞭羊
視其後愛君玉樹臨風前老蚌明珠一雙剖杜陵兩男
養無益少長何堪集癸丑八百桑株十具牛經營無物
貽黃口願君綵衣侍歸駕莫謾折腰爲五斗某丘某水
記釣遊許我題詩草堂否

四疊前韵訓別允文

與君訂交從已酉鄉社無多推益友文瀾一篇論警策

詩格千言誇對偶北史馬子廉兄弟三人皆能文時有白晉三馬人所畏

三馬皆白晉之譽昆友聯翩出才藪余時懷槩初出遊未免籍

湜汗且走蘭茗翡翠爭秀句何異飄風嫋垂柳登場鹵

莽拙用長堅壁逡巡困持久契舟已往莫求劔畫虎雖

成終類狗君今落筆更老成斂手薑芽看運肘但思上

第憫眼前肯顧虛名計身後精金百鍊行自惜璞玉一

圭猶待剖丁年行笈記癸辛甲族科名豔丁丑謂允文從祖素

菴相未能飽飯便汝腹也學饑驅餬我口客中告別別

倍難濁酒直須傾一斗暫留幾日辦歸裝長說倦遊今

果否

同聲山姪過羅飯牛禮洲草堂別後賦寄用昌

黎寄盧仝韵此篇別所注押韻而已平仄音節亦多失之

先生老向塵埃裏有志竟成高蹈矣衣冠已與世人同

猶自芒鞋高屐齒竹溪羅舊居地名茶園寬十畝春雨分膏

給妻子清風七椀生冠石寧都冠石茶出飯牛手製者品在顧渚上絕跡杜

門凡二紀買山定有賣山人窮乃辭鄉奚足恥舊莊唱

和傳裴迪亂國流離傷董祀巢由逃世事果難身未出

山名滿耳一聲長嘯落天半散作雲烟隨處士都無猿

鶴愧林巒絕少鷄豚餽鄰里獨携筆墨與人際堅臥有

時呼不起南州懸榻尋常下小技似可供驅使彼皆金

夫勢力求未許感恩况知己豈惟落筆不輕易立品潔

身從此始淨明菴主石田翁前輩風期看未已半生衣

羅舊居在寧

州城西十里

與翠微峯相近

日时徐激君贈

羅餘牛詩云

雲山本是空

主更寫雲山

賈與誰

食天故吝稍稍芻薪給驟駢硯田一片歲有秋食力聊
用代耘耔先生猶云吾負疲癯惰無端釋良耜故人往
赴河陽幕本不希心榮膺仕先生療貧策又奇獨往孤
行竟誰恃禮洲草堂地清絕見說賃春連圮址易堂人
物近無多把臂此來君準擬萍踪怪底成相左雨雪殘
冬悵無似朝朝江口望歸帆百日奚童甕生趾春深沙
渚停烟榜有客忽傳君至止廿年馳想結深企欲致高
人我何以急呼阿咸嶺徑造門渴馬奔泉勢難俟先生
應門無五尺反鎖柴荆入村市歸來蕭寺忽相逢一臂
初交乃狂喜招呼雙屐過江閣草草杯盤有真理乞君
畫稿幸不辭謂我頗可尋涯涘斯人不因筆墨重獨行

自足傳野史即從畫品論高下清矯寧讓營丘李我詩
不工何足酬別後空慚寄雙鯉

芙蓉庵水亭

徑轉春陰午未移小亭如蓋俯漣漪柳邊風到鱗鱗活
鏡裏欄開面面宜欲去興狂呼酒伴重來緣淺看花時
此間著我真塵俗何用多留疥壁詩

清明風雨舟發南昌允文聲山追送於江干更

以數言留別

竹鷄啼苦催清明滕王閣前春水生西山高入雲霧裏
雨勢下壓洪州城桃花杏花半狼籍岸柳自拂孤舟輕
連朝有約同買棹一子未果余徑行雲山欣欣赴歸路

烟樹漠漠愁離程布帆風急不肯住到家正及聽新鶯

康郎山功臣廟十四韻

疇昔驅除會英雄想像間驛移青雀舫酒灑白茅灣鷹
隼搏空擊鯨鯢投首還波濤經虎尾矢石避龍顏一戰
西函定群公策力閒死方開國運生不點朝班紀信無
貴恨曹成本世官顯榮褒後裔茅土愴重頒奕葉將軍
樹廟前古槐相傳明太祖中流砥柱山炎風焚鐵券石
馬嚼金環黃屋今無跡朱旗閃尚殷太平何事業要害
此江關廟貌瞻嚴肅時情易險艱興亡他日事清泪獨
潺湲

餘于道中

官字在十四寒

新烟幾點散晴霞遠岸殘桃晒網家莎草一汀長
湖田二月已鳴蛙葱葱曉日銜山秀裊裊春風赴柳斜
自咲薄遊緣底事漲痕空記去年沙

昌江竹枝詞八首

浮梁縣西山漸平浮梁縣東水更清濛濛天氣長如雨
臥聽前灣水碓聲

不種山田另起租
不種山田另起租

近水人家燕子飛
近水人家燕子飛

穀雨前頭茶事新提筐少女摘來勻長成嫁作隣家婦

勝似風波盪槩人

船頭船尾不多高盡日爭先走怒濤博得夜來春睡熟
一篷烟雨半枝篙

小兒灘頭水沒磯幾點雨著行人衣草煙迎岸翠撲撲
牧笛未歸鵝鴨歸

一繩飛界兩山頭積石排樁抵截流驚起野鷗鷄箇個
五更風浪網初收

村殺山家唱四時本鄉歌好少人知愛他曲水如巴字
別與新詞譜竹枝

齊雲山六絕句

仄徑丹梯萬仞懸石楠擁蓋不知年不因鐵笛吹山裂

那得游人到洞天 右天門

雨織龍梭香作涎四時不斷吐飛泉藕絲簾子玲瓏景
捲起晴雲別有天 右水簾洞

雨峰獅象對崢嶸鐘鼓聲中玉座清夜夜河魁瞻北關
羽衣天半坐吹笙 右真武殿

禹鼎神姦散九州誰教一柱峙丹丘白雲已鎖塵寰斷
還有香烟在上頭 右香爐峰

急歸悔不上匡廬辜負峰南大小孤恠事此來仍滿願
已看五老又三姑 右五老三姑峰

輕身直上挾天風雨外天都望或封安得近南長見日
與排三十六芙蓉 右紫霄崖

蹤

武林寓樓與德尹夜話

迎面蛛絲落幾番每從遠信報平安各驚顏狀他鄉換
一落江湖戢影難犵鳥蠻花天萬里朔雲邊雪路千盤
六年踪跡連牀話大似羗村夢夜闌

立夏前三日集汪昭願學堂兼留別姚天寰

顧九恒沈昭嗣陳廣陵章豈績馮文子嚴定隅

及家德尹時余將入燕二首

一權江城又隔年春雲春樹記尊前故鄉樂事留高會
獨客關心奈別筵興罷艷歌重按拍酒闌孤月正當天
年來事事輸人後齒序慚居六子先同會十人余尚存第四

綠酒紅燈促坐深無多同調况知音琢磨頗望成全璧

激烈何須到碎琴起舞自憐中夜影急觴難緩此時心
軟塵十丈騎驢去怕被人傳倚樹吟出莊子注

西水讌集留別姚夢虹宋受谷張王士張介山

邵翼雲金子由吳震一卓次厚九如

南路風濤北路塵歸艤纔泊復征輪三秋斷梗如遊跡
一座清風抵故人壁壘降旗文戰罷乾坤攬轡客懷新
天涯珍重臨歧意只有貧交不諱貧

敬業堂詩集卷四

五之五

敬業堂詩集


敬業堂詩集卷五



海寧

查慎行

悔餘



踰淮集

起甲子四月盡一年 廿五歲

甲子夏遊學京師始渡淮而北客有賦涉淮以壯
余行色者敬謝之曰君不聞橘踰淮且化為枳乎
余方虞余之失其橘性而與枳為類也

歸自江右隨有燕山之行示別家人

南北勞勞但可唾流光瞥過少年時祇緣累世留門戶
那得此生無別離斗酒且禁連夕醉長箋難和送春詞
勿論向後愁深淺已覺燈前鬢有絲

錫山舟次遇外舅陸射山先生自淮南歸

落帆當淑浦曲岸轉擊音已感骨肉語兼傷去住心斷
雲晴出岫老鶴暮歸林莫作俱飄泊翁今白髮深
過二瞻兄維揚寓齋兄有贈行詩次韻謝別
征衫初換且停撓一日江程兩信潮欲去郵亭塵滾滾
乍來岐路馬蕭蕭詩文價定人爭購書畫船輕客待邀
劈紙風流看好在綠楊回首記紅橋

雨發宿遷

苦被林鳩喚雨多北風獵獵渡黃河不辭滑路衝泥去
且免驚沙刮面過一騎鱗魚仍入貢十年瓠子尚聞歌
饑荒接壤人方說愁見城南豕涉波

郟城道中

蹇驢三四驛平野入飛沙白日孤城閉清沂一道斜并
疆鄰子國風物魯人家漸與淮南異村村枳棘花

沂州送錢玉友往新城

又作殊方別春衫客泪收但須眠食健莫話短長愁鄉
夢經蠶月人情望麥秋黃雲天四合何處辨青州
伴城旅店次徐子大壁間韻

淺草平陂極望通客程漸入亂山中坐消髀肉全無爲
貧檢詩囊幸未空沙磧涼生蕎麥雨茅檐香過棗花風
却愁長日行難到又指斜陽一抹紅

齊河

赴穎

關城餘霸氣雞犬入齊風山豁平沙外天低小縣東魚

全仗老字杜
長爲句



鹽知俗古豚酒祝年豐別有雄繁意休誇管晏功

晚抵晏城次壁間韻

目力窮邊酒旆生熟梅天愛偶然晴高樓吹角風無賴
壞壁留詩客有情紅日忽沈烟起處白楊長遞雨來聲
萬山回首如屏障一片平蕪接晏城

渡蘆溝橋

草草漁梁枕水邊石湖詩裏想當年誰教甃石通南北
鐵軸銀蹄一例穿

金史章宗明昌元年始建蘆溝石橋

京師中元詞二首

萬柄紅燈裹綠紗亭亭輕蓋受風斜滿城荷葉高錢價
不數中原洗手花雜冠衣別名洗手花



康熙廿三年甲子
先生初至京師



銅盤小拍坐張燈手拍城東滿月升從此夜遊涼似水
漸無人賣擔頭冰

憫農詩和朱恒齋比部

豳風本王業稼穡知艱難立政務明農化理自古然我
從田間來疾苦粗能言請陳東南事約略得其端初冬
下菽麥深溝及春前根株載培護益使土力堅麥黃未
及秋晚蠶又催眠祈晴三四月雨水翻連綿針水分稻
秧襍種行耨田時方仰膏雨杲杲恒當天炎威一熏灼
泥淖同熬煎委身沸湯中辛苦少所便好風槐柳下欲
往不暫閒老穉亦靡寧桔槔遠吸川或防霧損花又恐
蟲傷根半年壟畝畔力竭心亦殫如此冀西成食報理

或存但令畝一鍾歲事幸告竣私租入富室公稅輸縣
官所餘尚無幾未足償勤拳况逢水旱加徃徃多顛連
逃亡等無地芻牧肯見憐高位有仁人垂聽宜惻焉所
以古大臣農事恒惓惓流移進圖繪咨傲陳風愆有時
取施賑詔旨輒擅專有時撫瘡痍逋賦請悉蠲不上封
禪書不獻羽獵篇乾坤生生機君相揆微權一念苟憫
郵惠風自遐宣矧今天子聖綏邦必豐年

將有西山之遊次謝方山員外見貽原韻

勞生莽莽咲塵穢又向燕臺換袂衣出郭人如秋澹蕩
入山天愛雨霏微閒拖竹杖尋詩瘦賤買村醪覓伴稀
贏得謝家新句好澹忘隨處領清暉

松林寺

含烟含露一梢梢花果禪扉鎖合牢野鳥不知園有禁
隔牆啣出紫蒲桃

晚抵退谷與大司空朱右君先生露坐啜泉

晚色秋光帶遠桐眼明初喜見涼螢
泱流噴石渾疑雨老樹交陰合有亭
照影豈能忘盥漱出山誰復辨清泠
閒僧尚記曾來客一縷茶烟話酒醒

公不到西山二十八年矣老僧猶能

說舊遊時事

宿隆教寺僧房

最愛塔墀細雨中瓦盆高下列芳叢
白花紅子皆秋意斟酌西窗一夜風

從水盡頭步上五花寺閣

數折溪橋接水源，亂鴉高樹又村前。
路危礧阻千重石，山逼窗開一面天。
佛界偶來宜白晝，帝城難辨是蒼烟。
留詩莫作匆匆去，勝境吾將借榻眠。

臥佛寺

古寺無僧佛倚牆，臥聽蝙蝠掠空廊。
晚來光景尤蕭瑟，葉葉西風戰白楊。

金章宗手植松在壽安山西嶺上

壽安山頭一老松，從下仰視青童羽衣仙。
人擁蓋立柄短，却作偃僂容。我思躡屩苦無伴，
范老性華興到許。我從婆娑初自枝，亞入中乃可置一畝宮。
四傍四枝分

大明白

筆力矯凌極
矣然此句不
杜長之癸

四面側理橫出交，蓬鬆東西南北不相顧。
意到各自成虬龍，中間大枝挈領高勢一。
攬收羣雄其旁峭壁截牙角，直下千尺藏鋒鏘。
蒼髯翠尾掉空際，蜿蜒飲澗天。投虹千山萬山似，搖動鱗甲未斂雲。
濛濛須臾夕陽轉西麓，腕下罍罍生微風。
一聲老鶴忽飛出，竿籟散入隣菴鐘。
老僧拍似時代古，手植傳自金章宗。
是時朔南罷兵革，貢使一一舟車通。
明昌泰和號極治，擊球詐馬習俗同。
近郊亭館恣遊宴，逐獸不入深榛叢。
遺山野史有深意，國亡事去忍更攻。
孤臣飲泣記舊恨，肯畏後世譏不公。
洗粧樓空春月白，射柳圍廢秋花紅。
一朝故物獨留此，鬱鬱幸自蟠蒼穹。
爾來四百四十載，坐閱桑海如

飄蓬輪困差堪伍社櫟瀟灑猶足驕秦封君不見報國
門前數株樹托根悔落塵埃中

碧雲寺後一山皆內監葬域中有豐碑二統刻
魏忠賢里居官爵甚詳守僧云忠賢自爲生壙
本朝初年忠賢名下葬其衣冠於此恨無有力
者培其石也

碧雲臺殿倚雲端香火旛幢屬內官一代賢奸青史定
兩朝黨籍白碑殘松杉暮雨鴉音革羊馬秋風石骨寒
却嘆山靈無藉在猶容厠鬼瘞衣冠

宵雨至香山晚宿來青軒

曲磴初從鳥道攀短墻東面抱灣環九重城闕微茫外

一氣風雲吐納間暝色浮鐘來別寺秋聲分雨過前山
紅塵那許高千尺任放層軒擁翠鬟

同吳六皆陳叔毅湯西厓宿摩訶菴

禪榻吹燈睡不成棲鳥枝上已三更紙窗一面朦朧月
只道秋聲是雨聲

白鸚鵡次魏環極先生原韻

古有雕籠戒今看負質竒縞衣窗外月白雪隴頭枝太
潔從人忌能言被俗疑商山留羽翼皓首託風期

陰高漠漠是爾入林期
之句蓋公歸志已決矣

重陽前六日同翁元音彭椒崑錢玉友朱遠度
吳六皆陳允大叔毅沈客子湯西崖談未菴家

荊州聲山小集分韻

青袍紅燭影相銜
劈紙心情故不凡
柿葉庭空聞朔雁
蘆花水淺夢南帆
探驪有客曾驚座
歸燕無詩亦畏譏
開口勿輕談世事
尊前除飲便須緘

過顧培園編修新寓

不遣輕塵點鬢華
斯人直比玉無瑕
蜘蛛屋角垂垂露
蟋蟀堦除艷艷花
半枕茶烟清畫閣
一窗香篆煖文紗
從今唱和貪多暇
底用題詩苦憶家

九日讌朱大司空花莊次韻

莫莫秋蕪一望開
驚心節物帝城隈
閒招南國騎驢客
來上西風戲馬臺
人與黃花同白社
鳥隨紅葉下蒼苔

皆尋常 研石
謬耳 不必在

六年此度天南北
巴未 在荊州 庚申 在銅仁 辛酉 在惆
貴陽 壬戌 在蕪湖 癸亥 在西湖
悵名園又舉杯

送六皆歸杭並寄章豈績馮文子嚴定隅二首

風急馳鳴沙外村
蓬何意復歸根
多時白髮思遊子
依舊青衫出國門
光範三書原失策
渭城一曲最銷魂
買田只合山莊住
珍重天涯贈別言

黃葉黃花媚晚晴
酒旗茅店一程程
稍嫌歷髮邊沙重
不礙衝寒布被輕
夢短賸留他夜話
計偕稀上故人名
得歸我亦抽鞭去
忍向桑乾聽雁聲

嚴雋菴侍御招同惠研溪吳天章王咸中王孟
穀朱西畛喬無功陳叔毅湯西崖小集即席分

賦

相逢塵埃中交臂面不熟雅人著懷抱有如瞳在目侍
御鄉國賢未見意久屬司閹戒勿拒徑造少躑躅一月
三過從看到秋殘菊長安多讌會熟客後先續長揖容
吾曹情深感君獨紅豆致蕭淡河東才屈曲石陽光走
珠漢陽璞藏玉髯陳好儀表大喬絕谿谷小朱及瘦湯
秀發秋眉綠廁我數子間傭保坐擊筑淋漓取盡興豪
爽一破俗逃觴或竟去下榻或信宿戲具雜博塞古音
披簡牘狂言醒不禁好句互傳讀坐令布衣交放誕惟
所欲甘從平原遊不學步兵哭吾生莽無涯疲甕信兩
足玉川洛城居并少數聞屋未能逃空虛時復累口腹
不鄙迂疎前期幸交勗

與研谿別後疊前韻寄之

我從湯子交耳君名已熟初來長安城欲見塵眯目名
園一杯酒邂逅情未屬

余識研溪於趙
恒夫農部席上

別時蓮蓋紅懷

刺久躑躅忽忽秋向老花期過黃菊晚赴嚴公招名流
趾相續森然授几席後至惟爾獨衆中造膝談稍稍致
款曲湯言不我欺伊人果如玉似從坡陀遊迤邐入崖
谷松篁幽徑轉照我鬚髮綠石潤斂雲霞泉清作琴筑
對之浮氣盡亟取藥吾俗曲尺移木床醉留同一宿男
兒屬有才未了三千牘買田歸可種買書行可讀委身

俛仰中初念固不欲况當搖落候有痛忍輕哭涼燈一
穗花夜半開未足浙瀝風洒窗淋浪雨鳴屋明朝門外
路泥淖驢沒腹連鞍共君出寸步苦局趄紛紛疾走兒
馬騁車脫輻即此慎所之久要互相勗

汪東川宮贊屬題秋林讀書圖時汪給假將歸
似曾依樣買林臯只愛攤書不蓋茅榦老從添鴉點葉
影疎初見鵲成巢好風開卷聲相遞古墨分香手借抄
怪得先生官况懶畫中光景十年拋

送大司寇魏環極先生予告還蔚州二首

曳履星辰二十年尚書襍被故蕭然勇能自斷天難奪
清畏人知世已傳白社竟成娛老地黃金不貯買山錢

閒雲一片秋寥廓何限風光倚杖前

嶽嶽寒松表

御書

寒松堂公臨行時
御書賜額也

新堂歸到好懸

車身名似此真無媿進退何人綽有餘報國文章傳後
起謂無偽
中翰立朝風骨想當初不因祖帳東門道太息方

煩比二疏

送陸蓬叟之井陘

不道西遊爾許難万峰高下渡桑乾亂鴉雪緊荒程暮
叢雁天低斷角寒燕市莫尋當日伴并州且作故鄉看
到時尺素煩馳寄及與梅花報歲闌

叔毅見示初度述懷詩有感而作

與君世好幼同里其室則邇其人遐年踰三十未識面

各被衣食驅天涯。余顏顛頽變黑瘦。攬鏡未免頻咨嗟。
子髯毵毵長一尺。瀟洒亦復沾塵沙。燕山此來忽交臂。
相視莫逆心靡他。衝風冒雨屢相過。朗吟狂咲聲譁譁。
行時肩從坐齒序。愛比兄弟豈有加。一朝顧我歎不樂。
刺眼怕看重陽花。叔毅生辰在九月九日新詩一篇把似我音調。
慘裂如秋笳。對之思苦難卒讀。冰雪入口冷戰牙。看君
烟烟具至性。母喪未闋衣。仍麻泪痕徃徃在。枕席鼻魚
岐路憐京華。憶余浪跡走絕徼。未夏四月初辭家。先君
下世纔一載。面目赧汗逢人遮。平生粗知奉禮教。豈敢
自外傷芸瓜。至今肝腸抱至痛。視息母乃同豚豕。歸田
但祈免溝壑。此願易給原非奢。天於我輩胡獨忍。故令

具體蒙疵瑕。子今襟期頗澹漠。西溪片瓦已可除塵埃。
洞瀕一回首。便欲策蹇乘柴車。幾時真約結隣去。對門
老樹枝槎枒。

研溪索題紅豆齋詩冊二首

東田西澗勢相參。此本如今恰有三。一點丹砂非俗物。

居然鼎足占江南。吳中紅豆三本一在拂水山莊一在王奉嘗東田一在青溪堂即研溪近

也居薄遊久欠買山資。齋笏初安負一枝。但使主人長閉戶。

樹名何取號相思。

題惠研谿崢嶸集次汪蛟門原韻三首

不成吟上紫薇亭。翡翠琉璃并作屏。一事比渠差較勝。

遂成故實

自編佳句付樵青

紕繆論才本不多詩家勁敵許誰過不須綽板尊前度
搖膝聽君喚奈何

硯齋吟吻暖生春推爾堯峰步後塵賴是老元偷格律
知音此外斷無人

每被老元偷格律樂天語也
蛟門舉似研谿故借作轉語

燕臺雜興次學正劉雨峯原韻十首

九關王氣鬱千秋如此風光蕩客愁東路雲垂遠海濶
北條山勒太行收天蟠宮闕瞻螭尾地擁塵沙散馬頭
老柳不禁吹笛意夕陽疎影倚高樓

千古荆丹痛最奇誰教秦騎竟橫馳漁陽鼓動天方醉
督亢圖窮悔已遲他日酒徒猶擊筑向來博道抵爭碁

此詩皆用北齊
書

無聊尚有酣歌會不似東方但苦饑

北史流傳樂未央上都幾處闢球場幕南地空聞傳箭
花外樓高見洗粧紫色蛙聲雄八族烏衣馬糞美諸王

分明裂帛湖邊月及照三朝舉國狂

十三陵古隔巖關往事低摧父老顏黃鳥哀歌經國恤
紅巾新籍點朝班金戈運啟驅除會玉匣書留想像間

斫却冬青人盡識稜恩羊虎尚斑斑

直放江湖日夜東異時黨論比狂風清流禍起名賢盡
甘露謀疎國運終一紙興亡看覆鹿千年灰劫付冥鴻

時平翻幸吾生晚不見郊原戰血紅

班馬文從一代編世家人物數華顛藏書已獻言何諱

焚藁無期客問年莫道汗青從蠹蝕好憑頭白寫蠶眠
諸公衮衮皆才彥珍重須教信史傳
帳殿崔嵬令閫寥凱歌連歲奏鉦鏡雲深雁路朝盤馬
雪點狐裘夜射雕都護玉門關不設將軍銅柱界重標
職方別載魚龍國咲拍烽烟薄海銷
恩波一夕滿江湖下詔蠲租例久無忽見黥黎成感涕
始知草野愛微軀龍船旗鼓三江戍馬輦雲霞五岳圖
盡道登封儀注古秦松容易比貞符
朱門祭戟列東華金谷筵開辦咄嗟雪甕分漿啜楮
霜刀剪韭妬萌芽歌喉欲斷從絃續舞袖能長聽客誇
贏得狂生無藉在欲捻書籍問東家

第十首甚好但

承上七首來別

一說神氣既以

杜矣以不居不用

其後料以爲起

句也

百分一棹過觥何限關河載酒前投筆生涯經絕或
定巢歸計失驚絃縱橫野馬群飛路跋扈風箏一綫天
曾是征南舊賓客摩挲髀肉也潛然

冬日張園雅集同姜西溟彭椒畧顧九恒惠研

谿錢玉友魏禹平蔣聿修王孟穀張漢瞻汪寓

昭陳叔毅湯西厓馮文子談震方家荊州聲山

限韵

丈夫置身非廟廊便合食力勤耕桑誰教鹵莽走京洛
去住兩策無一長天公似憐太坎壈一事獨許平生償
招呼朋好作痛飲逸足快脫籠頭韁城南小莊如畫裏
樹頭一扇風旗張忽從空曠入叢薄積雪寒峭屏山傍

籬根涸池受落葉窗面破紙穿斜陽圍爐坐密氣漸煖
稍覺冬律回春光大梓蒸菜苣薑辣滿甕印酒開泥香
蒲_蒲已充筵上果但見枯蔓牽隣牆初拈險韵鬥傑句
旋徵雅令搜枯腸須臾耳熱更豪劇角逐兩兩爭低昂
傷人却問何所樂我亦自咲狂夫狂三年隻身走万里
絲路裊裊衝蠻鄉豈無釣藤_{蠻中酒名}拚獨酌意緒冷淡難
禁當翻身勇決作歸計又被饑餓驅遊蕩別人騎馬我
徒步鍛羽無分追高翔行藏眼底但如許有意排遣終
悲涼風流見賞古不乏跌蕩慎勿矜辭章明朝定傳好
事口指點此地成驩場安知酒徒積放意不欲與世衡
鋒鋌城頭鴉啼客盡散獨立四顧神蒼茫

此句不必在月慎字

與張漢瞻次侯大年韻

竹垞今名家從君賞文格每逢最佳處輒爲浮大白自
抱萬卷書羞隨五侯客養親異一第歲月去已積變體
爲時文頻遭按劔斥皇天老眼暗才地每相厄何妨掃
蛾眉稍稍傳粉澤肯違靜者性彼好此不易

送少詹王阮亭先生祭告南海

祝融南都水環滙赤龍渴飲九州外扶桑日枝万丈高
吞吐晨昏變明晦颶風磨旋鬣帆片蜚雨珠沈蛟室珠
幻呈綵縷現蜃樓淡入蒼烟失鰲背不知靈封畫何境
禹鼎無從辨疆界元和一老去作碑廟貌千秋遂稱最
茫茫元氣收不盡好手何人復堪代康熙甲子帝東

巡特遣軺車告時萬瑯邪先生啣命陞嶺嶠星明拍華
蓋祠官奉幣紛趨蹌天使陳辭虔跪拜靈旌肅肅雲蓬
蓬一氣流通百神竚向風海鳥聽鐘鼓有眼蠻人識冠
帶時清邊徼無烽燧道遠詞臣多紀載公之文章在館
閣每借名區發雄槩曩時蜀道今海邦盡洩光芒天不
愛後先人物諒無幾才地彼此恒相待所傷或從遷謫
到終恐才鋒束機械如公擁傳真壯游直放胸期寫豪
快豈徒榮遇際曠典已見風流壓前輩佛桑花發啼鈎
翰幾日歸航下瀧瀨還朝快示紀行篇浩浩洪波納千
派旁人若問陸賈裝徑尺珊瑚手親碎

題田綸霞少叅山薑詩後

此真字別不可

此等應西州之作

何必存

陸辛齋許云領賦
自能因子瞻句便
覺氣爲之減更
錄之便妙

得從京國數追隨真愛山薑一卷詩佳處不憚一過讀
識君翻恨十年遲古人可作心相許同調無多論稍早
便欲借抄煩乞予手彈紅燭寫烏絲

小除夜椒嶠招同沈韓錫陳叔毅談未替家聲
山集王巖士樞部齋限韻

蠟燈垂燼夜厭厭寒薄重裘雪滿簾得路才華同輩少
椒嶠刻管喻集初成畏人心跡擇交嚴座中放論歸長悔醉裏題
詩醒自嫌等是關山牢落意年年馬齒路傍添

次椒嶠寒夜書感見示原韻

多生積習未全除烏有何勞問子虛四壁燈明孤影外
一官霜偪二毛初也知作客年年慣若論謀身種種疎

比似無家還較勝叩門連夜得兒書

除夕飲許時菴先生寓齋二首

南衝烟瘴北風沙每到殘宵輒憶家土鏗光陰飛石火
瓦盆消息候梅花百觥濁酒澆愁緩一杵疎鐘警夢賒

草草行藏十年事寒鐙影裏又京華

小閣圍爐薄雪侵坐移宮漏夜方深最憐入座聞吳語

轉遣思鄉動越吟射虎殘年留想像亡羊岐路判升沈

對床未易論前事倚賴鳴雞激壯心

敬業堂詩集卷五

敬業堂詩集卷六

海寧 查慎行 悔餘

假館集上 起乙丑正月盡一年 廿六歲

甲子秋闈被放將出都適黔撫楊公內擢少司馬

相留邸舍丙寅冬公以養親告歸臨別檢點詩笈

得若干首蓋從公唱者無過數篇餘皆應酬雜作

分上下兩卷

乙丑元日立春

忽於此地逢元日况復斯晨屬早春萬里關河雙眼雪

半年衣袖六街塵閉門客少詩初就老硯冰堅墨未勻

擬遣家僮擇歸日曆頭愁換一行新

何君字之大真也

人日和朱大司空作

纔到春晴馬意驕金溝流水玉河橋東風吹綠鱗鱗活
倒捲餘寒上柳條

錢勿鯤將遊江右以詩留別和送一首

西江吾舊到爲爾唱驪駒山縣稀逢驛風帆健過湖別
離無善狀貧賤有長途草色春衫外飄零奈酒徒

鳳城新年詞八首

萬歲山前百戲陳內城排日作新春金錢多少纏頭費
半出朝元會裏人

綺羅珠翠極鮮新襦袴誰憐雪裏貧一樣昇平好時節
兩宮春帖進詞臣

杏黃韁配紫貂鞍 天子親祠穀壇前隊不教傳警
蹕萬人齊傍馬頭看

纔了歌場便賣燈二條五劇一層層東華舊市名空在
靈祐宮前另結棚

雀翎風細遞傳呼三日 君恩有賜醮飛放泊前騎馬
入文官班次執金吾

巧裁幡勝試新羅畫綵描金作鬧蛾從此剪刀閒一月
閨中針線歲前多

添得樓中幾日忙簇新裙帕紫姑裝一年休咎憑伊卜
拍手齊歌馬糞鄉

繭紙輕敲作鼓聲啣環絡索鐵錚錚踏歌連臂同兒戲

何限年光付送迎

花朝前四日朱大司空招遊南莊同田荆巖編
修作

馬首年光柳色新。郊原一棹去尋春。題詩我是重來客。
稱意花如舊識人。青嶂捲簾晴帶雪。好風擡袖座除塵。
公如早爲蒼生出。絲竹陪遊得幾巡。

石陽山莊爲王咸中賦即送其南歸

十載才名滿帝都。明朝襍被竟歸吳。重穿曲逕尋蒼陽。
獨上高樓望太湖。放艇有人奉載酒。打門無吏夜催租。
眼前此境殊難得。或恐桃源但畫圖。

疊舊韻送研谿南歸三首

軟塵堆裏出都亭。却指家山入畫屏。笑到清明沙路盡。
一鞭淮岸柳條青。

陌上重聽緩緩歌。家如傳舍偶經過。一身有母尤應惜。
負米終如欲出何。

辛苦京華二十春。枉緣篝火勘窮塵。有才如此吾猶惜。
未必天終老是人。

春分前一日再遊南莊

每從遊賞發詩端。草色烟光漸滿欄。興到不辭連日醉。
春分猶剩幾朝寒。晴邊苑路差宜馬。低處花枝欲礙冠。
二十四番風信在。與公一度一來看。

刑曹關內馬公出知杭州謹呈古體一首

是應用在字才

名賢展經綸動與事權會何當量才地屑屑較儕輩明
公蘊蓄奇出手世無對關中昨寇亂豕突掩不戒公時
在鄉閭倉卒發雄槩一呼集義勇指畫定向背登陣氣
勢壯強賊逡巡退守土非無人儒生握成敗上功得州
牧報績果稱最迴翔歷曹郎再使聲華沛蔚州老司寇
許予少置喙推公賢且能謂足歷當代昨來權北關吾
杭扼要害流風揖士子積弊剔駟僮至今蔽芾棠勿剪
頌遺愛大廷崇吏治一例視中外此郡復煩公托付意
有在府治統九城東南江海滙連山際西北中畫吳越
界繁華昔或然疾苦今百倍婦女力蠶桑丁男勤耜耒
先時辦公稅絲穀長早賣供億苦多門奸胥巧科派弱

同几上肉色有豐年菜况今兵燹餘水旱互癘察千里
水陸衝六年轉輸憊稍期甦喘息亟望爬瘡疥租從
巡幸蠲圖覲流亡繪公今乘傳出膏雨行當霑兒童騎
竹迎父老扶杖拜賤子本部民饑驅走邊塞歸耕自茲
決直欲從公邁

上巳後二日同楊耑木出彰義門次日抵涿州
馬上口占

放慢遊韉信意行不教馬力困兼程草低天遠盧龍塞
柳暗烟濃涿鹿城遷次心情移客夢蹉跎鄉社負躬耕
杏花開過清明節猶記橫簫聽賣錫

奉陪朱大司空松林看杏花同吳楞香許時菴

王薛澱吳匪菴諸公分韻二首

偶逐肩輿出郭行，蹇驢斜照一鞭橫。平分節物歸僧舍，背拍風沙帶帝城。好鳥啼能添野趣，晚花開及向春晴。作詩自取排吟興，何必留題識姓名。

煖烟濃靄互交加，樹裏孤亭四面遮。杏酪已調初改火，松濤忽瀉正烹茶。內官老作茆菴主，遠客閒看禁苑花。果園已屬內廷多謝東風不相笑，一枝歸壓帽簷斜。

鳳阿山房詩為侯大年題冊

畫藁吟多手自芟，桐花昨夜夢千巖。羽毛大好君應惜，從此歸飛正不凡。

送徐毅庵歸梅里

此當作平水詳

復州字

綠槐陰下一條街，五度東風感計偕。路盡始知村舍好，調孤肯與俗工諧。雲開馬首重經嶽，毅菴歸途將登泰山絮暖鶯魚恰渡淮。想到溪南好風日，家人已製筓皮鞋。毅菴不喜者

云故

送祝彥方落第南還

來何州州去匆匆，帝里春殘悵別同。歸燕吟成芳草外，跨驢人老落花中。枉緣腰扇遮西日，悔逐烏裘障北風。駱賓王詩烏裘十往還勸爾一杯須作達，畫眉何取入時工。

次德尹見懷原韻二首

倦飛無力出風塵，每對來書輒損神。失路又成三歲別，賣文何補一家貧。浮生泛梗仍孤影，上苑攀花偶故人。

多少五陵裘馬地等閒狼籍路傷春
爛醉旗亭得幾場鄉愁如海詎勝量花紅村社巢邊燕
草綠春陂雨後羊每送歸人因得句漸消奇氣不成狂
便思短策飄然去檢點征袍已八霜

送楊耑木歸里兼寄朱日觀錢昭平朱與三王
子穎陳補思寄齋諸同學

悵斷河梁又一回留真無策去徘徊
笑能傾國時方好曲到知音調始哀
別語感君如骨肉故人疑我竟塵埃
相逢爲話狂猶昔只是生疎酒伴來

端陽後一日同人集朱竹垞表兄齋分韻

愛君庭戶清絕比似長松夏寒荷柄香含風幔櫻珠紅

此等特折清真
字以後蓋少

吐米盤間人不妨鬥酒樂事無如去官同是江湖倦翼
可憐萍聚長安

送郭臯旭歸平湖

屢下行期又屢愆一官空憶廣文壇飽經世味貪歸路
老傷時名狎少年席帽白堆蓬鬢雪布帆青入柘湖天
倦遊未必非良策方頃烟波待釣船

畢鐵嵐僉事將督學貴州枉問黔中風土短章

奉荅兼以送行

浪遊我昨趨黔境一線乾坤歎贈躓辱公就我來問塗
臨別能無片言贈此邦風物口能說筆墨形容反難罄
但從記憶得大凡一一舟車往堪證荒程杳邈六千里

式若以
短爲
謹亦
不在長
短

冷署蒼涼十三郡荒山無樹茅紛披亂水分溪石綿亘
金蠶閃閃夜放蠱苦霧濛濛晝埋甯經過密箐偶逢人
雙眼睜吁語難聽裹頭黑纒覆膝赤脚花苗裙及脛
呼同山鳥似有名籍繹官司總無姓其中一二稍秀拔
畧解詩書誦賢聖憑將流寓較土著有似蓬麻草中勁
卅年况復兩遘亂子子殘黎偶然剩此時收斂加冠巾
亟賴名賢計安定先生制菟傳海內帖括家家奉龜鏡
昨年選曹得兩浙私爲鄉人喜稱慶公赴銓選初除浙
江學使已而改授
朝廷有意變成格使者移官膺 後命勿輕荒微愁遠
宦此去依然執文柄五丁力在山爲開尚闢蠶叢作蹊
徑苗民雖頑亦人類向化何嘗絕天性從來教養視人

事豈謂聲呼無響應幕中浦郎傅功况才士唱和溪山
好乘興公聞此語當輟然快束行裝倚鞭鏡

送葛受箕赴建陽丞

南行風土近鄉關路轉三衢第幾灣簿領老除新佐貳
幔亭天與好溪山松間日影哦詩過花下文書判尾還
葛工楷書如此襟期原不俗宦途有味是蕭閒

喜外舅陸射山先生至都六月望後爲先生初
度同學數子置酒容園爲壽敬賦長句四首以

侑觴

幾遍芒鞋踏帝畿星埃頭上片雲飛漸除豪氣終違俗
纔却行裝便憶歸晚節尚餘文筆在舊遊併覺酒人稀

陸辛齋制時
年六十六



清時肯擅徵君目收取聲名待拂衣

夜夜星明處士天青山高臥奈無緣癸辛志每隨行笈

甲子詩多又紀年未定草堂天寶後就荒松徑義熙前

身為甫里先生裔莫笑貧無一稜田陸魯望詩我本曾無一稜田

小別回頭又隔年重瞻鬚髮轉蒼然採芝園綺今無伴

善飯江湖老亦仙簾閣日長棋算劫荷陰人去鶴看船

過從最憶須雲閣老樹濃陰庇亂蟬

尊酒名園借榻餘眼中泉石自清腴同來我亦辭巢燕

暫止人猶愛屋烏新沐頭輕從髮禿穿花步穩倩藜扶

尚平此日差無累懷袖親攜五岳圖

送李蒙山回嘉禾任次外舅韻二首

須雲閣辛齋先生歲暮書

敏弦歌罷水風涼碧野秋遲未剪霜報道今年官酒賤

公畦小稜秫花香

衣裘容易改寒暄來往無端閱使軒歸夢隨君到蘋末

白鷗飛處是田園

苦雨次少司馬楊以齋先生原韻二首

連旬暑雨不曾休邸舍焚香兀自愁猶勝万重烟瘴裏

五年三伏滯炎州

剝啄聲稀退食堂生衣十日透新涼閒中筆墨能添潤

一桁簾波潑硯光

東朱竹垞表兄時移居古藤書屋

整妮牙籤萬卷餘誰言家具少于車儂居會向春明宅

不必存

好借君家善本書宋次道居春明坊家多藏書皆校三
五德推為善本土大夫喜讀書者多
居其側以便借抄當時春明
宅子比他處誠直常高一倍

訓別鄭寒村 梁字名梅

關風伏雨兼旬臥晴路一鈎新月破簾前暑退得新涼
門外泥深成堦坳此時有客過言別蹙蹙毛驢壓歸馱
囊空隣酒賒不來醒眼相看但愁坐一篇削葉辱佳序
寒村臨行為余
序慎梅二集 七字留詩慙屬和余才弁陋非爾敵強
以珠璣承咳唾用東同學屈指論往往傳經接師座余
與
寒村俱
出黃門故人再與瀛洲選謂介眉滄
柱兩太史一鄭榮陽尚摧挫
失群行李獨淹泊有價文章久傳播燕山此度六往來
未免征衫被塵灑干時少術非爾病當路無援是誰過

向來人盡棄所長遠到君能見其大古人可作迺殊代
同調相求凡幾箇勿將時命較窮通只許才名出寒餓
羨君有志成果決笑我無端逐游惰偶逢知己私自嘆
每送歸人輒相賀荆榛滿地羊觸藩日月周天蟻旋磨
故鄉樂事殊可憶欲往從之正無那秋風一騎不可留
八月江田熟香粳

范性華徵君屬題陳憐小影

小像沉香手自熏前期如夢却疑真五湖忍負閒風月
為少扁舟共載人

送聲山姪之湖口二首

自憐萍梗尚京華勸爾江湖飯好加南北豈堪頻送別

去留等是未還家遠書到眼秋垂泪時聞翰苑兄隻影

挑燈夜落花如許流光真痛惜校量何計穩生涯

萬頃波心坐白鷗一天涼雨到扁舟三年廬阜虛前約

往在南昌與聲山相約入匡廬度歲不果兩度潯陽感舊遊帆葉依依重入

夢蘆花瑟瑟正交秋青衫尚洒琵琶泣那得平銷我輩

愁

虛字太多

墮馬歌為朱悔人賦用李茶陵集中韻

朱髯別家久不歸如鳥羽倦猶孤飛躡決曾穿雪中履
綫綻未補秋來衣長安城中多第宅年少翩翩好裙屐
青絲絡馬裝馬鞍騎出從誇新買得髯乎足不出戶庭
塵高十丈看橫行忽然欲詣良友酌正坐倚壁空餅罌

蹇驢力小不任重性命敢謂男兒輕牽來未識北馬性

借得大感東家情掀髯却上跨韉坐掣雷流星一鞭過

此時逸足縱莫收造父旁觀巧難佐跡馳駕馭良匪易

馬上人從馬前隋鏡中欲博齟齬賦裏偏憎插花賀

康莊大道城西阿失足何必皆坡陀有生所事非意料

未許輕薄相嘲訶當年頗怪王處仲曾為伏櫪生悲歌

虎頭失計始投筆猿臂何物誇橫戈不如漢陰歸閉戶

安穩生涯信徒步未成矯矯鶴南飛那免熒熒兔西顧

夕陽牛背輪牧豎夜雨蘆中負漁父故人乘車爾戴笠

此作叅軍彼主簿天生爾以不羈才困躓風塵是誰誤

眼前只作墮馬看一跌無端豈終仆印須肯赴舟子招

將伯誰爲輔車助我生鹵莽事奔走屈指歎崎經畏路
尚逐他人肥馬塵浪遊此出凡三度似聞樊圃限狂夫
便合因君警晨暮

上少司成徐蘋村先生二首

數仞宮牆入望新鼓鐘相應在成均何期當路心猶折
如此憐才意始真魚鬣欲騰燒後尾琴材偏賞爨餘薪
百川東下何須問賴有狂瀾手障人

韓愈猶居博士員風流此外孰隨肩來叅講幄三千士
及聽聲華四十年樂地不踰名教外人才都定咲談前
讀書射獵論初志直爲從公願執鞭

送周雪客赴太原藩幕兼訊安邑丞陳六謙

半年裙屐軟紅塵旅橐多緣好事貧手板老方除佐領
幕僚古亦屈才人巖關夜度荒雞月絕塞秋高一雁賓
投轄舊遊豪氣在莫將俗吏視陳遵

題張漢瞻望雲圖兼送其歸膠城

風流取相賞至性關感動我交天下賢孝友得張仲學
成家轉貧母在身愈重長因負米出屢缺晨昏奉天如
憐斯人不忍付寒凍但令邀一第薄少分半俸逋尾戀

慈烏竒毛刷雛鳳中情稍自慰白髮免尸饔如何舉子
場久抑禮部貢賣文給衣食頰首逐儕衆三年長安城
側足塵瀕洞布衣慈母綫風裂秋來縫坐遣望雲心時
時結飛夢誰從筆墨下寫此肝腸痛披圖見君意我乃

張名重章嘉宜人
阮亭門人見分甘錄
張

有餘恫平生蓼莪詩廢置忍再誦菽水不逮親偷生復
奚用君今及歸養此樂世罕共板輿隨春遊金經侍晨
諷好與劖雲根靈護手親種

送汪寓昭南歸

國家制科設取士數亦夥苟非得其人撫仕真瑣瑣子
來試南宮命中弦激筇干言屬廷對一一明珠顆謂宜
遂騰上帽壓宮花朶群飛或刺天而子足猶裹束書欲
南下躑躅每未果草草薄遊裝昏昏短檠火半年仍旅
食今始買歸舸一涉仕宦途古人比韁鎖子方富年力
抱負况磊砢更讀十年書識考亦頗井然見經濟歷
試靡不可得第未得官於遇非軼軻子如歎失意何地

更處我

送何雪神宰溧陽

嶺表才名久軼倫一官江界去逡巡五千里外飛鳧地
三十年來謁選人可有孟郊爲縣尉長容閱貢作州民
謂宋梅知鳴琴以外無公事花氣能銷簿領塵

周廣庵編修席上分賦秋蘆十六韻

秋入江湖濶天連葭菼荒懷人方渺渺極目但蒼蒼搖
落空洲畔參差枉渚傍拂莖看漸老抽筍記初長露壓
梢梢重聲添葉葉涼戰風迴折戟溜雨得沈槍寒水依
痕靜殘暉弄影忙白疑先挾雪青愛乍經霜暗浦菰交
暝沙田稻映黃就橋迷蟹斲引路入漁莊錯莫招窮士

延緣阻一方寒蟬遺晚蛻遠雁落斜行鬢篋悲辭漢琵琶怨嫁商托根隨地有薄植過時傷織箔思蠶事編簾隔草堂刺船如有約吾興在滄浪

秋夜集古藤書屋時梁藥亭將歸南海聯句送

行此首亦刻曝書亭集

露葉倦未飄雲鴻遠相引朱竹垞星埃感蓬勃物候變淒

繁湯西怪怪八達達有客發修軫悔餘僕夫在郊垌稌

黍被隰吟梁藥亭柅車浮淪瀾舍擢度噫嚶朱雷殷風息

颶海大魚見驚湯峽猿有時歸南雪終不實查八九月

之交六千里而近梁懷居興雖洽判袂情詎忍朱置酒

青藤陰入門走蛇蚓湯颶颶涼颶動灑灑纖月隱查山

杯深窪匏野藪脆嚼菌梁迎寒笳卷葉戒夜鼓鳴篋朱

談鋒騁趨雄詩械破室窘湯毫毛秋穎脫墨光古香吮

查臨當黯然別且復莞爾哂梁炎瘴固所便眠食勗惟

謹朱行看早梅墊到吸蟄蟲蠹湯前期久勿忘鄉夢今

迺準查穆如清風篇持以示均尹梁

名之用此再送梁藥亭次大治司農原韻

草低天遠見牛羊九月燕山早得霜去國一樽秋惜別

入時雙黛老羞長飛鴻與作書空字落葉輕如度嶺裝

一物差堪銷客况難拋鄉味是賓郎輕字与上句不對

王黃湄給諫屬題紅袖烏絲圖二首

十級丹梯百媚城小欄高下得芳情美人一笑花齊放

直以未成之作

二詩可謂精絕之
至矣然杜詩遊人
然味叶淫來誤
解 先生亦誤用也

為報毫端鍊句成
橫幅看題幼婦辭箇中多識背時宜只除一事曾瞞却
諫草焚來不遣知

重陽後一日長椿寺讌集聯句 此首已刻曝書亭集今附錄

九日倏已過 姜西 濕雲漫四郊森森長雨垂 朱竹 颯颯

虛檐捎病葉戀冷枝 梁藥 驚鳥盤空巢晨興踐夙約 陸射

山攬袂皆貧交勝引雙樹林 魏禹 宛若深山均藤綰三

秋蛇 張漢 槐舞千歲蛟頰柿迸露實 朱海 金英坼霜苞

紅的的吳萸 陳叔 碧茸茸秦瓦溝竄鼯鼯 湯西 戶網

牽蠨蛸蘚深鼻鼻伏 查梅 篆古蒲牢哮粥魚晝浩浩 俞大

文墻雞午膠膠光景歛明晦 姜 眺覽窮槽櫟新耐綠滿

竿 朱 晚菘黃充庖豈意青豆房 梁 俄頃羅嘉肴鳴薑膾

紫蟹 陸 題糕餘彩貓子鵝新韭配 魏 鮮鯽枯荷包已見

雉膏登 張 况有兔首魚分曹玉鈎射 朱 角力骰盤拋急

觴易沈頓 陳 緩帶便爬抓一飲動一石 湯 載號或載叟

同聲唱者和 查 含意漆在膠五言乍妥貼 俞 十手爭傳

鈔雖乏韶濩音 姜 肯使下里鞞合并洵匪易 朱 顧我中

心恧歸帆艤舳舫 梁 別騎籠鞅鞞邈迤陟荒岡 陸 邪許

塞長筴免泣卞和璞 魏 且誅宋王茅中縛不借履 張 泉

酌喏然匏檳榔蕉柳荔 朱 都蔗菱菰菱雞頭祖竹萌 陳

翠羽官梅桷孰知江鄉樂 湯 莫厭潮田磽招隱丘中琴

香勵志賁土爰豈必馬足塵 俞 逐逐營斗筭 姜

何必云
附錄

送侯大年歸膠城

惠子春深跨白驢惠元龍歸吳季鷹秋晚憶尊鱸張漢瞻歸嘉定窮

歸甌粵吟詩客高雲客還老奉龍舒養母圖方田伯返桐城過關

梁鴻仍感噫梁藥亭歸嶺外多才王勃尚江湖王孟穀自楚入滇君今

又掛南帆去寂莫黃公舊酒壚

顧培園宮贊寓齋燈下賞菊探韻限為字

勞牋重和去秋詩葉底花前榻未移却對清尊驚候晚

尚留各種愛開遲閒情特許攜燈就畫葉猶煩蘸筆為

莫話陶家三徑事年年此景負東籬

劉雨峯蕪隱齋小集

四門稱博士五載住京華客醉新支俸庭開手種花塵

五言
五言
五言

埃何處着書帙逐年加不道成蕪隱官清只似家

禹平南歸詩以志別

于石字石友

辛苦論交地追歡得幾回却忘吾久滯翻望爾重來才

恐隨年退眉還仗酒開知音真有數流俗任相猜

燕臺歲寒雅集同王后張錢越江顧九恒彭椒

崑吳萬子孫愷似王崑繩錢玉友徐子貞高遠

修孫子未王巖士陳叔毅湯西厓談未菴馮文

子俞大文家荊州作二首

一天殘雪冷晴暉高會金臺近已稀我輩論交終落落

他鄉對酒倍依依蒼茫敢信前期在輕薄翻疑古道非

得路何人能折節向來同學儘輕肥

檐花檐雨夜沈沈猶憶年時載酒尋忽漫回頭成昨夢
每從失路檢初心殘碁吳越尊前壘短褐冰霜歲晚吟
同調尚留公等在敢憑餘子說知音

過史胄司編修齋賦贈

每從朝退得閒情深巷稀傳剝啄聲視草才矜編集富
簪花格愛學書成茁來玉樹枝枝秀賞到冰壺事事清
怪得官清能下士五年前是一諸生

每若字拉扯成篇何費

敬業堂詩集卷六

敬業堂詩集卷七

海寧 查慎行 悔餘

假館集下

起丙寅正月盡十月

廿七歲

寄題宋漫堂觀察園亭六絕句

村烟雨外青沙草岼頭碧欲知春淺深風到鱗鱗活
綠波村

菱角初翻刺雞頭未剝圓涼風吹酒醒人上過溪船

芰梁

春水綠于頭春花紅似掌漸次去人遙鳧鷗雜三兩

放鴨亭

團瓢不翳茅擁蓋松陰下茶熟正吟詩風濤入懷瀉

是年為作
作騰笑集序
有云名位文章
相去遠矣何足
以知先生

和松菴

魚篷閣淺灘閒却絲綸手長被酒家翁紅腮偷貫柳

釣家

白鳥點蒼葭沿流畧釣斜愛他丞相第簾箔似村家

康公舊居也

緯蕭草堂

送顧九恒南歸 永年

柳汁春回翠滴衣羽毛雖好奈孤飛行期屢改今才決
同調無多去轉稀換眼舊遊隨夢散掃眉新樣入宮非
杏園已是攀花客終勝初程下第歸

俞大文出都同人祖席分韻得郎字 此名

客中送客春茫茫投牀夜夢得故鄉

前五日九恒別去

旬來怕

聽叩門別君又結束匆匆裝出都贈行例有句况我與

子情難忘我時正坐作詩瘦不耐冷淡搜枯腸典衣且

復就劇飲醉後亂發如風狂憶君年當十五六談笑目

已無盧王曾蒙佳什盛許予駘駘質下非敢當

辛亥秋大文賦

莫如我只恨岐路趨殊方萍踪一散十三載兩曜轉轂

驅星霜班荆故國再相見孝廉船繫禾城傍才人生還

話絕域詞客遠別歌河梁

以上叙癸亥春與大文揚謙同集吳漢槎鴛湖寓樓事

片帆湖口浪滾滾匹馬薊北冰碾碾竭來酒市並儻舍

我極潦倒君飛揚故人聯翩貢禮部屈指仇

滄柱顧九恒

原題十年辛亥

初五年廿二

徐子貞陳廣陵汪寓昭君於其間最年少爭看白面俞
家郎風擡袍袖綠陰合花壓帽影紅綾香文章自足取
高第仕宦何必皆巖廊苟觀愛才或太息達士安命無
摧傷鑿與昨者東幸魯曠典百代傳輝煌君今應聘
徃纂述豈異扈蹕來登堂直從國書採鉅麗不比家乘
搜散亡誰云小試著作手會見奎壁垂天章時大文應
衍聖公聘
纂修幸
魯盛典偶然便道一返里山青雲白遙相望眼前合并
那易得歸興未抵離愁長鞭鞘已出軟塵外裊裊絲路
穿垂楊

移居詩為姜西溟作

自我來都城三見君移居前年街東住夕陽到庭除殘

冬徙巷南北戶風攬裾今臨大街西朝日明窗疏短生
寄長世天地猶蘧廬矧乃一榻安蕲蕲良有餘君才本
絕代應名來公車姓名上史館著作登石渠太倉五
升米既飽同驩娛漆光拭修髯外澤中不枯有時典裘
褐間架如期輸卷軸不用籤錯置圖與書偶從移居候
整娖驅蟬魚經旬復成堆零亂巾箱厨即此見真率寧
能事奔趨朱門曠蕩開無地置爾軀請看名山業終古
歸繩樞

王忍亭主事招遊相國宛平公怡園二首

沙路開三徑名園甲九州不緣君愛士那得客同游好
鳥來宮樹春冰落御溝野人雙眼豁初見賜書樓

宛平王家口比孝老治國
亭園名皆心旁上所
存舊址者惟怡園
城園也

見說門前路鳴騶日日來
簇燈春宴罷踏鼓早朝回
華萼居相望平泉第對開
從來論相業原不廢亭臺

上大司成翁鐵菴先生

在字太多

虞山龍蜿蜒昂首挹海若
滙為人文藪嬪與代有作
我公實名家間世出騰躍
却將波瀾勢捲起向寥廓
國家取士途括制仍昨後
生奉師程體裁就拘縛
蠶叢嶠負固斤斧孰開鑿
巨手得韓歐呀然啟鐫鑰
文昌一星曜餘若螢火燭
以此結主知迴翔上館閣
十年執文枋出入兩不忤
東郡昔掄材雲羅恣搜索
遂令齊魯風一變起積弱
至今劍光在識者辨干莫
文運際中天四方視大學
頗聞長老語斯地久寂寞
簷簷器空懸豆籩

禮猶託春秋判羊豕朔望奠
尊爵四門官俸輕六館廩
餼削惟留古時栢枝榦尚
盤礴花甌饑啄鷹鬥拱暮巢
雀庭荒狐狸竄人去蝙蝠掠
壁書畫摧殘獵碣字剝落
偏傍按點黠星隕不可攫
自從萬乘臨廟貌再丹雘
臯丛位祭酒此座不輕著
新城轉官去士氣孰聯絡
公來一震聳造就指不各
外貌謙以和中懷嚴且恪
從公日乎邁人有執經樂
園橋看濟濟在泮咏躑躑
方當發黃精遺警道鐸三千萃
絃誦餘地故綽綽移時具
規樞次第有條約維植本根
史書覽大畧詞章及文藝
餘事柎承萼必若計栽培
先須破根柢力圖古制復
事異虛名博煦者春達萌
釋如秋解籜時情重成例
清議

動多格憐才出至性此意感非薄賤子望塵來三年客
京洛門墻雖濫厠鞭策稍知懼公于汲引塗取予必斟
酌何期納百谷亦復收一勺傾僚方自茲惟公鑒葵藿
清明日同玉友荊州出右安門就旗亭買醉晚
至朱大司空花莊復留劇飲即事四首
新烟淡淡柳梳梳疎雨洗輕塵出郭初遠客不知京國好
酒旗風裏話田廬
三鷗岐路小車歸一曲花遊簇作圍春色盡隨紅艷隊
明朝蛺蝶滿城飛
聯鞍緩鞚去逡巡覓句沈吟苦鬥新忽漫詩成狂拍手
墮鞭驚起馬頭塵

典衣偶出爲尋春重向名園叙主賓慙愧公卿傳好事
一時狂號屬三人

摩訶菴看杏花次司空公原韻

壺盧酒熟鳥催提路轉松迴別有蹊艷入繁枝停畫鼓
淡教微雨洗花泥開遲翻悔來看早興好方嫌飲量低
却被閒僧啗好事一雙蠟屐舊曾攜

三月三日朱大司空招集南莊限三字

一旬雨雪春淹淹餘寒尚帶三月三滿城花信近桃李
客舍冷落思江南司空園亭傍水際初已有約來停驂
郊原霽色忽入眼豁若明鏡初開函草凝露光翠撲撲
柳挾風勢青蓼蓼檐牙燕巢看新補枝亞雀殼俛可探

蘭亭勝事俗久廢京洛良會情尤耽
輓轡轉水百尺底繞砌曲折歸澄潭
不須絲竹發豪興自有風雅供清談
銅壺靜傳竹箭響蠻榼遠費桃枝擔
先生名高暫解組公子官好能抽簪
閒從門生諸公皆先生門下奉几杖猶許野
服來相叅古道力持公自厚群賢不鄙
余懷慙久留帝鄉亦何爲土俗節次差
能諳放鐘撇卵等兒戲歲月過隙真奚
堪大杯一澆壘塊散得飲且復拚沈酣
前期更有聽鶯約預辦斗酒攜雙柑

喬石林侍讀一峰草堂看花同外舅陸先生朱

十表兄錢越江周青士孫愷似湯西厓分韻

愛花成癖不待招春來徧踏東西郊起聞啼鳩送春去

不卒仿字可截用
否

猶跨短鞵搖吟鞞斜街草堂地清絕瘦藤當戶挈老蛟
土墻面面紅窳堵沙徑曲曲青盤拗磬頭暗皺高下石
亭子乍翦離披茅巧從陰借桃李杏惜少水養菰蘆菱
棠梨素粧太淺澹繁葢亂拆丁香苞新開海棠好顏色
兩樹氣壓千花梢主人爲言初買得舊根帶土枯蒲包
擔頭親爲解其縛位置特許依書巢栽培本關造物意
人事未盡休輕嘲泉口嘗手自灌及見紅艷青葱交
他人買園身不到君乃僦屋情難拋花時連日得休沐
剝啄有客門頻敲行攜几榻隨分設野菽蒸薺樽窪匏
偶然興到觸佳句已被萬手爭傳抄我詩不工強屬和
出語毋乃同號叟不成甘受金谷罰忍負新月垂弓弣

是夕再飲嚴嬖菴侍御鸞枝花下三首

賣花聲裏過斜街不記招尋月幾回只有繡衣真愛客
印泥封酒必同開

僦居喜近慈仁寺移得鸞枝隔歲栽報道退朝今日早
東欄昨夜有花開

矇矓眼纈隔窗紗曾入東隣學士家一醉竟須煩二主
可憐頻對客邊花

送叔毅南歸即次留別韻三首

到處誰當却掃迎去留此際計非輕自收詩上還山集
何取人傳入洛名三世羨君猶共爨百年為客總勞生
豈應陳孺長貧賤如許鬚眉徹骨清

場來挾瑟並燕中無下猶欣傷伯通謂嬖儘有狂言容

數子每從高會廁諸公淋漓醉射東方覆蹀躞群看北

野空恰恰酒人從此散一天無賴柳綿風九恒大文木

後出

敝廬好在龍山下藤蔓花梢一一垂春草池塘空入夢

德尹復瀧岡窻空杳無期封書病檢山妻藥陳焚慵探

季子雖百念因君多撥觸最愁人是望鄉時

重過摩訶菴老僧以新茶見餉

細色網從馬上催筠籠先為老僧開鬢絲禪榻前因在
直愛茶烟又一來

慈壽寺

摩訶菴西慈壽寺老樹盤礴爭奇雄當門古塔少梯級
合沓直上烟霄空迴廊二千五百步一一畫壁堆青紅
仙山鬼府靡不有搜神志怪殊未工雲旗飄飄騎白日
闕殿肅肅來陰風不知茲寺創何代負墻古佛塵相蒙
居僧兩三乞食去好事欲問嗟無從手指雙眼看碑碣
歲月却記明神宗是時海內際清晏嗣皇冕藻年方冲
雞鳴問寢駐銅輦瑞蓮獻賦歸新宮萬曆初年瑞蓮產
慈寧新宮閣臣申
時行王錫爵俱作賦一朝家法古無匹聖母不在垂簾中偶營紺
宇祝萬壽未可概議物力窮百餘年來就頽廢鐘鼓尚
與隣菴通君不見內官葬域抱山麓異時祠廟還穹窿
夜宿養素堂東偏

裊裊一枝藤疎疎幾行柳籬落吐燈光鄰家猶賣酒

秘魔崖古栢長二尺許俗傳隋仁壽中盧師手

植

連岡東北轉鬼物化幽秘瞰空飛一片石縫舒右臂老

鴉銜栢子偶向駢拇墜飛泉難仰流長此孿拳翠相傳

閱千載僅可二尺計勒龕誇佛力此語吾所鄙猥蒙雨

露恩竟負栽培意兒童斤斧脫大匠棟梁棄寧非干霄

姿吁嗟守憔悴不見出路

從磨石口至翠雲菴

亂山中有崎嶇路時聽征車撼石聲行過翠雲塵乍少

馬頭麥浪綠初成

立夏前一夕大雷雨宿西山麓
臥聞風雨聲。惜此花間路。沙路不成泥。披披曉窗霧。猶
嬾入山淺。未到雲生處。

日涉園送春

驚雷掣電夜窗明。忽轉雲頭又放晴。夢裏似曾聽雨過
曉來不礙看山行。紅衣匝地枝枝瘦。翠幄支天葉葉清。
遊興有餘春向盡。暫時經眼倍關情。

早發杏子口暮至香山

西山灣環勢向東。兩角到地形垂弓。客從山南走山北。
耳畔箭激颼颼風。苔遙一程晚始達。喘汗未定馬力窮。
入門翻愁磴曲折。落澗已愛泉琤琮。居僧指點最高頂。

十里近與前岡通。冥冥一綫縈萬丈。蜀鳥飛去啼春紅。
人間何處無捷徑。失足怕落荆榛叢。吾寧迂遲就坦道。
肯試奇險爭樵童。殿西一軒得空曠。雲根倒插下積空。
夕陽將墜尚未墜。數峰晴意憑欄中。回頭却望來處路。
已被遠樹遮溟濛。

再宿來青軒

景物蒼茫感舊秋。甲子曾還將筋力試重遊。行穿下下
高。高路題徧山。山寺樓捲幔微風香。忽到瞰床新月
雨初收。洗空塵土三年夢。一夜鳴泉傍枕流。山下有泉名甘露

永安寺頻婆花下

啼鳩聲中日向斜。閉門春盡似村家。黃蜂飛過短牆去。

零落頻婆兩樹花

從洪光寺下十八盤取道而歸

此等詩謂之

以顏耳

但此却之類

二者不直得

一區

荷言集卷一

九

洪光我昨到石徑盤曉籟不知眼界寬但覺足力費茲
遊及晴爽勝境天所乞去聲泠泠松上風倒酒泉泌沸路
窮寺門出氣象非昔謂關河劃然分有若列涇渭平疇
綦布罪萬象經錯緯舊遊領新得噉蔗飫餘味重尋周
歷處畫像儼中貴寺為正統朝太監鄭同所建按碑記約費七十万輝輝金碧
光尚壓一山氣峰高此為最興盡我猶未何當躡其巔
西覽韓趙魏

訓陳子文安邑見懷之作

新詩讀罷一摧顏何限心期悵望間塞柳關榆遮不斷

數峰春雪太行山

白芍藥和孔心一少叅二首

扶頭一笑粉生光鏡裏匆匆看改粧金餅賺來初罷浴
瑤階行過但聞香含嬌似爾情難禁太潔從人忌不妨
莫向中書誇故事素心羞對紫薇郎

便從姑射擬肌膚那許餘容伴鼠姑美酒對傾金鑿落
佳名果稱玉盤盃鶴翎舞拂新時樣獺髓痕消舊日圖
珍重一襟冰雪意殘紅掃地近來無

送湯西厓南歸兼寄嚴定隅

古寺槐交陰微陽轉冰簟上聲與君初握手片語示肝膽
來當傾蓋新久覺忘形漸相過日不隔懷抱兩無忝狂

二區顏之類

文獻堂詩集卷之二

一

言我難絨嬾病子未減彌縫補其闕瑕類肯互掩子才
隨地湧百斛走歛灑屈首舉子場十年困習坎隻身泝
瀟湘盛氣生勇敢歸來翻一笑函匣劍光閃未免爲時
名束身就繩檢酒徒遇燕市搖落自多感兒曹太輕薄
載鬼白日魘榆槍斥鷃如冠著沐猴儼彼頑何足校我
白故無玷稍恨素心人晨星散疎點金溝送別處屢見
風柳颺子來辭我行忽若猿出檻足矜行卷富何礙歸
褻儉溪堂行補苴湖舫待剡剡開籬受竹色擇石豈崖
六青茭鴨脚葵白剝鵲頭茨隣沽貫新熟詩韻鬥奇險
此樂吾久疎歲月徒荏苒雨堂倘問訊應惜緇塵染

閏夏飲竹垞表兄古藤書屋限藤檉二字

各成

五律(首)

曲巷居相近迴欄到每憑爽開尋丈地陰合兩邊藤幽
事披襟愜新詩計卷增時竹垞騰醉探杯底綠涼影落
層層

碧草柔牽蔓紅花細着檉客稀成雅集屋老稱佳名淦
淦雲催暮疎疎雨放晴家園風景似只是少啼鶯

雨後龔蘅圃攜酒古藤書屋分韻得能字

結隣君最好勿舍綠陰增榻愛同時設門教一僕應異
書便借看新句急催徵許我時相就衝泥到亦能

曲阜顏母朱太夫人壽讌詩修來吏部屬賦四

首

玉女峰連泰岱青人傳翁主是前星朱門昨夢滄桑變
白首餘年患難經
諭翟恩曾邀北闕扶搖風又徙南溟
勿論陋巷家聲在母德還堪作典刑

郝鍾禮法尚嫌疎
公較門風正不如壽母有詩存魯頌
世家無例闕班書
五雲扇底分儀仗八座花前侍起居
慙愧潘輿輕作賦
金根還有嫁時車
唐德宗朝趙國公主下嫁始用金根車

霞帔重加舊日冠
慈顏一咲一加餐
從看舞袖迎花誥
猶記傳經傍杏壇
吏部文章今卓卓
翰林風骨久珊珊
謂淡卷太史同時丹穴雛皆秀
世澤方知擬似難

水天閒話屬葭葦
異數曾聞拜舅姑
娣姪紛紛齊庶士

門墻一一魯諸儒
王姬老去樓仍鳳
顏氏歸來巷有烏
不為尋常誇燕喜
八千親寫壽護圖

飛蝗行和少司馬楊公

去冬臘雪不蓋土
今歲天行旱畿輔
門前有客來故鄉
為言千里皆飛蝗
綠陂青野一時失
但見黃雲蔽白日
我聞此語方長歎
愁坐不知天宇寬
有聲藪藪自南至
驟聽乍疑風雨勢
舉頭杲杲燒火輪
中庭過影何紛纒
蜻蜓蚱蜢亦群舞
倏度宮城齊振羽
宮城十丈高巍巍
誰能禁爾漫天飛

武陵楊長蒼重來都下感舊有贈

建業相逢記一樽
飛蓬心跡感重論
舊家春燕烏衣巷

故國秋禾覆。盜門愁倚白頭絲。減髮閒繙青史。泪交痕。可堪潦倒風塵際。還見元和一品孫。

送孫少司空督濬下河

神京建西北。歲走東南漕。去聲轉粟上青天。黃河扼其要。元時用海運。年久有成效。此議今難行。將毋物力耗。宣房十年築。宵旰煩。廊廟千村收。竹楳十郡供。柳埽百萬縻。金錢一支歸。故道吾君如。唐堯勲德在。覆幬百神胥。受職河伯敢。陵暴猶復念民勞。南巡趾親到。下流得地勢。海口計疏導。紛紛異同論。破例寧意料。學士居禁林。十年不輕調。汝往作朕虞。欽哉奉明詔。歲輸發丙帑。恩澤蒙再造。畚鍤興如雲。邪許相慰勞。和衷事斯

集正氣神可召。芄芄黍苗歌。可乏陰雨膏。渠成萬世利。績待暮年報。

送楊筠湄通叅赴任奉天

國家都燕京。遼左本根倚。東西營錫洛。周制正如此。城闕遙相望。關隘紛可拍。設官重保障。未可猛攻理。阡陌屯田開。戶口豪右徙。卅年盡土著。烟火變墟里。仁人來撫循。爾輩皆赤子。

呈少宰董默菴先生二首

丹霄地望絕。攀躋尺五城南。乃似梯日月。文章韓吏部。天人經術董膠西。都無半刺通。干謁却媿凡才出品題。此日黃金臺畔路。不聞伏櫪盡長嘶。

注籍紛紛屬貫魚積薪時論近何如尚煩啟事從容入
及見銓曹次第疏閣下銜仍兼學士殿頭班欲領尚書
文章得路如公少還恐爲儒計或疎

吳門徐彥通來都得惠研溪近問疊紅豆冊舊
韵荅之三首

勞勞別夢短長亭兩度秋風冷畫屏忽聽故人傳尺素
夜長添對一燈青

廢屨愁聽室人歌拚却長程歲月過我已髡毛秋換綠
不知君髮更如何

名園婪尾醉燒春豪氣曾陪末座塵此日青衫尚留滯
蹇驢腰扇怕逢人

次馮文子南歸留別韵

高視沈寥天俛瞰廣莫野斂才就實地始信得力寡文
章技尚卑矧乃論騷雅方期木雞養不礙伏虎啞讀書
滕口說正坐氣難下築臺逃文債支戶辭吟社靜觀得
妙理擾擾何爲者因君又多言餘習吾未舍

當湖王復園索贈次沈繹堂先生原韵即送其
歸

寂寞名山業蹉跎始自憐長途添白髮老眼望青天夜
雨新豐市秋風下溟田夢中歸路近帆卸郭東船

與顧梁汾舍人次閣學韓公韵

不是微之定牧之紫薇亭擅舍人辭十年未就歸田賦

衆口猶傳赴洛詩，往事相關碁已散。秋風纔到鬢先知，怪來東閣留賓地。難遣深情是酒卮。時舍人有亡友之痛

九日飲朱大司空南莊二首

雲物蒼涼感鳳城，良辰難遇是晴明。同時那得人偕集

是日西溟輩集萬柳堂余不及赴去日渾如客，餞行大漠寒烟凝。朔氣

空林殘葉墮，秋聲籬邊舊。是餐英客省，對黃花倍有情。

不是藍田別有莊，三年此地作重陽。先生出郭仍攜酒

獨客登臺又望鄉。天濶一鵬盤遠勢，風高群雁起斜行。

茱萸諸弟遙相憶，應料新來鬢點霜。

少司馬楊公見和前詩有登臺把酒之句追憶

落帽臺舊遊已八年矣再次前韻奉酬二首

迢遞關山隔楚城，亂猿啼處記分明。瘴花瘴草重陽候，
秋雨秋風絕徼行。匹馬幾回經戰壘，荒臺三面走江聲。
再來京洛追陪地，望遠猶含萬里情。

青楓白菊夢漁莊，驚起窗鹵正夕陽。賴有新詩酬好節，
敢云游子戀他鄉。風聲捲地迴遼海，山色迎寒入太行。
一片清砧聽不得，敝裘容易改星霜。

得談未菴沙河書却寄

涼燈四壁光燦此，一雙葢終宵不能寐。詰旦占有喜起，
接故人書窗日穿故紙披襟再。三讀感慨忽中起，憶昨
初訂交秋風燕市裏。余時新落第邂逅得吾子，子名雖
早成尚索長安米。才高氣激直罵座，酒頻使我故失意。

人謂子不宜爾子行將筮仕鸞鳳棲棘枳縣令古難爲
位在百僚底上官任喜怒下吏望風旨剛者號木強弱
恐隨波靡不卑亦不抗斟酌具至理子才百事能所少
或在此今年子謁選畿輔得百里是時方旱蝗黽勉到
官始單車行就道奴僕躡生趾近聞沙河城善績紛可
紀賦蛇餘毒去政虎隣邑徒保障安流移枹柝靜奸宄
神明咏來暮父母歌樂只租稅如期輸蒲鞭免撻捶民
譽慰攸歸官聲被褒美寧非讀書力出手見根柢乃知
賢豪人未可私意擬向來吾錯料失語徒抱耻感子諒
我真肝膽終見委得路念貧交幾人堪屈指自傷志力
薄無以赴知已行當賦歸耕塵俗庶一洗願子益自愛

友道在永矢前期不遐遺折柬到桑梓

次大冶司農韻送顧與田還金陵二首

及見開東閣俄聞把別觴沙痕雙鬢雪寒色一裘霜老
覺游情倦貧銜故意長獨留青眼在此外任炎涼
一片隨陽雁郵程取次過馬頭回紫塞冰面渡黃河手
寫還丹訣神傷過關歌承平風物似遺老剩元和

奉送少司馬楊公 予告養親四首

聖朝孝治在敦倫 詔許還鄉爲養親平格已推黃閣

老

公今年適周花甲

行期先報白頭人卷舒在我何關命進退

無慙好乞身此日魏舒仍襍被却從去國始知貧

從開絕域震餘威悵望多年子舍違退自急流從古少

集中此等作每
在可刪之列

老猶孺慕似公稀東門祖帳傾城出北闕 恩光拜表
歸畫錦堂開春晝永咲將綵服換朝衣

萬事長安一局碁角巾私第未嫌遲即論世道寧無補
欲報 君恩况有期春服暫寬腰下組茶烟初驗髻邊
絲粉榆父老來迎謁應羨精神似舊時

油幕追隨万里過兩年假館又蹉跎吟聯擗燭枝枝跋
酒上塵顏夜夜醜含意每為知己盡不才真怕受恩多
公歸我客全無為誰聽荆南寡和歌時余將移館北門

敬業堂詩集卷七

敬業堂詩集卷八

廿七歲

海寧 查慎行 悔餘

人海集

起丙寅十一月 盡戊辰正月

廿九歲

故人吳漢槎歿後有以不肖姓名達於明相國左
右者遂延置門館令子若孫受業焉下榻府西偏
去南城十里而遙人事罕接間有吟咏率出傳題
酬應自丙寅仲冬迄戊辰初春凡十五月所得詩
不滿百篇合為一卷即用人海記之名以名集

移館北門寒夜不寐起來霜月滿庭有懷諸弟

寒城宮漏永孤館耿無寐起看殘月升稜稜挾霜氣徘徊
夜將半惜此姜肱被獨客不可為無端感惟悴

人海記先生

所作

此作亦不入後

可刪

題喬石林侍讀梅花莊圖兼送其罷官南歸
湖陂種柳不種梅梅花合向陽陂栽買園舊在最高處
尚怕水泛春冰開沙頭一篙刺歸路清淺今堪跨牛渡
父老來看侍直圖先生笑入花間去

趙秋谷編修見示并門集輒題其後

趙侯曠世才硯發新双初十八取高第姓名登石渠紛
紛冠蓋交僮馬填門閭抗懷對儕俗折節讀古書我友
潛江髯朱悔人數數來告余余時懷一刺欲往還趨趨從
來負盛名相見長恐虛何期就館舍先枉君子輿示我
并門詩璀璨瓊瑤瑤清光溢兩目瀏覽無停臚不忍遽
卒讀掩卷姑徐徐留之遣夜長霜月臨窗綻地爐煖宿

此落俗套

刪

酒繼晷編重舒十首醕一杯頃刻百首餘何堪飲戶小
徑醉同濛濛隱几似有人導我蓬萊居李杜踞高坐兩
芻列仙儒依稀潮州韓髣髴眉山蘇中有青丘子拍肩
大聲呼醒來几案傍絳蠟開芙蓉悠然接詩境鼠穴非
乘車我欲數子間位君復踟躇君今富才力著作承明
廬詞章技特卑未足垂聲譽此句振步捐土苴
神仙才有數此語古有諸我賤不足論願君勉相於

得聲山姪揚州信

隋隄柳又拂歸艫安穩傳書報渡江却寄新詩猶索和
轉憐遊屐不成雙霜欺獨雁寒衝塞月帶疎鐘夜到窗
此際相思倍惘悵燈花何喜燦冬釭

任坦公以趙松雪留犢圖索題留竹垞齋中聞
為偷兒取去戲作絕句荅之

一呷貪泉盡跣徒壽春遺事近應無探囊莫怪工相妬
占斷清名是畫圖

題禹平水村圖二首

蓼洲疎雨荻洲烟一扇低蓬水拍天不礙主人長作客
披圖還有鶴看船

春波十字水西東草淺迴塘有路通着個歸人應更好
倒騎烏特柳陰中

除夕前八日立春

驚心看舊曆二十八回春去日成何事流光惜此辰好

擘

風迴淑氣殘雪洗窮塵便擬騎驢出旗亭覓酒人

元日出東便門

以下
丁卯
廿八歲

朝出國東門言循潞河湄層冰裂厚地雪光照曜之草
短沒燒痕老楊交枯枝晨曦暖我顏我鬢初有絲自從
客京洛三遍東風吹藏身人海中發興乃更奇誰能當
此日一鞭出尋詩

少司馬楊公路河寓齋夜話得村字

去京三十里城郭只如村老樹排沙磧春帆次水門談
深孤館靜酒罷一爐温已覺連宵夢依依近故園

春夜同外舅陸先生陳夔獻呂彤文許時菴朱
悔人魏禹平王令貽王赤抒吳震一張損持家

荊州兄集朱大司空齋分韻二首

春燈春夕宴一到一回歡不赴先生約寧知禮法寬酒
痕雙短袖歲事五辛盤合坐無生客長安此會難
畫簾開雪後新月到花西雅令投瓊得清歌按拍齊鼓
催今夜醉詩記隔年題預恐鴉啼曙門前散馬蹄

龔蘅圃屬題攝山秋望圖

昔我道金陵西南出江關船頭東北望秀色堆烟鬢長
年為指似此山名織山古寺入棲霞松老苔斑斑玲瓏
刻千佛石骨靈不頑上有天開岩鏡平園若環從茲陟
高頂一覽收人寰孫吳事業荒南渡衣冠辱詞客弔興
亡動云清淚潛探懷發深趣此事天寧慳如何雷同聲

萬口若是班我友詩力健清奇寫崢嶸好風颯然來滿
眼除榛菅按詩記年月我在蠻溪灣重披一幅圖點染
紛斑爛杖藜者數輩謂竹垞青士諸君風骨俱珊珊同時失同
遊悵望空往還憑君添一葉置我烟波間

王甥漢臯南歸詩以示別二首

草草嫌輕出依依戀此辰也知歸橐儉應諒客囊貧家
教分諸弟身謀累所親臨期雙淚落併念爾先人
汝去真長策吾留轉寂寥雪燈分袂影風柳斷腸條客
久人情覺春寒酒力消自今短夜無夜不河橋

送吳青壇侍御歸里

來乘驄馬來去駕柴車去烟光綠上垂楊梢春淺東門

索子囊複
負与位複

送行處東門多少罷官人太息何煩感直臣但使朝廷
無闕事不妨歸作太平民

北城寒食有懷南郊舊遊寄呈朱大司空並索

王友荊州和二首

早桃開後倦游情春事無端閱鳳城忽聽賣花聲到耳
始知明日又清明

名園狂醉已經年永定門坊記墮鞭想得出郊重繫馬

一行新柳變新烟

相國明公新築別業於海淀傍既度地矣邀余

同遊詩以紀之

路指沙堤外園開海淀東好山西嶺接曲水御溝通

虛字太多

綠野名相稱華林與頗同種花兼種樹還費十年功

陳元亮至得令兄撫謙近問

海棠雨墮胭脂紅一尊醉別禾城東旗亭袞袞柳綿白

握手驚從薊門北烏蟾顧影倏忽移已過五度春風期

看君湖海發豪氣嘆我頭髮生微絲爲言索遊非得已

爾乃胡爲亦來此一門甲第矜貴盛王謝堂前燕添壘

藏書萬卷澤尚新負郭二頃業未徙少游但思騎款段

儘可浮沉老鄉里天生爾以不羈才伏櫪豈得長徘徊

朝秣吳芻暮燕市聲價自長黃金臺君家髯兄才不細

勇決翻成倦游計粗傳近况喜可知只怪新篇不相寄

故園漸少杜門人往往席帽趨黃塵因君振觸草堂夢

綠樹正接詩翁隣

送宋牧仲提刑山東

名封十二接關城繡斧前頭父老迎問俗潛移齊右姓
下車先揖魯諸生天開島日三更白濟入河流一道清
歷下亭邊名士會騷壇行見續詩盟

壽陸菊隱前輩七十一首

熙甫陶菴傳述久百年君又起膠城學能忘世名偏重
老愛讐書眼倍明在璞不妨留玉彩出山依舊覺泉清
龍門子弟俱英絕及見淵源有二生謂孫愷似
採芝欲去每相羊開閣猶留老仲翔時下蜀大共許康
成多著述誰言安世有遺亡老人祝杖鳩無恙處士歸

應自訪耳

田菊未荒十丈風埃遮不得少微爭指客星芒

送時菴先生典試四川

驛路曉發聞秋鈴千山萬山疊翠屏秦關百二閱天險
蜀道一雙占使星同行者為林戶曹地遠人才指可數亂餘風
物愁初經同行有約吾竟負讓爾劔閣題新銘

樓拂子示兩及門

竟得驅除力群蠅不敢貪清幽吾最美束縛爾何堪自
愛依書幌差宜挂草菴誤人消底物江左只清談

送田綸霞由大鴻臚巡撫江蘇二首

東南地重推吳會開府新煩典客卿暫出人皆榮八座
再來公已領三旌霜清斧鉞稜稜見風靜驕驕尾尾行

桃李一蹊看好在道傍伏謁半諸生

田曾為江南學使

詔恩連歲蠲逋賦管內民情大可知
桐鼓尚傳迎輦曲竹枝多上去思碑兩賢治蹟原難繼

謂大司馬趙公

代人才更屬誰此去但須持簡要不妨小吏日抄詩

呈玉峯少宗伯徐公四首

書局頻開邸第中桓厨鄴架許誰同一朝典策分明在
未有高文不屬公

宏博今無沈晦倫御書端為寵儒臣講堂及聽宣和
論感激能容下座人

弟子韓門盛一時投書却悔少年為官高不改憐才意
人道先生似退之

一御何當重季膺對公方媿百無能相逢盡屬龍門客
只是常鱗不敢登

次張超然見懷原韵

昨夜楸庭雨洗埃病餘酒戒擬重開正欣涼自披襟得
忽有風吹好句來榕浦人才君磊落蕁江歸夢我沿洄
此情除共詩翁說

謂竹垞先生

預約藤陰掃碧苔

與時菴別五旬計程當入閩中矣七月十六夜
夢其渡桔栢江有詩見寄醒而作此

相送西南去離心不可降亂山懸客路孤夢墮疎窗暮
雨葭萌驛秋風桔栢江此時占益部真有使星雙

夜宿傳經書屋枕上喜雨

張遠字超然
僅存人解元
汲冢常然

以簷滴注醒詞
五字衍作十字

為少芭蕉樹初來竟不知及聞簷滴後已是酒醒時靜
覺書幃爽涼侵布被宜殘燈如客况不厭作花遲

送周青士南歸

人間不是少知音愛爾蕭然抱素襟潮似歸期還有信
雲雖出岫本無心戰回酒敵黃花老收取詩名白髮深
此去浮家烟水際五湖一葉許誰尋

丁卯秋闈報罷呈諸先輩五首

明明跛脚有青雲安上門前路忽分湖海伏龍雷起蟄
關山斷雁雨呼群裘茸欲落霜花吐燭跋初消漏點聞
慙愧上書頻見斥僅留舌在敢論文
夜雨鳴雞事不同也曾投筆學從戎早知有命應藏拙

不是無家轉諱窮謂后張仲夔楓葉飄殘砧杵月槐花吹過鬢絲風

故人底用慙高第謂西陸葦我比劉蕡策未工

憔悴青衫感弟兄勿將時論擬縱橫五經何負掄材意

萬口先傳下第名時家荆州以但使低顏對僮僕猶容

長揖見公卿祇嫌鏡裏流光速白髮新抽一兩莖

兩眉愁思一含顰情到無慘去任均短遂聲悽霜後竹

孤桐絃冷爨餘薪那能造物皆如意不信憐才竟少人

任是亡羊吾勿悔燈前故策試重陳

三年光景易蹉跎又偏登高節物過燕子生涯如客樣

菊花天氣奈霜何狂名幸免聊隨俗野性無拘一放歌

已買吟瓢租蹇衛西山遊興近來多

寄園地在鑄子相回
予庚辰辛巳壬午癸
未甲申五年寓此
方有國初人祝壽
序蹟碑已壞矣

九日同荊州兄遊趙恒夫給諫寄園

繁成曲磴疊成岡高着樓臺短着墻花氣清如初過雨
樹陰濃愛未經霜熟遊不受園丁拒放眼從驚客路長
亦有東籬歸不得四年京洛共重陽

題宋石門畫松

蒼髯翠鬣搖向空老幹蟠作青虬龍雙睛未點飛不得
時有雲氣來相從開時高陰散林麓捲起生綃纜尺幅
人間何處着秋風昨夜城南拔喬木

秋夜紀事

城頭落星大於斗群犬吠怪都狂走或云此星作狗形
犬不見星惟見狗初如地震如雷鳴頃刻闐寂天無聲

但見明河亘天月西沒宮漏杳杳傳三更明朝屬車行
射鹿旌幟照山馬量谷不須更載獫狁驅爾向前飛
食肉

送朱千仞之任舒城

龍舒傳舊俗淳朴羨民風官稅如期納山田比歲豐月
依琴榻靜花傍印牀紅却咲眉山老無緣作寓公

相國明公壽讌詩四章

海嶽遙瞻壽域開喬松直上表崔嵬立鰲一柱承中極
戴斗三星指上台雨露恩深和萬地風雲力展濟時才
穆清垂拱邊烽靜誰挽昇平氣象迴
千古明良不數逢天教元老際時雍和衷事事歸無我

雅量人人服有容地峻不須銘客座官清豈在却堂封
但看退食委蛇度賸得丹心荅九重

未應風月屬平章綠野仍開舊日堂玉燭年調光宅里
沙隄柳合善和坊門無鈴鼓軒車靜架有圖書御墨
香一桁朝衣雙進酒森森玉樹又成行

八千歲裏紀春秋平格端從運會留寶鼎有光騰玉鉉
皇圖無闕指金甌朝家望久尊黃髮事業公今尚黑頭
慙愧受知同國士嵩高一頌恐難酬

喜唐實君至

風埃易隔經年面忽聽車音喜不勝才氣讓君高百尺
酒腸寬我過三升薄寒坐轉霜天月往事談深雪屋燈

記取鳳城西北頰竹床相對兩如僧

得家信

遲滯經三載平安報一門開從迴雁磧寄自擣衣村身
賤歸難料家貧恨每吞兩親猶未葬先計了兒婚

荅衛源與先生見寄之什

蘇門仙籍在長嘯出風塵頗怪高賢意偏憐失路人宦
情歸後澹詩境老來真靈藥如堪斲吾將就結隣

西溟竹垞同遊房山余不及踐約口占送之

斜陽聯騎去影落好山中古寺尋碑入幽泉撥葉通勝
遊關俗念閒趣就詩翁隔斷桑乾水黃沙白草風

哭朱大司空六首

忽得彌留信驚疑欲問天更誰承絕學公為紫陽裔孫忍遽奪

名賢存歿真關運行藏好筭年茫茫國西路白日迫虞淵

正色持朝議從人指異同不聞廷辨語真有大臣風局定閒居後名高薄禮中肯留毫髮恨物論久方公

罷官賓客盛不署下邳門萬卷藏書第孤雲倚杖村履聲今寂莫花氣舊網緼從此西州泪都銷醉後魂

衣褐初相見雲泥不啻過自蒙公賞識一任俗譏訶才退江花夢神傷薤露歌轉緣期許厚脈脈負慙多

悵斷西山路曾陪兩度游雲峯竒入夏泉味冷經秋酒許王弘送詩同魏野留篋中高唱在讀罷泪交流

天不留耆舊人皆惜老成風流餘畫像官號定銘旌年譜門生輯文編國史評恬侯恭謹似重望起家聲

禹尚基屬題水村圖小照二首

縈青繚白埭西東門掩檀欒倒影中千片白鷗波萬頃釣竿只占一絲風

朝衫猶絆未歸人畫裏鬚眉淡有神已辦青鞵青筍笠問渠何路出黃塵

聞周青士淮南訃信

苦口勸君去筋骸看頗強祇云當暮齒不合久他鄉病忽中途得神翻永訣傷餘生還自歎歸計尚茫茫

楊耑木來都出示涿州道上見懷八絕句次韻

何必羞眉兩夕青字

奉荅

荒程野店暗戎戎，灰洞連雲小驛通。辛苦琉璃河畔路，

一天冰雪兩征鴻。時與家德尹偕行

短衣篤速又重來，雙眼摩挲試一開。拚得故人驚黑瘦，

斷腸誰似賀方回。

舊來書札屢相存，難遣離愁閱曉昏。今夕和歌燕市裏，

不知何事尚銷魂。

南園一醉夢難消，新指陂坳丈五高。逆落客中知己淚，

刺梅花下長蓬蒿。乙丑初夏同赴朱司空南園之約今司空已下世

蛾眉里族艷同時，錦瑟雖工俗豈知。比似孝標還曠達，

上年歸燕併無詩。指嵩木乙丑禮闈報罷事

橫草才情好在無，髑髏猶記血模糊。征南賓客今淪落，

怕展藍田射虎圖。

冰泮西沽喚漿師。春初送司馬公南歸久留生計太無奇，白駒只

合逃空谷一食場。苗便繫維

行期為爾少遲留，南酒新香出竹筩。楊柳作鞭花壓帽，

此時去住兩無愁。時余方計南歸

喜德尹至都即用道中見寄韻八首

花南硯北屋西東，先築都荒想像中。此意十年應共惜，

一般根蒂兩飄蓬。

別是尋常會却奇，鵲鴒沙外影離離。可憐半世為兄弟，

兩度相逢在路岐。

敝裘寒色國西門。刮面西風太少恩。不是雪花如掌大。豈知姜被果奇溫。

匪我蓼蓼感伊蒿。此際方知父母勞。三尺孤墳何日築。敢將門戶委兒曹。

添丁從小絕堪哀。抱向花前得幾回。弟去年始得一子名騶虞可但生兒憐絡秀。有人椎髻望歸來。

少賤長貧那得辭。浪遊真愧作男兒。只除中酒聯吟夕。不似長安下第時。

八齡工賦庾肩吾。五十能詩高逵夫。勿羨早成輕晚就。天心原不薄窮途。

三畝原為種稻留。私逋官稅苦難酬。翻因細悉家中事。

從此思家又起頭

曉出西華門逢吳震

九陌紛紛路向歧。毛驢馱客立多時。一冬風力今朝橫。吹折街南賣酒旗。

盆梅同唐實君揆愷功賦以下戊辰初春作廿九歲

不借東風力全憑火候催。夢隨馳驛到香自渡江來。物性違移植人情惜早開。草堂留老榦冰雪戰春回。

探春花再索實君和

本是丁香種先從臘尾開。一叢疑積雪繁蕊欲欺梅。南客今初見新詩悶強裁。君看凡草木猶帶好春來。

水仙次韻

近有許以題目
稍下四字當刪
去者非也

不必存

不必存

此句亦係前西字義字

梳額檀心韻青裙縞袂姿洛波迎宓女越網得西施用義
山詩脈脈含情遠盈盈欲語遲月中曾解珮爭許俗人知

壽大司馬梁玉立先生四首

兩朝元老出名賢身繫安危四十年同日蒼生多屬目
向來黃髮少隨肩金甌社稷銷兵裏玉斧關河聚米前
如此 皇圖資坐鎮何煩書案更籌邊

萬騎塵清萬里風殿廷次第與論功兒童往往知司馬
貢使年年問相公排闥山光迎劔戟傷簾燭吐長虹
太平別有經綸業無用陰符置篋中

盛事雕橋紀一時壽槐千歲尚虬枝贊皇世業平泉記

樞密新堂畫錦詩無價鼎彝歸賞識有人書畫乞題辭

官高依舊風流在不愧人稱海鶴姿

尺五天低韋杜城文星長傍禁垣明每因餘論諳前事

雅有虛懷接後生閣上麒麟圖早識座中鸚鵡賦難成

謂丙寅春公召飲事從今一上生申頌感激曾蒙記姓名

送輔皇姪出宰大埔

青溪一條水發源自白嶽千里赴海豐緒龕為鎖鑰余

家緒山日子住齊雲脚阮巷南北分裴眷東西拓雖云

支派別夫豈淵源各先朝際盛隆中葉顯儒學煌煌兩

開府先中丞京兆事業恍如昨外吏實起家致身上臺閣綿

延君子澤十世不為薄汝叔秦望州牧賢掛冠去筇笻

吾宗老觀察玉望伯近亦返丘壑坐惜數年來衰宗正中
落家聲望子振有若水救涸子才洵超群氣勢竚騰躍
胸藏五千卷試手高第博簇簇又發矧團團弩張曠謂
當雙兩翅一舉上寥廓何期赴南宮六度困東郭季子
金婁罄東方米徒索俛首作選人初心豈所樂之官嶺
海外道遠塵漠漠臨分當贈言古人例有作與君屬關
切聊為舉其略邑宰職親民顧名思義托如何千百輩
疾苦視隔膜寧多才地違或少寬嚴酌子今抱經濟枳
棘棲鸞鶴百弊不足釐餘情故綽綽潮州本善地貢賦
雜海錯大埔居其間頗自異煩劇兵餘奈凋瘵戶口十
半削往者征南師驚駭到鮫鱷剪除兇暴盡政虎尚餘

虐仁人行撫綏所亟在民瘼大僚恣指揮小吏承唯諾
省事先省心自然破根格人散訟庭閒官清條教約蒲
鞭併可去况乃痛敲扑譬如百孔瘡難得萬金藥徐徐
養元氣稍稍起積弱民風既已佳土物矧不惡榕樹清
陰留佛桑紅燄著文禽好毛羽中有羅浮雀漿分荔子
甘茶代檳榔嚼珊瑚及珠琲過眼風掃擇方將寶清名
未肯計裘橐從來賢達意定不俗吏若屈指三年期還
朝報循卓

送沈譽生之任靖安

江西是我曾遊處風土從君一一誇郭外有山皆種竹
春來無路不迷花商船晚開臨溪碓官課先輸曬網家

此去始知魚米賤十年應悔住京華

寄壽潛江朱石戶先生

半肩華髮倚孤筇萬卷奇書貯短篷日出茶烟吟甫里
雨來巾角墊林宗魚標隔竹參差見酒旆穿花次第逢
如許風期誰獨占白雲高護丈人峰

桐城錢田間先生相遇都門出詩集見示中有

丁酉寓長干寺投贈先君子七律一章距今已

三十二年先君下世且十一年矣感而次韻

敝廬風雨十年扃南北身隨敗葉零先爻漸如星落落
殘宵愁對火熒熒詩貪記憶關心讀話到蒼涼制淚聽
莫問生涯流轉跡賤貧何事不曾經

附田間先生原作

古寺秋聲夜不扃客星幾點共飄零鐘殘隔院禪香
換雨曉長廊塔火熒市隱定從江左覓雅歌還在越
中聽道人入道無他術只講床頭一卷經

敬業堂詩集卷八

敬業堂詩集卷九

海寧 查慎行 悔餘

春帆集

盡戊辰一年

廿九歲

客京師忽四年戊辰二月以外舅陸翁抱恙扶持南歸水程濡滯凡四閱月舟中多暇以詩送日翁雖手顫不能執筆每口授余書見余作又未嘗不色喜也到家後周旋湯藥余亦無詩矣

將出都前輩及同學多有贈行之句短章酬別朝市山林跡總賒又扶病叟出京華一卮北酒春傷別幾度東風客負花草色青回夾城路凍痕白退隔年沙多情通潞亭邊水穩送歸航直到家

陸辛齋善生於

多歷四十年庚

申至是庚辰二

十八年己巳年七

十

衛凡夫郎中索題詩冊兼志別

雞鳴九衢曉城角轉星斗不忍去長安此中多好友友亦不在多同心十八九醵錢餞歸人宴會連夕有下車揖戴笠古道君尤厚君家好門庭清不借箕帚堂前兩株藤植自相國手凡夫所居即文清公舊邸春花紫蒂簇秋實明珠剖我來婁洧洹晨對或終酉有時咲捉鼻隨意語脫口纏綿示君真坦率成我醜如此兩換年未覺日月久君行入郎署約畧歲紀丑風流白雲司下視牛馬走讀書兼讀律格拳等枷杻賦性非所便時時夢田畝今春始轉秩望出曹郎右好理舊襟懷依前向詩酒我行惜薄遽唱和少于喁此地最難忘臨歧幾搔首

梁藥亭以端溪紫玉硯贈行

吾家老詩翁

家二瞻兄

遠寄數挺墨行裝無好硯一試那易

得前年送君歸許我端溪石匆匆過三年此語時在臆

夜聞君到京壺漏下初刻入門異彩發君故不自匿欣

然咲相謂前諾幸免食開囊把贈余理膩不容拭何來

琉璃匣養此馬肝色餘潤吐紫烟燈光忽被蝕吾弟

德尹

兩踰嶺嗜好癡已極曾拋金珠裝蓄硯比封殖窮搜願

難滿妍醜庶能識亦云此石精溫潤含玉德忽然落吾

手匆睨三大息物歸洵有數在獲詎須弋奈無十五城

豈易償拱璧君才本閭世海嶽鍾竒特仙人五色裙來

跨鳳皇翼飄飄凌雲賦一一好句逼留以供濡毫揮洒

固其職顧蒙謬許與降氣自摧抑我詩苦非豪邊幅守
封洫近來尤懶惰故步荒學植得錢了應酬例取加粉
飾詆媒人挾喙描寫腕無力徒然辱佳惠胡取三百億
逝將返柴荆稍稍闢畛域門前一溪水潑眼清湜湜洗
硯先洗塵有如苗去賊學書兼學字尚覲名副實持君
贈行具寫我長相憶因之謝吾宗墨點漆光黑

茨棘

牛李仇初作張陳望苦深全憑翻覆手大負始終心苑
柳傷餘蔭飛鴉誤好音誰非門下客茨棘莽成林

曉出沙窩門

草綠國東門舊來送行處今朝一鞭出喜赴歸人路麥

隴春未耕杏園寒尚冱冰槽沮洳濕鵝鴨各引唳遠氣
如湖光蒸蒸動原樹長空豁遐矚變景失回顧不復夢
春明三年墮雲霧

張灣舟夜寄德尹都下

漁汀鳧渚夢依稀長是思歸未得歸底事得歸猶悵望
可憐倦羽又分飛

發舟後連遇逆風間或阻淺兩日纔行十里許
遠歸決所從筮易利涉川意亦厭馳逐捨車遂乘船何
期初放溜斷渡春風顛畧師邪許聲蟻附百丈牽進尺
旋退咫膠淺不得前廢閘二十四一淤泥填郵籤篋
南程約略踰三千一日行五里到家須兩年誰能侶鳧

雁久望烟波間

曉起回望西山

好山隔黃沙隱隱一重霧霧斂日紅時螺青出高樹

灤縣晚泊

鷗鳥灣洄泊小舸蘆溝西望樹周遭殘冰裂石頽兼岸
春水如油滑上篙老柳耐寒如許瘦壞垣經久不多高
盡眉塚冷鷹臺塌一片斜陽雁下壕

舟夜書所見

月黑見漁燈孤光一點螢微微風簇浪散作滿河星

打魚莊遇西塞公歸舟述舊有作

長安棋局莫深論秉燭依然近酒樽烟火一帆春去國

關河雙鬢雪添痕嘗鼃宦味經調鼎羅雀交情散署門

記取故人垂老別病歸猶感向時恩

時余同外舅附楊少司馬歸舟

口占送陳仲夔舍人還都

別語無多別恨新短橈明發指天津殷勤百里猶相送

萬疊西山一故人

亂鴉

白項非無種烏頭亦有名野田留點點古墓去程程陣
忽遮天暗貪因得食爭君看稻梁雁失次敢先行

自王家浦晚至楊村驛

土屋多依堡民屯半屬官樹從王浦密河過蔡村寬鷗
外新蘆茁稊頭細麥攢蒲溝行未到月黑夜漫漫

三月朔日

先君子忌辰

昨夜還家夢依依白髮親覺來三月朔又感一年春窻
空悲何地飄流愧此身那堪寒食近南望獨沾巾

桃花寺

已過桃花口再問桃花寺獨客扣門來老僧方罍睡欲
知春淺深但看花開未

掛帆行

船頭船尾收鐵猫三尺五尺堆銀濤弓張帆腹機激箭
原樹却走如奔迤西山已沒烟霧裏初日欲吐春雲高
須臾倏達直沽岸風勢未已猶颺颺當前有闢敢飛渡
又向津頭卸帆住

天津關用薛文清舊韻

地勢東來一掌平忽開官閣起崢嶸風腥曉市知魚賤
客過嚴關喜篋輕暮雨暗添丁字水春陰低壓直沽城
雲帆轉海非難事誰念東南物力傾

三月二日寒食舟中風雨感懷都下舊游寄朱
公子恒齋从部三十六韻

愁中時序兼百六又重三客路流光感京華節物諳尚
書期不遠別墅興尤耽憶昔春城外陪遊小築南年年
修禊事往往盍朋簪土甌茶開箬泥封酒拆壘羽觴佳
客泛蠻榼小童擔苞愛丁香破梢宜豆蔻含地衣紅匝
匝石髮翠珍珍笋擘斜行雁絲清獨繭蠶隨方呈妙技

即事借深談雜座門生列巾車野老參幾家同上塚隨
意去停驂一院鞦韆女千場蹴鞠男花遊聯竹轎芳信
簇筠籃候煖鶯吭滑烟濃蝶夢酣種桃尋紫陌看杏入
茅菴隔日頻相約先期或預探柳花登客饌帶草拂僧
龕沙徑晴熏轉澄波曉鏡涵錫簫吹寂寂粥鼓報齋
到必移吟笈歸仍側帽簷撲翻愁墮鞦韆豪健咲驅驛後
輩忘形接先生好士貪清狂真辱愛疎略總無慙好會
原難數傷神忽不堪東山殂謝傅西路避羊曇故業留
桑梓佳城閉栢楠詩曾傳魏野曲忍聽何戡只益窮途
苦寧知世味甘無人臨曲水有淚滴春潭岸濕烏銜紙
船空鼠匿甌風鳶行斷續檣燕語詁謫野意將舒綠川

光未放藍離情風挾絮往事霧沈嵐此恨郎君識緘題
寄北函

舟晚

晚色一天霞空明炫眼花濁流供飲犢新月領歸鴉野
曠風長急塘迴路向斜兩三人待渡此去必村家

白廟

一院槎枒樹居僧守鵲巢俗貧稀賽社瓦缺只編茅暗
處蟲絲接塵邊鼠迹交漁人來寄網時有一船桡

泊頭鎮見杏花

澹烟油處日初銜酒旆微風到布帆我自偶從花底過
不勞蝴蝶上春衫

交河道中聞人稱河間縣政績之美輒述其語

寄彭椒嵒明府

客經新橋驛泊舟交河湄偶逢垂白叟借問邑宰誰蒞
茲凡幾年當官何設施叟置不一荅別舉已所知爲言
河間府畿南極衝疲兩州十五縣首縣又難治黃昏簿
書交白晝羽檄馳四野雜莊戶土著留子遺責之辦賦
稅肉盡空腔皮可憐牧民官往往猶鞭笞追呼力不任
竄身并歸旗方將計囊橐焉問疾苦爲前年來好官忠
信神明慈聞官乃彭姓門第江南推祖父盡公卿家業
貧難支到官但飲水一意存撫綏不承上司喜不顧同
列唾不假左右手不煩誥誡辭赤子視吾民子忍父母

欺即如春夏交輸課有常期蓼蓼三堂鼓出早退每遞
文書赴期會閒暇無停披木甌設中央金錢隨所齎吏
前但執算毋許參一詞一日投百封數計若察眉半月
率滿甌封識宛不移明朝上大府手不沾毫釐自餘了
無事止酒或賦詩官清民力寬漸漸歸流離以來俗大
變迥絕非曩時朝廷方勤民下問芻蕘咨大府昨薦達
某官轉高資分明馴雉歌載在墨吏碑坐令惠愛政平
平覺無竒誰能持此情流傳向京師言罷歎息去春風
吹鬢絲

御莊舖

小縣他時號阜昌近城曾築讀書堂不須更唾劉郎面

豕欄牛欄是御莊為齊劉豫僭號更阜城為阜昌郡城北有讀書堂城南有御莊舖明程篁

德州留別田雨來編修

帝里經年別書來少北郵故人多請假游子暫稽留風雨燈前話江湖夢裏舟一筇雙不借行踏半塘秋

戲恼德平令楊建垣

草接平橋水拍津好風裙帶跨驢人清狂幾許冶情在惆悵自嫌官裏身

四女祠

在恩縣西北四十里土人云漢景帝四女祠守志養親終身不嫁各植一槐以明已志四女通釋氏書曰頌法華其後拔宅昇天云按史周宇文氏始置貝州漢時未有此名自是傳聞之訛考唐人王建詩注云宋氏五女貝州宋

處士之女也曰若華若昭若倫若憲若蘭其父老病誓不嫁以奉事之云按貝州乃今恩縣及清平地疑此即是矣

何處著鶯花春深孝女家門前古槐樹兩兩聽慈鴉

夾馬營

櫪馬驚嘶嘶不止紅光夜半熊能起男兒墮地稱英雄檢校還朝作天子陳橋草草被冕旒版籍不登十六州却將玉斧畫大渡肯遣金戈踰白溝隔河便是遼家地鄉社粉榆委邊鄙當時已少廓清功莫怪孱孫主和議君不見蛇分鹿死關西京豐沛歸來燕代平至今芒碭連雲氣不似蕭蕭夾馬營

月下聞吳歌

客愁今夜較偏多歸路三千尚隔河五十六回圓月底
南來初聽本鄉歌

衛河四絕句

王弇州有衛河入絕多叙行役之苦于風俗有所未備輒隨所見補之

河流千百曲來往候風信東南西北間那得灣灣順
微雨曉來霽孤雲斷不還黃沙千里道何處著青山
佳人跨驢去隔岸是娘家渡口風長好吹開罩面紗
茅屋曾邊市蘆塲柳外橋誰知燕趙地生計儘漁樵

將至臨清州

小雨吹午晴菜花黃被阪方愁白日暮又惜芳春晚河
流合汶衛客路投東竟樹杪見浮圖去城應不遠

夜泊南板閘

來從漱玉響滌滌一枕神清靜聽中只似秀林亭下宿

隔窗今夜雨兼風

北河紀漱玉泉在州城內秀林亭在州城外

聞荊州兄聲山姪南宮捷音却寄

首

各有高堂奈老何此情真足慰蹉跎到家鵲喜連朝
照客燈花昨夜多從此朋遊推二阮向來場屋說三羅
壯心自倚消難盡歸去羞爲伏櫪歌

汶河阻牖少司馬楊公從陸路先歸余與外舅

尚滯舟次詩以志別

昨歲春風記出京再來何意得同行孰經世路歸貧早
老念貧交別忍輕水落汶河停去舫花穠淮岸待行旌

竹萌怒長櫻珠綻鄉味先輸一月程

謝孔心一大叅餉酒

城南高會已多時曾和東風芍藥詩賞到鶯花春爛漫
醉題襟袖夜淋漓尚書沒後園空鎖謂朱大司空騎省歸來
鬢有絲多謝故人猶念舊一樽重對却成悲

入牖

萬派東南傾水勢本趨下何年迴地脈一股西北瀉自
從燕建都饋餉吳楚藉千艘方艘尾重載接春夏黃河
故道移東向海門射如殼水犀弩潮汐俱退舍支流導
不得脈絡乃近借沂泗濟汶洗橫濇孰分汜九十七名

泉

會通河在濟寧州城南南抵徐州達清河入淮北經臨清州合衛河入海沂泗洸汶入漕之泉九十有七

扼吭走一罅綿綿數百里寸寸阻成壩層層板堵束宛
宛巨綆架通透蟻穴穿點滴糟床醉一牖守一官役夫
供咄咤么膺成鬼怪有若腐鼠嚇毫釐日主進供慢禮
無迓糧船排幫來客棹何從駕汴堤鄭國渠事往役隨
罷豈惟滋禾黍兼可活桑柘不聞溝洫成止用通艫舫
奈何并梗塞行旅見來包我生昧時向永與捷徑謝所
遇總紆途濡遲復奚訝

閘口觀罾魚者

牖河一綫才如溝戢戢魚聚針千頭其中巨者長二寸
領隊已足稱豪酋爾生亦覺太局促漂漚散沫沈還浮
不知世有海江濶長養何異蒙拘囚縱教族類繁鯁魴

變化詎得同蛟虬居民活計乃在此勞不撒網逸不鉤
竹竿綳罾密作眼駕以一葉無篷舟朝來暮去尋丈內
細細粘取銀花稠庖厨却緣瑣碎棄曝向風日乾初收
微鯉苟適飼狸用性命肯爲纖毫留吾聞王政雖無澤
梁禁鯤鮪尚有洿池游人窮微物必盡取此事隱繫蒼
生憂一錢亦徵入市稅末世往往多窮搜

京城西南豐臺芍藥最盛余未嘗一寓目也今
年與唐實君有約同賞復匆匆出都長途春杪
省記前言時實君已捷南宮矣作詩以寄蕪示
梁藥亭鄭禹梅王后張張寄亭呂山劉徐虞門
孫愷似王令貽陸冠周湯西崖吳元朗陳仲夔

錢朗行皆同年進士也

四年騎馬客京華不問豐臺賣酒家已約同遊向春尾
獨憐回首又天涯驪場易醒繁華夢貧女羞簪富貴花
但是成名寧論晚少年能得幾人誇

阻牖十日始得渡臨清關

明知前路方多牖且喜今朝已渡關薺菜花開春事了
荒城十日鬢催斑

晚抵梁家鄉牖

十里五里程三板兩板水遠寺有鐘聲朧朧烟樹裏隨
風渡渚去已斷還復起獨客此時聽孤燈壓篷底

東昌道中

黃沙碧草兩無情，鷓鴣愁聞第一聲。辜負瓊山詩句好，

杏花開後過聊城。

杏花尊酒記聊城元裕之詩語

聊城舟中再得荊州兄臚唱之信喜疊前韵

才藻稱量去幾何，有誰高占五經科。一名縱使輸人後，
頭地終看讓爾多。逸足逢時爭築館，高鴻回首笑張羅。
青○○憔悴無如僕，破涕猶能擊楫歌。

登光嶽樓

聊攝城端万木風，層樓高勢拓齊東。晴光過雨浮浮白，
初日迎帆靄靄紅。汶水曲流荒甸北，泰山遥指亂雲中。
綠蕪滿眼春垂盡，獨倚危欄看斷虹。

曉晴即目二首

水潤沙田鋤榛犂，珍珍兩岸麥頭齊。柳綿已被風吹盡，
不化浮萍但作泥。

灘平風軟出前津，畫舫南幫自作隣。一練波光如拭鏡，
翠烟扶起柁樓人。

晚泊周店雷雨大作

一作迴風半日涼，忽聞雷雨洒淋浪。洪流赴牖增雷勢，
一綫穿雲走電光。斑籜定抽苔徑筍，綠針初剪水田秧。
喚醒孤客田園夢，剩有蛙聲似故鄉。

入兗州境望徂徠山

青山雅淡如故人，何可經時不相見。我行久與故人別，
轉向青山增眷戀。來從燕趙歷齊邦，千里平沙黃一片。

眼前俗物厭勃塞物外心期失葱蒨朝來雙眼豁然開
已報汶流通魯甸日高螺髻矗諸峰天遠修眉浮半面
含姿獻態各自媚一老峩峩聳冠弁茲山洵屬魯之望
指點兒童悉能辨猶傳有道石先生六一垂銘抵佳傳
聖人已遠道僅存此事終應賴狂狷景行併作高山仰
恍惚風流覲前彥白楊風急不少留片帆忽過東阿縣
南旺分水龍王廟

兩龍爭掉尾萬馬各隨群勢自中流劈聲猶隔岸聞江
河雖日下南北竟平分先寄歸心去吾家傍海濱

孫村

村繞河流一曲路分湖面三又青蜓雨催麥秀黃雀風

開棗花蘆邊橋影人影林外漁家酒家漸近南中土俗
居人多食蝦蟇

過濟寧不及遊南池

人嘆平生頗好奇勝遊到處每差池

曩在武昌不登黃鶴樓過長沙不游

岳麓書院故云

不才自信能藏拙况有光芒李杜詩

魚臺道中

一碧開平遠居人就土泉斷山連石麓涸水益湖田風
俗佃漁地菰蔣雁鶩天自慙生理拙飄泊過年年

沛縣泗亭驛二首

萬乘還鄉父老迎大風歌罷氣崢嶸不知何事翻垂淚
方覺英雄別有情

一劍親提帝業成，粉榆猶動布衣情。沐猴豈是真龍匹，富貴徒誇畫錦行。

出牖

烟波六十宿，淹泊情不洽。前途得通津，客况喜出牖。平流一川穩，叢葦兩岸夾。好風綠陰來，黃鳥啼恰恰。南船各相傷，北客焉得狎。蠻歌楚儂和，香稻吳娘畱。明知漸近家，畏路接眉睫。近聞黃河流，怒氣中尚挾。治河如築舍，國計司農乏。盡輸竹楳沈，更費柳帚壓。坐視淮泗民，為魚驚鵝鴨。餘生猶應役，婦女助畚鍤。廟堂宵旰憂，疏淪豈無法。九年始殛鯀，厥罪浮令甲。書生托空談，快意取一霎。作詩摠憤懣，強韻苦難押。

宿遷

纔過桃花漲，沙痕嚼岸新。孤城依井底，三面轉河身。鼉居相雜，蛟龍性不馴。長聞淮泗滿，嗟爾一方民。

雨中渡黃河六韻

直放東南去，無風自作聲。中流帆影沒，遠樹浪頭生。雲與平蕪際，灣隨曲勢成。竟同浮世濁，待得幾時清。官柳行行密，閒鷗對對輕。空濛三十里，轉眼失孤城。

桃源縣

廢綠春荒瘠，土耕河壩小。縣併無城，武城雞犬應相咲。如此蒼涼浪得名。

清江浦

淮山浮遠翠淮水漾深綠倒影入樓臺滿欄花撲撲誰
知闌闌外依舊有蘆屋時見淡粧人青裙曳長幅

漂母祠

慙愧恩叨一飯深當時果否識淮陰後來不却千金賜
難說初無望報心

淮上曉發

統如五鼓催船發輪仄高城下弦月已聞兩岸過鈴聲
燭燭曉星光未沒依稀枕上續歸夢尚隔江湖浩難越
起來照影向清淮愁見塵顏映華髮往還跨下橋邊路
萬事回頭總飄忽只有年光不負人黃魚絮煖尊絲滑
遊喬石林侍讀縱棹園出圖索題

海棠花紅紫藤紫日日酣歌向燕市別中兩度負春風
短棹來尋白蘋汜奕棋時局經眼見去國名高今有幾
先生一賦歸來辭多少陰功被桑梓朝廷已用當時議
海內方思正人起那知一意方掉頭風月無邊任驅使
別開小壑植籬援汀滢三鷗板橋水水窮橋斷去無路
賴有輕船纜沙尾迤邐初疑村落傍灣濃忽轉高城趾
蔣芽荻筍芡荷葉淨綠澄鮮雨新洗釣絲影裏亭榭開
萬瓦鱗鱗動波底琴床旋倚曲檻設門徑從教比隣徙
梅邊補種竹數竿柳畔移栽花万蕊莫言此樂乃易得
拋却金龜纔換此假公尚直蛾眉班夜枕終當夢田里
斜街草堂縱峻絕未免浮塵洒窗几空看圖畫憶故鄉

何似收身圖畫裏只今杖履歷真境愛護猶珍一幘紙
經過不拒野人遊敢惜留詩嘲鄙俚水南地空多莎草
鷗鷺成群占涯涘許我閒撐放鴨船與公唱和從茲始
余亦以放鴨
圖索公題句

秦郵道中

高田半沒低田淤小舟賣藕兼賣魚可憐活計墮水底
盡是失業耕田夫湖波怒嚙孤城口一派荏苒萃淵藪
但望南風長黍苗不須東岸栽楊柳

紅橋即事

對門楊柳慣藏鴉斑竹籬前姊妹花十里珠簾酒不得
扇納風起客思家

敬業堂詩集卷九

敬業堂詩集卷十

海寧 查慎行

獨吟集 起巳巳正 月盡九月 四十歲

去夏到家外舅陸先生風孿漸減猶異稱延歲月
也乃今二月竟爾不起余既視含殮復徇故人之
招匆匆北上關山獨往觸緒悲來不禁涕泪之橫
集也

外舅陸射山先生挽歌二章

不對可乎

公亡先友盡孤露感吾生別有無窮泪非關兒女情破
家緣結客玩世亦逃名不比陶元亮徒高處士聲
吳天春夜月偏犯少微星昨去扶衰病今來失典刑履

綦雖寂莫畫像儼精靈世乏中郎筆誰爲有道銘

重過聽鶯齋留別徐淮江二首

一度相過一愴神尚書宅畔老松筠年時地主無多在

狼籍江關况酒人

傷程禹聲家翰荒也

雁行啼過雨瀟瀟往事深燈又此宵記得小船秋港別
葦花遮斷賀家橋

虎丘

不是此神理

又作山塘一日留相逢往往說宸遊朱欄路轉千人

石黃瓦春開萬歲樓花柳時清無隙地管絃興盡有廻

舟繁華何與閒僧事添炷香燈照白頭

吳門與惠研谿話舊

燕市歌狂散酒星勞勞三百五長亭桃花影裏抽帆路
流落江東剩兩萍

京口遇朱悔人

丁卯橋荒感再經勞人雙鬢各星星一帆北固烟初暝

二月南徐草未青京洛夢回同斷梗江湖天濶但浮萍

春愁滿眼分襟路怕上旗邊舊酒亭

三月二日揚州作

鈔關門外綠層層三月烟花見未曾張得水嬉還望幸

舩舩絃索上紅燈

時傳大駕已幸淮陽

上巳過平山堂下

發軫維陽城茗茗入塵陌不逢前裙女但見騎驢客平

山平似岸夾路植松栢堂空感良遊事往念前哲當時
手種柳搖落那禁折斲此駐征鞍一帘風向夕

晚宿大儀鎮

萬乘方南巡孔道車湊輻我行取紆折路僻馬不熟臨
岐徘徊鳴旅况愴孤獨廣陵繁麗地咫尺異風俗沙田
廢牛耕灌莽抽新綠人稀鳥巢少鴉鵲爭一木村童馳
樵擔古佛樓草屋杳杳望炊烟荒荒晚投宿

天長縣北郭外垂柳夾隄清渠一道土人云即
汴河也

萬葉千梢映碧波一條虹影曳坡陀天長縣北聞人說
此是隋家苦汴河

自盱眙北界沿洪澤湖西北行晚至高家堰

淮泗方合流洪湖際溟漠水所從來高其勢建瓴若長
堤亘首尾力敵萬鎖鑰近傳泗州城三板沒郭郭澄波
見井竈了了魚蝦躍淮陽地尤卑東岸狂瀾劇十年費
國計万杵鳴橐橐排椿內甃石隄起堵墻削禹功紀告
成注海有疏濬不聞當橫流扼吭恣噴薄決口既須塞
減水孰開鑿自唐埭以上決口三十四減水壩六減水
法始於宋回河之議蘇頌濱云回河雖罷
減水猶存是也九道湮成河洪澤以下向沙田梗流惡救之使
行地汗漫無歸着天下本一家揚州忍爲壑移亡及身

事丘墓傷淹泊可憐水鄉民不及鼃鼃樂 九重亟軫
念南幸求民莫河嶽盡懷柔淮神敢行虐天功即帝力

愚賤矧可度我來愛漣漪正值沙水涸一程滌煩懣清
曠迥踰昨夕陽射湖東欲落尚未落忽然得新句放眼
向寥廓

黃河待渡

遠行疲長途春晝赴急景柅車柳陰下稍覺白日永黃
埃渡河來風氣變淒冷奔湍怒流濁拍岸高過頂千檣
万檣形倒視無一影沙崩人跡散月上波響靜衆涉叩
敢爭及茲放孤艇

澗橋

風色轉河壩春光滿淮甸阪被菜花黃籬窺野桃舊朝
陽出疎樹蘆屋烟中見饌無登盤魚戶有啣泥燕從人

問前路已近清河縣

大霧新灘道中

陰霾忽交集一氣吞平沙如入大海中瀰漫四無涯前
行泛孤鷺後旅延修蛇似密忽已疎稍開旋復遮大塊
任勃塞陽烏斂光華朦朧一鏡懸注視眼不花方當晦
靄際正氣難勝邪無何廣漠風披豁青天霞君子視洞
達毋令道里差

次日發沐陽渡小溝河大霧復作次前韻

昨日如細雨今晨同歎沙廣川橫我前截岸作兩涯書
如壯士劔當道分長蛇亂流苦無舩林黑影被遮僕夫
牽馬渡闐闐迷春華路旁玉瓏鬆結作野草花老農識

此等岸句以
眼送在肆
招牌

占候何筮歌汗邪連霧知大風暮雨看晴霞人事難預
測物理永不差 亦不必用此也

紅花埠至曹村四十里間桃李夾路

遙林春鳥啼客枕促晨起有村有園圃無處無桃李烟
氣薄花光迷濛四十里方當鞍馬倦忽值風日美欲去
轉躊躇北行恐無此

大風

新月夜生暈朝來果作風初聞響騷騷停午聲蓬蓬砂
礫本附地簸蕩忽向空遙天失其青皎日爲之紅憶昨
衝霧雨兀如醉夢中行當快掃除何復遮溟濛勃蹊向
六鑿無地置我躬有目欲使昧有耳欲使聾口鼻比山

澤呼吸恐不通五官心則靈獨覺非外蒙涉川畏波浪
遵陸愁霾霏男兒歎失意豈必皆途窮平生塵土緣齒
莽焉知終去去洗垢濁還君憔悴容

寒食行

老鴉銜紙錢飛上白楊樹破廬誰氏子挈榼上冢去新
鬼土作堆堆平鬼亦故百年過鼎鼎孰者非朝露安知
今樓臺不是昔墟墓十年寒食節九度他鄉路看到野
棠梨荒山春又暮

清明日蒙陰道上觀鞦韆戲作

隔牆聞笑聲人在花枝下花枝旋搖動傷有秋千架何
人挾飛仙天半飄裙袂瀏灑俄頓挫按抑還騰躡力怯

不自持身輕若無藉柳絲妬腰細捲起向空掛却下整
雲鬢神情自閒暇魯邦喜遊治民俗廢桑柘已經土已
辰纔過百六夜新粧與靚服往往出茆舍鄉風隨俗有
客路關心乍未免憶江南家家好亭榭

新泰旅壁見故人周青士題詩愴然繼和

歎息溪南老生涯詎忍論有詩題壞壁無計臥窮村去
作京華客歸招旅櫬魂乾坤吾哭汝塵土上啼痕

過西嶺數里許土岡微起道傍新立木榜署古

新甫山五年前經此未嘗有也

南眺東蒙峰北瞻泰岱巔相望三百里徂徠處其間新
甫特土壤居然亦名山石老栢不生萊榛互綿延文人

好誇大後世事或然曼碩告寢成煌煌郊廟篇移風繼

周頌孔子經手刪不應闕宮什失實載簡編魯邦岩岫

多高峙爭孱顏今聞非昔指彼此揣度懸年往事易訛

况加附會牽我欲正此謬詩成恐難傳王伯厚困學紀

之松後漢注兗州博城縣有徂來山新甫之栢傳注不
言所在惟後魏地形志魯郡汶陽縣有新甫山通典漢
汶陽故城在兗
州泗水縣東南

望岱

山形陡然來其勢乃易量孤根雖秀拔群岫或爭抗泰

岱四岳宗宇宙虞隘妨去聲大麓起沂州鱗鱗疊巒嶂客

程窮五日日日坡陀上不知去平地已是幾千丈漸覺

所歷高縱眼快前嚮昨經新泰郊突兀方示象將開意

忽會在遠神彌玉霞氣舉之升隔天樹屏障龜蒙挾鳧
繹連絡走相傍徂徠亦兒孫未可儕輩行其他况培塿
倚伏同一狀今朝及山趾耳目塔焉喪便思躡芒屨去
倚扶桑杖天門沈寥開万里誅蕩蕩仰瞻星漢逼下掃
雲海漲雞鳴日觀峰倒影出摩盪惜哉身未到祇用窮
想像秦松漢代栢盤攫倘無恙碑憶磨崖鐫亭思駐蹕
創賢君七十二踵事規撫壯如何太史文隱躍時近謗
誰陳封禪頌體格要有當游蹤觸覩記即事語敢放覽
眺存古懷終期慰遐暢

瘦俗戲和次谷兄

晨辭泰安州午達長清境石欹行礙步土燥俗少井木

瓢酌山窪歲久必生癭醜形婦女甚元元裁渴領東坡
頰先裁牛病垂老胡豕肥縮短頸苦開脹河豚餘怒鼓
蛙暈兒郎打銀釵亂髮時一整野花插偏髻陋質寧自
省

開山廟

磽确苦厭山出山愛蒼翠迴看青蓮花一一吐烟際綿
連魯齊界豁達燕趙氣黃塵有時開白日曬平地輪蹄
倚空濶所向莽無避蹭蹬身已經吾行方按轡

曉過平原

宿醉兼殘夢朦朧過幾村明星天一角紅日縣東門四
面柳陰合千家烟氣昏朝來好風色躍馬過平原

作得此



重宿德州有懷研谿西厓

德州城邊三月杪桃李家家傷清沼繫舩人見跨鞍人
一色春衫青鬪草令君載酒遠見餉去年春杪泊舟德平場令君攜酒相
過侍史求詩近相惱風流學士田先生雨來騎馬來尋
苦不早城端角聲門欲閉話別匆匆語難了杯闌却記
惠與湯此地曾誇紅袖好詞題裙帶付張態曲記油車
嫁蘇小每攜行卷誇向人不信裝囊易傾倒爾來好事
復誰繼只有征埃催我老春風兩鬢添幾絲又是去歲
看花時

河間道中

沙路條條似前行曉易迷牛鳴新店火月上阜城雞古

寶深

堠烽煙靜遙天樹木低數錢工姪女詩橐天空攜

與彭椒崑

時宰河間縣

別裏三年夢初疑作吏難衝繁畿輔地辛苦牧民官元
結詩仍好安仁鬢未殘合并無限喜為爾一加餐

椒崑座上喜晤王赤城兼讀集中見寄詩知與
余神交有年矣短章奉酬

故人知我來堠騎迎郊甸相逢車笠間尚作文酒讌後
堂出嘉賓齒序列筵簞為言老兄弟結契自少賤我初
熟君名想像得君面邂逅此會奇心期慰依戀酒酣出
新句唱和近成卷語妙非俗觀篇終有餘善長歌謬見
及卒讀評深眷僕本田間人無端去鄉縣奔馳十年事

迅若釋絃箭挾瑟與彈箏隨時技羞變重來有何趣翼
塌孤飛燕猥蒙許與加力薄已難踐從君生感激別淚
爲一泣

趙北口

燕南趙北際地是古易州兩淀巨一隄隄南爲白洋淀北爲黑洋淀
隄長若橋浮前年驅車過潭淖沒我輶雨脚颼颼垂心
懷失足憂至今旅枕夢澁縮不敢投茲來喜春霽日色
和且柔晨餐具鮮鯽門有曬網舟飛沙隔岸來風削墮
浪頭俯見夾岸柳枝枝倒清流人生各有營偶過難久
留愧此千頃綠一雙雪毛鷗

自雄縣至白溝河感遼宋舊事慨然作

荆宮未安

已割燕雲十六州雄關形勢咲空留兩河地與中原陷
三鎮兵誰一戰收細草鳴馳非故壘夕陽飲馬又中流
長江南北天難限一綫何煩指白溝

過涿州懷楊耑木

廟社樓桑跡僅留城南緩轡記同遊春風又送孤墜客
一背斜陽過涿州

三月晦日飲朱十表兄槐樹斜街新寓同梁藥
亭吳震一作三首

槐街舊與一峯隣

一峯喬石林侍讀舊寓堂名

酒甕重開爲洗塵最

喜今年春帶閨遲來猶作看花人

兩株桃樹手親移紅影紛紛落酒卮特與幽庭添曲折

秣稽櫻綫縛笆籬

古藤陰下三間屋爛醉狂吟又一時惆悵故人重會飲

小箋傳看洛中詩是日得家德尹洛中所寄絕句

豐臺看芍藥同家次谷兄陳元之甥四首

不用穿花坐竹堦蹇驢馱客穩如舟垂楊十里綠陰合

中有一雙黃栗留

意外穠粧鬪眼新無端一咲為迷津妬他誤馬隨車處

出色花枝不避人

紅艷群羣綺陌遊春風繭栗憶揚州十年一夢依稀似

老眼貪看分外羞

孟公愛客不尋常知我錢空買醉囊特遣白衣逢半路

一壺重發少年狂

時陳實齋遠致酒肴見餉

次韻送梁藥亭庶常請假歸南海

但使官情澹何妨老耐貧忍拋同醉伴還對獨吟人草

色留書帶槐陰借比隣荔枝紅過嶺一騎是歸塵

夜聞孫愷似家絃索聲戲柬索和

歌頭酒尾悄悄夜懊惱燈光却被遮畧似香風吹夢醒

一番芳事屬隣家

合肥大司馬李公席上聽楊老彈琴

臥遊堂北夜悄悄及記年時刻燭吟別後人誰憐廢瑟

纓餘公自賞孤琴衆山圖畫聲相應一技工夫老更深

慙愧重來聽雅奏也應情感為知音

朱恒齋招余下榻齋中書此示意

君家春草堂舊是雙書地手澤尚如新忍添遊子淚

移寓次譚護城給諫韵二首

貪得槐街近作隣舊寓去竹地最近再遷吾意亦逡巡無端併

誤將雛燕一月遽廬認主人

雁齒檐齊落井湄清泉飛出起淪漪
轆轤本爲澆花設一折流成洗硯池

病夫嬾惰朝貪睡最怕車輪撼竹床
此地市聲來較遠輕雷隱隱過隣牆

移寓後喜魏禹平早過

莞枯庭幽愛客來籬邊一徑恰新開
曾經昨日爭棋處

拾得花陰墮子回

題蔡方麓修撰早朝圖二首

水精簾捲月如鈎侍史粧成盡下樓
比似早朝還較早不教君起看梳頭

花冠催曉漏聲微樺燭光中翠袖圍
未拂御爐香已透玉纖親捧上朝衣

暑中坐敬如西齋竟日

蕉心展卷放高葉藤蔓著花垂嫩梢
笛簟一床書萬卷紙窗南北綠陰交

西厓久患耳病詩以訊之

藥鑿烟氣散清晨薄病風流又過春
街鼓不傳眠較穩

砌花貪看眼長新對床尚憶聞雞伴一震翻憐失箸人
好與繙書報方法滿壺社酒乞比隣

喜雨對榻有懷西厓聯句二十六韻

觸熱來京師驕陽值乾曠平禹僑居隔隘巷欲出愁喘汗
夏濡髮頭濯冰燎毛背炙炭平禹爍爍火帝輪赫赫炎官
繖重夏鳥焚顛木巢蠅嘬削爪案平禹居人苦燁灼行者防
糜爛重夏側聆清禁中一月徹宵旰平禹魯史陳舞雩周詩
誦雲漢重夏不傳避暑銘每塵當食嘆平禹吏無酷可烹禮
有典乃按重夏桐魚瘞潭研金雞釋狴狂平禹天心倏已移
雲氣滂不散重夏電雷震競競溝水鳴灌灌平禹急來扣扉
聲拉雜屋壁捍重夏捲書君劇喜踏屐我奚憚平禹榴葢紅

洗粧梧蔭翠流榦重夏潤拚沾幔濕密愛拓窗看平禹欸鏡

魚登拌戶小杯舉觥重夏鬱襟快哉披短幘頽然岸平禹雖

當醉眼纈未許鼻息重夏鼾憶昔斜街西吾友客僧館平禹

聯吟秋歷九聽雨夜過半重夏往事忽到心暗嗟流景換

平禹虛名三子曾失意二人但重夏預憂燭見跋莫聽響達

旦平禹凌晨過東隣老樹恣所玩重夏

古銅筆洗聯句狀如荷葉中有銀魚長半寸許三足皆作螺形

土花蝕已徧平禹雅製近宣和重夏片葉翠遮硯平禹一珠圓

滴荷重夏露鱗沈白小平禹烟殼帶青螺重夏欲遣詩塵滌平禹

濡毫墨幾多重夏

集槐樹斜街苦熱聯句此首已刻曝書亭集今附見

苦熱今年甚幽州亦蘊蒸朱茂久無甘雨降惟見火雲

升姜宸際夜焦烟合經天杲日恒徐善高林枯白帶淺泔

露丹稜王原最怕衝灰洞何須堰戾陵黃虞稷河流金口膩

山翠畫眉層朱與黑蛺潛難見商羊舞莫憑萬斯同新畬

荒黍稷壤種慮蠱騰張遠零隊分行綴祠官典故徵譚璋力

難驅旱魃咒乃試番僧慎行童女雙个髻旂竿五色繒李澄

新粧朱箔捲雜戲綠衣能魏坤虹霓群情望塵埃萬目

瞪龔翔疾雷無影響長轂但輪較釋淨憲銷夏愁無策聯

吟喜得朋湯右曾盡語微徑入不待小僮磨朱嚴席帽人人

脫亭欄處處恁鄭觀劇談多野趣苛禮必深懲錢光旅

跡頻年共鄉心觸緒增明茂小航思劃槳精舍憶擔簦宸英

白剝烏頭尖青牽紫角凌原夕風嘶麥蠶橫港沒魚鷹

竹樹濃於畫篋籬密似罾尊千家花滿屋六月稻交騰

曾古自失江村樂翻憐毒暑仍嘶黃沙隨扇集白汗比漿

凝遠易漬牀牀篔簹空支院院棚檐稀珠市果價倍玉河

冰慎槁落含香葢學拳裊格藤善暗窺蛛網縮乾拆燕

泥崩麟戶撒垂簾額瓶添汲井繩儼慵尋溫水浴只想

冷硯登瑄三葛衣猶重雙絲履不勝撥書嫌走蠹懸拂

倦驅蠅坤祇覺掌拖便誰甘襪穢稱觀到門防客刺無

地曲吾肱尊取買泉澆圃同貪草藉芳明茂酒拚河朔飲

茶愛武夷秤宸英返照斜初斂微涼暮可乘原分曹爭射

覆四座百觚騰慎行

轉字不好

驅舫消夏分賦涼篷

撐

疑

平鋪一面簾高出四邊牆雨似停舫聽風宜露頂涼片
陰停卓午返景入斜陽轉憶臨溪宅松毛透屋香

次韻奉送大司空翁公請假歸虞山二首

特賜冬卿上冢還履聲暫許撤朝班官情自領升沈外
物望同歸進退間圖畫重開供帳路雲山新署草堂顏
依稀文靖城南墅只隔蒼烟水一灣

布衣重上退賓堂多愧南豐一瓣香場屋感公憐被放
橋門回首憶分行如蓬旅跡仍難定似海恩門豈易量
不覺臨岐成雪涕車輪那得比廻腸

公為國子祭酒
余受知最深

初秋同胡修予王令貽王文子林碧山程天石

家荊州小飲雙林寺荷亭上次韻

共喜聯鞍去精藍古堠邊斷橋花底鷺高岸柳陰蟬野
意迎涼爽秋容得雨鮮昔遊吾自記塵土夢三年

時菴先生
小憇於此

題許壺山小影

共識丹徒一布衣曾將健筆動宸扉如今却伴梳翎
鶴縱有烟霄已倦飛

牽牛花十二韻同竹垞兄賦

添得新秋意幽芳豔一庭開長先七夕名許拆雙星宿
露涼初洗朝陽夢乍醒籬頭從點綴竹尾借娉婷徑淺
疑妨帽窗疎愛拂櫺蜘蛛簷角網蟋蟀草邊亭垂處梢

梢碧分來朶朶青有人繁綠鬢無分插花餅輕較春天
蝶微黏雨夜螢宵形嫌鼓子妬鳥啄金鈴榮落誰相惜
涼暄爾慣經寫生煩妙手渲染上圍屏

贈如臯許嘿公

許工篆刻

許實夫所書

岐陽鼓文頌

精審

曾摹一卷岐陽碣只作西周舊本看好古未妨生末世
成名終不藉微官

許曾宦關中

眼中識字如君少老去知音

較昔難料合中原無手敵莫教旗鼓更登壇

嘿公向受知於合肥

冀尚書其贈詩有寄語揚州程穆倚中原旗鼓正相當之句

雨中同竹垞兄過恒齋飲次竹垞韻

傲居長喜接京坊但約相過便對床數點忽飄花外雨
十分初透竹間涼詩貪老境甘如蔗醉覺香醪味似糖

還有持螯餘興在隔厨燈火聽鳴薑

西郊雜咏與竹垞水村分賦五首

三虎橋

狠石怒趁人風聲挾秋雨馬驚左右顧橋滑路難取誰
呼北平守三發三飲羽我欲從之游入山射真虎

昌運宮

老鸛巢古枝虛廊交冷翠淒涼前代塚傳是張常侍煌
煌元老文苔蝕仆碑字賜域滿西山斯人或無愧

松林院

珍果充尚方嚴鑄守花木今年上供缺夏旱秋不熟僧
庖拾枯楸客飯烹野蕨莫怪鳥來稀疎林葉俱禿

摩訶菴

修竹如高人閒花比靜女移根入廟市束縛吾憐汝人
生屬有役物性便得所及此憇茆菴秋光媚孤旅

元福宮

出屋聞遠籟入門走長松粘天百頃濤下有掉尾龍長
養紀何朝云自明武宗迴鞭促斜照紫翠凝西峯

次韻送卓履齋

等輩風流滿座傾不因入洛占時名半年旅跡萍漂斷
八月邊塵雨洗清家遠窮交愁易別路難歸計羨先成
長橋兩岸蘆花雪畫裏扁舟一纜橫

次韻送周林於歸梅里二首

結客曾經汗漫遊雁風吹落鬢絲秋誰憐豪氣除難盡
脫却征衫去叱牛
燕昭臺側酒壚傍別後親知半在亡傷青士分虎也重向溪南
揮老淚十年孤客始還鄉

次韻送高念祖遊晉中

一天霜氣上征袍獨雁離襍愛羽毛惆悵黃花燕市酒
送君時節近登高

天寧寺觀塔燈聯句

同後一首亦刻曝書亭集

秋風鳴枯槐斜日薄西崦徐善並馬入寺門客衣胥蓆歛

朱茂于焉展嘉覲一咲較銳槩高佑巡檐禮紺塔卓立

大且儼朱彞尊陳丹和暗粉古色剩渲染魏坤蹟仍開皇舊

函并舍利

慎

行一十二重檐檐風鐸

善蟠楹蛟躩

踞負礎鬼瘠

茂

飛梯絕階級白石奪琬琰

鉅鎔金范

為燈設砌架成

廣

蜂房歷歷覆蟹罈

坤怖鴿

棲難安一夫敢走險

慎

行縵缶挽膏油豆火發星燄

善初

如螢尾炫忽若獸目睽

茂

或如爐杵炭或如竈炊枯

鉅

須臾繞扶欄散作四百點

善

虛堂鑿纖毫老樹失掩冉

坤置身圓鏡中交光不可掩

慎

行氛烟看直上樓閣時一

閃善鼓鐘聲遠聞來者紛

慎

褰襖提攜及童嬰羅拜雜

寺闌

鉅

營營各有挾邀福得毋諂

善

禮義苟不愆寸心

又何憊

坤

玩物隨所遭誰能束崖檢

轉人散漸

善

茗椀坐屢遷松關啟還店

茂

衰年疲倚徙

禪榻擁衾篔

鉅

弦月墮側輪濕雲俄泚泚

善

驟驚山雨

來昏夢豁嚙魘

坤

晨興矚林端餘燭尚未斂

慎

九日雨阻天寧寺聯句

風

仁王塔祇樹林客九日期登臨

朱

彙

木蕭蕭雨淫淫泥

滑滑愁人心

慎

馬毛縮魚潦深行躑躅坐沈吟

魏

日月

逝年光侵去者昔來者今

善

別苦易思難任樽有酒且

朱

酌斟

高

鉅

脫我帽披我襟折黃花試共簪

朱

明

送次谷兄南歸次汪東川祭酒韻

甞來那得久淹留八十高堂已白頭布被一床空戀別
人門半刺肯輕投黃沙草接新霜路紅葉燈移古渡舟
笑得過淮天氣好初冬風日尚如秋

送江補齋侍御巡漕長蘆次禹平韻

析津脈絡聯神京白河南注駛且清天開地坼三百里
樓櫓突起高崢嶸晴烟晝騰氣靄靄刻漏夜下聲丁丁
雄關屹立當海口鯨吐鰲擲誰敢櫻雲帆舊轉吳曾粟
鎖鑰西北收專城洪波浩漾百萬頃坐令魚鮪無滄驚
設官豈徒重筦竿畿輔要借桓驄行我聞利藪俗爭鶩
豪猾勢得搯重輕大賢當道積弊去不貴鷲猛惟廉平
燕雲趙魏達齊魯管內九月催王程蘆花雪輕點別酒
柿葉霜染飄前旌此時送君乘傳出四境藹若春風生
鹽梅往往調鼎鵠竚待妙手歸和羹野人留眼望天際
法曜正倚台垣明

王孟毅重至都門

我亦騎驢客粗知行路難六年三見汝辛苦渡桑乾

敬業堂詩集卷十

身中記

痛讀此身訪吾生苦學悔性思福來之
身因有淫何福起之觀此在戊戌九月也
今又十年矣自問於學分寸未嘗福也歸
子有言其不為君子而必於小人之排也昭
矣乾隆戊申三月廿七日自達昌法梧州

敬業堂詩集

身中記

敬業堂詩集卷十一

海寧 查慎行 悔餘

竿木集

起巳巳十月
盡庚午二月

四十二歲

飲酒得罪古亦有之好事生風旁如指斥其擊而去之者意雖不在蘇子美而子美亦不免焉雖家有云竿木隨身逢場作戲聊用自解去爾非以解客嘲也

送趙秋谷宮坊罷官歸益都四首

時秋谷與余同被吏議

竿木逢場一咲成酒徒作計太憨生荆高市上重相見
搖手休呼舊姓名

劉魯封章指摘生滄浪大可濯塵纓肯言預會皆名士

結廬藏

誰似君家老叔平
君別蓬山作謫星我從霧谷擬潛形風波人海知多少
聚散何關兩葉萍

南北分飛悵各天輸他先我著歸鞭欲逃世網無多語
莫遣詩名萬口傳

秋谷贈余詩有與君南北馬牛風一笑同逃世網中之句

初冬拜朱大司空墓感賦

城南舊是陪遊地一片蒼涼野哭中宿草墓門黃葉雨
亂鴉祠宇白楊風餘生削跡誰知已往事傷心我負公
肯信九原還有路人間何處不途窮

竹垞招遊白雲觀同錢鷗舫王令貽魏水村嚴

寶仍吳震一分韻二首

此首查不及本

此刪

作者每二強平

實極甚在兩氣

此二首力未列

古人之駭

沙晴冬候暖古觀晚蒼涼一徑踏殘葉半庭餘夕陽
泥封丹竈合石護醮壇方華表依稀似蓬萊是故鄉
得方燕丘吾舊到逐伴記新春羽帳千年蛻虛堂四壁塵名
山遊已晚遺跡訪初真欲補儒仙傳欣逢好事人
得春

重宿傳經書屋與愷功話舊次唐實君留別四

首韻

再來欣接席昨去惜分襟兩度平安字三年聚散心
夢中這舊事愁裏廢孤吟豈意麻茶眼重窺翰墨林

絕域身曾到名駒小最能膽教更事壯詩喜逐年增
畏

客門長閉看山閣偶登故知關性分愛近讀書燈

欸欸留吾住依依見汝情硯冰融墨淡爐火撥灰明
淺

夜談難足流年感易成雞頭池上月白髮照初生
易作匆匆別華堂費夢思暗鐘隨杵斷殘燭得花遲
待囊錐脫斑從管豹窺出藍真屬望慙媿我稱師

恒齋邀嘗桑落酒同竹垞賦二首

嗙口長餅歷手杯隔簾鏘器為親開不愁更欠尋常債
每過朱家醉始回

石湖詩句也風流橘露松舫品最優五斗蒲桃真濁味
肯將石室換涼州

同竹垞水村步入一葦菴登妙光閣

偶然聯袂袂隨意叩禪關門徑忽新改居僧出未還
尖城上塔幾點樹頭山此處宜看雪危梯約再攀

垞而緣切廟垣又
教平声太上皇

廟垞垣

島事共初石幢有邊

如溪水時有杖藜僧下堦拾槐子

地作隣人業苔侵破廟垞兩三碑背字猶記會同年

冬菊聯句二十韻

猶剩籬邊朶幽香伴小齋魏祇緣開較晚真與俗難諧

行憶植當松逕分苗傍秫稽坤一行頭並摘幾稜手親

排慎未治蠶蕪暹先防虎似豺坤栽培從老圃束縛向

斜街慎擔喜連泥買僮嗔甬雨差坤素心邀我賞倦眼

為君楷慎白酒重陽過清吟十月偕坤瘦窗圍竹几涼

路別櫻鞵慎行獵獵風捎幔紛紛月浸堦坤稍應愁雪妬

此堂在石幢

幸不被塵埋

慎行

采可斄新釀簪宜綴冷釵

坤

葉經霜後

飲花比節前佳

慎行

小塔燈雙影低屏水一涯

坤

落隨騷

客賦淡入雅人懷

慎行

寒色方凝榦新芽已發

坤

過時

拋瓦缶留種記牙牌

慎行

按譜名空羨餐英願尚垂

坤

明

年須放早吾欲返荆柴

慎行

呂灌園屬題小影二首

不知何處響濛濛峭削藤蘿側面峯喚起清風荅清嘯

濤聲飛上最高松

曾向山陰作寓公一筇歸借白頭翁跣趺消得幾多地

何必千岩万壑中

冬夜朱介垣給諫宅觀倒刺和竹垞兄絕句四

首

樺燭枝枝細吐烟曲屏影裏夜如年索郎美酒耆婆舞

醉倒蘇家藥玉船

時介垣新得此杯

雙燕身輕拂地迴歌頭舞遍一回回問渠從小誰傳得

似按西涼坐部來

鐵撥檀槽急作聲六么輓上一牀箏忽驚雷雨簾前起

殘雪開窗月正晴

薄薄粧梳楚楚伶酒邊孤客對飄零紅筵大有開元曲

別樣傷心已怕聽

大司馬合肥李公見示遊盤山十律兼屬繼和

敬題二章於後

五必用敦字手

白石曾關十載心勝遊往往礙朝筮也知去郭無多遠
所喜探幽不在深紫蓋自開蒼蘚路紅紗長護碧山吟
滿空何限松篁韻盡入鸞歌鳳舞音
不教騶唱駭山僧竹杖籃輿取次登老樹傲霜還帶葉
細泉迎暖未成冰盤來磴道雲千疊遠處峯巒雪幾層
已失從遊吾自悔得披高咏興偏增

陸端轂索贈

五色邵平瓜一口韓康價古來高世士亦在長安下軟
塵堆裏記相逢歸夢時時寄短蓬筆床茶竈何年具準
擬尋君笠澤東

讀張趾肇徐安序冬日感懷唱和詩次原韻二

首

窗隙飛塵日易斜忽披新句感尤加路難不爲登樓賦
才盡非關入夢花倚竹何心矜翠袖聽歌有泪滴紅牙
斷蓬生事無聊極不獨君悲我亦嗟
小榻吟成膝自搖一燈照影共淪飄雪侵短髮雙雙換
寒入深杯九九消得氣益梅偏早綻向陽籬菊未全凋
相期並了殘年課添箇詩筒遣寂寥

奉送玉峯尚書徐公南歸五十韻

大儒出處途秉道貴得正行藏既自斷進退詎關命我
公如星雲一出朝野慶皐夔奮事功燕許嫺詔令放之
彌六合鴻業豈易竟立朝二十年風節嚴且勁高文藉

討論大禮資援証以茲契 聖情題扁宇輝映交孚由一
德心愛非貌敬國家有元氣培養在交儆儲材本報國
夾袋記名姓必若入收羅先須覈言行春秋兩校士米
鑒中外瑩大匠洪陶鈞劍光出磨銍別裁務去偽崇雅
自剛鄭豈不歎才難得人際斯盛煌煌起袞手草野議
敢橫中流砥狂瀾公論翕然定官雖謝執法講每直崇
政休沐有常期歲時奉朝請從容大臣體恬退君子性
朝來忽拜疏辭切回天聽 帝曰卿往哉疇爲執文柄
答云臣力憊感激泪交迸告歸遄儼裝首路春維孟
詔以書局隨還家就叅訂牛腰一百車多與二酉競方
輿廣樂史續鑑改陳桎高館闢翹材名流撤徵聘謂姜西溟

黃俞邵諸君 遇榮一時絕典曠千古復樂天名位似司馬聲

華僅鄴侯未足論矧可擬張邴平生釣游處父老喜相

迎太湖洵幽絕天水俱綠淨七十二烟鬟一一落明鏡

公將開書局於洞庭山 八窗陳鼎爨四壁開畫燈清音絲間竹逸

響鐘磬磬鶯花晨赴社魚稻晚報榮暑衫便苧葛臘釀

雜賢聖著書閒有餘卽事樂難罄小子學無成風塵困

趨趨影慙舞袖短顏讓時粧靚饑朔行自嘲寒郊語尤

硬迂疎頗知量鬪捷肯爭徑振翅無雲霄觸藩有機穽

蹉跎曩悔失鹵莽行恐更世自傾波濤吾方溷泥濘重

來仰翦拂鬱抱實柄柄公在士氣伸公歸士氣病從公

願于邁百感發孤咏時相約同出都

送許朔方之雲中

昔我未識子先與錢生

木

友亟言平生驩三許不去口

賜谷詩絕倫南交畫無偶朔方年最少蘊蓄靡不有次

第獲論交前言果匪苟燕臺昨于役小許實先後

甲子夏與

王友朔方同入部

茫茫人海中相左十八九移時一把臂歎曲

心互剖吁嗟輕薄兒覆雨數某某勤拳托末契所得良

已厚方知情親疎不係交蹇久風塵有岐路南北莽分

手錢生走從軍余去扶病叟重來會合地驚顧各衰靚

慷慨倚和歌淋漓藉杯酒子仍青兩鬢末座獨昂首也

復可憐生雙顴削而黥須臾雙耳熱擊筑間鼓缶疾風

掃河梁挽斷塞門柳前歡今偶續知有後期否故人諸

曹郎出作雲中守子行赴贊畫側翹義奚取行踪等飛
蓬離緒如剪韭長亭七十五山勢西北走并州非故鄉
却立望南斗

題許霜岩畫扇

風前撩亂萬梢柳柳外天斜一扇蓬箇是儂家舊詩景

江湖回首畫圖中

鳴鶴亭詩為關中張鳳舉賦四首

不織筠籠但築亭紅欄日日看梳翎人間只有張公子

合向天河伴翼星

隔窗長聽讀書聲識字多來品倍清

金城衛氏鶴日飼以粥教之三年能

識應咲六郎才思劣羽衣刻木坐吹笙

飲啄依人不自持都緣骨瘦便稱奇雲霄儘有孤飛處
偏愛亭亭獨立時

丈人坡陀尺五天侯門如故客如仙憐他一片蕤蕤影
曾上羊公舊舞筵鳳舉為靖
逆侯少子

題沈客子寒郊調馬圖二首以下庚午
春初作

潑墨揮毫事事能帶腰吟瘦沈吳興如何却向漁陽道
粘帽茸裘學按鷹

小益戎裝悔浪遊不成投筆取封侯殘年射虎非吾分
白石山南去飯牛

西城別墅十三咏新城王清遠屬賦

雲氣朝出岩亭陰滄然接劃分一片影側展屏風疊浦

滄海五羖重

灑叙

十三詠妙手

多者過半時

多妙徑一首

口有漁榔落帆如斷葉石帆
亭

戢戢犀角雛斑斑鹿皮籜春來頻改路客過行長錯欲

斯又躊躕萬竿殊不惡徑竹

秦封五大夫兩生獨不肖托根此得地雙榦鬪清迥老

鶴暮歸巢殘陽在高頂雙松
書場

虎目逃斧斤輪囷誰惜汝薰蕕自然別靈蠢性所予材

與不材間櫛兮知自處大椿
軒

九子得其三五老失其二一峯復一峯峰峯不相似雖

非木假山可少老蘇記三
峯

蝴蝶滿南園風輕草初剪林霏入烟霧古洞春猶淺好

去向龍岩築菴名碧蘚小善
卷洞

按此不解在詩
去少亦夫字之義

迴溪轉灣濃滴翠如滴乳岼容兼水色遮斷橋西浦一

卷落床頭春深夜來雨綠蘿書屋

不離文字禪半偈亦多何異百千萬烝沙散恒河蓮

華清漏底晏坐夫云何半偈

蒼濤翻半空清響一聲作頑仙不耐聽下有側頂鶴夜

深忽飛去簌簌衆星落嘯臺

鵲山出林郭高處割一拳坐令諸兒孫羅列丈人前對

之能下拜米顛豈非仙石

草外瑟瑟波波平兩三項紅鱗尺半魚倒嚼桃花影西

堂夢初覺佳句時一警春草池

仙犬吠靈根鴉耨往堪劔曾隨康樂屐竟入麻源谷一

咲却歸來披圖作橫幅小華子

耕犁起同晨牧笛行向晚小庭閒倚杖正值唱歌返杳

杳漸無聲去村知近遠樵曹軒

將出都門感懷述事上澤州冢宰陳公一百韻

當代中天治千秋一德期大賢多間出鴻業並昭垂夫

子金閨彥名家玉樹枝傳天飛鸞驚拔水出蛟螭理學

源流泝文章談咲麾巍科仍早掇雅望迥標持館閣迴

翔地風雲獻納資居高懸藻鑑集益藉論思博物時無

亞多聞議必諮六曹兼掌故九列讓委蛇共指文星煥

寧關好爵縻網維張有自津浹挹無涯溯厥流風遠恭
惟樹德滋晉陽丁未季濩澤徧瘡痍團結因鄉社招搖

視義旗千村同保障一姓獨登陴布置隨方畧分明受
撫綏險憑雙堠設烟合万家炊寇至呼咸集歸窮戒勿
追宗人全鐵軸隣叟穩耕犁歲事重憂旱并民又阻飢
九重加軫念百族尚厓羸焚券情相卹嗟來事可唾甫
田憐士女世祿散京坻積貯崇朝盡陰功里老知當官
嗟覆餗扣戶仰由顧及見家餘慶方知善可爲潤沾千
里遠力賑一方疲地近瞻恒嶽川長入晉祠午園留獨
樂甲第拓前規好古兼金石搜奇及鼎彝異香黎峒結
秘色汝州磁畫幃多裝軸書囊或借瓶筆馳中壘陣墨
洗右軍池弟子河汾盛宮牆魯國推名爭歸夾袋坐愛
傍紗帷手引烟霞上情均雨露施賢良承漢策雅頌叶

二字左邊

雁上考

周詩至化行如此斯文儼在茲升庸 朝有道羅致野
廩墳竊喜逢時泰翻成歎數奇異材胥奮發蹇足獨顛
危詎敢誇華胄聊因述鄙私婺源分未派海表發南支
大理馳封啓中丞畫戟移澤流京兆厚禍發黨人奇世
廟當中葉分宜位鼎司彈章辭激烈伏闕涕漣漣嚴謹
孤蹤逮流官絕域羈左垣言幸中東市魄終褫門子承
堂構文孫接履綦謝宗經鼎盛裴眷有中衰五葉傳清
白全家際亂離兵戈屯井閉榛棘變堂基春誤尋巢燕
秋荒插菊籬先人旋遯跡壯志局茅茨比杜經天寶如
陶閔義熙流光傷易邁風木感先萎小子真無似孤懷
忝自惟墳笈偕伯仲弓冶學裘箕蚤被儒冠誤長遭俗

目欺升沈渾莫定矩獲恐長隳蕭瑟囚山計荒唐捷戶
費不成終泯沒那得避嶸崎會有從軍役寧甘伏櫪悲
黔山峯矗矗楚水浪差差鉦鼓淵闐發簫笳斷續吹征
夫攀塞柳野客咏江離戎事從人問行間借馬騎瘴林
棲狒鷲箐谷竄狐狸耳聽鶻啼血心驚觀築屍晝紅烽
乍舉月黑路偏欹短褐星埃入遐陬露布馳圖披新聚
米局按着殘棋橫草名空挂封侯望本癡飄然辭幕府
逃矣走京師古有矜懷刺時方薄處錐姓名埋失路出
處謝端著徒步親頑僕低顏向細兒幾逢收駿骨深畏
妬蛾眉久抱違時性蕪無媚俗姿泥深蹄蹙蹙風逆羽
襜褕逐伴聽謠曲無聊托酒卮波瀾人海濶竿木戲場

隨照壁寧防蠹吹毛竟得疵任安書未荅朱穆論何疑
夢或驚沙蜮歸將友澤糜棄繻知昨失鑄鐵悔今遲不
謂逢韓愈猶煩說項斯感公寬禮數容我揖堦墀未有
阿房賦徒懷北郭絲迂疎疑寸管許與到單詞峭置干
尋壁弘開八達達春陽蒙煦噢霽月曙光儀欸欸憐才
意依依戀別時夔薪餘樸檄鍛竈仗鑪錘黷隸雲敷土
微茫海測蠡議高攀莫及身賤語終卑此去鞭重把何
年閣再窺鷗波殊浩蕩泛泛問何之

送徐道勇宰順德

須注出是庚子之順德

萬里驅車路韓蘇蹟尚留往時愁謫宦今日羨吟游邊
海夏無瘴看山朝有樓感君懸榻意謂我是詩流

時相約同

行余迫歸
計不及赴

酬別許暘谷

男兒有才人見之如眉在額拍在掌蘭苔翡翠大海鯨
相去中間幾霄壤天資必從學力到拱把桐椅視培養
方今儕輩盛稱詩萬口雷同和浮響或模漢魏或唐宋
分道揚鑣胡不廣何曾入室溯流源未免窺樊借依傍
我持此論嗤者衆同志吳中乃得兩惠生元龍格律最謹
嚴錢子玉友才情殊倜儻不知此外復誰敵晉楚居然互
雄長得君忽訝鼎足成一戰三分定擾攘君才自是詩
中虎盡遣風雲歸俛仰蜀江到解一萬里岱岳登峰八
千丈有時分派蓄烟波間亦浮嵐滄林莽初看澹沲與

神會倏轉玲瓏非意想書評取瘦嘲杜陵畫品近肥矣
周昉穠纖斟酌雅粧宜骨月停勻神駿賞愛君此境口
莫喻俗手安能事樵仿彼非識者勿浪傳若有知音必
弘獎余雖好吟久成癖所業未充終倘恍邇來屬藁輒
欲焚偈仄無端櫻世網徒將字句供拍摘豈有聲華出
標榜此時披豁喜相從乍挹西山朝氣爽論卑引我爲
同調鳥爪時時發背癢君辭愈降我愈慙文繡飾犧毋
乃枉皇天老眼不到地半世駟馳絆塵鞅三間草屋百
索田願本非奢力難強我今忍飢亦決去麋鹿山林合
長往閉門更讀書十年尚冀成章附吾黨故人倘記臨
別約鬪鴨欄邊好相訪數折溪橋蕩槳迎歌聲正出蘋

花港

夜飲槐樹斜街花下
酬別竹垞水村

丁子香邊欄檻小
桃花底杯槃厨燈隔院人靜社雨添
衣夜寒殊方賦別最苦失路還家又難
懊惱鶯啼時節
相思多在春殘時余將南歸

酬別譚護城都諫

知己無如我少交情得似君難獨留一榻相待長把深
杯對乾宣武門南舊宅虎坊橋畔扶欄可惜手栽紅藥
花開又讓人看虎坊橋東舊寓去秋曾種芍藥八本余將歸君又遷居故末云然

題壁集

起庚午二月終六月

四十一歲

玉峯大司寇徐公

予告南歸奉

旨仍領書局

此多實云
平

出都時邀姜西溟及余偕行兩人日有唱和旗亭
堠館汗壁書牆率多口占之作本不足存存之
以記行跡也

早出彰儀門魏禹平談震方沈客子追送於十
里之外馬上留別二首

已着征衫上別鞦道傍何意復停鞭人生聚散原難定
又算班荆一度緣

杏蕊開時柳葉新眼明羞喜出紅塵京華回首無多戀
萬疊西山幾故人

長新店重別孫愷似王令詒嚴寶仍劉大山家
荆州兄三首

尚書書局出隨身供帳爭看祖道新
轂鯨車輕卸尾去
可憐我亦一歸人

壞壁尋詩又一回
殘尊重洗別時杯
不因此去添悵悵
輕跨征鞍自悔來

別期長短路連綿
春淺漁陽二月天
却檢曆頭同此日
驚心南北忽三年

前年南還去年北發今東裝出都俱二月二十一日亦一奇也

良鄉次西溟韻

乍來灰洞喜無風
馬足殘泥曉漸融
料石岡邊春雨晚
廢田無麥草葱葱

琉璃河次湯西厓壁間韻

日痕紅曙露初晞
草色迎人欲上衣
頓覺水鄉風景好

一群野鴨踏波飛

寒食過涿州和西溟

柳色初濃凹字城
胡良河上偏清明
故園三百長亭外
貪得花時一月晴

清明新城道中

縣南風颭酒帘多
澹澹新烟瑟瑟波
一路人家齊上塚
紙錢飛過白溝河

白溝旅店見亡友
鄭樊圃舊題愴然有感
同西溟作

一鞭重度瓦橋關
落魄星埃鬢各班
忽見故人題壁在
轉憐爾我是生還

名勝在涿州
城形如凹字

遇趙北口晨餐得魚戲和西溟

森森波光漾碧虛中央一帶是民居綠楊影裏留竿起
彈缺人歸食有魚

任丘遇禹司賓尚基歸自閩南以蜜漬荔枝分
餉

易粟寧桃已厭嘗愛聽風味說南方費他陸賈千金橐
與致紅綃十八娘

商家林早發

村店荒荒殺漏邊喚回殘夢眼迷離曉星一箇明如月
及取朝陽未吐時

冉家橋

楊椿夾岸草抽芽一綫枯河萬斛沙記得去年鞭馬渡
滿渠春漲拍桃花

景州次西溟韻

時畿輔
苦旱

自從騎馬出春明滿眼流移愴客情此日畿南行向盡
喜逢田婦餉春耕

平原口占戲示西溟二首

碌碌因人事竟成當初原未識先生處囊脫穎渾閒事
何苦區區自請行

若將毛遂比夸門知己何人合感恩却咲能詩李長吉
信陵不繡繡平原

夜雨

倦枕更闌睡不成
白楊葉戰雨來聲
油燈欲滅尚未滅
暎電隔窗時一明

從十里望抵晏城

春勝雨潤少飛沙
別取林均一道斜
紅袖倚門桃傍井
又緣迷路得看花

大清橋

風柔自覺輕衫便
山近微嫌濕翠多
日暮大清橋畔望
一叢春樹擁齊河

崗山

古驛東來路一灣
萬枝翠栢護蒼顏
不知斤斧迹何幸
大似吾鄉近海山

上巳泰安道中和西濱

平山堂畔忽經年
又是荒程上巳天
慙愧漿家供野味
樹頭小串摘榆錢

欲登岱不果戲東周通守燕客

潮白三更開島嶼
烟青九點散齊州
輸他監稅周簽判
日日肩輿到上頭

羊流店

峴首沉碑事渺茫
空傳有淚墮襄陽
居人自重羊公里
未必英雄戀故鄉

新泰城南望蒙山

翠岱孤抽碧玉簪
群山餘勢失嶰嶰
晴雲忽斷東南角

又露東蒙一兩尖

發蒙陰至青馳寺

桑邊棗下嶽崎路亂石堆堆數驛亭野草不知春意好
燒痕三月未全青

渡沂水

白沙沒髀水平腰舟子招人上小船指似翠華南頓路
舊年此處有浮橋

三月初九日自郟城看桃李至紅花埠二首

枝枝能白復能紅光景年時約略同行過曹村貪小住
雙禽對語百花中

油菜花開十里黃一村蜂蝶鬧斜陽明知尚隔江淮岸

風物看看近故鄉

官柳

種柳河干比伐檀黃流今已報安瀾可憐一路青青色
直到淮南總屬官

大雨早發宿遷

洶洶波聲響濁流疾風吹雨渡潮溝眼前一事差強意
河北人家麥有秋

晚晴入桃源界和西溟

鳴鳩聲裏發孤城行到桃源落照明一色東風占兩候
曉程催雨暮催晴

渡河

沙雨晴來日氣和漲痕連岬落帆多春風吹過桃花信
啼鳩一聲人渡河

淮安上船

厭聽鈴聲愛入舟只應洗耳向清流辨香夜謁淮神廟
夢穩江南第一州

過喬石林侍讀縱棹園

一天風雨禁茶蘼紅藥空欄信尚遲只道淮東春已盡
鴨桃猶剩兩三枝

喬侍讀席上贈歌者六郎

欲顧曾無一字訛子絃徐引曼聲歌青衫憔悴無如我
酒綠燈紅奈爾何

高郵舟中

蔣牙荻笋碧於天涸水瀕湖出葑田鷗鷺較多人較少
斷橋邊有賣魚船

揚州遇杜蒼畧

龍眠方邵村又繼黃圖歿謂令兄饑江左風流跡已陳

今日聽君談往事如逢天寶舊宮人

王羲文闢復申招同西溟泛舟紅橋二首

誰家園子得春多繭栗梢頭花信過一曲紅欄隨棹轉
綠陰濃處忽笙歌

十里珠簾廿四橋百年花月履綦銷多情愛拂遊人面
尚有垂楊萬萬條

西溟談及竹西舊事戲調之

綠楊書畫記停船一夢揚州又十年見說伎樓渾冷落
鬢絲誰惜杜樊川

阻風瓜洲望金山

狂飈高駕海豐開雪浪千堆倒捲迴霧氣欲吞吞不得
紺宮浮出小蓬萊

月下渡揚子江次西溟韻

妙高峰下曉鐘撞隔岸吳船正發幫風露一天人擁被
櫓枝搖夢過春江

虎丘後山人家

築岸開池別有津小橋低映琥珀鱗鱗河豚上後魚花賤

多少山根種水人

閶門卽事

穠花剛被樓遮却又見隣牆出好枝一種風光誰管領
金閶門外暮春時

吳江

鱸鄉亭畔麥垂芒水落潮田已半黃曲折支流通小港
家家門外有船坊

禾中田家

到耳初聞鵲鶉啼平疇小稜趁高低茅針已老桑芽嫩
時節人家正籜泥

過梅里訪朱西駿

也知陟岵意仍違纔得還家換袂衣爲報而翁吟望久
白頭京國苦思歸

竹垞先生尚留燕

題家保三兄小影

分無擁髻對伶玄赤脚歸仍侍玉川怪得披圖還一咲
破窗難燭看神仙

題西峻月波吹笛圖二首

苔樣蓑衣綠蓋篷輕篙閒插月明中水禽兩兩背船去
獨倚蕢洲一笛風

一天雲細作魚鱗千頃頗黎瀉濕銀解聽鶴南飛曲好
不知誰是倚樓人

柘湖感舊和徐淮江

滿湖輕浪綠差差別樣風光兩度期楊柳半帆春載酒
薔薇一硯雨催詩未知此後花誰主可惜重來鬢已絲
早是驚心八年事夢闌燈施不多時

齊門夜泊

扁舟蕩漾具區東使盡西南一日風到岸帆檣烟幕幕
隔河簾閣雨濛濛忽來人語蛙聲外亂颭燈光水氣中
也識去家今較近酒闌依舊感飄蓬

吳門喜遇田間先生

髮光如葆氣如虹強人間八十翁最喜塵埃經歲別
還看筋力舊時同文章有品傳方遠風雨藏山業未終
藏山集先生詩文也指與一星人盡識少微今日客吳中

崑山劉改之先生墓和顧伊人

哀壑無人叫杜鵑
馬鞍山麓古墳邊
東齋路沒荒榛雨
翻藉布衣傳冬青
種後諸陵廢南渡
君臣更可憐

題沈石田秋江待渡畫卷

晶晶波明蠅舍
苔苔路轉漁灣
落葉聲中間渡
浮萍影裏看山

裏看山

題陸漢標墨菜圖

小圃朝來露未晞
早菘青脆晚菘肥
老饕不要園官送
直擬從君攫畫歸

武林寓舍少司馬楊公以鮮荔分餉賦謝

州
縣
作
舟

絳囊移得洵仙才
珍重瓊漿贈十枚
不向紅塵馳驛到
却從碧海販鮮來
色香尚覺熏肌好
冰雪真隨咲口開
只是野人慙過分
恍疑身自雪峯回

四殤詩

家貧望多男如農力
苗畝將期秀而實焉
得辭勤劬吾家兄弟
間盛事傳鄉閭仲氏
艱舉子前年獲騶虞
季子善生兒爛熳引
衆雛我兒稍長成次
亦舞勺踰豈不顧恩
誼未免督責俱嬌穉
尚無知愛憐併屬渠
阿巢甫七齡性慧早
讀書近尤喜作字狼
籍塗墨豬騶虞頭角
好秀眉清兩臚學語
無不能舌本驚老儒
阿載方斷乳氣

壓群兒愚家僮聽指麾步步趨亦趨最小名阿午哇哇
聲已殊今年暮春杪我歸自燕都次第使來前琳琅玉
璠璣排成一行雁聚若同隊魚公然嫌姆抱見伯同命
呼漸熟意轉親競前爭挽鬚無何捨之出我又東遊吳
五月到崑山梅雨蒸肌膚去家五十日頗怪一信無濕
螢照昏花雙眼交模糊群來入我夢繞膝形遽遽明朝
急買舟冒暍返敝廬到門天已黑哭聲滿庭除驚問哭
何為痘殤瘞泉壚一哀吾欲絕老泪沾襟裾自惟世業
荒寶此七丈夫半月奪其四嗚呼彼奚辜季子僅留一
芝焚蘭未枯仲氏一併亡竟失掌上珠矧乃客未返時
尹尚在遠隔天北隅便擬報杏殤作書寄江湖又恐傷

汝父臨緘復躊躇中腸集百念沈痛肯整據家門百年
來天閼代有諸曾王父早世我祖實少孤兩叔及先君
長短歲月徂短者纔十九長者五十餘同祖凡八人其
三已丘墟早衰我更甚所歷多崎嶇浮生知幾年煎迫
非一途傷哉感存歿天意終何如

苦雨聯句

風噫作欠伸河圖天愁散咳唾羃羃繭絲微慎行抽抽箭
鏃大排欄挂水簾河圖震瓦响雲磨隙景列缺馳慎行潛蹤
鬱儀過衣纓黝黝醜河圖罪履濺泥因蝸嚙引長涎慎行電
怒鼓群和嘖按聚蠅饕河圖瘁肌飽蚤餓嘔噦減食單慎行
撲緣廢書課帖席惡膠粘河圖歷階防跌蹉遙岑菴如遁

慎行高浪騰誰簸方當戒舟杭河圖劉迺疲鞍馱溝明濼齊
 腰行慎田塍淖沒髀落衣妥兩肩河圖烟殼背一箇栖畝占
 來牟行慎分秧滯杭稷青葱卓針立河圖黃萎垂芒臥造物
 有暴殄行慎農功豈媮媮乾土盡翻沈河圖漏天難補破餘
 飛遠乍散行慎晚色晴微作暑濕旋復蒸河圖壯陰那肯挫
 走章牋碧翁行慎苦雨毋受賀河圖

敬業堂詩集卷十一

敬業堂詩集卷十二

海寧 查慎行 梅餘

橘社集起庚午秋 四十一歲 終十二月

橘社在洞庭東山之麓劉氏取以名園秋冬間假
 館於此與書局諸同人唱酬不少嚶城張漢瞻為
 鏤刻于吳中者非足本也

將赴洞庭書局雨中與徐淮江別二首

一領西風季子裘亂砧聲裏又殘秋人間尚有君憐我
 每過南湖作少留

小港平橋宛轉通船頭一片採菱風孤燈十載江湖雨
 腸斷瀟瀟此夜中

曉發胥口

半浮半沒樹頭樹乍合乍離山外山借取日光磨一鏡
吳孃船上看烟鬟

渡太湖晚至東山

此處必不在此

秋水如膏滑上船峭帆衝破五湖烟豈知地少雲多處
別有橙黃橘綠天枕簟欲清他夜夢杖藜行結好山緣
詩人愛入雞豚社橫烟裊處雞豚社范石湖遊東山詩中句只欠躬耕十畝
田

山居詩次大司寇徐公原韻三首

得從林屋賦閒居勝駕還朝四望車萬頃波濤憑檻外
一天風雨落帆初龍威寂莫重搜字笠澤叢殘舊著書

便與伊川同擊壤何妨問答到樵漁

公歸海內重儒宗不數瑯琊那曼容霜晚黃分湖岸稻
烟朝翠掃寺門松晴來片片雲盤鶴雨過條條磴飲龍
見說莫登峰絕頂時陪五老握青筇

落托生涯最善愁慙來我亦欲忘憂淋漓命酒長連夕
次第看花已過秋四壁書多仍萬卷五湖人少但扁舟
西山勝概差能說興到還期爛熳遊

張漢瞻有喜余至山中之什次原韵奉荅

啣尾船開古渡頭榜聲導我向中流似曾有約來同日
不比無聊賦獨遊坐擁畫屏長對榻時同寓行逢精舍
必登樓因君撥觸聯吟興豈可湖山少唱酬

同徐敬可吳西齋張漢瞻遊翠峰寺和漢瞻韵
陰雲解駁日光穿行盡松門始見天
旛影自飄空翠外
樵歌時出斷碑前
經樓晝靜孤鐘發
井石痕深萬縷牽
我欲問龍還乞水
與君洗眼對殘編
寺後有龍井為雪竇禪師故蹟

遠翠閣和漢瞻韵

處士留陳迹
閣為陳眉公所建
軒窗背嶺開
練光鋪几席
烟氣

濕亭臺林僻僧宜少
天晴鶴未迴
共拚吟遣日無事
定

重來

微香閣次敬可韵

蘚徑碧侵遊子屐
楓林紅上羽人衣
一聲清磬落何處
坐看香烟成翠微

二峯和漢瞻韵

儼與莫釐並所爭
惟一拳未應甘出袴
且喜得隨肩
湧東隅日雲垂北
面天短筇如健僕
扶上最高巔

登莫釐峰二首和漢瞻

青天七十二芙蓉
個是芙蓉第一峯
吳越有山多作案

凍雨無水不朝宗
盪空日氣消飛蜃
拔地風聲穩臥龍

曾記岳陽樓畔望
肯教雲夢芥吾胸

百層風磴盤旋上大
似鞞鷹乍解
條放眼不知何處盡

置身直覺此峯高
沈沈海浦黃雲岸
點點吳帆白鷺濤

未免傍人嗤好事
重陽已過興仍豪
時重九後四日

做雲樓次顧丈景范韵

堵牆高下列丹楓平視茫茫但碧空地迥最宜千尺上
景竒獨占一山東湖光夜閃疑飛電磴道秋垂似偃虹
多媿元龍豪氣在每聞清嘯發樓中

姜西溟繼赴北闈今仍下第作詩招之

散是飛蓬聚是萍可憐南北總飄零一名於爾何輕重
雙眼從人自醉醒沙路離離鴉接翎霜天矯矯雁開翎
此愁除有詩能豁取買歸舫下洞庭

題劉氏東樓

連山正缺西南角合有高樓面太湖不許遊人誇目力
淡雲濃日兩模糊

出雲篇和西齋

真筆



山以東得名羅列非一嶺兒孫丈人行爲首殊未肯今
晨天忽雲晴色變倉洞蒸蒸氣浮蓋冒烟上井衆峯
處囊中刻露雖出穎一峯獨埋沒有物踞其頂陽鳥從
東升對射却無影林寒不受照萬象淒以冷大風西北
來作力一向狂奔逃脫鱗甲破碎寧復整正賴湖腹寬
吐吞在俄頃山人耳目炫夢驚喚初醒重看莫釐高乃
若裘挈領

送田間先生歸桐城兼寄高丹植明府

滿篋詩文手自編秋風攜上皖江船氣吞湖海豪猶昔
老閱滄桑骨已仙愁裏豈堪論往事先生詩集中有與
先君子長干酬答
詩部中容易著高賢馳書早報樅陽令薄少時應致俸

食橘二首

樹樹垂垂顆顆勻山家生計不愁貧若教朱實仍包貢

那得分甘到野人洞庭貢橘唐宋時有之至明始罷罷

小園一百二十樹摧壞年來成橘薪每到霜前悲手澤

可堪客裏又嘗新西園橘栽先人手植也已

兼旬索句添窮忙草根唧唧蟲鳴霜尚慙皮陸作唱和

敢與李杜爭光芒君詩盡納三萬派山骨巉巉波洋洋

登壇欲來執牛耳取徑故險迴羊腸林深霧黯蓄幽氣

虹見雨霽開晴光吟從舌端作倔强寫向紙面生低昂

稍嫌工遲似司馬容我咲傲林泉旁憶初弭棹同臥起

明朝聯臂登高岡穿松踏石困俛仰攀躋中道多徊徨

奇峯忽拔二千尺快劍磨出蓮花鏃聳身側足狂叫絕

生平奇境得未嘗三湘七澤舊雖到却溯洲渚攀孤芳

黃金荒臺感燕士畫棟高閣悲滕王十年浪走癡已極

游蹤脫畧失故鄉星埃大咲一回首攝衣纔謁三高堂

所嗟筋力就疲憊漸遣興趣成頽唐眼前又當搖落候

蒸霞露白秋蒼蒼不知此中有何樂對爾意氣還飛揚

男兒生涯志未豁善刀合學庖丁藏百觚醉汲隣叟甕

一枕倦寄高僧房得道在先成佛後茲理反覆天應償

逢人但拜孟東野去我獨惜張文昌扶筇縹緲有夙約

與漢瞻約游西山未果肯計盎底無餘糧風波衝冑總為此子今

束書我亦將行當長謠蒼黃竹不爾妙曲賡紅桑鬱鬱
誰能耐離索空樓夜雨思連床年來万事經眼見窮達
竟分姜與湯不分窮約姜與湯漢瞻舊句也謂西真西屋舊遊如夢那可說
祇有末路堪評量名山業豈異人事慎勿屑屑耽詞章

夜坐有懷張漢瞻吳西齋

二子相繼別去

山谷天早寒經檐白日速夜長耿無寐愛此一寸燭展
卷包沈吟開軒屢躑躅我唱和者誰凄其感幽獨別時
秋林下錦纈黃映綠幾日不上樓敗葉忽已秃悲風颯
然起槭槭響枯木靜覺流光移暗傷懷抱觸小僮強解
事隣釀貴新熟酒罷還夢君湖心浪如屋

重登莫釐峰望吳興諸山

吳會諸峰繞作環荆溪百瀆瀉成灣西南遠景新收得
一髮螺青是弁山

從渡水橋步行至武山小憇吳氏園亭十四韻

過橋纔半里空濶得平原野艇笳簪渡斜陽穉稔村晚

來魚論斗吳志云吳俗以斗論魚二斤半為一斗僻處犬依樊歲稔松醪

賤秋辭社鼓喧草根驚雉起洞庭志東山有雉而無木

未見鷗翻面面帆移岸家家水到門泉清能止渴山淺

易尋源又接攀躋路重窺種植園骨衣橙刺密耀眼橘

頭繁舊葉荷傾沼新泥菊上盆苔滋行每滑石好坐能

溫隔竹傳壺箭隨花倚畫軒何須問生理即此是仙源

遠色蒼然合歸途月有痕

一絕句而者兩句
廷頌

源字
後頌

欲往豐圻看楓葉爲雨阻

山中築居如築城往往人家背山住連街接巷比通闌
雖有林巒無曠趣做雲樓東鴨脚木亂葉成堆稍通路
此中合着杜門人一月出遊凡幾度我生夙嗜久撥棄
祇有吟情剩如故頗聞人說豐圻勝况有丹楓照秋暮
魚蝦市遠風不鯁橘柚園深香作霧朝來折柬約溪友
預飭晨炊治遊具住山復作遊山人此事寧防天亦妬
初看靉靄雲似墨忽聽淋浪雨如注客言万事難逆料
投足無端動關數豈知勇怯總由人老嬾逡巡坐自誤
憶當涉世氣鹵莽浪走風塵飽霜露衝泥驢背不自惜
到此翻令限跬步天工作意不肯晴明日披蓑杖藜去

大雨同胡拙明闡百詩登湖樓

大聲拔湖洪飛上巨鯨背歎空作猛雨倒射怒百倍
木助一喧掀騰走群怪樓孤若搖動勢已岌岌殆雲頭
排窗來山影忽在外自有思欲絕境變奇乃最我詩苦
難工傑句應有待

順風渡湖瞬息抵胥口

匹練掣柁痕虛弓曠帆勢不知小榜迅但見青山逝孤
塔表靈崑卓針辨湖滙須臾忽到岸轟轟轟在天際

虎丘晚泊

山淺橋平水一隈幾株紅樹寺門開從看小景如盆盎
新向湖天放眼回

此種却亦不足
學杜

拔白詩 并序

昔蘇子由有白髮近二十年虔州道人王正彥教令拔去以真水火養之從其言數月而白髮不出因作詩自言拔白之驗余今年忽有白髭二莖攬鏡鑷去且三月矣竟不復生喜事有偶合者因用其意作詩一章然養生家言僕固不解也

人生疋庭樹官骸乃皮膚樹有花與葉人有髮與鬚花葉本鬻榮鬚髮那不枯我今過四十貌作山澤臞憂患煎心神奔馳瘁形軀早衰理則爾何用長吁嗟雙鬢久星星見慣習與俱白髮忽新變刺眼生躊躇我欲捩使斷苦吟徒自愚我欲媚後生染之非丈夫不如竟拔去

株

誰能忍斯須初若蠹蝕葉幾片離根株又若耘除稂良苗漸蘇蘇爾來九十日萌蘖喜絕無養生素乏術寸田任榛蕪何當刷黃精白髮併掃除

朱雪鴻移居詩和梨洲先生

蘧廬天地總羈棲爪跡何煩苦印泥招隱莫分山大小卜居難定讓東西一舟最穩裝書重四壁初安待客題終勝梁鴻依廡下年年井臼累山妻

雪夜發玉峯數日前沈昭嗣呂山瀏顧書宣先往洞庭作詩寄之

落木灣頭雪灑燈臥聞漁子尚牽罾寒光潑被夜如月野水割船冬始冰風逆不知何日到山高宜及此時登

湖天霽色詩兼畫待我舟中酒二升

從橫塘晚至木瀆舟中寒甚

西北風狂野氣昏船窗擁火取微温殘陽正墮塔邊寺
薄雪未消湖外村木盡脫時喧鳥雀稻成堆處散雞豚
可憐歲晚不歸客對景躊躇思故園

雪後曉渡太湖

黃蘆吹斷黑頭風寒日初生血樣紅一片湖山新着色
萬螺浮白碧壺中

次韻荅趙蒙泉閩中見懷之作

得喪年來已貫經忽披佳句又心驚計疎更事多成悔
身賤依人自覺輕壺口欲從敲後缺劔鐔猶發扣時鳴

來詩有先生豈以不平鳴句短檠牆角差難棄賴是看書眼尚明

王令詒自閩歸出示途中見寄二章次韻奉荅

船頭船尾榕陰綠城北城南荔子紅懊惱此中多賦別

勝遊從古幾人同右荅南浦見寄

自攜驢券出都城草草裝隨短策橫失路歸添遊子淚
加餐書荷遠人情愁隨越鳥方南向懶趁邊鴻又北征
不用苦教詩激楚漫天風雨正秋聲右荅晚泊見懷

送山濶自洞庭歸塘西兼寄張介山陸厚容金

子由諸子

無多唱和留君集來往真如相避然一葉驚回三載夢
兩萍漂散五湖天新書著罷從人笑善病同時得婦憐

此夫人三字不可不注
手世亦便甚矣

山淵聞嫂夫人抱病已亦致疾好向橋西呼酒伴
放任作達過殘年

雲石菴和書宣韻

一徑入雙塢塢在大塢場兩山間遙從澗道求泉枯
行汲遠竹密得窗幽日氣通
停午濤聲捲上頭踞高真得勢矮屋也如樓

白龍泉和沈昭嗣韻

半嶺通湖眼閒僧護井湄
自能清徹底何用砌成池
鳥道尋難到龍湫怒或移
不知風雨候可有氣如絲

來鶴樓和韵樓址為某姓墓地

舊日松楸廢何年笙鶴來
樵人憐葬域山鬼避香臺
峰勢重重合湖光灑灑開
步虛人罕到猜是小蓬萊

題書宣小影

十萬青鸞尾搖竹映得詩人鬢
毛綠此中可少三間屋
竹西三月桃花紅前村後村烟
濛濛此中可少一扇篷
遠勢兼收隔江塔指圖也與君作詩論
畫法借君門前來放鴨

書宣以藥酒一罌見餉賦謝

北風夜半收鳴鼉冷光浸日湖
不波對門老樹盡僵立
枝顛斗大鵲作窠山人畏寒臥
復起排籤十指無人呵
雲間陳翁農山好事者乞與方法
招詩魔酒材難致藥料
貴正苦羞澁囊無他感君餉我分
一罌何異良劑投沈
痾甕城新開香繞鼻瀉以碧椀承
紅螺甘分沆瀣光琥

此詩不好於
於先生詩以不
要其老體俱
有者

珀村醞不數黃如鵝卵時小酌午未醒挾纖纈乍回陽
和蓬蓬入腦聲自覺粥粥浮面顏微酡枯腸一洗枵藥
出老眼亂瞥昏花過肩高尚吟薄薄酒耳熱漫作烏烏
歌井湄效箴咲揚子春色可賦煩東坡犀首達生坐無
事表絲遣日知亡何有生得此亦過分况敢嗜好窮搜
羅偶將一醉累良友亟饋莫必惠已多預愁餅罄唇吻
燥挹漿那得翻天河

書宣次韻見荅復倒用前韻作一章邀余繼和
時書宣將歸揚州兼以贈別

君才如漢江淮河駕天輪浪豈忠多坐批百家目炯炯
行貯四庫胸羅羅詞源獨騁曹植富餘地不量繼者何

金丸脫手最輕捷快馬直下胭脂坡朝來赫蹏急傳示
白雪竟壓巴人歌我時解鞍息蹇足臥看縱轡奔騰過
吟情欲探酒力發小戶一盞熏顏酡平生有作每倔强
音調太急絃難和醉來反嫌天地窄局促未免愁籠鵝
團團陳跡走循磨眩眩纈眼光旋螺爾來檢點稍知悔
思以勺水湔前痾可憐故態時復作形雖近放心靡他
人生有情會有癖詩麴藥俱成魔何如牢守昔賢戒
不吟不醉從嘲呵逝將啻養全晚計野蠶簇繭蜂藏窠
子今勇決乃過我氣盛不怕江翻波臨行舉杯懺口業
拔劍倘斫生蛟鼉

以藥酒分餉唐實君吳西齋再疊倒韻索和

鴟夷皤腹鼠飲可就中滿貯得幾多玻璃万頃吸不盡
霜風吹淺如碧羅詩人氣麓言語大鑄琢造化將誰何
婁東二生我同調得第厭上金鑿坡竭來忘分更莫逆
銅斗許和寒郊歌湖心淺山住隔巷衝凍踏月頻經過
所慙才分非爾敵頰面未飲長先酩愁腸酒肺互撐拄
正賴藥味相調和長瓶分餉良有以願奢似挾山陰鵝
鷓鴣聊足注半杓鸚鵡恰好浮雙螺便從唐侯促佳句
實許題放鵬圖詩尚未至更祝吳子蠲微痾時西齋病疾號呶當筵誰
是主剝啄扣戶人非他林魁木客盡迅避氣豪橫欲駢
群魔此間差無俗物擾尚有序長能相呵懷哉歲暮盍
歸去坐看日夕雞棲窠小槽溜溜聽壓蔗饒涎亂湧珠

跳波床頭一壺堪醉倒不知門外傳更鼉

題鄒毅仁書劔圖

學書差足記姓名學劔無過一人敵英雄竟以成敗論
二語千年供指摘我持此論君勿疑潦倒粗言身所歷
方當出遊氣盛壯逸足誰堪受羈勒有文曾詡弔戰場
有力能誇控鳴鏑蹉跎祖述難着鞭爛熳陳琳徒草檄
收身十載赴場屋往往雄風避雌霓眼看騏驎盡先登
駑鈍悲嘶仍皂櫪天涯行旅慣黑瘦世上男兒多白哲
讀書擊劔兩無成鄧禹咲人終寂寂子才去我固十倍
射扎穿楊準懸的胡為垂翅亦襜褕予美誰俯仰有鷗
三年奏牘困方朔五十吟詩咲高適馬應換妾刀贈人

通字出類雅亦可
以通用於先生所用
必非通用之語也

龜手如何學綖綖薄田可耕池可釣良耜畝竿籊籊
還君此畫一展然寒盡知年不須曆

梁溪馬碧澹索題桐山草堂

吟徧峰頭又水涯九龍歸夢隔烟霞期君早種十年樹
待我來看三月華藥錄欲傳須手著琴材若中有人誇
不然斗大成何用万里丹山客是家

諺云梧桐大如斗主人出外走

題鄒舜五采蓴圖卷中次陳眉公舊韻

敏舷聲動吳歌起沙戶生涯雜魚米此中有蓴誰識之
埋沒蒼烟白蘋裏湖波太淡無鹽豉葉自青青莖自紫
脆如雪藕滑春冰異產寧教饜紈綺紅鱸四腮差可配
二老朝來動食指弄潮踏浪去何憂占斷湖心一片秋

百年好事留詩畫從此流傳到武丘人間網利多堪慮

莼擔年年入城去未應澤畔少清流却與貧夫供匕箸

太湖中產蓴前此未之聞也天啓壬戌秋武山鄒舜五與陳眉公始採而食之眉公因繪圖以紀其事

發東山至石湖舟中大雪與蒙泉雪園分韻

忍別東山去依依尚有緣雲沈上方塔雪重石湖船密

坐可無酒傲裘終勝繇范村留故宅欲訪向誰邊

宋范致能

居此地名范村

雪夜泊胥門與蒙泉抵足臥

野泊五湖東迷漫雪滿空水明千雉白人靜一燈紅亂
橈雞聲外輕寒酒力中殘年歸夢潤惆悵兩心同

雪後至閶門換船

北風吹樓臺白日雪打面閨門十萬戶咫尺不可辨歸
舟一葉輕欲與嚴寒戰所欣吳中稔酒價冬來賤我裘
雖云敝一醉煖堪戀尚有無褐人忍饑肯霜霰

吳門橋阻凍

白日淡無色北風吹作陰浪增冰力厚橋插凍痕深已
近故鄉路偏傷獨客心是日蒙泉歸膠城隣船如比屋兒女盡
吳音

入胥門訪薛孝穆不值留詩示之兼簡許陽谷

錢玉友

風止澤腹堅篙輕不可鑿短篷壓頭臥竟作三日惡賈
客聚連檣荒灣比村落人群自歡咲而我無處著遂言

此年冬收得景

薛逢居衝風入南郭初來殊奮迅欲去轉寂莫窮途所
向昧妄冀朋友樂錢許初北歸合并有成約十月前王友勝谷自燕中返虞山期於吳門相晤亦為冰雪所阻參辰在咫尺乃道里各天寒
歲偏臘何以慰離索興盡返孤舟獨吟還獨酌

打冰詞

寒光射川如浴鐵千艘萬艘陷頑石鑿山通道古有之
河伯憑堅蟻難穴官船自倚人力強冰椎亂擊船兩傍
船頭乍開船尾結去岸却泊河中央篙師咲謂官勿爾
世路升沈總如此若將人力與天爭倒捲天河應瀉水
阻冰七日始得發舟

筮易玩其占七日當解凍朝來覘風色東面柳初弄天

行既來復人力漸可用南船鑿冰來銀浦作流豕小僮
報奇事水活鱗甲動老夫亦欣然私喜言華中披衣促
解纜一咲破愁夢桡桡啣尾行線路爭一縫虎齒截兩
涯倚棹誰敢縱遲遲計尺寸去去逐儕衆到家庶有期
春麥尚及種茄檐曝初旭宿火煨老葑旅食饕風霜何
如抱飯甕作詩當箴銘悔往聊自諷

夜泊平望驛橋下

換柁開吳江收帆宿平望環橋橫吾前天勢墮空曠或
言虹下飲比擬猶未當分明半輪月初吐碧波上風定
川不波上下巧相況小舟入圓鏡光景互摩盪夜寒人
語稀獨此發孤唱

敬業堂詩集卷十二

敬業堂詩集卷十三

海寧 查慎行 悔餘

勸酬集

盡辛未一年

四十二歲

已未以後衣食奔走與德尹出入如相避庚午偪
臘歸自具區德尹適從洛中旋里除夕酌酒相勞
益十二年無此樂矣爰相約爲杜門計盡辛未一
年凡得詩如干首

元夕同顧伊人張昆詒集徐敬思宅分得燈字

自到君家飲量增也教小戶罄三升笙歌院隔新翻曲
書畫屏開巧樣燈知有清光終讓月可無佳句冷如冰
誇張節物誠多事誰似詩人范致能

范石湖有上元紀吳下節物三十二

崑山一名玉峰周圍二里許似累石而成者唐張祐孟郊有詩與蓋嶼所畫山圖同留慧聚寺中向有石刻宋皇祐中王半山以舒州倅至縣相水利登山閱二公詩次韻和之時稱四絕淳熙中寺燬於火自唐以來名流題咏及楊惠之所塑毗沙門天王像或云張愛兒所作李後主所書榜額一掃無餘今准提閣壁間石刻三公詩乃後人補刻非故物也正月十六日同張昆詒盧素公登山感懷往蹟為詳考本末并系以詩

吳中園圃愛假山家家畫藁樛荆關此山本真翻似假

怪石疊起孤城間奇峯尤在西南顏縹緲玲瓏還戍削遊人仰視一綫天信有孤雲生兩角幾輩留題盛昔賢曾聞摹勒載名篇崑岡烈火精藍盡何物能為金石堅人間假合夫何有差是令名堪不朽我詩寫意直取真唾點還須防眾口

德尹四十初度二首同潤木作

四十平頭齒未頽誰教辛苦逐風埃祝君此日無多語

正要飛騰暮景來少陵詩四十明朝過飛騰暮景斜

蒲柳桑榆各老成一杯相屬話生平十年多少回頭事

我是蘇家白髮兄用東坡壽子由詩中語

題又微姪投壺圖小照

五經一笥咲老韶長養侍兒如許嬌卷衣風裏聽傳箭
近前爭賭蓮花驍

初夏園居十二絕句

指溝二字在月程疏

人言瘦地差宜竹隣舍曾分一本栽尺八梢溝攔不斷
狂鞭撓過菜畦來

此書字上聲

牡丹不稱種村莊開到春殘盡野芳梅棘補籬成片段
丁香香過木香香

亭臺廢後變溝塍欲置茅齋力未能大抵爲園多借景
別家高樹挂朱藤

方池一畝萍初合四月中旬未有蛙簇簇銀針齊上水
綠楊影動散魚花

莎軟鋪茵纔沒膝樹圓擁繖正遮頭如花流過碧池去

忽聽一聲黃粟畱

詩疏黃鳥黃粟畱也或謂之黃粟畱

長年因病醫方熟小草隨時藥料增趣取連朝好風日
帶花收晒鷺絲藤

閏年畱竹苦防蠹辰日種瓜須早澆愛花更作晚秋計
老瓦盆邊分菊苗

鷺粟着子米囊小蠶豆褪花皂莢成莫欺老圃不工畫
小碎詩篇如寫生

去秋梧子收不盡旋向根邊兩葉生保得主人長閉戶
四二年便看陰成

自蟠老榦自抽條長養仙家枸杞苗不似苔華難獨立

附他喬木號凌霄

鳴聲上下羽交交雀鼓初安樹一梢啼殺斑鳩生計拙
將雛時節定爭巢

頭眠已過二眠新蠶候參差雜四隣一月往來渾斷絕
隔籬時見采桑人

橋薪

生意千頭盡園租五畝荒子孫貧敢計奴婢價誰償入
室鉤衣破爲薪刺眼傷更愁秋冷澹屋角少青黃

新竹

插槿三年與作樊又添客土護深根主人愛竹老成癖
看笋出林如子孫

二月得長孫名
興祖故及之

布幔和德尹二首

細竹輕竿稍出檐空庭得蔭比松杉賽他畫舫齋中臥
平展江心一面帆

背日開簾更覺涼午陰屋角漏微光呼兒勤掃蜘蛛網
方便花時蝶過墻

梅雨連旬河流暴漲偶同德尹泛村舩入菖蒲
港

雨急溝渠漲怒生再添一尺與橋平無端驚起江湖夢
聽作舩頭放牖聲

雨後

便從一雨望豐年大抵人情慰目前我比老農還計短

只貪今夜夜涼眠

衰至

中年事事防衰至不獨侵尋感歲華誤去黑鬚因鑷白
旋指昏眼又生花顏唐老境詩無格汗漫遊踪累有家
合是歸時歸亦得趁收麥豆種胡麻

庭前草花與德尹分韻四首

輕刀勻剪翠葱蘢別圃移來土最鬆累爾纏絲附枯竹
屋低庭小不栽松女蘿

小兒稱長老稱翁比似花冠約略同消得閒人間處看

可憐小草亦爭雄雞冠

群群紅白隔窗紗么鳳飛來寄鬢鴉老眼自看還自咲

種花猶種女兒花

鳳仙

位置瓷盆手自親者風香透色如銀甃歸我已家如客

還與南花作主人

茉莉張叔敏呼為遠客范石湖詩南花宜夏不禁涼

夢中得絕句似小遊仙詩醒而錄之

東海東頭拾火珠抱來徑寸豈論銖兒童莫逐黃金彈

咲向扶桑打赤烏

舟曉次德尹韻二首

螢尾孤光合復開灣頭風急却飛回菰蒲深處一枝櫓
搖入漁人夢裏來

狂蛙鬧雨群千百遠火疑星點兩三忽聽雞鳴鐘渡水
有人家處有茅菴

次韵荅陸柱瀾見訪

旅塵狂走十年餘，每到還家歎瑟居。
髮變一頭俄向老，草荒三徑只如初。
傷心短遂經時泪，外舅射山先覆手貧交屈指踈。
多謝新詩猶念舊，可能懷抱對君抒。

程西村以如圃詩索和次原韵

人境何曾礙結廬，一椽朴茂似園居。
勸荒自作披榛賦，得法新傳種樹書。
老圃閒談真可聽，比隣初約莫教虛。
笑他亭館多何益，無福能消鼠壤蔬。

七夕同德尹潤木作禁用故實

眼中七度如梳月，又帶桐陰入小樓。
懊恼一天星似火，閏年今夕未交秋。

此條不入類書

茨菰見唐人詩如白香山云渠荒新葉長慈姑
朱放云茨菰葉爛別西灣劉夢得云菰葉風開
綠剪刀未有及其花者余盆池偶種一窠立秋
後忽發細莖每節叢生花開純白色如玉蝶梅
差小頗有清香因作一首以補詩家之缺
舊葉復新葉碧莖忽抽芽誰將綠剪刀剪出白玉花
水邊有秋意涼蝶來西家

惠研谿庶常從京邸寄到吳超士見懷詩四章

次韻奉酬並簡研谿

故人隔座呼同舍，花底移樽醉小樓。
余初識超士於研谿館舍散作兩萍漂水面，遠煩尺鯉到沙頭。
狂名自悔迤難穩，歸志

差堅挽不留一窖黃塵殘夢外爲君牽動十年愁

飄瓦虛舟豈有因誰當入鑿惜勞薪潛形那避含沙射

沈璧何來按劍噴來詩言及已巳秋飲酒得罪事故云桂樹叢荒招隱伴

楊花風墮倦遊人白衣蒼狗須臾事醉眼看來分外新

黃羊枰上守枯碁訝許人間獨亢眉一戒早開元亮酒

半年遲荅暢當詩迴腸徑路梯空險徹骨冰霜造物慈

羸對村童開口咲竿頭新作釣漁師

臥聽門前剝啄聲書來猶勸束裝行貧逢閏歲增薪米

病過新秋減送迎涼雨半窗初到竹碧尊千里正宜羹

也應世味多忘却除是難忘故舊情

種菊詩示克建克承兩兒時余將往湓城

擾擾十三載孤蹤混泥沙及歸翻苦聞何以銷年華種

菊亦偶爾惜此徑寸芽春苗不分栽秋至焉得花

惡草既親鋤清泉亦手灌却將四體勤覬博兩印翫舍

之忽將去咲別東籬伴根是老人培花從汝曹看

夜初涼

人靜覺夜涼書帷傷清樾不忍陷秋蟲吹燈還就月

湓城之遊未果作詩示德尹兼荅朱恒齋太守

貧賤胡可居無端兩憔悴侵尋歎末路鹵莽悔初志豈

無骨肉恩聚少別苦易分馳十年外廬舍任榛刺殘冬

偶同歸草草如旅次杜門得半載村巷傳異事不知相

見驪中有思親淚兩櫃猶在堂牛眠指何地堪輿及日

相時俗多拘忌吾寧葬吾親忍規子孫計所嗟難物力
動輒故人累潯陽賢使君清俸煩遠致有生迫孤露久
矣衆所棄誰能念窮交尚舉麥舟義當之恐過分一感
再三媿佳招况踰期和齋來札約余夏至潯城欲往未得遂我貧
荷見諒應并諒此意鴻雁滿江湖詩成特先寄

題馬漁村行路難小影

狂瀾打頭山壓面踟躕乾坤縈一綫我行畏路知路難
談虎還防君色變君家門前池水清對門山與樓簷平
此中徑路坦於掌作底胸次添崢嶸畫師寫圖如有託
洗耳聽琴差不惡可憐冰雪七條絃千萬勿彈塘捕蟬
送楊次也入都並簡尊甫太史公三首

初白詩松煙不露
機

八座重親未白頭角巾里第最風流孫枝本是階庭秀

擊帨看他又出遊

此何必注

石渠天祿近何如欲讀應無未見書

用黃香傳中語

但約南船

多載酒對難官燭看銀魚

時端木嫂夫人嫂夫人俗語也亦北上故及之

作注即

交情到爾凡三世得路憐余共一心重向別中留望眼

別愁終淺望終深

松煙

字太多

竹溪書屋爲又微聲山兩姪賦三首

竹栢陰交槐柳陰踈籬一帶棘除針自從新改橋邊路

大費花時曲折尋

記得當時卅角遊書聲愛聽出林丘兩家前輩多凋謝

又對兒孫感白頭

石丈兄與先君子情好最密每過裕菴余兄弟未嘗不隨行也

夕火晨香共一龕
閒隨清磬出花南
居人盡識藏書處
碧蘚蒼藤白石菴

用李公擇事

二必注

沈稼村太史招飲耿巖草堂

十里秋光雨洗新
稻花香路淨無塵
門依曲沼難通權
居近東家愛得隣
却對杯棹寬禮數
每聽談論長精神
回看宦海波濤濶
轉羨收帆到岸人

壚墟舟中口占同德尹作二首

水面浮漚的的圓
采菱歌出采蓮船
此歌賴是吳兒唱
若是吳孃更可憐

樹低草沒一叢叢
曉日橫生白蕩風
拍岸水痕高一尺
布帆抄路稻田中

膠城志定和
名

膠城孫愷似編修
欲行善於其鄉竟遭吏議
今方罷官就訊吳中
相遇感憤成詩

蒼狗如雲極可哀
危機翻自詔恩來
家承忠孝身尤重
禍起衣冠勢易摧
善不可為寧論惡
人皆欲殺我憐才
乾坤直似蝸廬窄
懷抱除非醉始開

胥門曉發

月落日未升
大星明一箇
舟人貪早起
客子便晨臥
忽聞水氣腥
知有漁榔過

長水塘夜泊

高埭接長橋
橋形落鰲竦
市喧夜微息
犬吠船猶動
可憐一川月
細碎如潑豕
忍負好秋光
推篷兀殘夢

庭桂初開隣人有來乞花者

吳閩十日遊歸權及秋仲入門視庭桂破蕾暗香動常
時花最早七夕露華重苦怪今年遲曾經上年凍西風
不吾私吹散香滿街頗有好事翁叩戶乞清供披衣揖
使入手折寧煩送譬如此根株本自隣家種我生無長
物有者皆可共配花稱主人毋乃被嘲弄

豆棚爲風雨所壞

平生乏鮮肥肉食非所慕偶然營口腹蓄念計必誤春
種瓜豆苗愛養似孩孺插竹就茆檐縛繩使之固初看
弱蔓引漸喜衆葉布絲瓜夏蚤結落蒂甘於瓠菹豆開
獨遲白花待秋露及茲綠垂莢採摘在晨暮夜來風雨

狂傾倒莫支柱老饕自安分物理庶可悟托名得蛾眉
本草白菹豆一名蛾眉豆吁嗟難免妬

題高錫純羽士畫像

猛虎入群牙爪悍衆蛇齧索懸石斷平生却咲費長房
學道工夫纔及半葛陂拄杖辭壺公隨身霹靂搜蛟龍
道人有道兀不動心在一輪圓鏡中
後又題云圓月當空。先生何處撥開

雲霧請師全露

八月十五夜與德尹桂庭對酌三首

半年門徑草芊眠除草開場爲月圓月正當頭花照眼
此花原是月中仙

昨日方愁雨打扉夜來不料有清輝可憐萬事盡如此

居者別家行者歸

時潤木獨
留邑中

看來南北東西月只與今宵一樣圓却對團圓感離別
人生能幾十三年

東田看稻

雲氣散如濤秋田罷枯槔漲痕侵岸濶稗草比禾高米
卜豐年賤農憐瘠土勞預期營一醉歸去滌新槽

沈孟澤索題小照二首

桐陰寬罩一方苔流水聲中洗耳來若是補圖須補竹
琴材已具少簫材

神理真傳老畫師毫端躍躍動須眉人間別有膏肓病

看取先生袖手時

沈精
于醫

松茗機琴太甚此二性以

聞村家打稻聲

鵲豆籬邊捫腹行情游筋力負歸耕自慙飽喫豐年飯
閒聽隣家打稻聲

九日寄諸弟湖上

如此秋光悵不同湖天無雨又無風白蘋未改空洲綠
烏柏長先萬木紅好事誰還送酒浪遊吾轉悔飄蓬
兩峯緣淺登高會懶到今年似蟄蟲

重陽後二日雨霽行園

兩尖家門山登陟昨乃阻曉晴已過節興盡力難努我
衰万事廢所樂在蔬圃早菘種旬日行列紛可數蟲來
蝕其苗饕餮猛於虎一寒為掃除正賴夜來雨宿根發

餘潤新葉換翠羽池西木芙蓉紅白相媚嫵下有二寸
魚花影嚼復吐何來兩鷓鴣雙翅勇自鼓公然啣魚去
飽食不避主可憐病橘林凍裂上年土坐視千絹荒官
稅私莫補天心有傾覆肯諒貧家苦物理苟不齊吾寧
守終婁

鞭筍

雨後竹走鞭於鴉瘦相引小僮撥土裂劓取如拾菌烹
之媚盤餐下箸吾未忍寸鞭何足惜惜者來年筍

收芋

芋肥莖葉長芋瘦莖葉短率以鹵莽報吾願良易滿年
豐百物登磊落光堆盤其魁蹲如鴟小亦伏殼卵

立冬

節候攬暮秋初陰猶未壯南檐白日影入室已一丈門
簾布差密窗紙油逾亮坐看佛前香無風烟縷上頻年
遠行役浮氣逐塵埃裘茸插兩手故與嚴威抗如今矮
屋中尚欲設屏障寧非老將至嗜好改前尚興到聊復
吟都忘往來相

落葉詩五首和趙漁玉范用賓

靜中初有聲策策起林薄俄聞響簷瓦急點疑雨作開
門日滿庭始悟風隕籜徐行踏殘葉仰見巢枝鷓鴣噪
一何喜鴉鳴一何惡客緒本無端誰禁對搖落
好景忽潛移丹黃換青綠丹黃亦隨盡假以緜吾目失

蔭無密林。蔀家有豐屋。嚴霜挾時令。顛顛非一族。何殊
百萬師。委甲填坑谷。

摧壞寧自主。出林竟如狂。初來聚堆阜。倏忽還飛揚。不
妨穿我籬。慎莫打我窗。籬穿可徐補。窗破風滿牀。
春花得人憐。飄蕩尚苦遠。天公肯汝惜。狼籍等敗絮。從
來擇庇群。多在成蹊處。君看西家葉。又過東家去。
荒居環雜木。最怕冬來風。如駕一芥舟。震撼驚濤中。幸
賴杜陵老。前月已耳聾。人生有聞見。榮悴方無窮。

欲遊雲岫不果戲示德尹

吾鄉鷹窠頂。陡起東海邊。飛鳥到山止。東南水浮天。常
聞十月交。登臨得竒觀。天文直角氏。日月行同躔。憑高

視倒景。長在寅卯間。初生兆一魄。摩盪蛟龍淵。須臾一
綫紅。迸出白玉盤。晝然劈作兩對射。光相穿白者忽潛
形。孤輪躍紅丸。是名為合璧。故事山僧傳。山僧老白頭。
歲歲居山巔。目擊凡幾箇。流傳徧人寰。嗟我與吾子。好
竒結前緣。足跡半九州。所到窮山川。如何名勝地。近失
耳目前。昨聞大阮介菴語。便思陟嶺岵。朝來復逡巡。相
對亦可憐。勝遊無近遠。人苦不得閒。既閒或少伴。得伴
長無錢。乃知意興豪。必及少壯年。一慵百事廢。豈獨登
山然。

題曹希文被蘭圖

噴水澆花曉。尚寒試憑纖。手摘來看神仙舊。是瑤臺伴

再到人間合夢蘭

後落葉詩三首

衆葉四散飛，
寧飈亦暫停。
枯叢剩數點，
有如塊粘萍。
又如將曙天，
尚帶三五星。
鳥雀聚疎影，
夕陽到空亭。
時還隨一片，
夢化遼遼形。

向榮既欣欣，
黃落亦槭槭。
却將傍觀意，
爲爾生分別。
何如兩相忘，
造化本無迹。
山僧撥葉至，
或嫌門徑窄。
吾嬾不出門，
門前任堆積。

我吟落葉詩，
如與落葉語。
年年走關塞，
搖蕩愁見汝。
馬頭聲蕭蕭，
打面風帶雨。
吳霜點兩鬢，
歸作故林主。
故林豈無春，
過眼同逆旅。
後時感獨立，
孰是歲寒侶。

題高江村先生泛槎圖小影次韵

葛陂龍化杖如仙，
欲捲銀河瀉作泉。
除是先生能鎮定，
波濤人海正粘天。

雪中吕山劉見過

去年別君處，
吳中正連陰。
雪花大如席，
開船太湖心。
今年君過我，
海天又寒凝。
去輕冰觸篙，
破清脆聲可聽。
一年復一年，
能禁幾回老。
與君迫暮景，
爲別常恨早。
我有一斗酒，
可以禦北風。
酒熟挽不畱，
問胡太匆匆。
君言既相見，
與盡我當去。
正如上番來，
彼此兩不遇。

留洞庭未返

曹希文以端硯詩四章索和即疊原韵

作訪竟不必汲

溪光如眼綠潭潭洗髓何辭一再三碧落數星瞻夜斗
冰綃半尺剪春蠶拌分琥珀知難並匣配琉璃定不慙
三十六鱗煩寄取好磨濃墨寫雲藍詩用段柯古云須活
紫雲一角割天南秀色猶看帶嶺嵐東峽波濤時一湧
濕毫風雨潤長含來疑甃社光吞月去恐延津勢躍鐔
神物自來須善保有求容易遂虞曇時有欲得宋齋執
法現者故及之
巖洞烟霞笑未憚欲隨翡翠竟巢南筆因興到詩情淡
嗜與年深石性諳圭壁方圓形總肖龍蛇蟠攫力誰堪
兩都賓主如相見淬瑩才鋒出健談
雅好雖多不厭貪眼中似爾亦竒憨一生自許癡無偶
兩手從誇硯必三古人以貪多者為兩手三
硯希文蓄石最富故云俗論掃空

和氏癖癖香爭識米家菴新宮銘草誰先就仙掌摩挲
與細探

食齋

朝來食指無端動走覓隣園又一竒薄雪乍消青冒生
滿籃香薺未花時

冬夜宿古衡山先奉政公祠下感賦

路滑冰堅賴短筇到來支枕榻纔容透窗燭影寒於月
拏雪松枝健比龍老屋將傾傷世澤墓田久廢媿春農
十年塵夢憑呼覺金粟山頭一杵鐘

除夕示德尹潤木信菴四首

前夜雷霆了不驚三日前
大雷電靜中擾擾惜羣生一村野犬

多狂走多事隣家爆竹聲

山妻椎髻子頭蓬布褐隨宜稱老翁特與孫雛破年例

抱來膝上換青紅

從前筆墨粗償債削葉存來得幾何剛是今年無可汰

應酬詩少唱酬多

村巷無雞漏板遲漫漫長夜夜何其野人預辦朝眠熟

怕作新年日蝕詩

明年元旦日食

敬業堂詩集卷十三

敬業堂詩集卷十四

海寧 查慎行 悔餘

湓城集

起壬申正月盡七月

四十三歲

庚午春朱恒齋由刑部郎出守九江枉書見招踰

年始往踐約既為輯廬山志復遂廬山之游賢地

主之貺我良厚矣

禾中與德尹別

四海皆兄弟何人似卯君也知年向老不合手頻分夜

夢留殘月春帆感斷雲得歸吾早決負土共成墳

時方計先

人墓事

吳江留別張弘濂庶常

南風激船如釋箭片帆曉發平湖縣百六十里半日程
第四橋邊一相見開懷各話別中事蒼狗浮雲凡幾變
三年善病君差強君但憂貧不憂賤我今落魄仍江湖
明朝又欲西辭吳酌君之酒與君別楊花拂頭髮雙雪

夾浦橋阻風

夾浦橋南客棹孤雨聲連夜洗平蕪東風吹淺吳江水
半作春潮漲太湖

山塘晚霽

最好停橈近酒家放晴天氣日初斜盆梅謝後蘭芽茁
正月蜂聲未鬧花

曉渡西沈回望宜興縣郭

櫓聲西入蝦籠嘴波面微微過沈風濃日吐烟烟吐樹

浮圖一角是城東

蝦籠嘴西沈港名

高淳

縣小無城郭橋長即水門魚蝦鯉作市鵝鴨鬧如村曲
曲橋隨岸叢叢柳抱園漸知江路近盈縮視潮痕

渡蕪湖關

兩槳前頭水勢寬曉風吹得敝裘寒漸空杼軸憐民困
老閱波濤信路難此去罟師聊作伴從來漕吏必嘲官

時官勸為津吏所阻未夏秋間與先兄韜菴同遊地也篋中一卷彈箏集忍對江山制泪看自此西上皆已

荻港人家杏花

輕舸細雨江村路過眼東風見杏花略似小車逢綺陌
不知紅艷屬誰家

雨中過銅陵

沙尾沿流曲作堤青山一半吐城低洲空亂雁爭歸北
路轉千帆盡向西正剪渡時風乍漲最含烟處柳初齊
客程已厭連朝雨不要春鳩更苦啼

雨後望九華山

橫看不與側看同九朵芙蓉並插空去鳥已衝殘雨沒
歸雲忽漏夕陽紅劈開華掌層層翠使盡湘帆面面風
終是詩人言語大携來直欲置壺中

荷葉洲對雪

在大通對岸
東坡名仇池石
為壺中九華

梅根浦口風尤緊荷葉洲前雪正濃兩岸曉雲深似墨

一條春水健如龍唐羅隱曾卜居九華山下梅根浦按

縣今大通有水自九華山麓出江即此也

雪晴池陽舟中

曉行池陽路霽景豁清美江南江北山照影同一水半
銜殘雪白半插斷霞紫眼前有奇句只在空濛裏我懶
吟未成風吹櫂歌起

大風至劉婆磯

江豚忽掉頭微動青玻璃俄看黑雲起遙指天南隱須
臆隊我前橫截江兩涯拔江噴作雨白日潛光輝初疑
鰲山傾又若鱷窟移舉舟向空擲綆斷誰能縻長年束

手嘆有力不得施而我于中流高枕故咏詩明知怖無
益聊復忍少時男兒可憐蟲造物終見慈既濟乃思痛
嗒焉中心脾投文訴江神略陳危苦辭水從西南來風
亦西南吹誰歟激使怒若是不可磯自我涉江湖十三
年于茲南浮及北渡履險間有之此胡太酷烈性命輕
嶮巖仕宦涉江來揚帆若揚鬢船尾點畫鼓船頭插黃
旗大賈涉江來滿載居羸竒放溜如放馬控縱從人馳
我船何所載載書載鴟夷壓浪一葉輕疾行固其宜如
何強弓彎寸進恒苦遲神于我乎薄厚彼寧獨私咄哉
窮旅人初受俗眼唾挪揄到五鬼漸漸伺路歧惟神實
正直倚賴相扶持今朝大戲劇漂泊將誰依禱罷似有

感撫枕魂依稀神來入我夢責我大有詞風水濤成文
變化豈汝知滔天初濫觴至險出坦途汝以耳目料何
異握管窺汝又好遠遊遠遊計終癡萬里走從軍還家
仍布衣十年就場屋逐衆趨京師人皆取魏科三黜名
獨遺謂宜自揣量息影甘荆扉茲來非宦遊又非競刀
錐皇皇義奚取放浪形骸為汝居頗有園園中頗有池
好風皺池面浮花舞漣漪此豈有驚波來溷汝息機汝
自捨之出去安而即危不聞南山墜下有季女饑不見
東海畔中有踏浪兒兩者聽自取決擇休然疑叩頭謝
江神痼疾神所治大夢喚初覺行當早旋歸

題樅陽旅壁

噩夢驚回路已賒
舸船櫓上櫓伊鴉
青山繞屋無修竹
紅袖當壚有杏花
野渡漸生沿岸火
春流未沒去年沙
綠楊影裏初弦月
人隔烟江正望家

田間先生聞余至自青山命駕來會喜賦

春風弭楫向樅陽
舊約多年不敢忘

先生在都下送余南歸詩有秋到院

江尋舊好可能一別白頭來之句

四海平交無行輩
兩朝軼事在文章

從知老境難為客
誰與先生特置鄉
一片青山高插漢
歸然真似魯靈光

花朝晴示僧道楷

初日烘雲碎作霞
討春人競出江涯
老來不喜聞桃李
別約山僧看菜花

自樅陽至楊樹灣道中即目

併日春光鬪物華
馬頭胡蝶太天斜
誰知駭綠紛紅候
還有春風未放花

義津橋外見碧桃一樹猶未放花

三角潭

春禽交交鳴綠楊
征夫辨色早束裝
前行十里霧未醒
驢尾秃速驢耳長
朦朧人語遙喚渡
約略村落開微陽
烟光兩岸溪一曲
樹影四匝潭中央
菜畦麥隴桃李徑
高間紅白低青黃
新鵝野鴨好毛羽
拍拍飛出沿方塘
田家之樂樂何限
頓令過客立心忙
愁務重天欲雨
橫策又上黃茅岡

桐城謁左忠毅公祠

祠在縣治東數十步

歷歷三朝事他時髮指冠賢人當橫決國勢必摧殘俎豆新楹肅乾坤正氣完如何鄉後輩偏有孔都官

謂懷寧也

過田間先生山居相留信宿出示藏山集再賦

二詩博和

田間易學受不及

初白

層巒俯瞰萬松梢中有高人舊結茅自入鹿門詩一變竟馴龍性易初交雲盤遠勢鴉翻陣花作新泥燕補巢未免累翁雞黍約往還原不拒貧交

此似仙源那易尋避人畢竟要山深誰教鶴怨猿啼客來聽鶯歌鳳舞音語雜談諧皆典故老傳著述豈初心好看龍馬精神健東武時為抱膝吟

此第七句不應若接

三江口苦雨

那利磯頭雨殺風千檣烟氣濕濛濛楚天低壓平蕪外何處青山認皖公

大雪渡馬當

臥看穿雲日色黃起聞鯨吼北風狂新詩也得江神助雪打春帆渡馬當

順風揚帆時閉目靜聽如空山梵唄殊有會心破浪風前萬鼓鳴喧囂原向靜中生無心只作深山聽一樹松濤起梵聲

與九江太守朱恒齋

一麾暫出領名邦九疊屏山九派江正喜為郎猶未老早聞治行已無雙謳歌滿境鶉音革軒冕巡城帟氣降

時有虎至郊外君移
文城隍神一發殪之
依舊官居精典籍口多鈴卒晝敲

二虎歌 并序

壬申正月有兩虎闌入九江西門外龍開河傷一人
已而逸去市人惴惴恐其復至朱恒齋太守齋戒為
責躬文翌日大會屬員於城隍廟 即漢將軍灌嬰 及宋大夫
祠下 漢九江守宋均 既焚牒告神則命虞人挾弓矢火器窮
追之期于必獲越五日殪其一至是盡殲焉黃質黑
章猱獍可怖聚而觀者數千人咸謂使君至誠感神
能力除民害也適余至九江目覩其事作歌以俟采
風者

第一印先



燒虛交切

湓城連山猛獸多兩虎突入龍開河腥風悵悵日杲杲
白晝市上無人過使君視民如赤子威鳳生儀麟有趾
豪強斂戢盜賊清爾獨何為至於此灌將軍廟宋公祠
能捍大患則祀之撞鐘伐鼓會僚佐第一先焚責已辭
與神後先俱守土政拙慚余不如古愛其父祖及子孫
忍昇孱人飽燒虎明朝大獵城南闔毛風血雨迷荆榛
特開一面縱雉兔死不當罪傷吾仁須臾虎自林中出
小者先擒大者逸雖擒一虎戕一人其勢公然兩相敵
此時伐罪更有名合圍再往大掩群潮州鱷魚必盡殺
不信請讀昌黎文虞人眼疾如鷲鳥餘勇登崖鬪牙爪
咆哮一聲山忽裂火箭飛空碎其腦黑章黃質毛斑斑

唐5文亂用此大



敬業堂詩集卷十四
旗杠壓肩奏凱還猶防作力斷急縛血色併出雙睛間
道傍觀者爭太息自古神功扶正直百年兇暴一朝除
此事知公有陰德江邊戶戶皆椎牛從此山無樵采憂
詩成大咲冠纓絕我正欲作匡廬遊

廬山之遊未果呂灌園有詩索和

未必皆五樓字

峩峩拍雲峯拔地幾千丈仙靈晦高跡元氣棲蒼莽朝
來雲抹腰露頂氣一爽蓮花本無蒂蒸出仙人掌拂鏡
眼雙明挾烟鳥孤住勿嗟遊未到遐矚寓心賞但恐身
入山依然結塵想

西門之役既連斃二虎矣後五日復獲虎子二

呂灌園作後二虎歌再次其韻

虞人入山官吏賀擣穴成擒無小大盡將醜類肆市朝
不許兇雛草間臥去如烈火歸如風覆巢破卵五月中
獻肩獻縱來接武貫蝨精神用強弩擔頭縛作春筍斑
一一竒毛入官府餘威假托雖有徒不聞王政寬無辜
賊吾民者殺無赦別有淵藪容逃逋弱食頗分强者肉
倚伏機難論禍福春行秋令公所憐陰雨隨車洗餘毒
是日大雨以寬濟猛在酌宜潁川有鳳方來儀殺胎豈惟禁
獵戶竭澤兼欲防漁師庶幾百物稱蕃息童子仁心使
君德我為此語非養奸若是兇豪須斂跡

楊花同恒齋賦

散作輕埃滾作團不成花片但漫漫春如短夢初離影

人在東風正倚欄。微雨乍粘，還有態柔條。欲戀已無端。祇應老眼，憐輕薄，長自摩挲霧裏看。

初聞黃鸝次灌園韻

一聲流過小窻前。去國關心又一年。圓入客吟同宛轉。熟聞鄉語倍纏綿。畫樓脉脉通春夢。碧樹茸茸羃曉烟。為是好音須愛惜。自憐終勝受人憐。

同呂灌園鄒仙來諸君遊甘棠湖登烟水亭次

壁間舊韻

長烟濛濛春澹澹。草色波光晴颭灑。廬山翠掃兩角雲。倒瀉杯中青一片。舊開小閣壓紋縠。時見飛帆掣流電。背部人如燕雀稀。點沙舟與鳧鷖亂。地偏絲管曲嘈雜。

市遠塵囂風截斷。可憐俗眼競喧嘩。誰肯清遊期汗漫。同時數子興不淺。佳句澄鮮分謝練。莫辭勝境日日往。預恐萍跡紛紛散。何當春酒變成湖。醉過鶯花三月半。

東坡送劉景文詩云春酒一變甘棠湖自注云景文卜居九江近甘棠湖即此地

琵琶亭次宋郭明復舊韻

春江帶城沙嘴白。弓勢彎環抱新月。我來縱棹半日遊。敗意眼前無一物。吟詩直入老僧家。小技忽癢難搔爬。分明有句和不得。古調豈叶箏琵琶。先生不作誰與語。白日茫茫變風雨。男兒失路雖可憐。何至紅顏相爾汝。與公相去又千年。依舊荒城無管絃。掃空題壁孤亭在。咲指門前浪拍天。

江州雜咏四首

依舊江關俯麗譙居人指點說天橋明太祖破江州事戰迴左

蠡軍容壯鑿斷殘岡霸氣銷東門外有天子堂相傳劉誠意惡陳友諒都此得勝

地故鎮將南朝偏跋扈部兵西楚最輕剽指左良玉袁繼成事自

從血洗孤城後九派空回寂莫潮

天文容易掃欒槍隣郡猶傳戍鼓鳴戊辰夏楚盜破武昌黃州鴉鵲

自朝英布廟北門外九江王廟至今血食魚龍曾擾灌嬰城紛紛設

險寧論地往往時危獨被兵按史自北宋以來凡四屠城四十三年

休養力不知何福享承平

峭削峯巒北面當雲頭一半割南康高僧舊入遺民社

世業誰留佚老堂三劫烽烟埋洞壑百年文物遞滄桑

名山志在真難續或有奇蹤跡渺茫時余方輯廬山志

別開官署射亭傍一角頽城壓短墻螺髻浮青虛劔匣

府署正對雙劔峯宋乾道中蜀人唐立方開地作二城轟樓其上謂之劔匣見程史雉媒平綠展

球場舩稀小步初移市客上高樓必望鄉樂天詩三百年來庾樓上

曾經多少望鄉人添得黃蘆侵岸濶舊遊回首獨神傷

庾樓直府署北

余作江州雜詩灌園既垂和續為潯陽行感慨

淋漓讀之使我心惻因推本其意再成長律四

十韻首言風土次序東晉以後迨明初一竊

據事終於寧南乙酉之禍此州被亂情形始末

略備休養生聚其在斯時乎並邀恒齋太守同

鼓角悲涼地山川夏害城一州當孔道萬里控江程近

楚風猶悍吞吳氣未平鳧鷖飛易散魚鮪竄多驚戶少

移恒業田磽廢力畊兒童知矢石婦女識旗旌不諒流

離苦翻疑性命輕舊文徵史册殘局滄棋枰置郡名長

易秦為九江郡漢屬吳國三國初屬武昌後置潯陽郡

晉改江州梁移九江治潯城唐末為江州建炎後陞

定江軍元置江州封王面或黥謂美大都當用武未有

不稱兵建業朝廷小潯陽肘腋并中原方轉鬪南服暫

維寧草草圖王訖寥寥伐叛聲奸雄雖反覆使相必忠

貞間倚屏藩重頻扶鼎鼐傾晉永昌中陶侃領江州平

潯陽趨建業新蔡峻隆安中劉毅何無忌輩敗桓玄于

潯陽洲梁承聖中陳霸先以江州刺史定侯景之亂

艱虞經剝運成敗付閒評是物關天授伊誰敢力爭每

聞稱僭竊旋見就擒烹宋泰始元徽中晉安王子勳桂

之俱以江州反未幾就平南宋建炎中李成陷江州為

張峻岳飛所敗元至正二十年陳友諒以江州為都國

號漢改元大昨者民何罪今來憤尚盈以下專指左勤

王須奉檄犯闕爾無咎灞上隨兒戲洄中咲客迎崇禎

良玉避流賊鋒欲遁九江遊擊胡以寧鈎致之住關廂

一年已而返武昌至乙酉春監軍御史黃謝偽藏太子

詔召良玉入攻馬士英良玉信之將軍停鎧仗辨士絕

冠纓柳敬亭為良玉幕勿戢兵猶火搜牢地盡阬初良

武昌挾楚督表繼咸以往至是與繼咸標將郝二連營

九江城外四月初四日遂縱兵焚掠殺男女二十餘萬

摧殘鋒太酷屠戮禍交攔漂血長溝赤燒空烈焰晴押

網連萬艦宋曹翰屠江州取廬山東林鐵羅漢五百捲

歸潁州調巨艦滿載金帛時號押網羅漢捲

上

甲拔諸營倖備歸曹翰

江州屠城自翰始前此未有也

貪狼甚李成

建炎中

天誅旋幸伏

以兵發九江良玉反賊

殺氣驟難清落籍

銷灰劫招魂異死生若非敷大澤何以起疲氓牙孽枝

初發勾尖草乍萌及時資愛養太守賴廉明冷署依雙

劍名峯顏垣寄一楹涉園除瓦礫課僕種蕪菁耗折空餅

粟支吾折脚鐺官貧仍逆旅吏隱亦柴荆曉雨排衙坐

春田露冕行設施看次第氣象卜豐亨蟋蟀還農俗琵琶

遣宦情篇成聊紀實大雅待君賡

石鐘山

鄱陽吞天來噴薄南出口江流不能敵抵北乃東走懸

崖峙西灣水勢掃如帚孤城良其背外捍賴兩肘靈區

山倚湖。縣城

予直為重

坡公記勒於石

聚神奸石狀雜妍醜平鋪理橫截旁罅中劈剖熊羆饑

攫人奇鬼起援手蜂窠掛篙眼身聊破礮一皆下

垂中空無一有有時應鞞鞞照影見星斗忽然風喧壓

聲作蒲牢吼年深追蠡壞兼恐石斷紐惜哉坡公記石

刻泐已久蘇公石鐘山記舊刻于南鐘石上明正統已巳石裂仆於水今失其處矣茫茫宇

宙間孰是真不朽

月夜自湖口泛舟還溢城同恒齋太守賦

空江夜東注月光似俱流舉頭看青天水去月自留移

帆忽西向月又隨我舟而月豈有心適與吾目謀澄觀

得靜趣含景無停休不辭川路長獲此清夜遊遠樹小

池口孤鐘鎖江樓須臾燈燭光候騎迎沙頭誰知太守

樂夢亦同鳧鷖

春晴曲效溫飛卿體

朝陽透簷鵲聲喜烟外遊絲風綽起馬拂花髮驕欲嘶
招招酒旆垂楊裏蕉衫筍屐稀出城上樓曉看南山晴
平春遠綠望不到一幅錦機新織成江聲剪斷尋芳徑
九派澄光鑄明鏡柳花散作千點萍日夜東流知水性
三月十七夜與恒齋月下論詩

庾公樓外月飛光上雲崖此時兩相對此景良自佳我
挾山野性尋君到衙齋不棄貧賤交酬唱晨夕偕脫畧
分雖忘終不雜恢諧所商在文字虛受非擊排縱論古
與今瀉胸走江淮力欲追正始旁喧厭淫哇向來風騷

可以不必

流汎濫無津涯可傳必有故長松出樊柴明明正變途
花葉殊根莖須求作者意勿使本分垂新詩壓時賢高
朗洵少儕當與古爭勝拾級已得階人言簿書煩正坐
乏雅懷君懷皎如月塵霧其能埋

魚苗船

幾片紅旗報販鮮魚苗百斛楚人船憐他性命如針細
也與官家辦稅錢

曉晴咏恒齋庭下芭蕉

放晴天龜愛清朝開赴風前翠袖招忽見主人窻下綠
始知夜雨為芭蕉杜牧詩主人窻外有芭蕉

九江向無鱒魚網戶忽獲一尾以饋太守晚餐

分噉作三絕句

鮰魚子鱈賤如毛何物能令市價高從此湓城添水產
白頭春浪出銀刀

四月家鄉記飽餐朝來指動豈無端似防遠客歌彈鋏

破例相隨過鴨欄鮰魚不過鴨欄驛以魚隨朝上朝到小孤鰓回也

三百錢償一尾鰓擊鮮原不累民間可知太守清如水

豈在懸魚絕往還

約矣

署庭蓄錦雞且一年朝來忽飛去恒齋有詩屬

和

為爾無端惜剪刀養成六翮竟如逃啄餘香稻新拋粒
收得雕籠舊落毛群入家雞終不亂飛隨野鶴便能高

人間是處多羅畢文繡深林好自韜

明日吏人以錦雞來視之即昨逸去者再作一首

勿論城市異山林性在終知去意深誤啟樊籠驚遠舉
特憐毛羽募生擒舊曾相識緣文彩待爾重來伴苦吟
從遣周防是誰過主人初不起猜心

初夏坐烟水亭望廬山二首

一奩明鏡揀芙蓉積雨初晴翠靄濃萬疊好山看未足
又添雲勢作奇峯

分明寫入畫圖工倒影看來上下同忽失水中山一半
浪紋吹皺日高風

余方輯廬山志擬入山訪舊蹟頻為雨阻恒齋
有作和之

日日開軒對翠氛勝遊偏阻鹿麋群不愁湓浦長多雨
但恐匡山化作雲紀事欲真須眼見異書難便信傳聞
一條柳標從僧乞可要籃輿累使君

芭蕉恒齋再索和

一葉復一葉自然成綠陰後先如有序舒卷豈無心漸
覺空庭窄能添曲徑深野人新得句題罷亦長吟

夜夢入廬山桃花滿谷一僧指云此杏林也因
誦樂天遊大林寺絕句夢中了了醒而以詩紀
之即用白韻

指點仙家手自栽桃花却傍杏林開眼前一咲真成幻
公是身遊我夢來

午酒初醒

兀兀醺醺坐日斜爽神全賴閬林茶三竿砌竹搖風影
一箭盆蘭得氣花夢枕易消非實境丹爐難轉是年華
江城節物關何事催得遊人獨憶家

生日書感

落拓差堪比牧之江湖曾費十年詩早衰鬚髮非無故
暗減心情只自知酒盞每逃在客座杖藜將以老僧期
尚慚習氣除難盡間與人爭劫後棋

梅雨二十二韻和灌園

五月潯陽雨蛟龍正鬱蟠地浮三楚濶雲納九江寬暴
漲搖城郭餘波溢井榦鄱湖連浩淼廬阜失巒岿鳴鶴
翻依樹飛魚不上竿及時陰已動退位火疑殘天氣昏
連曉人情暖易寒蚊飛偏攪畫蛙鬧故侵官舊縷蛛穿
網新泥蠟築壇竹皮流薄粉桐乳墜輕丸蕉翠宜沈綠
榴紅信渥丹濕螢光燄短菂鵲羽毛乾柳壞蟻螯匿墻
空蜥蜴鑽案蠅沿硯水穴鼠齧盆蘭物理尋常見詩聯
貼妥難爐香縈几席徽黝上衣冠不出拋芒屨無聊却
扇紉老嫌書幌暗病覺布衾單冰簟涼貪睡琴絃緩廢
彈入舟同寂莫着屐試蹒跚直欲登樓去還從倚檻看
空濛雖變態縹緲必奇觀寓居近在庾樓下而不得登故云

雨中廬山僧書至

社裏何時著少文書來猶未斷聲聞千峯濕翠隨行脚
帶雨開緘一屋雲

階除積水課力疏下流放之射圃隙地

尺寸階前地無源本易盈只應兼土濁那得入江清曲
折隨人意高低驗物情下流荒圃在吾枕厭蛙鳴

曉吟

江聲入戶竹風急樹影過牕山月斜誰共此時留此景
殘更煞後未啼鴉

次灌園潯陽唱和賦感見贈二十四韻

大火方司令餘威未解嚴夕陽明杲杲殘雨過霰霰書

少渾難借棋低又嬾拈移時看燕乳隨意聽魚噉圃廢
 閒誰治江喧近可嫌談諧須得伴興會賴相兼洗甕晨
 浮蟻推窗夜候蟾學禪根器鈍韻筆鋒銛鄉信燈空
 卜歸期夢代占山中俄換葛野服待分縑我氣貧旋挫
 君懷老益謙悲歌翻變壯醉語誤疑謔鴻爪泥長印蛛
 絲羽易黏勝遊宗炳畫往事季心鉗灌園為吳江大司
馬之子甲申以後
 因亂止沸吹壘冷焚枯過劫炎乾坤全晚節畊鑿合窮
 破家右有別業在
欄玉屏山中爛熳三秋菊崢嶸百歲栴以閒聊送老
 所得詎為廉幸舍猶彈鋏成都想下簾商聲流石齒仙
 氣入霜髯高浪晴湖濶竒雲夏岫添掉頭隨去住放跡
 等飛潛澗壑終難返塵埃久屬厭天涯同拙滯吟罷寸

心淡

江漲八韻

頗怪連宵雨重雲尚合圍忽聞溢浦水已上庾樓磯急
 鼓爭趨陣高舂怒發機九龍多被譴萬馬孰能韃魚健
 衝人過鷗輕踏浪飛淘沙原自濁流惡想尤肥幸勿侵
 三版還防没半扉村橋新漲好吾欲放船歸余所居名
橫漲橋

晚晴

曉愁暴漲與堤平意外斜陽得晚晴小閣放教雙燕出
 高梧忽帶一蟬鳴便思對酒難消暑若要看山合上城
 狼籍殘雲飛不盡江空留作斷霞明

連日苦雨江勢轉盛聞小池口一帶已成巨浸

感賦

見說黃梅縣連朝浸渺瀰雨中隄盡壞江口地尤卑農
事侵饑溺天心望轉移可憐關隴旱竭澤正斯時

午後有人自廬山來云昨日白龍潭起蛟故水
暴漲

瀑布聲中雨瀉檐洪流百道走城南山橋衝斷採樵路

歸報夜來龍洗潭

廬山大雨驟至
人謂龍洗潭

曉霽望南昌歸信

十日荒城聽雨聲壞墻前後露株楹蛇因亂草當階臥
蝸是空坳積水生喜動省間看曉色夢于枕上算離程
故應乾鵲知人意已報歸期又報晴

桐陰和灌園

積雨晴來暑倍加午陰端愛片時遮展開疎簾三間屋
掃過空庭半月花清露欲流濃作乳碧天初洗澹無霞
如何葉底留蟬蛻長聽高吟在別家

試奕次灌園韻

澹墨行疎紙畫枰兩人隱几亦忘情總饒老手通盤算
只似兒曹鬪草贏角上紛紛排陣蟻睫前擾擾過飛蟲
莫嗤當局同遊戲得失心空始不爭

夜熱不成寐聞秋蟲聲

循環造化機陽壯陰已伏不知昆蟲智何以先草木我
亦化中人投閒如病鹿日長貪午枕夜睡焉能熟賴是

心寡營未妨群動觸徘徊風露下大火西流速須臾雞
三號細響猶斷續誰能將此意寫入玲瓏曲樂天玲瓏曲云黃雞
催曉卯時鳴白
日催年酉時沒

一草亭後補築土墻同灌園越秀賦

缺後方思補誰防未雨時大都勞版築不過當樊籬儉
與茆亭配低於菜圃宜墻頭環埤坵留看一帆移墻北
面環

堞城

月夜得南昌消息知恒齋歸期猶未定

客來依地主主去客翻留萬事盡如此一官難自由日
長愁過夏夜靜漸知秋若上滕王閣休忘庾亮樓

蟬蛻和灌園韻

不應已蛻尚名蟬彈指難留過去後枯比老僧初入定
輕如羽客乍登仙誰云解脫非生理始信飛鳴是後天
從此蟾螂無攫意機心不上七條絃

除草

病喝貪微涼空庭方夜坐蚊雷來茂草一唱千萬和誰
能忍痒肌委身飼群餓可憐蜘蛛巧布網僅如磨暗飛
餘地多舐觸凡幾個老夫為暫避奇計出高臥除惡務
其源攻先窟穴破披衣早我起刈草僕晨課一聞奏刀
聳夫去口虱雨過非云迹盡掃但使勢少挫滋蔓或養奸

齟

音居挹也劫也又水斗
以角為之容四升

園用瓷盆齟水浮以花片畜魚苗其中作案

頭清玩索余賦之戲成二絕句

詩翁六十如兒戲，一勺分江几案間。少片壺中九華石

湖口李正臣蓄異石名壺中九華東坡山谷皆有詩配他剩水作殘山

魚吹花瓣亦生瀾，水擊鵬飛一樣寬。下得南華新注脚，藕絲針孔是詩觀。

露坐待月

城頭待月月未出一綫飛光曳長白，明朝有客渡湖來。

湖回應添落星石

苦旱

積雨乃祈晴，久晴迺望雨。如何望雨意，止在驅炎暑。難將田野情，一概例官府。江流空浩浩，不救稌與黍。南山

此下手筆也

昨日雲竚待商羊，舞狂颺忽捲散吹。井作乾土朝來禱，龍祠會衆伐大鼓。此邦歲早穫隣郡，給商買六月合嘗。新過時恐無補，可憐關中旱移粟。累晉楚糧船從東來，輓送方接武。時方輓運入楚漕艘家家募丁壯，日日候江許。寧知餽運人自迫，忍饑苦天心莽難測。含痛向誰語。

起最早

竹亭宜早起，獨自繞廊行。漸覺月光淡，不知天色明。草長兼露重，庭曠得風輕。墻缺廬山好，峯峰似染成。

冒風渡湖口

湖欲與江合，江猶吞吐間。浪頭千點白，一點是鞋山。

立秋夜彭澤舟中

斗柄轉城頭。江聲健入秋。若逢明月夜。應作小孤遊。水
柵依茆屋。風帆帶荻洲。半年遷客夢。星露警扁舟。

雨後登彭澤北山佛閣

眼界江天濶。登臨即大觀。雲根連地拔。山勢讓城寬。路
險苔偏滑。風涼汗易乾。夕陽紅欲墜。好是獨凭欄。

彭澤縣雨中望小孤山

龍城望小孤。巖樹近可數。何來雲一片。遮斷蘆花渚。遠
勢入微茫。彭郎磯外雨。龍城彭澤驛名

七月初三夜

七月初三月如弓。未上弦涼風彭澤柳。遠火望江船不
作披衣坐。聊為枕舵眠。傍人多笑我。辜負早秋天。時余微疾

卧早

秋暑

大火初流暑未清。長川落日正西傾。氣蒸遠水浮天動。
血染殘霞照夜明。蟋蟀豈知催雨意。蒹葭只慣報風聲。
故鄉消息經時斷。白髮無端一夕生。

發彭澤紀事和恒齋

吳楚西來太驛騷。亂帆啣尾上千艘。戍旗不動方傳箭。
秋水初平尚滿槽。樂天詩江鋪滿槽水樹豁忽疑遙岸盡。天長不
覺遠山高。民間疾苦原難悉。移粟徒煩 睿慮勞。

遊下石鐘題山響樓壁

牛羊滿山似可驅。鞭之不動非石乎。懸崖無根乃有株。

山經有棧三石好矣
此詩係未到

初白每下此詩字類
不存

老幹亂拔千章榆嵌空樓閣凌紫虛列仙遠邀山澤臞
落星如漚漂大孤五老拱揖朝香爐沙洲鎖斷九江脉
正面全受鄱陽湖湖波本清如碧贖下流盡被江所污
是日大風聲拔木洪濤倒挾雷霆趨須臾風止平若鋪
細聽林籟鳴笙竽石鐘非鐘扣亦愚孰辨清越分涵胡
作詩一咲解者無四壁自看江山圖

江聲閣次家聲山壁間舊韻

勿將架構擬人工百尺高樓萬里風彭蠡遠帆斜出口
匡廬晴翠淡粘空涼生欄檻秋先爽助得江山句轉雄
好是不題名姓在免教僧費碧紗籠

王令詒自吳淞至湓城連牀話舊驚聞錢越江

學士京邸訃信悲感交集即事成詩

急雨渡江來蕭然挾秋氣清風偕好友一夕千里至殘
燈照黃昏梧葉響階砌荒城忽連榻此會出不意可憐
窮旅人一咲天併忌新歡猶未極旋隕傷心淚憶昨客
京華青衫最憔悴髯公獨好我不與時並棄往往合酒
徒開懷使沈醉江湖葬回首已若隔生事那復承訃音
嗚呼別離地君頭絲欲換余齒豁已隊浮生知幾何聚
散逆難計吟蛩耿敗壁達旦兩無寐

宋中丞牧仲自江西移撫江蘇邀余入幕投詩

辭之

此游本意因廬嶽半載逡巡未謁公擬東歸裝向湓口

筆力與氣相並列
亦不傷於派之

送移旌節赴江東。空煩使命雲霄上。豈有人才道路中。
敢謂山林便野性。倦飛無分借秋風。

同王令詒泛甘棠湖至城南謁陶白祠

艇子打兩槳。剪風如燕梢。白鷺導我前行。行入蘆葦古
祠。晝常啟不待遊人敲。門前十畝田。按碑記云有田十畝即以給居僧

夏旱土不膠。牛宮柱欹側。旁種苦菜匏。居僧老業農。叱

犢。犁黃茅。苦云生理拙。歲歲山田燒。入門風氣適。沙水

互畏包。湖光隱林杪。山色遮城坳。天然好位置。結構宜

檜櫟。緬懷二先生。潛見各一爻。潔身苟有歸。千載應神

交。如何斗室中。湫隘隣涵庖。誰能移佛座。勿令名實滯

正室三間中設大士像而二公祠反在其左與僧廚偏處殊不稱也

送令詒歸青浦即次留別原韻

遠別無善地。况乃當湓城。送客不思鄉。此語非人情。鄉
心我久發。非緣送君生。輸君後我來。竟復先我行。大江
秋滾滾。日氣昏離程。斷雁思舊侶。聞鷗狎新盟。茫茫對
岐路。歸計何時成。

敬業堂詩集卷十五

海寧 查慎行 悔餘

雲霧窟集

壬申八月

四十三歲

二月杪抵九江即擬作匡廬之遊因循至秋仲恒齋為余聚半月糧遂策杖往自化城北登山南下含鄱口循麓而歸凡十餘日得詩七十首身在雲霧中仍恐未識廬山真面目也

遊廬山道中寄恒齋太守

山行宜寂寞獨往翻踟躕。遇同遊人謂王決起興有餘。頗累賢地主聚糧辦籃輿。曉來風色好初日明烟壚。千巖排空來勢若掖以趨。但聞空翠裏竹樹聲疎疎。我

今心力衰事事不追初預愁無傑句何以酌匡廬

經周濂溪先生廢祠

尼山大聖人重去父母邦人情非得已孰肯違故常先生少而孤依舅居丹陽母歿即葬此後乃官南康官貧久不歸遷柩於九江仁心重廬墓卜築匡山傍托名寓濂溪中豈忘故鄉同時往還輩無若蘇與黃猶不諒此意作詩徒誇揚我來千載後拜公謁祠堂荒畦被秋禾四野烟茫茫溢城賢太守為政持大綱度地面三峯種蓮池中央煌煌謚告石舉廢今方將時恒齋捐俸重創書院願備洒掃人幸勿揮門墻

太平宮

詩字連字而了
手考讀在苗意

此首刪

祿

北風江上來吹瓦隨屋角牛羊入廢觀古木一鳥啄問

此宅何神其來已渺邈肇興自唐代廟貌遞樸斷唐開元中

封廬山神為采訪使者上古神靈封每視三公爵東西南北中嵩

岱恒華霍廬山雖僻左不得列五岳傲然踞江湖氣象

頗卓犖無端加秩祀屈首受正朔山靈恐未甘孰與一

丘樂黃冠那解此意在崇榱桷昏昏入醉夢舉世呼不

覺神來風綽旛神去雲解駁下視九萬空紛紛蝸與鶯

東林寺

連山袞袞來陡起山門前頑空被偪塞失却東南天石

稜瘦筋露礪道枯縋懸不知何峯水流作溪橋泉入門

尋斷碑古蹟想白蓮同時十八人縛律如坐禪飲酒不

想字仄古多星
為不應用古蹟二字

入社淵明豈非仙

題遠公影堂後冰壺泉

影落空堂不記年依然冰雪照蒼顏定嫌人世江湖濁
莫放清流更出山

宗雷禪師索贈

荔枝塔古名僧少誰是堂中十九賢好乞謝公池畔水
為師重長一枝蓮

題東林方丈

浮嵐疊翠偪崔嵬三面周遮一面開我欲向西添小閣
盡邀九十九峯來

林嶺一帶在寺西若置一閣名九十九峯亦絕勝也

三咲堂書阮亭先生題壁後先生題志云乙丑

何必云云

此名神氣

方綱重書此詩

刻於寺中今此

刻為存

新正四日同里阮亭王某奉命祭告南海過
東林三咲堂觀故友東癡先生題詩為之憮然
詩載南海集中

聽雨軒中昨曾宿虎溪橋東今又過謝靈運屐去已久
蘇子瞻詩留不多兩袖携雲獨惆悵一燈照壁猶吟哦
沙彌竊聽傳怪事大咲此客如風魔

西林寺贈魯宗上人

何門之有

夕陽在西林孤塔支青天中有六朝寺鬪古不鬪妍樹
頭一朵雲渡水俄為烟老僧送客罷倚樹聽涼蟬

遺愛寺小憩

侍御遺踪已久蕪盤盤樵路極縈紆萬竿藏塢初迷寺

覽
通水也

一笕分泉直到廚勝地乍來忘過客衰年漸欲信浮屠

木樨香裏逢僧話舊事三生記得無

香爐峯下尋香山草堂故址

古寺折而南一峯矗香爐北有草堂趾荒榛穴黽黽白
公真天人咲傲凌中區本挾烟霞性歷遊仕宦塗當其
卜築時意已忘羈孤人生營菟裘寧必皆故廬等是有
興廢此中別賢愚

上化城

懸崖多烈風石縫樹不長怪此獨雄拔枝枝蔽穹蒼路
轉倍蕭森古陰暗虛廊鳥巢不敢寄一一皆下翔我亦
難久留毛孔森開張翻思風雨會快受六月涼

由關門石步行十里登大林峰

此來爲遊遨忽迫失足慮中情一慙怯進退兩失據墮
雲如奔逃片片掠回去霞標尚天半欲到苦難遽松根
絡崩巖怒石虎蹲踞隨身賴竹杖將伯倘予助移時陟
層巔鸞鶴似可御眼前少行輩坐長丈人侶登頓方自
茲休矜最高處

講經臺次昌黎遊青龍寺韻

城中望山如握管寸碧抽簪目光短罡風掣我絕頂來
地少雲多鋪滿滿一條江水拖細綫四面天形罩圓傘
鶴經枯樹或隨翎龍去空潭不貽卵何人結茆荒山顛
米罄齋廚爨長斷豈惟米罄水亦竭兼值今年連月旱

此則押韻而已
不足存又



秋陽炙背汗透衣客到苦催供茗盃老禪對客大盟噉
指說茲遊太荒誕休誇筋力尚有餘應慮頽年行莫纂
陸機賦傷頽年之莫纂偶然饑渴所不免前路茫茫預難算資生
破寺倒乞食此去深山漸無伴雨襟風帽好自擔垢脚
驚顏向誰澣奔馳不定覺客忙應接無端累我懶白頭
住山年六十投老安心就閒散芒鞋不踏戶外塵坐看
嶽嶠化平坦遠公歿後經臺廢世外名僧近尤罕談天
高論久寥寥一聽清言真款款此來得此吾有幸大似
冬寒變暄暖好奇歷險亦何為語不在多微中窺浮情
一半為芟除相別出門行步緩

推車嶺

此字後不得

奮身出絕險深入得平地玩情忘安危履險識難易憑
高試北望來路直如棄枯株盡僵仆樵採遠莫致野火
歲燒林虎狼何處避前山有厲禁僧律嚴於帥漸入翠
微天濛濛雜烟氣自此至天池皆禁山矣

大林寺同上人茅齋

盤烟下層霄山骨微負土陰陰日光澹漠漠風氣古寶
樹壓橋低一溪環菜圃香山舊吟地花徑兼宿莽白樂天曾
於此四月看桃花廢寺亦荒涼半間用茅補孤清耐久
其地猶名花徑坐客至何必主林靜無匿聲虛簷應樵斧

洪武御碑歌

鴻字在石

昇仙臺前白玉碑柱石擎攫龍之而鴻文載在御製集

鴻字在石

國家二字何世不重耶
前輩作詩每有不
檢點者以此者

初不假手詞臣為我來摩娑一再讀顛者蹤跡大可疑
憶昔元人失其鹿群雄角逐爭驅馳濠州布衣人未識
芒碭雲氣常隨之金陵一朝定九鼎六合不足煩鞭笞
是時楚兵最剽悍不自量力來交綏國家將興有先兆
天遣來告貞元期明明天眼識王氣故以險怪驚愚蚩
英君往往謀略秘計大不許尋常窺亦如田單破燕騎
神道設教尊軍師不然茲事乃近誕小數何足誇權奇
白旄一麾江漢靖軍前長揖從此辭留侯自伴赤松去
穀城空立黃石祠天池之山高巍巍竹林仙馭杳莫追
鶴歸倘記石華表世代已逐滄桑移百年雨露在山澤
惟有松栢參天枝

此處自當用玲瓏
不用用瓏玲

循佛手崖觀竹林寺石刻至訪仙亭

何年鑿渾沌洞戶啟虛牝瞰空飛瓏璽萬古凝不墮泉
蒸濕氣成一結芝菌其西勢陡絕難以尋丈準天空
忽倒垂地豁平野盡寸人不點目寸樹如束筭遠視入
毫芒俯身迫窮窘傍崖嵌樓閣側背削蒼隼青鸞十萬
隻掉尾掃欄楯竹林疑有無仙者蹟久泯短生寄長世
局踏良足憫如何不自廣蟠螭同蝨蚓御風倘可行吾
意欲遠引

天池寺

西跨馬鞍脊東拊五老背廣袤四十里南北兩交會地
界畫雲霞岡形走杉檜架空營紺宇巨麗一山最佛皆

鑄金爲殿用鐵瓦蓋象筵及法供半出尚方賚琉璃百
盞燈光燭楚天外鳴鐘集萬指部牒領司會音當時曠
蕩恩池水亦霽霽神仙事渺茫崇飾母已太爾來漸涸
耗隙影過塊盞殘僧四五人被衲嬾結帶天池旱亦涸
磴道入蔚會獨客來登臨嗒焉發深慨窮陰蓄濛谷瑟
瑟響秋籟

聖燈巖

見說文殊谷神燈照夜明山僧從未見高臥過三更

趙忠定公廢祠在天池塔傍

丞相塔前

塔爲韓侂胄所建故俗呼丞相塔

丞相祠千秋興廢偏同時

我來弔古一惆悵青史賢奸僧不知

緞封寺瞻赤脚塔

自從蛟拔門前樹水氣猶腥一派泉萬瓦盡隨飛雨去

孤鐘空向廢堂懸

三年前寺傍起蛟以百數殿瓦悉爲所掣惟存屋柱而已

泥金塔

縫風吹裂映竹窻櫺日射穿不用琳宮更魏煥御碑原

自配群仙

赤脚僧天池四仙之一也

下擲筆峰渡將軍河抵黃龍寺觀明慈聖太后

所賜紫衣經幢及元人十八羅漢畫像

危峰拔竒峭插漢秋崢嶸下走數千尺此身疑被阮溪
流寬且長潭影黝而清飛泉濺我領過山猶水聲漸入
漸無蹊蒼松與雲平萬枝皆直上曲木何由萌入林見
精藍御扁題有明勅建自神母豁達開朱甍一道護葳

碑蛟龍拱函經架裝垂頻婆錦繡揚旛旌新如手未觸
機上初織成元人留畫圖用意填丹青年深彩色退神
氣逾發生劫火焚天池穀封亦頽傾黃龍獨無恙故物
猶充盈得非深山中呵禁趨百靈勿輕現光怪恐使神
鬼驚

金竹坪

水緩山舒一徑分。叢篁蔓翠晚氤氳。秋陰非雨亦非霧
嵐氣似烟還似雲。偃蓋松低從薜蝕。藏經函古費香熏。
內官死後茅菴廢。好事僧稀失舊聞。

明萬曆中有太監
劉姓結茅於此今
菴廢
址存

太乙峰西麓有蘆林亦靜者之居也

江湖景三字不成
後不直入詩

誰將半幅江湖景移置千峰最上頭。撥觸遊人動歸興。
蘆花風裏屋如舟。

自含鄱嶺下東行至蚱蜢嶺望大小漢陽諸峰
已近匡南道紆迴下嶺行路尋松鼠跡山占草蟲名曉
露沾衣重秋風信杖輕翠屏圍合處遙指仰天坪
在漢陽峰
上廬山
最高處

入九疊谷循觀山麻姑崖經屏風疊上一綫天
會日暮不及觀三疊泉而返

信書不如無身歷解其故好奇輕坦道冒險犯迷路廬
山載圖經絕勝因瀑布三疊尤稱雄此來期勇赴尋源
既已得一壑經屢渡波濤所衝撞石滑不留步荒榛或

刺眼蛇螭時挂樹雲屏橫我前陰瀨風逾怒偕行率興
盡深入獨無怖漸上一綫天團團失四顧日光所不到
勃率但烟霧徘徊問樵夫道遠日已暮遂巡半塗廢老
懶坐自誤悞事豈可常一悔生百悟

晚至萬松坪二首

論谷量松不計株參天一片翠模糊明朝五老峰頭望
又作蒼雲貼地鋪

此中舊有高人住謂聞極遲我來尋五六年畢竟著書
須擇地人間難得好林泉

五老峰觀海綿歌

峭帆昔上鄱陽船我與五老曾周旋兩塵相隔骨不仙

歲事未夏與嘉禾
宮傳錢先生諱
先生首舉知白
此作七再三讀之
因是集中七古第
一傑作也

蹉跎負約十四年近來稍知厭世纏筋力大不如從前
扶行須杖坐要簞絕境敢與人爭先山神手握造化權
走入南極分炎躔鞭羊欲從後者鞭假以半日登高緣
風清氣爽秋景妍芙蓉千丈開娟娟長江帶沙黃可憐
湖光淨洗顏色鮮背負碧落蓋地圓尺吳寸楚飛身邊
初看白縷生樓樹杪薄骨兜羅絲移時騰湧覆八埏
四傍六幕一氣連滔滔然渾沌何處分坤乾
近身扁石履一奉性命危寄不測淵陽鳥抵撲光修穿
饑蛟倒吸無留涎以山還川自川五老依舊非蒼巔
來如幅巾裹華顛去如解衣袒兩腋酒星明明飛上天
人間那得留青蓮此時此景幻莫傳頃刻變滅隨雲烟

六首
五八
字畢
互相犯

青蓮谷青蓮寺

饑鷹入山猛如虎。掠過松梢攫飛鼠。林深谷暗人更稀。
橋斷溪橫道多阻。忽逢大石刻三字。快若同遊獲徒侶。
前行依舊路茫茫。太白書堂在何許。三間破屋佛委地。
一帶頽垣草沒礎。獨來高咏廬山謠。白日軒軒欲輕舉。
屏風疊與五老對。想像先生舊遊所。石梁即是三疊泉。
此景分明在詩語。後來著書好穿鑿。眾論紛爭吾不與。
太白廬山謠有屏風九疊雲錦張銀河倒掛三石梁之句。元李洞言三石梁在開先寺西。黎崱言在五老峰上。或云在簡寂觀及上霄紫霄二峰間。桑喬廬山紀事則竟以為無如竹林寺之幻境。眾說紛然。莫知所指。今三疊泉在九疊屏之左。水勢三折而下。如銀河之掛。石梁與太白詩句正相脗合。非此外別有三石梁也。後人必欲求其地以實。古仙不作誰正之。悵望秋雲久延竚。之失之鑿矣。

此條補入石白
石注

徧遊鈴岡嶺下諸禪室

山僧住山久。不道深山好。山下每相逢。山中跡如掃。禪
居既寂寂。過客亦草草。林荒鳥語斷。葉落寒氣早。物外
識閒情。誰能耐枯槁。
結句直言之。未何不讀。此詩三處作耶。

早發萬松坪

昨登五老峰。足力鬪輕矯。投筇舍宿。睡美不知曉。豈
惟廢鐘魚。林寂少棲鳥。起來見晨旭。殘月猶雲表。山谷
催早涼。陰多晴恐少。迨茲好天氣。我興殊未了。

亭子法 此皆下山

匡南古道誰開闢。懸溜垂絲通一脉。劣容半足百八盤。
直注雙眸五千尺。靈區再上苦不易。步步別山多可惜。

舉頭却望昨所經似到蓬萊今被謫

從萬壽寺經百花園

草烟竹靄午霏霏行盡懸崖接翠微過夏客餐嘗筍未
隔林僧擔賣茶歸穠花繞砌晴添艷乳水流田土漸肥
自覺向南風候暖早秋時節尚生衣

淨成精舍懷天然澹歸二禪師時二公俱下世

矣

萬枝修竹一龕燈山外青山又幾層有此林巒應著我
無多文物半依僧香前蠹辟繡經案鉢底龍眠挂壁藤
紫桂巖前人不見秋風猶記別南能

往與澹公別於家黃門伯如圃中

三峽橋

陟山須到顛尋水須到源我從泉源來送汝歸山頂上
流九十九併力同作喧前行經玉淵盡為潭所吞
不勝受含雪中歎急峽跨飛橋約束渴其奔一條天
橋龍中有跌斷痕挾此萬古怒轟轟爭一門遊人不敢
立足底防瀾翻松風吹細雨到寺將黃昏

棲賢寺阻雨示角子禪師

七尖峰埋烟一身五老神情皆下俯攜來杖頂昨日雲
西作燈前夜來雨石頭路滑不可行遊人早起祈天晴
禪翁勸我且喫飯同向空堂坐水聲

雨後再至玉淵潭觀水勢

着屐重來又一奇飛流十丈躍龍池不知雨點添多少

跳沫粗於白鷺鬣

白鶴觀舊有唐道士劉混成手植杉東坡先生嘗獨遊聞碁聲於古松流水間即其處也

古觀荒荒冷翠交一渠新漲浸堂坳雨眠亂草移蟲窟風折枯枝帶鶴巢旛影不飄經院靜棋聲久散石牀拋三山路僻人稀到頭白黃冠自結茆

白鹿洞書院紀事四首

古洞盤旋路欲封到門無樹不喬松陰森前後三重殿

突兀西南五老峰兵火繼教仇典籍蟲魚何敢蝕蛟龍

書院中有御賜十三經二十一史及御書二額睢陽岳麓全荒棄留得宮墻

儼辟雍書院舊名廬山國子監

何云紀事

五老峰在廬洞

書院西北此句有

字大誤

九原可作心相許千古淵源只數公大事商量何草草當時位置太匆匆祠荒勿復論分合道在終須辨異同祀典也應煩早定莫令禮樂咲淹中

前賢餘澤最分明立法雖良視奉行幸爾流風綿歷代猶從朔望集諸生學田籍去官支俸觀德亭荒士好名此日終南非捷徑溪山何負讀書聲

松顛紅鶴早歸來卓爾山前半草萊題扁已更新歲月

看碑猶辨舊亭臺無端講院人人設何怪儒風日日頽

傳語後來須慎重此間容易着英才萬曆己卯張江陵禁革書院先是常有紅鶴百十巢於後山松杪其年忽去越三年仍來巢書院隨議復

鹿眠場

山人陳迹久荒唐石洞新移近講堂
白鹿石洞明南康守王濬壘石
兒童偏指鹿眠場
為之在曩倫堂後非故處也

左翼山武侯祠

舊來忠節祠何處丞相新堂獨改營
洞中舊有忠節祠合祀武侯靖節今祠廢靖節神位移入朱子門人之列
若是此中多序爵故應無地置淵明

循貫道溪南北觀朱文公題志諸石刻

我留鹿洞訪古蹟夜以繼日勤搜羅
穹碑無數作林立大半剗刻時人多蛇蟠蚓結互相雜
頭目眩瞀猶摩挲先生姓字如日月
照耀宇宙開山河生平衣履皆可矧
矧乃手澤存巖阿溪邊巨石見題字
小者徑尺大擘窠自然運用合古法
小技不算隸與科水淘土觸殺節角

蝕

故量節角之差
隸隸與科皆是
節石致致中

元氣尚自盤蛟鼉誰能撫取置殿壁
細辨點畫無差訛嗚呼所見母乃小
金石非壽道不磨

次韻答白鹿洞生周宸臣並簡學博鄭子充副

講徐履青

吾生苦失學悔往思補來一經未精通
賦命多遭迴顏扣名區洞戶呀然開
登堂挾淨氣靜者恐見猜此來為求友
庶幾遇奇才之子杜門處塔前長蒼苔
昔年充國寶群彥多追陪脫身出京洛
振步凌崔嵬為儒務其醇好勇知所裁
士方處貧賤有識羞良媒詞章技尤卑
小草殊根芟讀書不聞道枯朽安足摧
古來名師儒所以重草萊

借問汪何補
起耶為之
唱此三教成
成九月三日議

出白鹿洞經羅漢嶺下至王楊坂

蒼蒼轉一溪。窅窅凡幾曲。烟中見村落。雞犬傍草屋。阡陌交橫。從秔稻雨早熟。謂言岡路盡。豁眼得平陸。涉澗水急流。吾行尚山麓。循流溯此水。來自棲賢谷。想當暴漲時。發石拔老木。兩傍設機碓。日可轉百斛。此法俗不傳。勞勞手春粟。

萬杉寺贈熙怡長老

慶雲峰麓萬杉寺。拓地舊傳天聖中。大書鑿石剩九字。寺中石刻甚多。悉為僧所誦。瘞今惟槐京包帚書龍虎嵐慶九字在寺後石上。古殿跨山連百弓。夕陽沈沈南去鳥。秋氣颼颼西來風。相逢不談戶外事。吾愛老僧雙耳聾。

四大字在面槐京包帚書五字是也識耳不得澤云九字一

開先寺

平橋曲澗氣森森。門鎖空堂晝轉深。時居僧以所伐佛印手植松為堂事所逐三門晝開。鴨脚葉黃僧罷掃。麝囊花紫客來尋。於南唐時山中有麝囊花色正紫中宗嘗植于移風殿名曰紫囊葉諸峰瀉瀑層層見。萬木聞蟬步步陰。可惜不容吾借榻。山南第一好禪林。

李中主讀書臺

鶴鳴峰勢倚巒岉。指點南唐舊石壇。晝像影中松葉換。黃山谷開先禪院記有南唐中主晝像及榻存焉墨池涸後蘚花乾。累朝題志名空在。衆口傳訛辨最難。俗傳昭明太子書堂者訛珍重涪翁留片碣。雨淋日炙恐摧殘。石上刻山谷所書七佛偈

王文成紀功碑

磨崖刻字不得留之碑

山石七佛偈後小字二行已泐陳氏玉煙堂帖是夫之予七始福壽刻也

借為州廿前後
二類以教免杜
長之樊了未八
月三日自唐山
歸身原誠院
算燈記

明朝制科號得士吾鄉前輩尤絕倫于公王公後先出
往往艱大投其身朝廷坐收養士報倉卒定變皆儒臣
正德己卯夏六月逆濠犯順江湖濱公然舉兵思向闕
三郡一開生祗塵皖口駸駸勢將下留都岌岌恐震隣
是時海宇正清晏武備缺略久不振公方持節撫南贛
似可觀變徐澶地同仇大義憤所切守土敢限越與秦
出師必待九重詔是謂以賊遺君親飛書插羽聲罪討
攻所不備真如神自從擣巢及執醜通計時日纔兼旬
軍門戎首已面縛天子靺鞨方南巡石頭城南獻馘罷
待命行及明年春周公東征尚跋蹙形跡詎可拘忠純
盈庭宵小古亦有忌者愈衆節愈伸初心祇期濟國事

非勒銘也

豈必畫像圖麒麟茲山留題銘蓋有深刻歲月題庚辰

紀功非空乃紀實書法道勁辭溫首從伐叛叙始末

繼舉神武歸丹宸天方嘉靖我邦國誰其紀者臣守仁

隨征官屬例得列惜哉各姓今俱湮讀書臺傍一片石

百四十字磨崖新逸事吾聞長老說弘治乙榜凡三人

後來立朝適共事數本前定非無因胡發其奸孫殉難

公乃一手回千鈞弘治五年吾浙鄉榜公與胡公世寧

為異事及宸濠之變胡首發其奸孫煌煌勳業本德性

以巡撫死難二人共此事亦一奇也出遇世會開經綸質諸百世可無惑似此理學寧非真

後來輕薄好詆毀撼樹不過欺愚民如公表見猶未免

此外何以加冠巾手磨碑碣發長嘯白日皎皎懸秋旻

題聰明泉傍石上

頑童激清甘我見謂可惜我旋被彼咲浣手向澄碧人
苦不自量無端分別多飲牛與洗耳相去能幾何

玉峽亭觀瀑

女媧煉石手年久漏微罅銀河忽垂天峰頂劈二華陰
寒透毛髮觀者初可怕從來所踞高一跌必就下龍歸
爭窟宅思以一戰霸雷霆震嚴冬冰雹凜炎夏衝成井
萬丈避去石三舍束身峭壁傍俯視若出跨相持勢難
合掉尾竟傾瀉來者競喧囂逝者已代謝風林延靜聽
漸遠似分沁縹縹絲車鳴泱泱糟床醉盡平震蕩心坐
以觀物化

萬竹亭

孤亭避玉峽一徑幽篁裏鑿斷籜龍根石槽方吐水

五乳峰下望黃巖瀑布

五峰融乳氣流濕一穴洩雲聲滿空落日正懸高樹杪
行人却在雨絲中

歸宗寺次穎濱先生舊韻

遙瞻孤塔近聞鐘又到金輪第一峰五老烟霞猶在眼
六朝風景獨留松寺在王右軍始宅鵝池細合簾泉派響水涼
分茗盃供歷徧名藍茲最古夕陽簾閣影重重

登右軍閣

右軍高閣俯碧渠古木漾影交扶疎迴廊灣滾得幽趣

高有飛鳥潛有魚此間臨池頗自可我腕有鬼不善書
作詩亦欲題壁去擲筆一笑成墨豬

鸞溪

二老風流路未迷青松名與白蓮齊若將山水平情較
似覺鸞溪勝虎溪元豐中周濂溪先生與真淨文禪師於此結青松社人以之比虎溪云

寄題簡寂觀十四松

梁時碑記簡寂觀有晉時松十四株如十四龍約汝重
來吾不負好留鱗甲待吟筇後二句別字可怖

從栗里渡柴桑橋至鹿子坂訪醉石觀靖節祠

陶公家柴桑地本接栗里高賢棲隱處土物覺清美風
翻紫羊苗雨綻紅蓮米平坡樹簇簇枉渚波瀾瀾徘徊

山東南何處訪故址逢人輒問姓覲過陶氏子但見中
角翁叱牛入烟裏先生在當日逃祿如脫屣至今山下
柳尚識折腰恥肯令後世名人人得輕指聞風感頑懦
即此可以起

圓通方丈與杲菴長老夜話

到門山壓樹冒石水衝橋古殿防頽塌閒房取寂寥齋
鐘秋後準燈盞夜深挑尋遍峰峰寺高僧不在遙

月下步入隣菴同杲公

尋山翻苦忙忽忽度長日徘徊撫良夜清景殊未畢隣
僧閉門早避月不肯出客來扣柴門帶月入爾室空堂
琉璃暗古佛黑如漆不有好事人清光為誰溢

此寺後有夜
話亭先生竟
未到耶

尋夜話亭一翁二季亭故址皆不得戲示杲公
十里無端枉道來歐蘇陳蹟委蒿萊人間好事誰如我
博得圓通一宿廻

渡石澗橋欲遊石門精舍不果

客從山中來嵐氣濕巾帽北尋黃龍潭南送白水漕五

峰下澗名石門路非遠一澗流浩浩翻以耳目前行踪

讀作去聲未經踏吾將賈餘勇直入窮圃與謀及道旁人競以險

惡告或云林黯黹或云石鴛鴦或云夔罔兩遇者恣凌

暴或云採樵叟壯年曾一到白頭每追悔相戒勿再造

或云天池僧亦曾宅崖隩荒寒難久住苦舍隨欹倒爾

來更誰繼竒險敢輕冒老夫爲踟躇獨聽奪群譟廻思

竹澗之澗乃
澗去矣以此
未必是也

謝康樂鑿山每開道當時築精舍物力豈空耗不得從
之遊悵然違夙好

廬山雜咏四首

食豆兼食苗豆苗瘦如縷不聞豆花香惟帶豆葉苦豆

老鴉銜茶子隨石久成樹何必百花園峰有雲霧

誰遣冒松名而長三寸許山頭有蓬藿俯視猶傲汝萬

山花合在山幽谷尋難見却笑紫蓬萊愛入移風殿麝

花

遊山歸錢越秀呂灌園出示見送詩戲答二首
一卷新詩吟不盡歸來只與未遊同野人胸次無宿物
好景仍在廬山中

千古才難洵不疑敢將輕薄入文辭眼空除是東坡老
咲得徐凝瀑布詩

自題廬山紀遊集後

半生讀書不得力浪走風塵嘆暮色名山五岳杳無期
此日匡廬面初識千秋物象滿顯晦幾輩閒人肯登陟
謫仙頭白倘歸來白石清泉聞太息獨移瘦杖扣石鏡
雙眼快對晴空拭已知絕境少豺狼那怕荒蹊犯荆棘
鴉飛不到力有限龍起無時神莫測橋邊聽瀑布淙淙

石鏡在舍編
半生多在此
得山谷大字

峰頂看雲松叟叟三秋忽變候寒暑半月畧盡山南北
偶然興至或留題聊藉微吟豁胸臆詩成直述目所覩
老矣焉能事文飾仙靈幽秘苦雕劂雲霧蒼茫每深匿
忽逢生客一呈露可惜無才收不得歸途鹵莽方自嗤
遊况匆忙誰見逼人間涉歷多梗滯祇此一途猶未塞
皇天亦似憫汝窮恣爾窮探無吝嗇如何汲汲向城市
若赴嚴程拘漏刻他年終伴采芝翁臨別有言吾敢食
此言自是通雅集中家用甚多作凡選

十六首

敬業堂詩集卷十五

与十六之廿

敬業堂詩集

敬業堂詩集卷十六

海寧 查慎行

客船集

起壬申九月
盡十二月

四十三歲

樂天琵琶行自述遷謫之情託于送客而本其
姓字未必果有其人也今余與恒齋別後猶有詩見及
蘆花之候恒齋官况不異左遷別後猶有詩見及
其母使人疑此客為烏有子虛乎

留別恒齋太守次見送原韻

小住衙齋忽半年河梁只在一尊前重携風雨登山屐
又上江湖載酒船有此別離成我老無多才調感君憐
蘆花楓葉殘秋路不聽琵琶亦黯然

結廬藏

鎖江樓下再與恒齋別

聚散真無奈行期已數更不緣歸路遠翻遣別愁生潮到潯陽縮江過皖口平戍樓今夜月相送比君情

早發湖口縣

山色滿空城蒼烟帶曉晴舟人辨風信關吏候鷄鳴湖勢三秋減江流九月清半年經六度此度是歸程

初秋與恒齋住舟彭澤余有七月初三月五律

一章重經此地屈指六十日矣聚散之感愴然

入懷再作一詩附九江後信

小縣江天豁西南月吐鉤轉頭如昨日撫景忽殘秋路改攀曾岸燈明隔浦舟烟波三宿夢猶自戀江州

舟過大雷岸二首

雲收霧散來時路奇險初欣過馬當風日晴和秋澹蕩江山平遠樹微茫畫圖側畔移帆影明鏡中間耀眼光合與詩家添好句不然辜負薄遊裝

荒洲夾岸沉漁蕪小市臨流颺酒旗去舫校多來舫少遠山不動近山移鷗憐故侶行梳音相傍雁折斜風字亦奇一事歸人獨惆悵匡廬西望已迷離

夜抵黃石磯

過盡魚罾蟹斲邊依稀村落在山前半江烟霧半江月一隻夜深歸客船

搭魚詩有序

沿江捕魚者碇小船急流中截竹二尺許緝而不鈎
繫豕肉作餌兩人對把一竿隨放隨收鱖魚長二三
寸者應手而出稍緩則吞餌逝矣日可得數十斤名
曰搭魚曝乾加紅麴為鮓鬻於寧國山中

昔讀魚具詩織悉苦難曉今來江湖畔意外駭機巧竹
竿二尺長芳餌繫其杪曲鈎渾不用緝直影隨表滅滅
水聲中鱗鱗出白小有如拾蚌蛤一一向盆沼十不失
二三得心手馴擾自從罔罟設水族久莫保此法古未
傳吁嗟更誰造庖廚窮口腹物命例短天有情為惻然
放筋吾忍飽

早過大通驛

夙霧纒醒後朝陽未吐間翠烟遙辨市紅樹忽移灣風
軟一江水雲輕九子山畫家濃淡意斟酌在荆關

重登銅陵太白樓

千古竒才一謫仙當時寂寞後人傳誰憐我是題詩客

淪落江湖十四年

已未夏余曾題
詩樓上今尚存

天門山

北望采石磯南望蕪湖關蒼茫裕溪口豁達天門山長
江萬里來近海勢逾寬到此一約束帖然成安瀾秋空
掃濃綠兩道蛾眉彎亦名蛾眉山弦月帶衆星盡歸吞吐間
亂帆不自整散落鷗鳧灘浮雲本無程日暮相與還我
行何處泊前路方漫漫

采石舟次喜遇介菴叔即送其游楚

半載家書斷逢君喜欲狂細微談近事安慰當還鄉別
夢吳船隔征途楚水長忍辜今夜酒明日况重陽

九日三山舟中有懷德尹近得家信聞弟已渡

淮

夾岸蘆花作絮飛鯉魚風急客添衣從來節物悲遊子
如此江山送落暉鄉路尚成千里隔別時原約半年歸
誰能料得貧家事去住無端與願違

重泊秦淮二首

袁家鵝鴨薛家羊不問當壚賣酒孃懊惱一秋無菊看
楚人船上過重陽

市樓南北酒帘青市上游人半醉醒何暇管他亡國事
更將閒泪洒新亭

金陵早發

東方大星射芒刺一片江光白如地去城未遠尚聞鐘
烟柳濛濛六朝寺

登燕子磯

迴欄步步轉雲汀若要登高更有亭淮岸柳條秋尚綠
孝陵松氣遠尤青城啣日出排鴉陣天偃江低響雁翎

添得重來多少恨西風吹帽鬢星星憶與韜荒兄泊舟
觀劇屈指十三年矣

同譚護城給諫飲朱十兄竹垞齋席上分賦

檣燈塔火照城闔僦屋依然近作鄰九陌並回三載夢

一官難救五湖貧飽經世故初心在畢竟交情老輩真
慚媿為歡煩二主買魚配酒餉歸人

題鄭春薦廬墓圖

舊來宰木已參天書帶重生丙舍前多少康成門下士
一時俱廢蓼莪篇

題朱北山西溪梅花圖卷

一篙寒水平盃綠松木場西凡幾曲春頭臘尾萬梢梅
照影橫斜散冰玉花時一一為我有別業西溪曾卜築
廿年不到漸疎蕪借與隣僧挂瓢宿上番大雪凍連月
聞道摧殘到松竹可憐老幹剩槎枒有似佳人在空谷
對君此畫增健羨蟠螭龍蛇歸尺幅欣然意到不留手

偶爾圖成聊寓目春烟欲動氣葱葱夜月斜穿光燭燭
略施朱粉紅間白力挽冰霜勝肉恍如幽夢向浮山
洗盡胸中筆端俗我今倦遊百事廢一壑能專良易足
相將同賦歸去來花氣浮餅酒應熟

再題霜林秋晚圖卷

長風入林瘦蛟舞萬葉低昂爭仰俯劈開玉峽飲晴虹
倒射霜空撒紅雨中間幾株尤耐霜濃者得綠淡得黃
與酣渲染出真意絹素絢爛凝秋光瀟湘洞庭多變態
放筆知君與神會披圖莫作咫尺觀別有蒼茫在圖外

王令詒過村居小飲限韻各賦二首

十年出求友時輩方縱橫與君非苟交結托重老成所

以我諸弟事君亦如兄每聞君造廬一一皆歡迎且須
惜此意勿作匆匆行

湓城得家書送爾倍惆悵初秋與令詒別於九江吾舟未東下吾

第方北嚮同時忽同歸余到家半月德尹亦歸事固未易量喜君

復見過此會出非望所嗟不盡歡隣喪春不相荆州兄方丁太

夫人報無計獨留君燈前北風漲

故云題陳言揚抱膝圖二首

使君與僕孰英雄寄托如何不約同此意沈吟應共惜

半生光景畫圖中

與君識面從兒穉不覺形容漸失真同是庚寅吾獨老

始憐衣上十年塵余與言揚皆庚寅生

再題言揚看舞圖

舞袖雖長不自持歌喉縱好有誰知賞心或在人情外
看取停歌罷舞時

維揚談禘初亡兄韜茶壻也今來就婚投詩見

贈感賦一首

吾嫂持門戶吾兄肉已寒夢為雲聚散愁見月團圓得
婿如君少為甥似舅難十年存歿泪相對不禁彈

廉讓寄南燭子詩索和戲作一首

曹家二尺紅珊瑚霞光照耀開座隅季倫如意不敢擊
變作顆顆勻圓珠冰霜太寒雪太白可少丹砂點顏色
綠毛么鳳愛梳翎尾重身輕飛不得

斷硯歌寄和姜西溟

姜侯才高同屈宋，往往彈冠讓王貢。舉場老負十上名，
史館貧支廿年俸。硯田一片羞自給，略似良農勤執種。
為言此石初得時，愛與端瓊稱伯仲。端瓊亦西溟藏硯每因拂
拭誇朋友，未許收藏付僕從。平生不以文滑稽，滴露研
硃事修綜。窮經恥勿草太玄，給札雄堪賦雲夢。不知磨
耗幾挺墨，書到成家筆方縱。可憐尤物難久完，識者何
希忌何衆。秦城十五不輕易，博浪一推翻誤中有情那。
免號癡絕足，荆和抱深痛。唾壺口缺琴尾焦，咲此依
然配清供。作詩聊用解客嘲，屬和無端邀我共。我今所
見與君異，嗜好心空色不動。膠聯漆附終有痕，來詩有膠聯漆

西溟之書亦為
未遂能尔

附太堅綴之句豈比天生本無縫，勸君撥棄勿復道。瓦礫寧當
較輕重，君苗焚硯古有諸。持此區區欲安用。

並轡集

起癸酉正月盡三月

四十四歲

余以新正東裝北上，德尹初未有出門之約。二月
杪忽相遇于淮上，遂偕翁康飴嚴定隅，並轡而北。
通計一春所作無過三十餘章，皆行役之詩也。故
彙成一編。

春夜飲曾濟蒼宅同徐淮江

春波門外如鉤月，六里長街未上燈。花徑初除三尺雪，
雅人相對一壺冰。窮愁老境尤貪酒，樂事新年在得朋。
從此兩湖添地主，余向寄徐淮江詩有兩湖地主惟君在之句每逢高會約

徐陵

貽笏圖為徐淮江賦次李武曾韻

徐家手版傳忠襄曾隨封事携皂囊牙花欲開天變候
雷雨白日摻谿堂堂中書籤三萬軸一一玳瑁琉璃裝
牀頭置笏床下拜髣髴排擊舍風霜自從尚書殉社稷
對命無復王廷揚問君寶此竟安用謂是祖德貽縹緗
君家祖德非尋常日星皎皎懸孤光百年朝典存手澤
世閱兩代源流長公侯子孫必復舊爪爬綿邈今方將
鳳雛已得韓冬郎七歲弄筆吟繞廊丈夫生兒有如此
用少陵徐卿對客那得能深藏塗鴉畫虎無不可但是
二子歌中句驥性終馴良乃翁與世不同調挾筴莫歎亡羊滅塵掌

老眼待他日為汝持笏還端詳

吳門程汝諧乞詩為節母孫太君壽

古人乞言重名義今人乞言重勢位數篇排比達官名
滿幅雷同錦屏字程生壽母乞我詩我名微賤世莫知
感生厚意惜不得但媿窮老無妍辭區區持贈一言耳
非此母不生此子我為此語豈無徵試問南湖老居士
汝諧出老友盛饒江
之門故落句及之

再題東湖弄珠樓壁

滿湖新漲綠如油五度凭欄記此樓粉壁有詩僧代掃
青衫無趣客重遊花邊舊事閒相觸醉裏風情老漸休
多謝柳條長短意尚含烟雨拂孤舟

荷葉堂詩集卷一
鄧尉山看梅與譚護城都諫分韻

買帆下吳閭晨夕風雨對掀篷喜開霽決起逐儕輩明
波洗雙眸遙見峰染黛橋低榜稍進竹密步微礙紆徐
入芥墓梅信行已逮古榦無醜枝疎花有餘態寧知山
近遠漸覺路茫昧濃日散晨光千林同一槩蒸蒸氣浮
動靄靄香奔瀆人聲絲竹聲多在白雲內居僧揖冠裳
游女曳環佩青紅小姬姹紛若魚同隊見花嬌不憐手
折豎邊戴本為冷澹遊喧沓性叵耐翻身暫引避穿徑
出荒穢前登馬家山高出萬花背境荒人罕到鑿石初
破塊自然愜幽趣真景非粉績僕本住山人無端走關
塞故園三百樹先植記好在有花不得看既出每深悔

此來復何幸夙願償意外神交契新賞老戀割私愛俗
腸旣蠲除塵面一盥頰逝將營半畝斷地把耨耒君如
娛晚計共買花邊埭歸田事不難所要在勇退惜哉迫
行役各與初心備解纜復踟躕清遊幾時再

過葉已畦二棄草堂出新刻見示

疊成山勢鑿成窪位置柴門趁屋斜小築人皆稱得地
遠來吾不為看花舊遊歷歷經心眼餘論津津溢齒牙
未敢對君談著述十年衣袖有塵沙

吳門勞在茲為余作畫冊

自題佳句寫雲烟不獨詩仙畫亦仙筆墨我緣人品重
聲名天許布衣傳家留林壑藏書屋

君為洞庭
西山人

春在江

湖采藥船老覺塵埃真少味相逢猶話住山年

常熟過錢玉友河亭

時玉友亦將入都

薜荔交陰覆短墻詩人居近苾芻房俄驚小別成三歲

直評相逢在故鄉兒摘畦蔬供午饌婦藏斗酒佐春觴

祇愁旋被饑驅出未必家餘住夏糧

大石山房

西城樓閣為虞山絕勝處

又作西城半日留短筇筋力試山遊愛隨雲氣穿仙掌

笑插花枝上佛頭三面城根三面水一層樹杪一層樓

人情那得能知足好景多貪極目收

留守瞿相國春暉園

不知頽廢自何年一片傷心到目前戰後河山非故國

記中花石尚平泉烟埋平碧迷芳草血染春紅化杜鵑
狼籍南雲憑檻外愁看白日下虞淵

拂水山莊三首

名園未到已神傷指點雲山入渺茫老屋尚支秋水閣

墓田新拆耦耕堂藤陰漠漠餘花紫梧徑離離夕照黃

猶有游人來買醉兩湖烟月屬隣莊

滄桑殘局等閒分野史亭邊日易曛

異代文章歸紀述

盛時裙屐屬傳聞畫圖夢蝶尋紅豆書劫焚魚感絳雲

留取舊栽花木在罷官還說李司勳

松圓為友河東婦集裏多編唱和詩生不並時憐我晚

死無他恨惜公遲崢嶸惟石苔封洞曲折虛廊水瀉池

恨惜遲在石內
畢竟不催

蘇東坡詩集卷之六

惆悵柳圍今合抱攀條人去幾何時

瓜洲大觀樓張見陽郡丞屬題

柳梢城角影氤氳烟放桃紅水放藍到此忽驚身是客
捲簾江北望江南

秦郵舟中紀事

截斷湖光別作隄一條荒影亘虹蜺居民飽食黃河鯉
客飯愁添濁水泥不解天心何日轉若論地勢向來低
誰憐禹貢揚州域急挽東流更向西

魚溝看桃

一村桃間一村柳日氣射花紅撲鞍此事今年真過分
江南江北兩回看

與德尹同坐騾車戲作二絕句索翁康貽嚴定

隅和

淮浦相逢事太奇小船同載蹇同騎與君便是同功繭
不許人間有路岐

抵足朝朝作臥遊欠伸一笑兩擡頭擊殘車壁殊多事
鼠穴前頭夢八騾

德尹詩有一龕恢恢之句用其意再作一首

別茅菴出已多年又結津梁道路緣添個蒲團相對坐
也如行脚也參禪

從峒嵒騎騾至紅花埠

峒嵒小驛勃姑啼路入徐州漸向西若要看花須趁早

防他一雨便成泥

雨阻紅花埠一日

衝風衝雨衝波浪瞥眼江湖十載餘肯信壯心銷便盡
一鞭泥滑怕騎驢

望蒙山同定隅德尹作

疊翠浮嵐不記重群山絡繹走蒼龍若論舉眼人人識
只有知名一雨峰

道傍見蟋蟀轉丸

不知何意轉成圓糞壤生涯大可憐翻似向人誇絕技
一丸突過馬蹄前

望岱

一朵雲扶一朵蓮蓮花頂上即青天可能膚寸為霖雨
今是乾封第幾年

至河間聞彭椒昂量移之信留詩寄之

八載循良吏初遷本分官敢云從政易轉覺致身難客
路雖相左離愁此暫寬一春傳旅食今日為加餐

次新城先生壁間韻

餅鑪酒店兩三間塵壁題名記往還留得和詩人小住
綠楊簷角鳥關關

曉過趙北口

十里風埃過鄭州忽開雙眼見清流綠楊影裏平橋路
數盡漁船數白鷗

題王赤杼籬豆畫卷二首

豆葉翻翻豆莢肥
檐前藪藪草蟲飛
故園秋意忽到眼
一陣野風吹客衣

沿籬手種兩三畦
引蔓垂梢漸滿棚
生被畫家榆樣去
帶花拗折一枝勝

送趙子晦之任延津二首

青袍謁選十三年
此去雙鳧便是仙
滿眼簿書非俗物
太行山在印牀前

車笠相逢兩不猜
湖湘分手又燕臺
參軍一老今頭白
重與郎君贊畫來

謂彭南陔

次韻酬唐實君喜余入都之作

吹得楊花作雪飛
帝城春事已全非
桐經爨後孤絃絕

鐵化魚來尺素稀
東閣何期今再到
故人長恐見無幾

詩楚茨疏
幾期也

白頭賸爾如新在
縞帶猶堪博紵衣

附原作

唐孫華

客散梁園隊雨飛
尺書驚見是耶非
鄰房燈火鳴雞

杳岐路雲山候雁稀
飲酒人非攻子美
改名君且學

劉幾長須扣戶吾遙識
蚤晚將迎辦倒衣

初夏同叔毅定隅霜巖德尹坐一莖菴後香林

亭

一窖黃塵沒馬蹄
喜從塵外得招提
出墻僧梵風吹斷

拂面花枝鳥壓低
溝水欲流亭影去
夕陽忽到柳陰西

浮萍落絮同飄散閒繞空廊覓舊題已巳秋與竹垞水村兩遊此

淶水亭與唐實君話舊

鏡裏清光落盪前水風涼偏鷺鷥肩菰蒲放鴨空灘雨
楊柳騎牛隔浦烟雙眼乍開疑入畫一尊相屬話歸田
江湖詞客今星散冷落池亭近十年

偶閱揚次也賣花詩戲次原韻五首

先從槐樹斜街過旋到慈仁寺裏來淺綠深紅春四季
跨驢騎馬月三回
分明已過早春時駘蕩風光不自持大抵人情誇爛漫
斷無人賞未開枝
帶來春色三分土吹過風頭一閱塵莫認園丁作園主

種花人是賣花人

白白朱朱漫作堆舊家亭館記曾栽閱人最有花兒匠
及見園空長綠苔

草本經年易長成豐臺美種一時并當初芍藥原名貴
莫以花多便見輕

次韻答實君

被褐時方輕垂紱古有戒匪材等樗櫟不熟讓稊稗感
君勿我棄假館同瀟灑城隅積水潭浩汗滙衆派禾苗
綠油油牕戶明噲噲棄之為馬廐放眼靡所屆庶幾東
閣中得士稱一快吁嗟及時事忿恚疑近隘各隨出處
緣並守廉隅界短檠光煜煜缺月東南挂對床連夜語

里耳竊聽恠非無蛙聒噪亦有鼠黠獮集泮本好音飛
 鴉吾豈解孤生分衰賤舊業棄土崩腰非長揖具况肯
 望塵拜誰能將肺肝穉怒供裂眦鈞鈞聽曲直碁局付
 成敗似聞逐客議棖觸動機械時臺中有條議國學世
 生回本籍鄉試者或指鷹鷂吾其避蜂蠆國家有大計草野腕徒搯斷可憐文
 例毛舉通病詎能瘥公卿非不知相視各噤齟可憐文
 廟栢祇用便馬疥騷除由庶下梁木孰支壞議難決一
 朝吞吐苦不噉將母國體傷識者為深喟君詩雖有激
 風義實誥誠布衣何足云道路未償債炎埃蔽赤日六
 月迫行邁山田歸及耕書籍行當賣勞筋應自息倦羽
 非人鍛得喪心已空須彌堪納芥

附原作

唐孫華

名士今幾人世方以為戒良玉溷武夫嘉禾雜粃稗
 君才固卓爾盛製富揮洒崇山俯培塿溟渤吞衆派
 魯邦久卑邾淮陰豈伍噲長安踏槐花賓興期已屆
 如君得數人制科誠一快吏議聞逐客斯舉亦已隘
 如何辟雍中輒畫鴻溝界網羅失長鯨敝筍愁空挂
 厲階誠有由壞事因鬼怪昔者夸毗子紛紛逞狡獪
 伸喙餘三尺臨文無半解惡草等葦菴微材僅菅蒯
 豈有鄉里交但下傖荒拜大德忘丘山小怨結睚眦
 射羿弓旋彎會洹盟屢敗對譚語設筭默坐心藏械
 螫手類蝮蛇嚼肌甚蜂蠆奪利腦競監爭門臂各搯

還險成世風積疾何由瘥所以當塗人疾視久瘖齟
驅使歸井閭淨若除癰疥高墉惡雀穿長堤緣螻壤
世遂嗤空名畫餅不足嘜因噎遂廢餐此事可一喟
君性本冲和三緘夙自誠流落坐詩窮羈縲負酒債
遇合會有時慎勿嗟行邁錦段久織成何處不可賣
虎氣有時騰鸞翮無長鍛一名轉瞬成行看拾地芥
題陳履仁登車圖小影

手拂雙花五鬣雲世家文采孰如君八駟四望尋常事
只要來空薊北群

題顧書宣畫冊竹筍水仙二種

南去嘗雞嶺北來食松織指與紅竹菇畫中添土產

雞嶺

產滇南松織產勞山
宜興山中有紅竹菇

老根如蒜頭大葉如蒜苗欲抽一寸心待此冰雪消

敬業堂詩集卷十六

敬業堂詩集卷十七

海寧 查慎行 悔餘

冗寄集

起癸酉四月
盡十二月 四十五歲

不到自怡園三年矣相國明公聞余至都復下榻
見招時唐實君亦以謁選北來樂數晨夕未幾實
君因人遠遊余旋應秋賦倖舉京兆遂爾滯留自
夏歷冬大約園居之日多城居之日少東坡詩語
似為余設也

次韻答愷功二首

移牀來對好溪山只作漁樵共往還癖愛文人知業慧
未拋卷帙趁官閒雲垂高幕藤花紫雨放新梢笋籜斑

若向此中微領會詩情原在寂寥間

樹底泉聲竹外山清暉娛客竟忘還魚無羨意釣宜直
碁少爭心局自閒春去蘋洲風澹澹雨來花徑土斑斑
畫圖光景分明記又掃攤書屋半間

時將移寓自怡園

對雨戲效白樂天體四首

兩岸沙沈樹千帆浪拍天長風吹不斷獨鳥去無邊白
酒標旗濕紅鱗出網鮮此時如對雨最好是江船

忽聽笙歌起烟波何處尋四圍山漸澹一角日初沈捲
幔通荷氣停橈隔柳陰此時如對雨最好是湖心

一片袂針綠村村罷踏車黃梅多放鴨

鄉人以芒種買新鴨名黃梅鴨

翠剡盡鳴蛙種水牽菱蔓開門落棟花此時如對雨最

好是農家

竹色涼窻戶泉聲落珮環不知青嶂合長在白雲間
籊籊分茶早機衫挂壁閒此時如對雨最好是深山

唐實君作憎蠅詩可補歐陽賦所未備僕不復

鬪奇戲廣其意得五十韻

吾觀大化內鼓物同洪鑪介羽及昆蟲種類何各殊
撻羅到瑣碎終非磊落儒聊為更僕數庶用資揶揄飛者
為蜻蜓穴者為螻蛄在戶為蠨蛸在簷為蜘蛛微明耿
熠燿背殼潛蜺蜎薄翅扇蛺蝶細腰祝蒲盧螻或鳴於
泥蚓或歌於塗絡緯織作巧糞蜣轉丸愚螳螂怒當輪
蟋蟀勇負喙堆積走負板腥羶集元駒與人了無害聽

彼繁有徒蠖螽險如蟻玄蜂大如壺鉤卷音蠖刃利針
聚蚊雷轟刺耗有瘁肌蠱尾有嗜膚昏昏蝨在禪趨
蚤躍襦偪人雖咄咄懷毒終區區惟蠅獨可憎其來胡
爲乎汝於耳目前本不關有無汝狀極醜惡偏俛粧頭
顛赤幘同一冠青蒼別形軀兩翼六其足公然學讒夫
汝生本臭穢行與糞壤俱只合老廁園何當闖瓊瑜無
端附驥尾馳騁遊莊衢無端入綃素點染損畫圖有時
集於爪學士群睚眦有時止於棘詩人互嗟吁聲非雞
則鳴例與狗苟呼此特論大概未足蔽厥辜客從長途
來翻漿汗流珠解衣覲少憇喘息猶未蘇汝何太相偪
伺隙窺門樞我眠晨未起汝偏攪牀敷我起頭未櫛汝

又環座隅我饑進盤餐汝貪善爲狙我閒弄筆硯汝飽
成墨猪汝腴我合瘦汝衆我則孤我欲廢飲食汝方混
庖廚汝于我何尤抵死相迫驅營營惑人聽有若操契
符貝錦抱萋斐不祥等狐烏懷中三寸璧點汚生瑕瑜
架上一卷書棄擲消樗蒲凡此皆汝罪誅之不勝誅逝
將避汝去行行復踟躕我力故難勝汝情諒應輸天下
正一家能毋懷此都乘炎且快意吾寧忍須臾

移榻自怡園雨後納涼

水轉橋迴路幾層此中真可避炎蒸陰成繞屋三年樹
光吐疎籬半夜燈明月忽隨殘雨到微風已作早涼徵
野人慣領田園趣歸夢翻從借榻增

重過相國明公園亭四首

此東字是下後

名園多在苑東偏不數樊川及輞川綺陌東西雲作障
畫橋南北草含烟鑿開丘壑藏魚鳥勾勒風光入管絃
何似贊皇行樂地手栽花木記平泉

球場車埒互相通門徑寬閒五百弓但覺樓臺隨處湧
不知風月與人同紫駝臥草平沙外白馬穿花細雨中
一片近郊農牧地可容雞犬識新豐

莫漫閒居比洛濱猶從泉石見經綸栽花覘土知肥瘠
種樹因材識苦辛白傅龍門無俗客薛宣東閣有奇人
平生齒冷孫弘輩車廐誰論舊主賓

熱客稀逢抵閉關陪遊吾亦愛投閒隙中野馬飛揚去

相國曾以唐實君
文品上達宸聽

雨後溪雲斷續還隱几好風來北牖釣簾落日在西山
壯心敢擬蘭成賦芳樹條新感再攀

浴罷與實君步入水磨作

長日愁經夏微涼晚似秋氣蘇風到面浴罷月當頭老
樹聽蟬立閒溪領鶴游飲牛兼洗馬何處辨清流

晚食

且喜蚊蠅少林深几簟涼飛蛾輕性命殘燭有光芒帶
草侵衣潤藤花落酒香魚蝦供晚食風物近江鄉

雨牕遣興示愷功

小雨密復疎虛牕深更綠瀟瀟延靜聽窅窅盡遐矚抱
葉一蟬隔林下雙鵲雞鳴覺村遠水響知石觸殘夢

此書字子應上

冬

有時醒幽情恍相續眼前領閒趣取適聊破俗華髮脫
新梳輕衫便晚浴早衰易壯嗜外垢非內辱思營五畝
園未遂半生欲此身本如寄繆算徒碌碌菟裘等蘧廬
豈必皆我屬不如且聽雨濁酒貰鄰曲醉鄉有天地避
此六月溽歸計待秋涼無裝何用束

鷹坊歌同實君愷功作

風林蕭蕭夏脫木坊以鷹名似牛屋其中最大名海青
戴角森然異凡畜我初識名自遼史特產曾傳女真獨
楛矢同來肅慎庭初時底貢猶臣服屢求難厭禍旋結
兩國興亡手翻覆天教此物雄海東自長窠雛成一族
康熙 天子神聖姿駕馭英雄兵不黷每因纘武勤校

獵遠致竒毛比臣僕紫荆關外秋氣高狐兔寧容草間
伏腥風霍霍滿天地白日無光散原陸揚旌表貉出從
禽王用三驅力爭戮是時海青更精悍臂出綠鞬調養
熟翻身一去高沒雲注目秋空走馬逐蹄間十丈莽開
濶鷙過林巒躍坑谷忽看天半挾天鵝奔電流星下投
速羽林健兒拍手咲奏凱不煩遺矢鏃却來斂翮復依
人仍以黃絲掣雙足三時飼養一朝用如許恩波等休
沐奉先性在饑附人定遠功成飛食肉不知給俸視幾
品肥瘦論斤常量腹生牛乍割血猶紅小鳥一吹毛盡
秃見人作勢俄聳肩獨立有時還側目無端對此我心
惻相向移時額顰蹙獅兒噉虎魚食蝦吞噬成風傷末

此字應作平

俗生意漸微，真可嘆。殺機欲動，休輕觸。以仁易暴，古所
云恃猛爭強，非汝福。我願皇天仁，百物常產鳳皇生。鸞
鷲自然郊，藪萃禎祥盛。世多珍，四靈畜。

次實君溪邊步月韻

雨過園林暑氣偏，繁星多上晚來天。漸沈遠翠峰，峯澹
初長繁陰樹，樹圓螢火一星，沿岸草蛙聲十里出山泉。
新詩未必能諧俗，解事人稀莫浪傳。

大雨行

晚來怕熱喜聽雨，臥看商羊獨足舞。五更驚覺忽砰訇，
搖動空城作雷鼓。檐前急溜非一派，併作飛濤湧堂廡。
須臾暴漲床欲浮，電火燒窗時一吐。沈沙盡作十里坑，

斫樹齊張萬人弩。排牆墮瓦聲拉雜，助以風威猛於虎。
老翁折臂婦裹頭，露立號咷到童豎。城門兩日不敢開，
濁浪如河勢難拒。五行厥占屬災異，疾痛况欲加摩撫。
老夫昨日得家書，見說吳田槁禾黍。北方苦潦南苦旱，
天大要是生民主。可能造化一轉移，坐使兩邦歌樂土。

送唐實君遊江西

猛雨撼城城欲動，粘天黃潦如霾霧。阜城門外一丈泥，
馬濺花鬢四蹄壅。問君此時有底急，結束輕裝挾飛鞚。

故人奉詔赴西江，才子持衡推小宋。

時宋念功編修典試江右實君與之

同舊開東閣，交最契。攬轡南行，邀與共文章。取士意已
輕，科目成名俗猶重。如君致身本高第，願白挽強方命

空三字未填
空開
在時未檢耶

中可憐進士不得進李太白詩君為進士不得進上積千薪
競傳枳棘爭集猴縱有梧桐偶棲鳳紛紜野馬巧乘隙
狼籍醢雞工覆甕侏儒飽死方朔饑曷不江湖且陶縱
我留壘下大可咲妄覲微名上鄉貢初聞逐客姑逡巡
旋悔為儒被嘲弄吹竽鼓瑟兩難強貫蝨屠龍等無用
布衣有骨天所憐老大寧能逐儕眾惟君知我謂我真
往往清吟托閒諷郊園木牀連曲尺荷氣藤陰滿香街
二字出昌谷集風光不礙冷澹遊日月正宜瀟灑送君今別我
忽徑去舍矢難追弦就控此邦山水要君詩豈獨飛雲
標畫棟匡廬舊有讀書地我昨留題滿巖洞待君再上
紫霄峰他日遊仙記同夢

姜西溟至都二首

三年一別兩蹉跎短策重聞酒市過白髮舊遊諸老散
青雲同學少年多儻居那得高賢廡支俸聊隨博學科
幸是一瓊留故物曾包老硯歷關河姜於滄州被盜故云
獲落生涯久自疑重來咲我亦胡為曾從祖父承餘澤
只道科名似盛時逐客幸蒙寬後議憐才何敢望新知
不如蚤築畦風閣結伴歸畊未算遲

晚行裂帛湖上觀水勢

西山前夜雨暴漲聲辟易昨日與橋平今朝露水柵晚
來覘盈縮又減三五尺一條修尾蛇東向投遠碧菰蒲
盡偃仆上帶泥土迹我欲追躡之前行汰磐石初疑遇

壯士拔劍斫其脊徑開中已折首尾猶跳擲却坐石上
觀平心隨所適有如杯底影仰面意旋釋人生駭愕緣
多伺躁妄隙歸來虛室中靜見鼻端白

甕山麓尋耶律丞相墓

裂帛湖東下馬行遙聞樵斧響丁丁盡髡草木非山罪
難向牛羊問墓名石椁千年誰不朽金椎一穴尚如生
我來忽墮無情淚土蝕殘碑恨未平

明末有人發冢見一頭加常人數倍

亟開之後掘得碣石知為公墓

青龍橋

甕山西北巴溝上指點平橋接碾莊自縈清渠成石揭
盡迴流水入宮墻殘荷落瓣魚鱗活高柳飄絲鶯頂涼

不礙蹇驢行蹇蹇有人緩轡正思鄉

玉田觀早稻

灌園餘潤及平疇千畝從無旱潦憂總結已供三壤賦
陂池新奉上林遊神絃報榮秋長早勾盾徵租歲倍收
別與^小豳風編月令築塲時節火西流

官田早米例於七月初十前貢新

廢功德寺

瓦落空墻土盡崩雜耕猶剩兩三僧晨叅栢子留禪偈
夜看松花照鬼燈駐蹕亭邊牛飼草

明宣宗西郊省斂駐蹕寺中

魚臺畔鼠攀藤

寺前舊有元主賞花釣魚臺

木球斗大今安用

木球事見

帝京景物略今

寺中猶供之 自古琳宮有廢興

呂公洞輪菴禪師蘭若

只道山窮水亦窮，忽攀石磴與雲通。芙蓉殿底三重閣，楊柳橋南一面風。老去文人多入道，徬來絕境必凌空。知君欲傲長江簿，佛號曾呼禁苑中。絕頂有飛閣不可上，即金章宗芙蓉殿故。

玉泉山

銷夏誰知別有灣，孤雲一角截西山。千家舊業鼃魚國，十里提封虎豹關。欄楯離離金碧上，歌鐘隱隱翠微間。清泉自愛江湖去，流出紅墻便不還。玉泉山舊為金章宗避暑地，故首句云。

題相國永城李公所藏崔白健翮麈風圖

墨花一柄風翻荷，一葉展仰正不頗。傍添一葉作歌蓋，

上有健翮如天鵝，初飛未高去水咫。已覺遠勢無江河，生綃八尺畫止此。妙手落墨寧誇多，流傳要是北宋物。幸免小印鈐宣和，若教藏弃入秘閣。靖康那得逃干戈，永城相國鄴侯裔。牙籤三萬森駢羅，故家世寶此其一。鑒賞精絕知~~眼~~華堂五月開，~~下~~客几席瑟瑟生迴波。君不聞濠梁大圖徑三丈，天女~~織~~絹鳳擲梭。江天十里尚無恙，賴有好句傳東坡。東坡有題崔白大圖詩見集中，白濠梁人，故稱濠梁崔。人間真蹟久難恃，閱世容易千年過。我詩淺薄不足道，請公自賦麈風歌。

愷功將有塞外之行，邀余重宿郊園，賦此志別。

今年夏多雨，所向泥塗妨。君家近水園，一溪綠泱泱。謂

深

宜着冗士欄戶延清光豈惟洗塵埃直欲忘炎涼故人
督我嬾促我赴舉場明知計大謬聊逐槐花忙初秋束
書出臨行意迴遑儼居宣武門人海昏茫茫猶疑清夜
夢流水繞我床昨朝急足來扣門語徬徨聞子有遠適
結束隨龍驤腰懸八札弓行逐楯柅郎可憐非汝好所
用違其長憶子從我遊翩翩富辭章十三見頭角已在
成人行今來猛績學下筆尤老蒼貫穿及韓蘇結撰卑
齊梁居然希作者恥與時頡頏玉之使有成遠到詎易
量重來忍言別戀戀林泉傍為我掃庭除故榻仍在房
小雨灑籬落雜花間紅黃苦為一宿留故意不可忘子
才百事能皇路今方將我衰萬念冷逝當返畊桑浮萍

寄波濤聚散原無常參辰渺河漢耿耿遙相望勗哉平
生言卒以初願償無為愴離合萬里如一堂

早發良鄉至琉璃河驛背偶成

喚迴殘夢得清晨詩境重開又一新淡到明河猶見月
洗來灰洞已無塵灰洞在良鄉之南牛蹄應鐸行偏緩馬意驚
鞭策要頻慚媿琉璃橋下水鬢絲催換十年人

涿州道中書所見

折葦沈沙積潦餘高田成岸岸成渠胡良河上扶犁叟
網得萍根二寸魚

祁陽道中

一村榆柳一村鴉帶井沿籬路向斜野棗風輕時落實

阮云重開別不
必云又開

木棉秋晚尚開花青旗賣酒竿竿影紅袖騎驢幅幅紗
迥與近畿風景別田莊從此屬農家八旗莊戶至清苑而止

晉州署中與陳六謙話舊

魯拆聞邾境本連兩邾爭說使君賢晉州與深澤接壤歌傳馴雉民方樂烏化飛鳧吏亦仙却話舊遊如夢裏誰知岐路判樽前難拋一寸西窗燭中有離居十六年

雨中重渡澗水

路僻泥深出店遲一鞭照影又清澗敝裘自領新寒意歸雁如尋九日期倚樹風聲尤跋扈得烟柳色尚迷離敢因遇雨嗟行役正是犁荒下麥時

大冉橋聞雁

振若 亥字太多

殘荷老柳蕭蕭意秋在平橋水氣中去年來一繩雁帶人歸信是西風時聞北闌榜發余名在二十

重至京師和德尹看菊詩二首

野景貪從廟市收瓦盆高下葢新抽風前最愛香盈袖醉後還須插滿頭老圃別傳移種法故人來作看花遊遲開自是關天意斟酌芳期在晚秋

淡 後 玉 味

一籬黃葉擁村莊嘆惜陶家徑久荒九日已過初泛酒兩人相對忽思鄉古來佳節多風雨此後清吟耐雪霜落帽臺邊回白首心情不似少年狂

送卓次厚南歸

多才能自愛失意問誰堪不作憤時語轉深吾輩慙柳

此二字与心字
手後不得

條攀欲盡梅信到應探鄉思因君觸心隨候雁南

陸澹成侍講新葺書齋名懷鷗舫招同人雅集

分賦

江湖宛在小牕前便欲從君借榻眠夢作白鷗歸未得
鱸鄉亭外水如烟

題畫贈揚州王漢藻

一路垂楊記泊船北湖南埭水浮烟君家舊住茱萸泚

別築灣頭小鞦韆

揚州有茱萸灣故云

德尹將南還次韵志別三首

數過初冬又一旬誰知咫尺有參辰到家歲月驚新曆
題壁詩篇記暮春雨雪暗侵搖落候冰霜偏老別離人

獨留真覺無聊賴擬學揚雄賦逐貧

自笑逢時術未精人間無用是虛名家門似我慚為長

才器如君合晚成別館能無三宿戀歸途只要一冬晴

最憐今夜霜天月畫角吹殘布被輕

小榼三升賞凍醪也應與爾慰牢騷不因富貴思彈鋏

或有英雄辨捉刀風雨慣曾憐弱弟田廬忍便委兒曹

丁寧一語煩相誠畫虎休輕學伯高

大風出西直門至自怡園愷功方擁爐讀史

萬斛沙如萬斛潮捲空殘葉剩枯條到門日影龍蛇活
拔地風聲虎兕驕十里欲迷城北路一鞭重渡苑西橋
圍爐薄雪年時夢留取閒人話寂寥

見曾對為未工

題王令詒松南柳磯圖三首

自截筠竿八尺餘，偶從沙際伴春耒。人間果有絲綸手，未必臨淵便羨魚。

曾是春衣染汁新，一官臨出又逡巡。萬條楊柳風情在，猶戀當年手種人。

三畝菱租割水田，披圖閒惜好山川。歸人預作明年計，欲借橋東放鴨船。

洞庭秋望圖為同年姜西溟題

我昨扁舟帆去聲湖水，出沒鷗群鳧隊裏。西風吹偃萬梢

蘆，斗柄插空將北指。庚午秋冬間余寓居洞庭東山君時正作桑乾客

南北相望渺千里，念君落第招君歸。已是明年二月尾

此圖之藏江
書某家

其秋我復遊廬阜，走上雲頭振衣履。海綿片片盪吾胸，

竒絕生平乃有此。洞庭直可盆盎貯，七十二峰同撒米。

有如天牛立峨眉，看視成都居井底。君為此圖母已隘，

細寫秋毫入側理。男兒失路真可憐，澤畔行吟聊復爾。

今來又赴京兆試，失固其常得差喜。與君同榜獲聯名，

王後雖卑吾敢恥。却披橫卷索新句，一咲如臯方射雉。

才名誤汝四十年，決踵何堪比截趾。至尊久已記名

姓，虛向蘭臺署良史。探支官俸月一囊，揮灑傭書日千

紙。須長及腹誰攬之，髮白滿頭行老矣。向來蹭蹬天有

意，特與先生慰暮齒。眼前同進俱少年，感歎無端從此

始。翻思舊押漁樵伴，故展烟波洗窻几。不然此畫且善

藏勿更題詩乞餘子

座主侍讀徐公將南歸感恩述事六首

多是依竹附木
之游談

公竟飄然賦遂初輕裝如葉稱懸車自編永叔歸田錄
誰上何蕃伏闕書臘雪寒消傳盞後春颿夢穩挂冠餘
白頭別有千秋業或恐名山勝石渠

特簡初傳出禁林文章曾結主知深敢云得馬非初

意莫誤飛鴉是好音魚尾經燒憐短鬣桐材入爨辨孤

琴恩牛怨李翻多事只要群公識此心

貫魚立鵠萬人看盡掩雲羅事最難那得高才皆入殼

每聞餘怒必衝冠向來清議寧隨俗從此朱絃恐廢彈

不信滔滔將日下江湖無計障狂瀾

水底含沙豈有因何當舉國逐浮塵險經負羽沈舟會

勇作抽帆到岸人難挽頽風歸太古獨迴天意入陽春

漁樵一席誰爭得私第歸來尚角巾

虛舟飄瓦閱人情得失心恬氣自平駿骨孰緣千里重

鴻毛公視一官輕同朝盡諒憐才意聖代能全去國

名恠底青衫添別淚十年門下舊諸生

絕無聊賴住京華年去空歌蘇幕遮枯樹忍攀前度柳

新霜誰護後栽花愁來客况渾如醉身在師恩豈有涯

贏得陸公為舉主儘容開口向人誇

毘陵揚青村謁選得普安令王石谷為作黔游

圖索余題句兼以贈別

阮云又云重

萬尖石筍高刺天日氣挾霧生黃烟盤江中截兩崖斷
高緝一道虹蜺懸尋橦裊裊度空際下有千斛蛟龍涎
普安孤城小於斗險扼地勢當黔滇城頭置堠城下驛
官舍坐見行人肩楊君一官乃落此幸是熟路無迤邐
憶君年當十八九白面便已能談邊趨庭萬里不辭遠
直過瘴嶺隨飛鳶辛酉夏秋青村省其尊公秋屏憲副
於貴西官署余時遊黔始與相識
是時西南屬兵革郡邑疾苦方顛連爾來休養踰十載
瘠土已變桑麻田朝廷况下寬大詔積賦逋稅新除
蠲君今乘傳又重到何異烏化雙鳧仙畊烟散人好事
者遠境寫入秋毫顛山川歷歷都在眼我愛此景非從
前小詩或可當別操待爾譜入琴堂絃

寒夜同王令詒魏水村顧書宣家可亭姪集揚

晚研庶常齋分韻得寫字

官閒門徑僻歲晏人事寡厭俗謝交游往還惟舊雅
僦居適相近踏凍免騎馬巷北召王猷巷南邀魏野顧生
住西弄寓舍喜新假我至每劇歡招呼臂同把北風吹
天晴城上烏啞啞寒光潑初月殘雪猶在瓦此時不作
達可惜白玉笋地菘翠成蒞水族鮮製鮓盤餐媿鄉味
口似蒼頡吟隣沽雖稍甜轟飲亦聊且晚研以不得佳
釀故其詩有濁
酒甘同呢
惡人之句我生類知分即事有取舍正如熊掌魚那得
兼二者十觴竟連驪塵面為一赭主人負詩才劈紙給
揮灑敢辭押強韻數子賴陶冶吟從夜枕續臥聽街鼓

扣所恨不善書當令阿買寫

僕舊有青田凍石一枚歸晚研六年矣頃遇范子方仲於京師范精於篆刻許爲我摹小印而此間覓佳石不易得意欲晚研反我故物作詩先之

鑿石雕蟲魚此舉誰作俑後來琢山骨價从大小珙匹夫懷竒珍惴惴初抱恐連城既入趙負曲敢虛擁和璧竟歸秦陋邦手徒拱自茲嗜好捐萬事成闌茸殘編任飽蠹退筆詎銘冢空憑咄咄書硯乏纖纖捧何當餘結習往往吟肩聳好事偶分牋塗鴉每慚悚丹砂綴小印紙尾母已冗范子故見嗤利敝寶非種擲地作石聲從

此亦押韻而已

旁乃慙慙當時巾笥蓄有若蛾化蛹去我今六年居然戀新寵刻舟勞記劒觸物心猶竦昨日聊叩君機鋒鬪針孔秘藏戒輕出防我或好勇攫之寧非顛健者豈惟董輸攻力易竭墨守計仍鞏不如且姑緩靜俟天倪動竒巧出窮人詩端忽噴涌明朝走尺蹠待命不旋踵盟渝息壤舊歸視汶田重在我猶在君報章行及奉

晚研見和前篇謂余有新蓄壽山小石援東坡海石之例欲以此易彼重違其意割愛分贈二枚再次韻速其踐諾舊石之歸有日矣來翰有邀令詒水村書宣三子屬和之語兼以示之

假道蓋有由其端實始俑君如早識此堅壁却吾珙遂

巡不入境下邑方惶恐奈何昧厥初納賂覲私擁青田
吾重寶掌握失把拱豈無他山攻頑礦棄紛茸壽山快
新得餘子欲奪冢炯然珠玉光入掬似可捧圓者廉角
殺方者風骨聳昨偶出示人旁觀盡驚悚老夫喜省事
羅列稍嫌冗因憶巨璞完吾家有遺種作詩乞故物致
語極慙愚兩日縈我懷有若絲纏蛹君初非豪奪繼乃
絕矜寵故以文滑稽發端特高竦錙銖責施報計竿到
桑孔平生怯小敵今見大敵勇肯為城下盟執筆恥南
董相持兩不決京索成臯鞏飛書奏竒功小利戒輕動
叩關索敝賦彼勢猶洶涌割愛忍須臾禮成門欲踵中
原有好會信義隣邦重後約勿更渝槃敦吾將奉

門神詩戲同實君愷功作四首

賺得兒童仰面看影纓袷服最無端國門他日曾懸價
駟儈何人敢賣官丞相魚魚工擁笏將軍躍躍儼登壇
星奴結柳翻多事五鬼爭彈貢禹冠

揚着氣色任充閤比較門風孰不如幾見華楹留故帖
偶繙新曆當除書關能拒客非關汝錢可名神儘讓渠
久閱人情吾勿怪過時光景合交疎

虎豹森森列幾行誰教骯髒倚門旁通侯湯沐虛傳漢

陳平封戶牖侯進士科名尚冒唐用鍾魚鑰同時司啟閉雀羅

終歲有炎涼相逢白日多魑魅乞與先生却掃方

廢屨歌裏撥寒灰歲酒逡巡酌一杯凡鳥有人題字去

冥鴻幾個挂冠回好官第宅多相望野老柴荆肯浪開
直與歸人占吉夢也煩呵護不祥來

敬業堂詩集卷十七

敬業堂詩集卷十八

海寧 查慎行 悔餘

白蘋集

起甲戌三月終六月

四十五歲

甲戌二月將出都作詩留別諸同年座主清谿公
見而垂和有下第情懷刀劒傷之句蓋用東野詩
語也時公亦將南旋買舟通潞命余隨行東野不
又云乎棄置勿復道楚情吟白蘋他日舉以似公
公曰子庶能自廣矣

下第南歸留別同年姜西溟廖越千劉大山王
崑繩李若華諸子二首

顧人間事不輕敢將汲引望公卿張羅天遠鴻雙去

彈鋏心粗劍一鳴誤喜青燈回昔夢枉煩芳草勸初程
歸人別有看花約明日騎驢便出城

明知歸計尚茫茫且作無聊別帝鄉下第兒還添客累
當歌酒或替人狂膏肓痼疾貧難療須髮流年老易傷
聚鐵豈堪頻鑄錯早收心力事耕桑

虞山錢劬谷屬題采藥圖二首

小年長日正遲遲算是樵柯欲爛時大抵人情多好勝
偶逢仙敵亦爭棋

玉柱金庭境久閒頗聞巖谷異人間長鑿誰斲雲根斷
片片飛來盡出山

奉陪座主徐公遊一畝園次吳京兆韻

履綦陳迹已多時

乙丑秋先生召同人於此地雅集

十載重游醉不辭

初綻柳如時態軟未開花為閏年遲罷官樂事苔邊杖
去國閒情局外棋又是一番寒食過錫簫聲裏雨如絲

張灣舟次留別姚君山別峯兄弟

久作京華客今知去住難老方隨計吏名不上春官別
酒青燈戀離程白髮揜眼明楊柳岸稍喜見桅竿

馬坊口大風送劉大山還京次座主韻

明波如鏡瀉天津忽捲狂飈萬斛塵酒色難寬臨別恨
楊花只似未歸人家貧不信貪為客母在尤應重此身
重過杏園休悵望等閒狼藉道旁春

天津別姜西溟次韻

蘇

同是春風失意時送君真覺拙言辭杜陵旅食經年久
熙甫才名一第遲青鏡從渠增鬢髮白身輸客賭殘碁
老來別緒兼師友那得并刀剪亂絲

晚泊獨流

關城春向盡小艇下津門風止橋形直潮來水氣渾蒲
魚喧晚市櫻筍憶鄉園歸路三千外從人屈指論

滄州阻風謝別峯同年餉酒二首

風程半日滯滄州客恨除非醉即休安得春江變春酒
薩摩陂外水如油

青旗夾岸酒家樓正坐囊空價莫酬慚媿貧交分一斗
為余親典黑貂裘

大龍灣阻風奉次座主原韻

有聲南來猛如吼白日無光移卯酉荒灣曲岸萬木僵
摧折萌芽比腐朽蛟螭勢奪虎豹窟塵堞居前砂礫後
舟行逆水兼逆風或跋其尾或掣肘天公如醉意未豁
人事徒施力何有先生晏坐百怪恬萬籟無心發于喁
已憑忠信涉波濤更列圖書環左右詩成一咲自投筆
臥拓篷牕見星斗江河日下是知津高浪攤錢輸水手
青春忽忽乍經眼平野茫茫一回首此時看客挂征颿
何異癡狂中風走乘流習坎吾有命底用旁觀別妍醜
孰諳世路忌爭先飽閱人情能耐久蹉跎不負遂初計
神貺先生亦良厚檣烏斂翅旗脚迴頃刻雲衣變蒼狗

鄉程有期行漸近
梓飴嘉魚樽貯酒
朝南暮北待公歸
肯讓山陰採樵叟
千點桃花一葉萍
鷗波正漲茗溪口

德州同年李文衆招集見可園二首

東風有約出京華
弭擢相尋到水涯
得地百年因種樹
留春一日為看花
明日立夏亭臺縱好須賢主
子弟多才必世家
直得此間成茗芋
甕頭墨露不須賒
墨露德州名醞也品在盧

酒之上

槐陰小徑轉閒坊
猶記田家舊草堂

田紫綸司寇兩津草堂去文衆居半

里余去春同康給過之

歸路重經疑昨夢
名園欲別惜韶光
濃熏

酒氣茶蘼架翠滴
苔痕薜荔墻最愛一軒幽
絕處紫藤花罩讀書牀

四月十五夜鄭家口對月以江清月近人分韻

五首

孤舟淹旅程初過
平原郡樹色燕帶齊
河流衛交汶可憐
一輪月偏與愁人近
已經連日風更怕
宵來暈一笑起推篷
清光吾有分
余得近字

明月窺我船我影在船
窻我起却望月影落
玻璃江人影與月影
無端各成雙泡幻豈
有情妄見生紛麗不
如抱影坐閉目心自降
右和江字

風止波亦息濁流同一
清小杓夜分江龍頭
注茶鐺須臾波心月
却向杯底生我醉竟
吸之謂是方諸精孤
光入懷抱耿耿留空
明
右和清字

鄰舟悄無聲高臥如避月此時斂舷歌撫景更清越密
疑穿荇藻細可數毛髮微風蕩酒襟涼氣入詩骨純如
打五鼓蓬鐸猶未沒

右和月字

京城豈無月眯目多飛塵從公作上元忽然涉殘春扁

舟落吾手日與魚鳥親始知天壤間清輝屬閒人行行

莫回顧永結江湖隣

右和人字

重過臨清感舊

傷外舅陸射山先生也

重經淹泊地往事獨心驚客路貧相倚歸舟病不輕百
年隨夢斷孤月傍愁生流盡州門淚潺湲是水聲

初入牖

河縈千里曲岸東一門高不有乘流便誰知上牖勞木

此是遺字之誤

痕深記惹石眼密密篙咲指長年說吾舟聽汝搽

次日連上戴灣土橋二牖晚抵梁鄉和座主韵

一月郵籤算水筒快從入閘奏竒功柳綿渡港船船雪

麥浪翻田岸岸風尚有貽封尋晏子

梁鄉屬堂邑晏子食邑也

不教

瀧吏惱韓公河神伎倆全無用鼻息如雷耳正聾

阻牖

健水分支總入漕客程守牖似填壕忽飛瀑布簾垂地

旋滴珍珠酒壓槽鵝鴨淘沙還善沒魚蝦出網竟如逃

人間行止原難料小住差償昨日勞

聊城和座主作

談咲封侯事不難西歸仍作布衣看紛紛眼底皆商賈

只是人情戀此官

南旺分水處

一綫分釐背千帆掠馬鬣江河方日下南北此居中水
氣空灘雨槐陰古廟風兩朝溝洫志但策轉漕功

即目二首

關吏逢迎堠吏譁飛流一道走京華網船果熟盆池樹
驛路香馳御苑花長見名材充土貢幾聞中使出天家
荔枝龍眼隨年例笑拍炎荒萬里賒
子弟梨園舊賜緋樓船南下疾如飛衣冠氣盡魚龍雜
帷蓋恩深犬馬歸桃葉何心隨短楫楊花多事打春旗
就中別有青衫客聽到琵琶泪暗揮

此漕字去聲

韓莊閘口望嶧山湖

嶧山鑿石東作隄天勢半落陂湖西湖波吞天入豐沛
日脚插地生虹霓湖西為沛縣芒碭雲氣忽斑駁倒影摩盪
青玻瓈須臾水光變深黑温盡萬古蛟龍泥洪濤怒挾
風雨至列岫出沒頭皆低呂梁直下二百里但見漁舫
散亂隨鳧鷖琴高可跨吾徑去誰能臥壓蓬底同鷄栖

新河

別穿地脉轉龍腰新插荒堤柳萬條故道視同甌脫地
小兒爭唱復陂謠陽侯受職工粗就幽鬼啼墳骨已銷
莫道治河無善策主恩存歿冠群僚

出嶧後順流揚帆

此粗字上平聲
先生以六陸人
作平聲用韻

牛頭灣接捕兒窩小船出廬如擲梭客程已過十六七
歸夢尚隔江淮河鳴鳩催雨麥秋近貰酒配魚蒲節過
黃流正報落槽信更喜枕上無驚波

天妃煇

淮勢今年盛洪河不敢侵濁流三舍避清漲一篙深瞥
眼移蘆汊回頭失柳林生來供作帚容易待成陰

王楚士惠鮭魚二首

南歸一飽願無餘正及江淮五月初值得老饕開咲口
河豚嘗過又鮭魚

辛苦漁榔逐販鮮江城一尾賣千錢朝來下箸還三歎

半月前頭遇貢船

四月抄在濟寧鮭魚已入貢矣

雨後過馬寒中山居

君家葫蘆山我家菖蒲港山淺游可履港狹行礙榜塘
南十里餘野色平於掌田塍針水足夾路新苗長兩夫
肩一輿四足比雙槩前行忽坐睡縹渺入無想漸聞竹
樹聲出谷遞清響到門山亦住斗室寬且廣尊卣間圖
書目存不暇賞主人爲拍似一一開疑網我老嗜好蠲
因君覺背癢興來乍飛動偶發難自強昏昏燈吐籬灑
灑酒浮盞不辭日過從所願歲豐穰明朝雨決渠濕氣
潤流磔奄觀早稻熟後約赴秋爽

原蠶行

村東村西桑葉綠頭蠶不熟一蠶熟薄於片紙白於脂

五月南風齊上簇，縑車聲中湯百沸。出釜持將易斗粟，去年苦旱秋不登。民命全憑寸絲續，我聞周禮有成法。一歲不容種，再浴蠶多害。馬理或然物類區，區別田畜國家官馬百萬強。惜薪監督煩曹郎，口外官馬設內務府郎中歲收馬矢惜薪履原蠶微利，幸無禁勸汝努力。須栽桑田夫暑雨多咨怨，不如且喫蠶娘飯。

秋鳴集

起甲戌七月盡十月

四十五歲

蟲之鳴，秋候至適然爾。而昌黎以為物不得其平，則鳴。余非善鳴者也，特假蟲之鳴以自文其詩。若云其志弛以肆，則吾豈敢。

送王子穎赴龍游教諭任

子弟芙蓉幕，先生苜蓿祥。儒風吾土近，師道此時難。屈首居貧地，安心送老官。所欣賢尹在，臭味定如蘭。時繆虞良以名進士為是邑令故云

朱竹垞表兄屬題小長蘆圖用阮亭先生體賦

五六七言絕句各一首

君住鴛鴦湖，儂占鷓鴣浦。

一統志云鷓鴣湖在海鹽西南四十里今其名無可考當

即黃道湖去余居十里

同為篔簹翁，貫聽菰蒲雨。

種魚三畝，五畝隈水前。溪後溪認得，隣莊老樹草堂在。

勸巢西

白首初辭供奉班，一身那不愛投閒。江湖老伴多星散，

知己無如父子間。

德尹閩歸戲調之

盧橘楊梅已過期別來鄉味剩空枝
八千嶺路到家日
算是荔枝初熟時

補和大司寇徐公遂園修稷詩限蘭亭二字二

首

別起林園十畝寬築亭何必更名蘭
杯流細浪魚鱗活
花補新巢燕羽乾春事無如三月好
人情特去一官難
吳中父老矜稀見每到佳期約伴看

獨擅千秋著作庭文躔光透老人星
官同白傅歸仍蚤

樂天以刑部尚書致仕史到温公局未停妙手成圖初見畫高僧

入社亦忘形分明洛下風流在不數詩家曲水亭

此原本是在期日第
四句甚字而改在期
之在在期則注不玄



清流山瞻支公塔

石路秋花艷沙田早稻香壤墻連廢寺古塢表平岡境
寂蟬聲合松高鶴骨涼永和年號在苔蝕不成行

天池山寂監禪院

荒榛下接瓜芋區微徑漸上多縈紆山果甘垂紫桑椹
僧廚脆瀹紅竹菇山中所產味最佳三間古殿石將泐一眼碧

泉秋不枯我來登眺試脚力且喜未用青藤扶

過文與也竹塢草廬

坐閱滄桑五十年不知顏狀已蒼然世家文物傳詩畫
相國衣冠傍墓田文肅公未第時讀書丙舍喪亂後即葬增公墓傍亂竹巧澹
行藥徑濁流聞送出山泉文人有福能高臥一榻秋陰

岩邊有石
二字眼



夜至當湖訪李辰山不值

風色晚尤惡扁舟逆浪翻渠添浸稻水雨熟種薑村遠
火欲投岸孤城將掩門到來還躑躅踈磬報黃昏

沈客子舊寓都門所居名獨樹籜自撰七言古

詩曹實菴錢玉友湯西厓皆有和章今來索余

補作仍次原韻

六石迢押韻



沈子清才在塵埃有如菡萏生淤泥又如服鹽駕鼓馬
下有逐電追風蹄青衿蚤為命所制百甕未了酸寒齏
三年四門作都講啄粒亦到官倉稊人中嵇紹本易識
孤鶴氣壓千群雞家家朱門當大道爾獨隘巷尋卑棲

歸來欠伸看礙戶一咲入戶頭仍低空庭得樹翻自言

有滄仰視雲萋萋忽驚霜禿九秋幹旋見雨長三春萸

隨巢晨拾赤脚婢落葉夜掃長須奚問君此間亦何樂

乃挈穉子携山妻狂來對客發高論塵柄手捉談天犀

北郭槁枝聊隱寓東方窶藪真滑稽孤松祇宜伴彭澤

五楸大可娛昌黎翻身買權竟南下野性終近深山麇

故園喬木正合抱町疇旁接澆花畦昨非今是恍夢覺

涉脚尚淺幸未迷伐檀河干等無用美哉河水清漣兮

塘西訪張介山病

十年小別隔江淮重叩溪南煮藥齋醫可活人偏善病
闌非拒客况吾儕名場交作吹葦冷老境詩同噉蔗佳

一髮弁山青到眼吳興游屐與誰偕

初意欲約介山同遊湖州故云

哭同年王載安

判袂京華半載餘扁舟歸造故人廬不圖別後遊難續
只道秋來病已除五畝未曾營世業一名無復上公車
讀書已悔生涯誤還望孤兒讀父書

張權六招同許舜功王載南兩學博及兒建泛

碧浪湖徧遊近山諸寺觀次東坡汎舟城南會

者五人韻四首

葑田秋漲碧鱗鱗依舊清風起白蘋且喜此遊客我輩

不知當日定何人

五人者自蘇而外皆不著姓名

鱸魚入饌羹尤美鷗

鳥迎船意亦馴載取烏巾名釀去黃甘寧數洞庭春

木樨香透老僧齋爽氣宜人樹樹皆詩興賴君多撥觸
秋光為我洗塵霾峴山客到茶如雪碧水船移酒似淮
已辦芒屨斑竹杖丹梯隨意轉雲階

道峯負石還兼土遠岫當窻晴可數花到秋林不喜紅
竹生幽磴何妨苦平鋪稻壟翠千頃高引炭烟青一縷
斜陽緩緩送遊人出谷猶聞上方鼓

佳處溪山意未厭塔鈴一角響風簷烟波野渡初迴棹
燈火河房半捲簾愛客不嫌官獨冷過時誰道日長炎
敢誇豪氣除難盡痼疾聊從好友砭

雨中奉陪座主徐公及韓丈子蘧放舟夾山漾
欲遊棲賢不果歸登峴山作四首

手卷二字俗語
不可不入詩

過盡迴谿十里長孤城回首漸微茫風鯉曉氣魚蝦斷
水減秋痕鴈驚鄉菱蔓欲牽絲已脆荷花雖敗葉猶香
船頭忽指前遊處白塔紅亭認道場夾山漾在道場山之陰
野色天光入望奇融成一片綠琉璃展開手卷王濛畫
收拾才情杜牧詩畢竟清遊宜寂莫尤難好景是迷離
桃花莫被漁翁誤秋在斜風細雨時
選勝初期汗漫遊棲賢不到恨空留橋低忽礙尋山路
興盡非關冒雨舟瓦竈分泉烹紫笋印泥開甕試清芻
買田合向吳興住蟹舍魚莊一網收

亂石多成劈斧皴窪樽亭外勢嶙峋一州文物傳孤碣
逸老堂明世廟朝鄉先生劉南坦顧箬溪創碑尚存前輩風流剩兩人屏擁弁山

高簇簇簾鋪雪水細鱗鱗名園長泊鷗波畔座主新買一舟名秋
水細數陪遊第幾巡

中秋鳳晨堂讌集

吳興我初到風景值清美縱為冷澹遊亦戀佳山水矧
迺多良朋盍簪履錯趾十日九放舟波光嵐影裏夜歸
漏必下旦輒扣門起如此以為常行期難準擬中秋節
漸近未到先屈指朝登鳳晨堂少長各就齒森然敬愛
客未覺肴核侈是夕雨忽晴天容出新洗華燈挾朗月
激灑落杯底倒影射空堂濛濛烟霧紫談諧雜絲竹觴
政不暇理我醉問主人雅集歲凡幾答言良會難雲散
波旋委自從庚申後十四五年矣庚申春吾邑陳寄齋來作社集同學

近無多含情侯知己此邦富人文繁敦執牛耳耆英洛
下社子弟高陽里往往前輩交久要或在此平生好求
友出門失桑梓落魄肯見收同心庶堪倚溪山勿吾咲
來往自今始

鄭春薦唐殿宣諸子招集湖舫二首

萬株老柳陰猶綠四面青山影欲沈此段秋光真冷落
孤山不泊泊湖心

誰遣秋娘來喚渡忽攜風雨到尊前老夫借得纏頭費
無數跳珠盡入船此乃俗矣

明日再飲春薦宅座有濮姬吳人也姿性明惠
臨別口占四首

肥

故人道我風情在別選紅粧勸酒卮不料窮歸無好句
累他羅帕乞題詞

絳蠟花開照卸頭眼波入鬢却橫流問渠肯顧含何意

一笑千金異日酬

落拓生涯大可憐江湖人老杜樊川倦游雙鬢無多白

白盡紅燈綠酒前

風雨催人向婺州輕裝半月算歸舟富春江外無潮信

鴉舅霜紅在晚秋

時余將往金華

雨發江干

晶晶江光去昏昏海氣連雲沈離岸樹風漲落潮天熟
路便孤客輕裝稱小船十年遊跡在重檢舊詩篇

在字未盡

富春舟中先寄桐廬學博吳鹿砦

朝發定山村暮投富春渚清江帶小郭檣影稀可數已
飽挂帆風猶聞滴篷雨山環水疑盡水轉山復吐本為
寂寞遊未覺應接苦桐谿喜漸近中路有賢主

劉南村署齋同鹿砦夜飲二首

浙西山水縣最好是桐廬地僻本無事君才長有餘秋
林聞割漆晚岸見留魚許我來相就嚴陵好卜居
故人多薄宦解后見交情燭院三更話風江半日程山
肴蒸栗熟法醞帶泉清醉裏騎官馬星光照出城

舟次桐廬聞唐實君補授儀曹喜而有寄

謁選初聞欲赴秦唐已選朝邑令奉旨特留改官特荷主恩新

起家科第原難料得路文章洵有神東閣游揚因客重
南宮期望感君真欲知喜動江湖色忘却身為失意人

嚴灘早發

恍如鼓打巖頭成催起栖鴉天未曙飛星過水如有聲
若霧迷津忽無路長年眼昏心手熟已報前灘暗中渡
遠氣朦朧日射穿秋光紅上嚴陵樹

由蘭溪縣坐茭白船晚至金華

疎林野岸開平遠漠漠江天秋向晚陸龜蒙鴨戴嵩牛
一帶村家供畫本赤松門外問長年拍似金華小洞天
偶然走入羊群裏去作人間狡獪仙我與初平稱莫逆
重來已是千年別可惜巖頭乏主人亂山依舊堆頑石

過屋額相近以以方孝
多取以入中卷在也此
原石者意是意之
間或以必情徑古莊
以為額準則二涯



絕
長



登寶婺樓

斗杓倒插勢凌虛，高出城端五丈餘。
一雁下投天盡處，萬山浮動雨來初。
別開戶牖通呼吸，旁引風雲入卷舒。
八咏門荒詩境改，讓他仙子占樓居。

金華趙鹿友明府招同家春谷兄賞菊

四先生里古金華，循吏如君自一家。
早稻喜嘗豐歲酒，秋庭閒放午時衙。
官同彭澤宜栽菊，客到河陽許看花。
猶勝寒糴貧博士，朝朝巖洞訪烟霞。

歸舟雜咏六首

湯溪蘭蕙及秋香，覓本猶煩遠寄將。
多謝故人先損惠，兩頭載酒作重陽。

教授兄許覓秋蘭見寄舟過蘭溪陸進士紫馭以名酒相餉故並及之

南遊何事太匆匆，及取歸帆半月中。
轉盡清溪三百曲，萬株烏柏一霜紅。

恨不清江處處灘，一聲鳴櫓下奔湍。
來舩莫妬歸程速，我亦曾經上水難。

昨到金華洞口還，明朝又看浙西山。
風前自覺衣衫重，穿過千重濕翠間。

青山漸遠漸模糊，散入雲烟澹欲無。
畫手稀逢田子久，詩家別寫富春圖。

滾滾秋濤浩浩風，烟茫茫處雨濛濛。
不知誰割東西界，半幅江山展越中。

初換烏篷舩

濤江日夜攬秋天聽雨聽風那得眠莫怪朝來貪晏起
鳥蓬夢穩越人船

山陰道上

道德經翻晉永和書家好事例傳訛至今似帶羲之癖
風俗村村愛養鵝

重陽前一日至越州自太守以下地主無一人
在郡者即日返棹作此解嘲

夢寐平生慕越州偶然訪舊作東遊
半醒半醉他鄉酒黃葉黃花古郡秋
九日溪山無地主一天風雨在歸舟
此身到處初乘興興盡誰能更强留

晚至西興

魚菱論斗米論斤蟹膏擘臍鱉割裙豐年亦覺旅食好
一飽媿與居民分詩人好游無定處乘流則行得坎住
吳山滿眼待登高暮雨西興挂帆去

贈紹興太守王憲尹

千巖萬壑浙江東典郡聲華迥不同七十葉傳王內史
二千石視漢三公誇人詩句蓬萊上寓意文章山水中
誰似先生觴咏地蘭亭原是舊家風

閱邸報知揆愷功改官翰林侍講喜寄二首

邸報傳來遇絕竒才名一日動丹墀不矜官爵由門蔭
獨愛文章結主知跛驚敢爭騏驎路拙鳩休奪鳳皇
池未妨小變平生格從此須工應制詩

知子無如我最真性情長與一編親有才畢竟難埋沒
此事曾經共苦辛草閣孤燈回白首荷塘昨夢隔紅塵
去年沈吟為感傳書意可少當時唱和人
時愷功屢
馳札促余
此行東江已補官
禮部故並及之

敬業堂詩集卷十八

敬業堂詩集卷十九

海寧 查慎行

敝裘集

起甲戌十一月
月終十二月

四十五歲

入都凡三度多在春夏之交未嘗從風雪中跨驢
也甲戌重陽後自金華歸里兩接愷功札促余北
行遂於長至前五日束裝一羊裘已十五年裘則
敝矣而行役尚不知止可嘆也

敝裘二首

中道誰能便棄捐蒙茸雖敝省裝綿曾隨南北東西路
獨結冰霜雨雪線布褐不妨為替代綈袍何取受哀憐
敢擬齊桓狐裘御尚可隨身十五年

冷暖相關老倍知，黑貂何必勝羊皮。留同敝袴非無用，好比緇衣或改爲。取醉難償村店值，有人還當釣蓑披。家貧舊物無多在不忍吹毛更索疵。

山塘與德尹別

歸何草草出匆匆，聚散全非意料中。長路一痕添日綫，是日征衣幾縫裂霜風。未論去國經年別，且喜停舟五夜同。記取欲眠頻坐起，半塘橋北虎丘東。

家二瞻兄八十壽

我觀造化初無權，仁者自壽其天全。老翁小兒兩遊戲，直以渾沌還吾天。不爲物用而用物，歎洩元氣成雲烟。古來絕藝兼者罕，鍾王顧陸名各專。朝川摩詰書未稱。

二瞻生于辛酉
四十二年九月

三絕獨數滎陽度，眉山海嶽不復作。松雪兩派猶相沿，

先朝倪沈及文董，筆力亦足追前賢。吾兄妙手靡不備，

書法入聖詩能仙，偶然點染作圖畫。別有天授非人傳，

興來百紙一掃盡，散去半落雞林船。貴游踏破鐵門限，

欲乞尺幅終無緣，有時自銘退筆冢。經歲或乏看囊錢，

乃知此事因品重，兄豈自負人云然。維揚地薄耆舊少，

流寓欲占文星躔。今年九月屆大耋，初度恰在重陽前。

一門諸弟頭盡白，謂楷五秋茱萸醉插隨兄肩。羨兄晚

節比彭澤祝兄添，丁如玉川兒年二十翁。百歲及看舞

袖黃花邊。

題從孫汝誠倚劍圖小影二首

此句末三字
字甚顯
印

欄具橫腰首袜巾天然秀骨出風塵乃翁已被從軍誤

傷尊公 荆侯 勸爾休為佩犢人

義獻門風世共推汝誠為二瞻 兄嫡姪孫 階庭蘭玉總多才自言

劍術通書法曾看公孫妙舞來

發揚州留別汪庚齊

旅况殘年最不堪何期解后作深談向風嘶馬程程北
背雪飛鴻片片南殘燭乍移寒減半征帆欲挂酒行三
隋堤柳態禁搖落也傍汪倫百尺潭

夜宿邵埭

水柵千家市烟村十里橋蘆灘聲雪雪燈舫影搖搖風
止鷗機息寒深酒力消獨眠無好夢愁度最長宵

公好大孃舞劍
名非舞劍也

淮浦冬漁行

長淮冬涸成溝渠風雪夜折荒洲蘆小船冲冲鑿冰去
冰面躍出黃河魚衝寒捕魚作漁戶手足皸瘃無完膚
三時轉徙一冬復淵數偶寄蝸牛廬無田不得事農業
有水尚欲輸官租自從十年淮泗滿平地下受滔天湖
誰驅鱗介食人肉漏網幸脫鸞刀誅得時鼃鼃聚窟宅
失勢魴鯉充庖厨眼前竭澤有餘憾取快報復聊須臾
但看明年春水上魚鱉又占居民居

輓喬石林侍讀

本朝治水關全局東下狂瀾勢難復先生獨以手障之
言卒施行身蚤逐微車北去全家懼昇櫬南歸萬人哭

百年陰德被淮揚公在九原應瞑目

從孫恒侯自淮安送我渡河口占志別

吹斷西風雁一繩離情鄉思兩曹騰醉衝白日孤城霧
曉渡黃河十里水去意隨蛇遮不住識塗如馬老偏能
未應輕別淮南路隻影從挑夜夜燈

逆旅行

用王半山
轉韵體

行人爲客居人主聊以稱呼代爾汝入門不揖出不辭
主今知客却爲誰等閒無事休爲客幾個相逢尚相識
相逢相識非不多賢於逆旅能幾何

宿遷遇巡河使者

使者冬行水居人歲避河整時停舂鋪何計脫風波賦

斂殘年急隄防下策多皇華期盡職報稱意如何

邳州道中雪

野澗黃河岸天低下相城幾家沙際没單騎雪中行漸
壓輕裝重俄添老眼明路難兼歲晚那免嘆孤征

雪後風日晴暖

陰霾一夕解重圍頓覺朝來朔氣微得暖渾如杜康力
殺霜終是趙衰威細流飲馬知冰釋殘雪隨風作絮飛
至竟村翁勝行客茆檐晴晒木棉衣

夜至馬陵

苦霧噴沙氣若蒸荒程月黑夜無燈前岡十里黃茅路
野火光中見馬陵

滕縣

客從宿遷來日日灌莽裏今晨到滕縣孔道平如砥民
居稍稠密田野亦耨理疎樹排棗梨短樊插棘枳雞豚
飯商賈葱薤飽婦子居然似樂國以彼乃形此滕當戰
國時褊小五十里自從置郡邑其大實倍蓰縣令視諸
侯提封非昔比西南際蕭沛豁達開顧指回頭淮泗郊
窪若陷井底可憐百萬戶頗為蛟鱷徙山東地勢高厥
患不在水所期一尺雪二麥青可起山左自四月至今苦旱

嶧山二首

秦岱分餘脈差堪比附庸祇因生下邑讓爾作奇峰
作俑何人始吾將罪李斯如今山上石多刻去思碑鄒滕

之間丞尉以下俱勒石頌德政

過兗州城外有感

泗水橋西路垂鞭去意遲老為東郡客才減少陵詩白
日黃塵暗孤城萬木悲遺民應已盡莫問亂離時

冒風過東平州暮投張秋鎮

沙旋頭疑眩聲喧耳欲聾不愁衝凍雨直怕遇狂風土
銜煤烟黑爐灰豆火紅老妻加被絮今夜奏奇功

館陶早飯題壁

楊椿迷野岸棗刺拒城壕小縣門常閉紆途僕告勞半
窗東日暖一飯北風餐聊記吾曾到留詩過館陶

夫風至鄭家口

黑雲奔騰西北來平地忽陷山疑頽簸揚砂礫作糠粃
 雜以萬斛葭蘆灰陽鳥退飛翅摧折天狗下墮聲喧逐
 千年樹拔虎豹窟四海水立蛟螭堆我行到此迷失道
 馬立岐路鳴徘徊意中了了識村落目所未見終疑猜
 夕陽乍吐鄭家口豁若明鏡函初開半年遊跡入醉夢
 下馬更盡當風杯四月十五夜奉陪徐座師於此地看月故結處及之

戲題旅壁畫龍

誰言尤物性難馴長養方成爪角鱗畫手不然爭貌得
 可憐曾傷豢龍人

野氣詩

朝陽射北陸野氣何迷濛忽生無根雲幻作有影風

注中何必用奉
 字

沅水波去羃羃村烟封千林皆動搖四顧為虛空我聞
 氣升降閉塞方成冬而此從何來吹萬將毋同大哉古
 今宙都攝一氣中鉅者運鯤鵬細或吹蠛蠓試從一身
 論可以究始終恢恢賢聖途剛大秉降衷養之塞兩間
 浩然靡不充若者為正氣仁義澤厥躬反是則為邪百
 感交外攻五事協五行輕清秀所鍾不鑿渾沌竅自然
 得玲瓏若者為清氣視明聵亦聰反是則為濁人心有
 盲聾生氣眎初發萌芽葆菀蒙不敢輕散抒所以厚蘊
 崇若乃礪咲又旁開騁談鋒是名曰殺氣取快誰見容
 朝氣爽且朗古鑑磨青銅不事察察明謙謙與人恭其
 或長傲慢鴟張徒予雄是名曰暮氣衰至驕必叢凡此

機相關動與呼吸通不知野氣者其類當奚從或如葭
蘆灰候至應管筒或如古井水冬暖冰常融然而無附
著所向皆游蹤於人似客氣往來日憧憧熏面使黧黑
醉顏發狂紅移之入金齋饋餽侈然豐移之襲官骸咳
嚏歎霾零又疑天壤內物理難終窮蒸沙詎成搏煮石
豈得鎔受性不受氣造化誰尸功不如且坐睡萬象歸
朦朧

趙北口坐冰床

古堤老柳一時僵水腹初堅黑白洋稱與長途休馬加
昂寒半印坐冰床

白溝旅宿感舊

甲戌爲作卷首

南北勞勞已十霜瓦橋關外又嚴裝今宵新月入窗早

去日小鬟如我長斑髮重來無伴侶甲子入都同錢玉友翁樹服已巳則

家次谷陳元之庚午春同姜西滇南歸舊題幾字失偏

甲戌復偕翁康怡輩北上皆宿此店

立春日同愷功侍講作即用敝裘二首韻

土牛寒氣漸應捐猶戀征袍未拆綿東閣探梅還有信

西堂夢草獨無緣憶德尹春生帝里如相就老傍侯門越

可憐南去北來成底事暗消髀肉是今年

逝水流光黯自知依然一室對烏皮冰將釋硯真吾幸

雪可搏獅任客爲老柳受風終蕪約孤松經凍太離披

詩從鍊後鋒銑出正要旁人摘小疵

再疊前韵示愷功

上在後

半生習氣老來稍熨貼終輸裹鐵綿待兔祗疑株可守
求魚方悔和難緣偶然鴻爪留還去果否蛾眉妬是憐
一種東風消不得髮邊霜雪又增年
與君相對春風裏只有冰壺不掩疵

奔香稿大身

讀白奔山人詩和愷功三首

白奔山人即南唐之白者抄本詩上句

亭長臺邊一酒徒仰天故作大聲呼氣驕星宿生芒角
手擘山川入陣圖急縛何人攫怒虎叢祠有鬼托妖狐
眼空江表衣冠族搖筆猶堪殺腐儒

人謂狂生本不狂漆身吞炭事何常亂餘賓客搜亡命
赦後英雄耻故鄉寶劍塵封三尺水麻鞋寒踏九州霜
隨身一掬瀾翻泪不哭窮途哭戰場

一卷頻浮大白開即論詩句亦雄才到天峭壁千尋立
破浪長風萬里來石火光中亡國恨鐵函井底後人猜
可憐芒碭無雲氣山色於今死若灰

酒人集

起乙亥正月盡六月

四十六歲

甲戌偃臘抵都偕家聲山傲居宣武門外與姜西
溟惠研谿寓舍相望自新年始約為詩酒之會吳
中則唐實君趙蒙泉海陵則宮友鹿七人而已湯
西厓錢木菴亮功兄弟時或一至後益以翁康飴

陳六謙狄向濤楊耑木稱爲好事所傳他有宴會
牽率入座大約月必有集集必有詩聲非擊筑名
托酒人各有取爾也

西厓四十初度援筆爲壽兩人交誼畧見於此
非祝嘏之詞也

甲子夏五月我初客燕山逢君槐樹街披豁示肺肝君
時二十九譽滿公卿間我長慙七年姓名尚泥蟠居然
荷兄事齒序非所安因緣求友生稍使徑路寬寧知遇
秋賦別足同蹒跚古寺郭西門頽虬柿垂丹霜天夜蕭
槭落葉堆空欄男兒屬有才九萬絲鵬搏向來輕薄子
洗眼爭相看我時仍失意寸進弓難彎不敢怨窮途借

君激頽頽長恐命運薄終身比劉瓛

音桓

皇天因斯入日

月雙跳九丘壑閑雲霧江湖駭驚湍側聞夙昔遊一一

趨金鑿如君尤聳拔刷羽超鷁鸞落筆中書堂集賢群

聚觀大官饌常賜內府金頻頒 至尊賞文辭步接螭

坳班猶能念微賤枉札來榛菅感君期我深暴棄難自

拚勸我舉京兆送我赴春官憐我下第歸臨岐話悲酸

誰當旣得路枯菀仍相關長途冰雪交鶴語今年寒還

家席不暖又鞞衝風鞍人皆嗤此來此來豈無端君年

適四十正及叨杯杵君壯騰青雲我衰改朱顏詩成非

善頌聊記平生驩

元夕前三日飲惠研谿寓齋與錢玉友亮功分

韻

春寒半月透重絲曲巷層冰凍尚堅策蹇人尋行樂地
快晴天趁挂燈前侵陵白髮違歌酒惱亂朱門沸管絃
誰似閒官能愛客朝衣典去作新年

與陳六謙戶部話舊

二十年前兩酒人京華相見意尤親田園斲返如孤客
邸舍翻來作近隣難就微名成我懶未除宿習取君真
狂言自駭家僮聽誰識忘形舊主賓

上元夜同唐實君趙蒙泉宮友鹿家聲山飲姜
西溟同年寓分韻得雨字

北風未解嚴刮面射强弩富兒馬足塵游子衣上土我

有同年生一椽望衡宇每因赴讌會暫得命儔侶時節
近上元滿城竟簫鼓公卿例名客僂指畧可數燭幌白
生虹燈屏紅窳堵空明大圓鏡爛熳散歌舞可憐玉川
居破屋用茅補荒庭一堆雪月色帶清苦也復呼其群
經營同地主不辭口腹累為愛風義古酒行爵踰三殺
列簋倍五先生鄙肉食下箸輒欲吐如何點食單亦溷
烹魚釜西溟性不嗜肉或誤食必以清水灌盥而盤餐乃具此味即此毋已奢誰能
諒貧窶我窮興蕭索藉爾作豪舉雅令既匝巡拇陣捲
風雨主人但旁觀堅坐恣狎侮肯為餅告罄相勸力須
努新詩信手成險韻鬪虢虎費君三月俸醉我一夕許
忽聞耳熱歌寒律變温煦

姜西溟性不嗜肉

王赤抒新葺一齋名曰野航邀余對酌出詩索
和即次原韻

忘機到處總虛舟別起齋名借櫺頭已是除塵得瀟洒
若教臨水更清幽兩三人可同君坐五六年應爲此留
閒殺鷗邊好風景荷塘宜夏蓼宜秋

白田喬侍讀有家伶六郎以姿技稱已巳春

車駕南巡召至行在曾蒙 天賜自此益矜寵

庚午四月余從京師南還訪侍讀於縱棹園酒
間識之有青衫憔悴無如我酒綠燈紅奈爾何
之句時東海徐尚書射陵宋舍人慈谿姜西溟
俱在座相與流連彌夕而散去冬北上重經寶

此等句既多
又不多筆力存
之何用

應則侍讀下世旅櫺甫歸余入而哭之盡哀何
暇問六郎蹤跡矣及至都下聞有管郎者名擅
梨園一時貴公子爭求識面花朝前八日翁康
飴戶部相招爲歌酒之會忽於諸伶中見之私
語西厓曰此子何其酷似白田家伶蓋余向未
知六郎之姓也西厓旣爲余道其詳竟酒爲之
不樂口占四絕句以示同席諸君

鬢影衣香四座傾風流爭賞米嘉榮就中獨有劉賓客
曾聽涼州意外聲

鴨桃花外小池臺激灑觥船一棹開春色滿園人盡妬
君王前歲賜金來

一群穠艷領花曹頭白尚書與最豪記得送春筵畔立
酒痕紅到鄭櫻桃

茶烟禪榻隔前塵存歿相關一愴神自琢新詞自裁扇
教成歌舞為何人

題楊次也所藏朱北山墨繡球花

春風壓簾吹不動簇蒂攢莖密無縫美人纖手搓欲圓
嬌身一袖低更重駢枝倒挂玉蕊仙暖氣散作藍田煙
粉痕洗盡墨光出自有此花無此妍

花朝實君招同西溟蒙泉研谿西厓友鹿聲山

寓齋雅集分韻得過字青字

二月無花看今年雨雪多不辭官獨冷翻喜客頻過酒

差於鳥對人
徒未知此句必妥
用坊字字

掃門庭潔芟除禮法苛愛君新句好諷諭擬元和
客久頭垂白交深眼倍青坐銷愁裏日來聚酒邊星假
借通隣曲盤餐及使令春郊花事近後約更旗亭

題項霜田讀書秋樹根圖 項涪錢唐人

讀書未必皆識字涉獵耳目為窮探此生枉伴蠹魚老
飽蝕卷帙寧非貪文成有韻或吞剝事出無據徒撻擗
熟從牙後拾王李纖入毛孔求鍾譚橐駝馬背所見少
自享敝帚矜著簪雷同不滿識者笑人盡能此燕無函
蘭茗翡翠稍秀異什伯略可數二三時情祇取供近玩
崇雅刪鄭誰能諳我持此論眾大怪相戒勿聽無稽談
廿年硯田困衣食撥置夙好隨阿媪排辭偶句受人役

渴飲墨汁同潘泚有時間作崩強語蓼辛荼苦終非甘
項生乃有嗜痴癖謬辱推許張頤頤謂余頗可附同調
與別白黑分青藍君才於世故無匹氣象外拓神中含
屢遊京洛結文社獨向魯國稱奇男空拳亦足搏犀兕
大鼎詎止容罍甌一鞭入海走巨石千丈倒壑回枯柟
迢迢鸞鶴控紫極活潑魴鯉游澄潭才高氣盛心轉細
獨繭一一絲抽蠶問君此境豈易到確有階級難匆參
向來正得讀書力閉戶萬卷曾沈酣源流正變瞭拍掌
北斗在北南箕南光開飛電十行下機發伏弩千鈞擔
搜奇抉險富詩料然後所向無矛鏃庭空樹老得秋早
霜色染葉黃於柑一編信手愛露坐何用白石藏書菴

命工作圖索題句爛壘相對吾奚堪遇君尚應三舍避
君愈降氣余彌慙詩成乞與摘紕繆蹇鈍猶冀隨驂驛
此間風景有何樂曷不歸去同書龕

料絲燈史畊巖學士屬和即次原韻四首

勿論萬縷與千絲似密還疎製絕奇玳瑁筵前凝作片
珊瑚網底爛生枝華堂金屋年年換錯綵粧花種種宜
表裏孤光原洞達曹騰醉眼任斜窺

宛宛長廊小院東藕絲不斷望疑空巧穿針孔玲瓏影
吹透冰肌綽約風簾幙花深長帶霧畫圖山淺忽生虹
琉璃太脆紗紋薄獨愛韜光黯淡中
更從何處着纖塵亞字文迴古錦茵斜拂楊條藏語鳥

密牽苔綫過游鱗。顏筋柳骨書家格。吳帶曹衣鏡裏身。
併作清輝開四照。不勞明月吐芳津。

駢枝儷葉技同稱。點墨何愁誤不興。射角星芒殊眩眩。
照人風骨自稜稜。金波蕩月成方折。玉氣生烟隔幾層。

還與石湖添紀事。詩家新賦料絲燈。范致能有上元吳中紀事長律所載

燈名甚多獨不及此品

趙句

友鹿寓居孫公園與實君蒙泉柴木同巷僕及

西溟聲山相距稍遠友鹿作比隣詩二章亦來

索和因次實君韻奉荅

馬蹄纔過又車輪。廣術相逢亦太頻。不惜往來隨步履。
預防倡和損精神。過墻濁酒能供客。鑿壁餘光倘借人。

便與中央成鼎足。姜居西舍我東隣。

時余移寓疏濤做東

造門不見等離居。俗例持牢急破除。

余兩詣友鹿俱阻于闈

僅約

一條申典謁客談。幾處省傳書巷。連畢曜宜相就。雨過

蘇端肯見疎。添取新篇爲日課。與君直似共鄉閭。

友鹿復次韻見寄恐其有過督司闈之意再疊

韻解之二首

過門何止十朱輪。只有窮交不厭頻。語帶滑稽吾是戲。

弊清摘發爾如神。犬應勿拒重來客。花亦爭窺舊識人。

從此得閒須徑造。巷南巷北總芳隣。

老屋西頭勝儼居。門前無草不須除。未妨排闥來驚臥。

且喜還甌肯借書。踪跡漸同詩境熟。形骸終要禮文疎。

羅漢字



他時野老曾爭席記得漁樵狎里閭

盧樛菴七十壽詩

我愛盧仝居儵然數間屋先朝孝廉宅過者猶屬目再
傳世其家門徑不改築一經稟庭誥自教兒郎讀早年
赴舉場高步矣馳逐同儕重先輩子弟尊耆宿正坐業
太精翻令身久伏科名人拾芥官爵鶯遷谷白髮迫衰
年青衫自初服神恬遜無悶學殖富有蓄紅扶壓架花
翠擁遮隣竹刻鳩拄杖頂放鶴前山足世自開如蛙吾
方靜如鵠回看軒冕客萬事徒碌碌分定兩不爭生涯
籌已熟

送勞書升通政養親歸里

吾鄉前輩楊司馬曾脫朝衫換彩衣祖道回思十年事
都亭又見一人歸白雲去國情相似黃髮娛親古亦稀
不是明時輕解組五湖烟水屬春暉

豆腐詩和楊芝田宮坊四首

服食神仙事不難磴牀幾轉便還丹世傳淮南以丹藥點成凝來

石髓風猶嫩點出春酥露未乾倒篋易償隣叟值顧名

原合腐儒餐人間賣菜多求益休與先生溷一枰

蛙瘦熊肥兩不知太常終歲是齋期半炊土竈然篝火

一頃山田種豆詩饔子貧家先染指厨娘織手並凝脂

來其鄉味君休笑三德虞家有贊辭事見虞伯生集

滑可流匙勝冷淘不爭舌在齒牙牢渾忘肉食聊名儉

雲天伯生贊者能以
對出之史佳

偶佐村沽亦足豪烹雪也宜施翠釜割雲初不費銀乃
胡麻別試山僧法口腹窮奢笑老饕

茅店門前映綠楊一標多插酒旗旁行厨亦可咄嗟辦
下箸唯聞鹽豉香華屋金盤真俗物臘糟紅麴有新方
須知澹泊生涯在水乳交融味最長

問西厓病

小閣藤牀勸獨憑門前仍遣小僮磨一家多累愁何益
四海無醫感又增春酒呼兒看滌器夜碁留客對挑燈
可知七發真良藥莫謂先生病未能

戲題曹希文寫生蒲萄冊

東郭鹽咸陽冶朝入羊暮騎馬生不願封萬戶侯亦不

願領西涼州但願蒲萄垂乳比桑葚日日飽噉只學林
間鳩若使一官值五斗家家爭釀蒲萄酒枝頭無紙上
有誰能截取老僧手圖為鑿上人所畫 釋元璋字世宣公

再題朱北山所畫松鼠蒲萄

兒童把竹竿飛鼠未可逐暮四復朝三蒲萄秋正熟縱
使身輕化蝙蝠可憐兩翅仍兼肉枝頭漸空莫緣木明
朝去竊官倉粟

為次也題秋花小鳥畫卷

一株鴨脚葵色映紅黃紫雞冠似經鬪碎葉垂披靡無
端青螳螂失勢忽落此當其奮鬪時寧料草間委飢禽
不汝貫集啄紛爪嘴似為蟬復仇反覆乃物理二蟲何

風字直送到末句
亦上有致於此是
有是見好不足奇



厚薄是亦可以已我欲解其圍毫端呼不起

研谿傳札訂望後出郊看杏花夜來微雨恐阻
茲遊晨起風日晴明喜而有作

臥聞檐雨滴堦鳴意外東風曉放晴為作報書貪早起
門前吹過賣花聲

送畢雨稼

古藤花底逢朱十為我長吟畢四詩滿眼酒徒星散盡

送君還憶識君時余初識雨稼於竹垞先生寓

三月十六日同西溟實君蒙泉研谿六謙崑木

石城友鹿永年向濤霜田亮功次也南陔至興

勝寺看杏花三首

此杏字生易輕



弄袖風微不起沙野田分路走三鴨十年失計仍為客

一醉無名特借花白塔似招遊子騎青旗錯認美人家

金丸落處休輕逐小立逡巡避鈿車先經摩訶菴不得入

幸是韶光處處同勝遊隨意轉芳叢別開香界松林外

遙指烟村杏社東黛色濃添三面綠日痕微減一分紅

只須十步凌丹閣多少花頭在下風

此是作客因風力不易到也

及記當時載酒游舊題幾壁拂塵留重隨客到僧猶識

不待人言我欲愁牧笛聲中芳草路鞭絲影裏夕陽樓

花開花謝年年事豈料傷春易白頭

看花之會已成七律三章朝來崑木分牋屬賦

七言歌行再作一首

朝陽簷前報乾鵲起赴城西看花約東家借得蹇驢騎
快比揚州身跨鶴豁然雙眼對明鏡草樹無塵光躍躍
倚牆初見一桷紅掩映垂楊作村落漸行漸遠入佳境
花海茫茫浸樓閣雲晴霧散天微霞日色烟光互迴礴
自然得氣少人妬縱使餘寒何處着卯酒消來玉頰鮮
牙香熏透春衣薄蝶沾葢粉或雙去燕拂花鬢時一掠
乍看半吐或全開百面疑聞腰鼓作因思前夜沾沙雨
特為催花龍起壑不然万本及千株那得同時齊破夢
此花舊是仙家種肯向人間傷簾箔自從禁苑植樊籬
已勅居僧司鎖鑰寺後為進御菓園兒郎避路歌巾帽嬌女窺
隣少媒妁可憐寂寂寄空園也似飄飄客京洛憶昨初

來年尚壯歡場往往貪酬酢松林古寺摩訶菴幾度陪

遊履相錯

乙丑丙寅間屢隨大司空朱公少司馬楊公遊此

侍郎歸老尚書歿

前輩風流久寥廓我留紫陌十經春白髮隨梳旋墮籜

去年三月曲江宴橫路紛紛爭出郭此時稱稔更思鄉

未免當春懷抱惡豈如今年風日佳得喪心空別開鑿

青袍莫漫感憔悴紅袖羞堪慰淪泊楊家公子好心事

兩世交情宛如昨已逢勝侶盡名流况是閒官能脫略

雖云雅集忘賓主治具終煩佐脾臆

是日備木治具花前醉倒

十五人坐有車公寧不樂歸來忽忽記前夢後會悠悠

付成諾禪房借榻眠海棠野圃穿畦行芍藥勿嫌生活

太冷澹竿木逢場聊戲劇只愁火急促新詩顏謝方將

題六五長

此首可不在

海棠詩有故留在前

豈易言却此詩却

不自注出故全集卷

服其膽

被陵轢尋花本意取陶寫覓句翻教困悉索直須境過
兩相忘滿紙陳言總糟粕

狄向濤庶常訂同人會飲海棠院是日僕適有
他招別請卜期研谿以詩相恼戲荅之

一春命侶原多暇半日看花奈少緣我為顏唐姑避席
讓君獨作海棠顛出劍南集

三月晦日向濤治具招同西濱實君文饒研谿
六謙崱木霜田亮功次也南陔岱瞻宗岱社飲
寄園向未與會而今至者則胡芝山周漁璜張
天門陳堯愷姚君山玉階兄弟

客居感節物鄉味想櫻筍及此問名園忽驚春向盡歎

畫畫之畫在樓
部不在餘部

鞍垂柳外曲徑紆徐引側帽入丰茸迴身轉欄楯群賢
次第到虛坐前後盡出曲禮讀上聲俗作儘眾芳如媚客四顧少

畦畛丁香垂紛披藤蔓縮菌蠢海棠不少待吹作胭脂
粉那無水一池鼓吹出蛙黽似嫌太寂寂作意破寒窘

鯨波捲百川目眩空花墮亭臺亂金碧有若浮海蜃日
飲正無何老狂良足憫唐侯但坐視出語顧見哂余與天門

亮功鬪酒盡酣實君有老馬入駒群之戲幸無性命憂何用須臾忍春衣行
且換紅藥期將近三百青銅錢敝裘尚可準

陸澹成侍讀招飲丁香花下同西濱崑繩寄亭

作

花繁葉密暗迴廊為放庭空特撤牆翠幕雲遮天四角

紅燈人醉樹中央春。鮓小院離離影。夜受輕衫漠漠香。
曾是往年連榻地。重來容易感流光。丁卯巳巳間與家
荆州兄盤桓此地
最久故
及之

何倬雲戶部招諸同人飲藤花下

前日飲寄園自辰徑終酉連朝發酒病解醉仍思酒一
笑赴佳招相逢復開口入門庭宇曠槐陰寬半畝高格
架藤花有若魚貫柳其梢多倒垂其蔓必上走蛟螭起
拏攫纓絡飄絲絡翻愛急雨來不嫌濡我首殷勤得賢
主諧謔因良友衣上指唾痕花前傷老醜人間好亭館
豈必皆已有但願興到時深杯長在手

四月八日飲劉雨峰新寓分韻得佳字

十年論舊雨一日破清齋俗傳浴
佛日去覺流光速來食小
住佳時出乙丑讌
集詩卷見示槐陰深小巷花氣近斜街早晚南舩
到重看酒似淮

題張浦畫太白像

此芒角生酒星仙才謫人世清平三絕調醉裏一噴嚏可
憐高將軍不中作僕隸脫却夜來鞞飄然從此逝

題張儀山中丞溫陵紀事後

見說溫陵事安危繫一時潮頭開郡縣虎口奪嬰兒報
國原臣分封侯豈數竒置身如事外不勒紀功碑

贈范方仲

秋兔千頭瘞禿毫鋒藏鏑欵似無刀費他京國三年住

此自是坊間古人
況向大宴列深

頑石如山價盡高

為翁景文題畫

綠蕉葉折風無賴紅蓼花垂雨不情一個草蟲鳴似訴
故來紙上作秋聲

宣德素鼎歌為山左李繩其作

西方金苗變黃白躍冶辰砂歛成赤神工范出形製竒
不用雷紋鑿饜饜腹圓口直中央歛一綫縈腰起凹凸
其高四寸下半之其厚三分旁稍溢以衡測重斤踰二

宣德小爐重者
不過二斤四兩

以指量圍弓滿的寶光蒸出耳雙環濃

乳垂為足三隻膏流似覺層波涌肌潤何愁熾炭炙瓊
瑰碾紫柔作團鞞鞞凝紅嫩將滴照來妖魁敢逃影吹

過雲烟不留跡神光離合乍陰陽氣候盈虛異晨夕世
人好古搜彞敦耳目遺亡闕金石此鼎傳從宣德年居
然上與商周匹國家元氣在宇宙百鍊千鎔聚精液後
宮侍女罷添香講殿中宵尚前席曾從天上拂袍袖一
落人間似淪謫忽經吾眼真可憐尤物無多增戀惜君
不見城南片雨朝來急電掣金蛇飛霹靂玉川破屋那
許留万丈光芒穿四壁

翁康飴寓齋看芍藥分韻得回字

都城洵繁華物色互矜銜豐臺紅芍藥千畝開芳甸嗟
爾本名花因多乃致賤半開遭天闕不許遊人看却被
賣菜傭頃筐雜藜莧根株兩相失本性須臾變相逢衢

此局亦不得出

陌中識者爲一泫翁生官戶部郎舍如郵傳近移槐樹
街意取買花便連車載兼土愛護同婉孌小雨爲扶頤
清泉與醜面瓦盆三十六手自摩挲徧亞窗斑竹欄步
障青油綉花如感知遇爛熳答深眷其大比盤盃或歌
學團扇高低隨所主向背視所戀負恃各爭妍誰能分
最殿豈無一尊酒就汝諧終宴未免爲紅筵經營好奇
簞書生例貪嗇耳目有歆羨學道吾未能紛華易交戰
有情且相對即事驚稀見絕勝洛陽園花時閑深院

送趙二聞郎中分巡兗東二首

望郎才地早知名榮戟新臨古任城負弩三州迎刺史
降階一揖禮諸生山連翠岱雲常潤濟入黃流派獨清

任平

我是南池舊遊客送君不覺動吟情

君家邸第好園林槐柳周遭十畝陰子舍縱牽他夜夢
宦遊何負老人心共傳清節胡威綃自有家風趙抃琴
此去國門看擁傳拾遺親授大官箴

送鄭禹梅郎中出守高州三首末章兼示茂名

宰王令詒

高涼名宦自來無君到方能重此區不信試徵唐宋事
潮州韓與惠州蘇

八十高堂兩白頭扶攜齊赴上瀧舟荔枝龍眼均珍膳

不要同官易播州

時范國雯得延平故及之

曾依日影候花甌此去人情似左邊猶勝茂名王大尹

脚靴手版謁同年

王與鄭皆戊辰進士而茂名為高州屬邑

送陳梅溪之任階州二首

一家鼎盛十朱輪仕籍君偏比積薪早歲科名曾入洛
半生官况兩遊秦陳前任綏德州牧時平不設當關戍路僻稀
逢入蜀人鄧艾城邊間草木也教窮谷識陽春
一官聊與俗沈浮不改頭銜計亦優稍喜分符同領郡
敢論無蟹有監州重關夜度群雞月絕塞書來斷雁秋
多少郎潛愁索米羨君已似跨青牛

古詩五章呈吉水大司空李公

盛治際中天六卿盡文獻發揮為事業器量隨所建公
雖長冬官其氣實涵萬放之彌宇宙舒卷視膚寸道在

本非夸逢時獲初願

百川日東注赴海同一門豁達意何廣函容道彌尊乃
知延攬塗中有仁義存清濁具本性澄觀得其源君看
下成蹊桃李初不言

西江一瓣香自昔人文區歐公門下客磊落皆名儒千
秋復代興隻輪賴公扶官高能下士此義今人無
空谷有幽蘭披披自含芳一朝采而佩顧盼滋容光顧
盼何足多貴登君子堂識者或見賞當門忌孤芳向非
特達知標榜慙互相

男兒感恩地茲事豈可常不敢泣窮途恐為知己傷拙
守無詭遇異營戒岐旁百年屬有身利鈍誰能量於公

負期許脈脈終難忘

次也讀書王園夏日偶過之索詩題壁

地僻人聲覺林深曉氣通棗花開帶刺藤角墮兼蟲擊
柝過佳客傳餐累小僮避炎知有處來就北窗風

虞山嚴杏修爲尊人仲甫先生乞六十壽詩并
以錢湘靈玉友亮功所賦五七言長篇見示故

詩中並及之

吳中數交遊屈指首嘗熟錢生十年舊直以心置腹因
之策同人京洛異徵逐初逢嚴伯子氣靜神冲穆涯涘
未易尋徐徐視含稽名駒果有自孺染出家熟子有兩
老親筭旬竝踰六昨歸爲上壽再出何太速所傷名未

成負米營斗斛此來復相見執手語反覆爲言屏幃詞
排偶難破俗人間好官爵祇用填滿幅不敢濫乞言所
以省干瀆君詩有真味是則我所欲出示三長篇得隴
且兼蜀孝廉筆竒矯榦老枝葉禿交情叙三世中有滄
桑錄大錢善形容繪畫列眉目小錢騁才氣汎濫到朝
局已無餘地留故乃相迫促吾詩何處著譬若蛇添足
然而難固辭即事生感觸江南氏族盛甲第紛相屬寧
知一再傳竟爲他人卜君家好門閥墻宇本先築豈非
文靖公清蔭及喬木仲甫爲相國文靖公曾孫當時歸逮養歲給大
官祿人生惟此難餘者徒鹿鹿即今時代換往事如轉
轂正賴後人賢流風承式穀先生實高隱祭酒推鄉曲

雖荒下溼田尚保檀橋屋時情有豪奪世守無輕鬻冬
缸葑可熬秋圃棗堪剝窺池荷夏紅掃徑莎春綠平生
十萬卷又課諸孫讀同牢四十年尚享齊眉福子行及
歸奉此樂天倫獨古人重名義飲水兼啜菽斯言倘足
徵庶當嘏辭祝

酬同年張聲百秦中見懷之作

舉子稱同年厥名自唐始其初本鄉貢往往維桑梓地
近情易親論年序以齒師門就行列有若一父子名雖
托友朋骨肉差相儼至於試京兆半屬九州士或者徇
虛聲紅箋報名紙泛交乍隨俗相背旋棄屣刺盾動以
矛憑身孰如几余生久落魄場屋困別趾初度降惟寅

微名歲在癸秋蛾眉換綠看鏡抱深耻得附當代賢不

才聊自喜君家好兄弟

令兄逸峯亦同榜

健翮冲天起竇挂有

雙枝田荆必連理京華獲交儻伐木酒親醜古道朗照
顏相期各劇壘嚴霜妬竹柏猛雨欺桃李散作湖海萍
流行隨坎止省親君就道落第我歸里關城杳何窮秦
樹吳雲裏何期再入洛冰面躍雙鯉寄示長歌行光芒
開顧拍聳身登二華長劔插天倚黃河如修蛇起伏見
首尾自然得竒句萬象聽驅使我欲從之遊塵埃誰料
理矧慙詩力弱難與諧宮徵遲答故人書半年坐嬾耳
以詩乞王麓臺給諫畫山水

婁東富文獻世守鄴侯架太原老奉嘗腕底斡造化當

楚展志玉畫必初
白詩必相效畢
夏少何老福初
白之詩在蘇臺
西名上

年書畫蹟貴豈文董亞至今賢子孫餘韻足瀟洒黃門
蚤登第群從俱方駕朱紫接烏衣丹青陋曹霸朝廷無
闕失邪舍多清暇坐令拾遺官風流資醞藉時時出餘
技落筆妙天下屏幃滿京華林泉不吾借篋中一幅紙
欲乞防見詫生平山水緣無厚入有罅搜竒得餘快歷
險慣不怕所媿言少文烟雲經眼乍如何不自量見彈
求鴉炙意從良友申間請掖垣假朝來傳好語命以詩
易畫余以宣德紙從吳元朗轉乞君畫君語元朗是不可無夏重詩詩來則畫往矣我詩頗拙
速敢托不敏謝古人重踐言相值寧論價君其勿堅壁
致我長避舍

附次韻

王原祁

龍山查先生峭壁青松架讀書百鍾鍊等身與古化
清健更瑰竒韓蘇之流亞興來爛熳題珠玉繽紛灑
余聞心折久畏友敢並駕霧豹窺半斑騷壇戰而霸
欲為訪戴遊一官苦無暇坐令鄙吝生他山何所藉
小技試盤礴每耻居人下粉本追宋元筆墨四家借
腕弱媿癡肥定為識者詫譬彼窺月魄餘光逗壁罅
慘澹心神疲甘苦方知怕開闔變化間微茫得失乍
始覺吾祖高至令人膾炙拙筆非許田奚為拱壁假
真宰雖難搜勉力為君畫木爪配瓊瑤何以云報謝
荒率懼覆瓿賴公以長價紈扇懷袖中秋風弃上舍
次日麓臺為余作巨然山水并次昨韻見謝再

登韻奉謝

玳瑁裝書籤珊瑚供筆架我無二者樂宿習故難化新
詩出寒窘郊島或流亞一窺著作堂顏汗豈勝灑千金
享敝帚蹇足追高駕何異貧家兒蓬頭媿王霸方當苦
酬應供給日不暇先生地望懸乞者無憑藉十年率未
應惜墨肯輕下始知高人胸與俗少假借於余獨不靳
脫手洵竒詫用意取巨然危峯拆天罅趁人何窳兀劣
睨心膽怕細觀入秋毫恍若置身乍漁灣舟可檣樵徑
轂可炙勢成風雨晨不待休沐假猶嫌尺幅短更以詩
補畫人間有真境躡屐當追謝但恨多牛翁青山索高
價菟裘營已晚惆悵道旁舍

王服尹見和乞畫詩三疊前韵奉畱

米家書畫舩秋蔭傍藤架為君下一榻四壁烟雲化

時下榻麓臺齋中

京洛少名園精廬乃其亞可無一斗墨興到

供揮灑君才况如江衮衮高浪駕偏師壓小敵勢欲戰
而霸篇終味深穩語妙神閒暇平生績學功授受有承
藉淵源大可溯派自震川下幸生君子鄉師友不外借
何當謬引重恐被識者詫昨日乞畫詩細聲風出罅蒲
牢懸我前欲扣吁可怕強顏托夙契結襪交非乍憶昔
隔墻居淋漓濡酒炙已已寓居上斜街與孫愷似編修近隔一垣長從服尹飲六年
一醉夢歲月不我假青山憔悴容此景豈堪畫君歸約
髯孫吾亦偕小謝來詩及家德尹披圖賦招隱尚可長詩價忍

負好溪山挑燈向客舍

計閻昭索題看菊圖

勸君莫種菊。種菊須澆灌。本自隔年培。根從立夏判。苗
新虞蠹蝕。葉密防雨爛。三時倘失勤。那博一秋玩。不如
走廟市。取辦在一旦。捧土上瓦盆。妍媸誰復辨。十年客
都邑。萬事皆眼見。披君看菊圖。使我發長嘆。

題曹渭符舍人畫扇

移得城南魚藻池。便從紙上寫淪漪。畫師正恐妨魚樂。
不着飛來雙鷺鷥。

費子葛陂屬題小影

費生客京華。氣帶秋山爽。學詩兼學畫。盡離俗害幽賞識。

君塵坱中十載一俛仰。羨君烟霞姿。瀟洒不殊曩虎頭。
為寫照見者皆拊掌。秋根走雜樹。中有落葉響。可無松
亭亭配汝王。朗朗勞生輪。下坂歲月成。鹵莽誰知靜坐
人。一日可當兩。

題趙天羽給諫小照

長身七尺紅兩顴。成佛要在靈運先。兩塵相隔一毫末。
中被官事相糾纏。豈知生來具慧業。即現宰官為說法。
一林紫竹是禪機。只在眼前誰見曉。

送同門朱介垣掌科請假還吳

燈簾夜看秋菊花。酒徒爛醉東西家。竹垞去官君請急。
近社花開少顏色。明朝我亦作歸人。二老猶堪結比隣。

扁舟同訪籬邊屋及取霜前香稻熟

希文將南歸次淵明田居詩韵來索和章四首
故鄉去我遠縹緲三神山風塵一涉足忽忽傷徂年曹
生靜者流心若珠在淵不使閒草木萌芽荒寸田如何
瀟洒姿亦復趨人間一官比薪積後至爭居前坐看車
馬衢群情動如烟秋風夜入戶曉鏡增華顛身先候雁
翔心與浮雲閒歸期服勇決臨別翻欣然

老馬悔識塗亞身受羈鞅時因送人處一發田園想田
園近荒蕪計拙迷孤往家書昨日到久雨蓬藿長八口
恒告飢憂來難自廣生涯事游情獲報宜鹵莽

萬人浩如海酒伴日以稀曹生後我來今復先我歸家

人占喜鵲不寄秋來衣因之報歸信歲晚寧相違

讀書三十年如農守阡陌出門視蒼莽蹙蹙靡所適君
看入貲郎朝發不待夕時來誇際會抵間快投隙得官
如驅羊舊給廩養役課奴力耘耔課婢勤紡績識時乃
豪俊章句工何益

敬業堂詩集卷十九

敬業堂詩集卷二十

海寧 查慎行 悔餘

遊梁集

起乙亥七月
盡十二月

四十六歲

中州名勝之區也同學許霜巖謁選得陳留宰邀
余偕行涉滹沱循太行東麓歷趙衛梁宋之郊按
程計之古蹟不少資其車騎供我吟眺亦足以豪
矣

將有中州之行七月七日姜西溟唐實君趙文
饒惠研谿楊崑木宮友鹿項霜田錢亮功湯西
厓馮文子楊次也陳元之家聲山餞飲於陳六
謙邸舍席間酬別

屋簷秋網拂蠨蛸，弦月如弓挂一梢。剪燭談深宜夕館，看花人散憶春郊。窮無好句供傳寫，老不中書代解嘲。賈君見送詩有舍人官職是虛名之句來本無名歸亦得，只愁飲餞累貧交。

出都晚宿寶店戲示許大令霜巖

又是南程發，初我今戴笠。爾乘車衝泥，早歇林間馬。積潦秋生戶外魚，十度棘闈憐報罷。一官花縣喜新除，屠龍妙手牛刀割。餘技猶堪理簿書。

涿州過渡

胡良河蔭青葱柳，督亢陂連宛轉城。但覺林中無暑氣，不知風外有蟬聲。喚迴塵夢秋初到，誤墮吟鞭馬一驚。

自笑年來詩境熟，每從熟處欲求生。

上谷城南旅宿見河亭姪題壁

客路逢連雨，秋原洗鬱蒸。人投曾宿店，鼠瞰未吹燈。一榻夜涼入二更，殘月升忽看題壁在。為爾掃秋蠅。

早過慶都

棗林槐埂翠模糊，十里烟光接慶都。堯母陵荒秋草徧，戴嵩新畫牧牛圖。

定州口號

劃花小盃愛初燒，秘色傳來閱四朝。莫打磁甌輕試玉，人間方貴定州窑。

新樂有感

客路匆匆過定州鮮虞臺下小遲留輿圖西漢中山國
恩澤先朝外戚侯支棗詩成歌樂十種瓜人去感新疇
眼前風物全非昔細草鳴駝一段秋

晚渡滹沱

涼風蕭蕭響白荻老鶴啣魚作人立小船爭渡晚尤喧
濁浪兼泥秋更急中流仰看團團天太行突兀當我前
未知馬首向何處千里夕陽橫紫烟

麥飯亭

蒼皇那免嘆途窮大業幾隳小衄中名號未尊誰是賊
英雄有識獨從公兩河子弟收星散一飯君臣見始終
值得將軍依大樹不勞上殿更爭功

鉅鹿道中

要害畿南在必爭時危往往屢稱兵居人不重侯邑里
過客猶尋石勒城雲挾常山蛇尾動地連汾晉犬牙成
如今不用論形勝徐黍秋郊一望平

豫讓橋

首四句姜西溟舊作也
辭意未盡為足成之

趙入宮臣廁中趙乘馬臣橋下區區欲報國士知可憐
一死何能為君不見博浪一椎雖不中置身事外非無
用

邯鄲縣呂翁祠

幻妄浮生豈有涯何妨鼠穴駕牛車貧兒好作遊仙
夢怪事偏傳小說家事出虞初志古道蹇驢多北向空庭秋

日又西斜人間官賤黃金貴乞與燒成九轉砂

邯鄲懷古三首

口舌相如位上卿從教趙括喜談兵璧歸間道雖難奪
師出長平已被坑唇齒連衡如有約虎狼縱暴本無名
淒涼蔓草荒烟地民命無如戰國輕
美人一笑元無罪不殺難邀好士名趙勝何曾識毛遂
信陵差解重侯竊符來袖裏圍方解雖脫囊中事竟成
碌碌因人嗤若輩也如跛客強隨行
北道何期得鄧晨信都南望尚迷津群情正是思劉日
假號先歸賣卜人計定一軍終拔趙怨深三戶必亡秦
不妨暫作逡巡避龍準諸孫自有真

自杜店至磁州與霜巖並馬行

一天風露野田秋曉路熹微辨馬頭槐柳陰中辭杜店
芰荷香裏到磁州鷄鳴巷陌烟初起鷺立陂塘水慢流
過此頓忘身是客與君題壁紀清遊

渡漳河

夜聽邯鄲趙女歌起乘殘醉渡漳河天垂曠野名都壯
路入中原戰壘多細雨一蟬高岸柳西風匹馬故宮禾
灰飛瓦解尋常事誰管繁華委逝波

曹搯疑塚

分香賣履獨傷神歌吹聲中總帳陳到底不知埋骨地
却教臺上望何人

鄴中咏古四首

洹水清流見麗譙，鄴中氣象太蕭條。詞華不過誇三國，

人物誰能算北朝。冰井臺荒秋瑟瑟，香姜閣廢雨飄飄。

齊磚魏瓦人爭托，想見當年土木妖。魏銅雀瓦色青內平印工人姓名皆

八分書以為硯貯水數日不滲齊起鄴南城磚瓦皆以
胡桃油油之當油處有細紋曰琴紋有白花曰錫花古
碑大者方四尺上有盤花鳥獸紋千秋萬歲字其紀年
非天保則興和又有磚筒承簷溜者花紋年號皆同內
圓外方亦可為硯按王荆公詩云陶甄往往成令
手尚托虛名動後人則真品在宋時已不可得

自從僭竊起當塗，虎視中原氣總粗。大抵奸雄皆好亂，

居然割據亦稱都。車中不少彈箏客，案上頻繙聚米圖。

十二渠成流澤遠，至今土壤號膏腴。

林慮平聲山色尚蒼蒼，太尉登朝事可傷。豈有公孤能翊

漢早知廢立總由梁，勢成刻兔驕三輔。禍始金蛇恨永

昌，慚媿上書收。葬吏猶傳郭亮配，楊匡

錦衣別築相州堂。使節移來自武康，公獨勤勞兼將相。

誰能事業更文章，威名要取雄殊域。宦跡何嫌避故鄉，

碑版兩朝尊。顧命豈徒一記重，歐陽

湯陰縣北村家

烟際露茅茨，田家正午炊。韭花秋逞味，棗實晚垂枝。放

犢青蕪岸澗，麻綠水池地。偏稀客過籬，落有人窺。

入大名界紀水電之異

朝行渡黎陽，四望如絕徼。又如入霜野，慘澹初經燒。古
墓多白楊，連根拔當道。棗黎盡僵仆，隋實滿泥淖。村中

涇水之涇去古

禾黍空天半鳥鳶叫客心慘不樂經眼非意料道逢白
髮人下馬亟慰勞為言前七日陰氣變晴昊疾風西北
來電雷乃前導須臾大雨雹奮擊恣凌暴為拳為芋魁
所向等飛礮居民屋瓦裂墻塞及井竈行者不及防人
傷馬傾倒濟南滑之北廿里陷冰窖草木生其中焦原
同一燎含悽問隣舍旁有豐年稻邑長豈不知逡巡莫
以告我為田父語天變非人造不聞平陽城一震跡如
掃殪戶十萬戶蔽野復誰弔朝廷憫災傷天下乞言詔
公卿滿臺閣相視無寸效被禍爾猶輕區區胡足較

滑縣

停鞭小立聽潺湲魏滑分河在此間

自洛以東百水皆
會於此喜沈亞之

有魏滑
分河錄樹杪帆檣瓠子渡城西風雨大任山野無秋草
年仍歉地近朝歌俗尚頑誰與牛羊典芻牧未應蒿目
委時艱

長垣道上戲示霜巖

前行忽引朱衣吏夾道爭看擁似蜂却咲相如緣底事
也隨車騎走臨印

從蘭陽渡黃河入大梁境

馬頭半月看烟鬟行過燕關漸軼關今日中流回首望
黃河截斷太行山

閱陳留縣志雜題十絕句補其所不載

幡然臺外野雲黃畎畝餘風重此鄉不解後人偏好誕

每從田叟問空桑

伊尹生空桑語
出呂氏春秋

漢祖初來厭監儒監門長揖互挪榆入關全賴教倉粟

計出高陽一酒徒

鄗食其陳留高陽人今
縣有高陽堡即其故里

割肉齏諧父老旁千秋銘記有中郎羨他社宰封侯地

不改當初戶牖鄉

蔡邕索昏庫上里社銘云惟斯庫里
古陽武戶牖鄉陳平由此社宰佐高

帝定天下按史平
初封戶牖侯故云

殺雞自作高堂饌草具何妨對客供一飯成名真有幸

天教季偉遇林宗

伯喈本意欲東奔失計何人與訟寃畢竟殺身緣一嘆

九原應悔出私門

分茅幾姓列王侯古郡相傳屬此州若以報施論漢魏

後先亡國兩陳留

漢獻帝從陳留王入承大統
曹奐為司馬所廢封陳留王

假道穿渠到小黃

五代通錄李珣曰河南有外黃下黃
漢書地理志陳留有外黃小黃縣五

代史改小黃
為下黃訛矣

赤松祠下月茫茫鎬池遺壁今還壁氣盡

人間十二郎

事見大業
開河記

北狩蒼黃宋兩君徵兵諸路咲紛紛平時誰畫元豐策

輕汰畿東捧日軍

宋都汴陳留為畿輔要地舊設天武
捧日等軍元豐中有詔裁減故靖康

之禍近
無聲援

養士恩深三百年倒戈迎賊怪爭先殘黎及記滄桑錄

死事人稀一尉傳

崇禎辛巳十二月賊由襄鄧北來汴
南州縣望風迎降陳留署令某庸才

也不知所措典史邵大濟秦中人
竭力拒守城陷不屈全家投井死

濁浪高於師曠城風俗傳人隨廬舍盡東傾至今雨濕

天陰候過客猶聞鬼哭聲

崇禎壬午決朱家寨水入大梁浸淫及於陳留城內外水

深丈餘屋宇盡沒邑無居人

進

桐城王方日為亡友蔣度臣刻詩集於汴中後

列同學姓名余兄弟與焉度臣之歿宜有哀辭

宿草之哭亦情所不能已也二首

不是無家柰別離蓋棺事了始歸期半生好客皆情累

一第成名亦數竒篋底有金貧官惜人間無路老方知

最憐湖海元龍氣收拾光芒入小詩

迴思腹痛平生語謬托知音撫絕絃長恐雲烟隨散滅

忽驚珠玉已流傳九原可作應相慰同調無多又自憐

不覺餘哀生感激為君展卷一潸然

和霜巖縣齋秋雨八首

陳留井邑荒風俗尚淳古官舍雜民居蕭蕭一環堵移

牀避屋漏正值秋來雨秋雨有時晴茅茨亦易補乘時

無鉅細百廢在一舉

許子天下才卑棲屈茲土到官已十日坐看魚生釜雖

稀傳事柳尚打排衙鼓我來况無事小住因賢主只合

向空齋攤書聽涼雨

昨日牒文來歡聲滿城郭黃河一丈減秋水漸歸壑回

頭梁宋郊禾黍正可穫豈有溝澮盈決防助流惡野人

殊過詐倚杖候乾鵲

荒庭無竹樹草上墻頭生誰知一穴穿已帶秋蟲聲老

夫方隱凡冀息如雷。嘒雨點忽到窓。颯然歸夢驚。此中有佳句。夢斷詩未成。

我友趙十郎索居廩。延城趙子晦時宰延津去此二百餘里河孺一小

邑長吏管送迎。我思往相就。所畏泥中行。乃知行路難

中有躑躅情

殘暑去後。巡蠅聲猶未歇。蒼蠅何足云。壁有鈎尾蠹。孤

燈明復暗。被螫或倉卒。土產多毒人。吁嗟慎膚髮。陳留全

云 蠹故

河流去城遠。掘井不破塊。常時瓢飲難。汲自十里外。官

庖惜民力水。厄亦有戒天。漿忽傾盆餘。澤走滂沛瓶。罌

既滿貯茶味。即沆瀣絕勝。調水符勞心。防狡獪

木榻乘秋陰。徽蒸入布被。解衣背粘席。轉輾出奇計。熱
葦著瓦盆。濛濛透霧氣。苦遭烟炙眼。聊免體被漬。身居
燥濕間。那得兩遂意。

中秋喜晴

連晨苦雨悵淹留。地近梁園客勸游。夢裏無花誰勸酒
天邊得月且登樓。城圍老柳吹笳夕。露灑寒螿擊櫟秋。
却記去年今夜會。滿堂絲竹醉湖州。憶去年鳳晨堂之集

夸門行

秦師圍困邯鄲城。趙人乞援如乞盟。信陵重以姻婭故
坐視不救非人情。三千私客赴急難。致死一戰猶堪爭
今者無端傾國出。不以君命俄專征。宮中符竊嬖倖手

聞外力奪將軍兵鐵椎碎首彼何罪汝自微幸貪功成
誰為此策大紕繆公子幾陷無君名生平下士頗折節
慚媿虛左親相迎私恩不負負大義二者較量孰重輕
先王正道日陵替術士詭計方縱橫不聞死事憫晉鄙
但見好客誇侯嬴史遷本意喜任俠公論久掩吾不平
千秋事往一感歎弔古聊作夸門行

汴梁雜詩八首

土岡起伏向平蕪蕎麥花開侶雪鋪舊日樓臺埋井底
秋來風雨暗城隈鄒枚作客虛詞筆高李論交剩酒壚
少陵與李供奉高常侍同時客遊梁宋間故其昔遊詩
有往與高李輩論交入酒壚之句今城東南有三賢祠
莫怪遊梁無一事已將名姓混屠沽

鞏洛東來地勢窪一條清汴走長蛇霸圖難畫鴻溝界

恨事空推博浪沙

博浪城在府北

衰草平原秋放牧西風古堞

暮棲鴉靈光一寺巍然在

大相國寺踞地最高壬午之禍獨不為沙土所埋汴中樓

閣存者惟此而已留取伽藍記夢華

削除七國獨存梁愛弟終因母后妨禁網初寬到賓客
人相一變起詞章平臺築後門常驕東苑成來志稍荒
但取虛懷能下士豪華原不累賢王

梁

朱趙

遺墟柏汴京紛紛代禪事何輕也知光義難

為弟不及朱三尚有兄將帥權傾皆易姓英雄時至適
成名千秋疑案陳橋驛一着黃袍遂罷兵

歲幣輸來不計緡無端齒冷為亡唇偷生虎穴甘南渡

補作去冬手

忍死牛車痛北巡，翻覆兩家天假手。興衰一劫局更新，幽蘭堂畔誰相惜。只有從亡十九人，勝國分藩本屬周。承平樂事數焚樓，星連北極雄繁會。地是中原沃衍州，樂府新聲翻百闕。書堂名蹟勒雙鉤，最憐禍較江陵烈。河伯摧殘甚鬱攸，蠃穴將穿積勢成。洪流直灌大梁城，運移天險翻資盜。禍起庸夫好論兵，明季流賊圍汴推官黃澍倡議決朱家寨水以灌賊營賊覺而遠避開封翻成巨浸矣。不信龍蛇皆沴氣，可憐魚鱉盡蒼生。滄桑變後秦灰黑，誰見黃河十里清。新標禹廟鎮河濱，師曠臺邊迹已陳。吹臺今更名禹王臺獨向蒼茫時極目，誰當搖落不傷神。空倉雀鼠千村賦，故壘牛

羊四戰塵老傍人間多閱歷，漸無閒淚可沾巾。

宋門別陳叔毅二首

同作大梁客情因去住，殊時叔毅舉家客汴城累君為地主。餞我赴歸途，對酒狂猶昔。謀身老漸迂，未妨吟思苦。領下賴多鬚。

全家猶旅食，別路阻清遊。相約同登吹臺為雨阻近約尚難必，歸期可自由。貯愁聽舊事，挈涕洒神州。令伯元倩先生崇禎末為開封司理莫作長流落，風塵易白頭。

陳留後圃習射示孫周人許繭為

縣齋秋日長，兀坐愁面壁。異書如荊州，欲借那易得。後園有棄地，糞壤經馬蹏。泓然見清池，老眼喜一滌。初看

剪蓬艾次第拾瓦礫朝來箭道成百步盡所歷兩生頗
好事飯罷走相覓邀我日同來分朋控鳴鏑雖無皮畫
鵠縛草聊代的引滿試射之於中寓考績浮情或倖中
詭遇本無適古人一技精往往互砥激勿徒視游戲儼
若對強敵我昔方盛年從軍曾草檄風前餓鴉叫頭上
飛霹靂蹉跎萬念垂漸怕矛頭浙力衰安可強衆醜供
指摘自咲諒無成習勞猶運甕子今心膽壯作此太寂
寂斯言可類推凡百慎剖析

朱仙鎮岳忠武祠

平生感情興亡際往往無端供裂眦晉之懷愍宋徽欽
失國偷生本同類兩家子弟又庸下南渡誰論復仇義

千秋乃有岳將軍欲雪斯慚出奮騰曾經讀史
況到提戈用武地一條衣帶拍黃河倒捲狂瀾作餘勢

當時大業已垂成談咲收京俄頃事乞和語出金人口
二帝歸如反掌易南內何妨奉上皇中原未必虛神器
可憐計算不出此奸相逢君有深意朝廷不要兩宮還
那許疆場壞和議乾坤震蕩功百戰性命風波獄三字
湯陰故里虎林墳幾處經過頻洒淚豈如此地更悲涼
血裹征袍等閒棄二百年來崇廟貌祠創于成化戊戌兩行檜
栢干霄翠北風怒吼印印昏猶有英雄不平氣

與王方日

姚生寓舍晨排闥一咲驚君起著衣

余初識君於同年姚別峯寓中半

面相逢雖草草兩心經別自依依倦游客况秋風冷末
路交情酒伴稀不料尚邀公子顧累他紅粉避燈輝方
夜過余寓適有女郎在座聞公子至避匿不出故戲及之

汴中遇蔡遠士次韻留別三首

與君少小生同里嬾蔡知名二十年今日汴中初識面
鬢絲秋老菊花天

買蟹宵來倒客囊汴城無水味蟹尤難致一枚例索錢五十文一燈相對話

蒼涼舊京風物吾猶記宋嫂魚羹薛嫂羊

馬嘶門巷客將還殘醉扶頭改別顏多感故人相送意

略煩秦女唱陽關時有秦姬在座

韓岡送同年張逸峰之安慶

去年下第傷坎坷君館髯姜西兼客我順風三日不張

帆綠水名園停畫舸一攀楊柳辭春陌兩見榆槐更歲

火那知此地忽相逢客裏班荆當道左大梁城東秋野

濶片片飛鴻向空隨夜騎驕馬到韓岡我倚身強君亦

頗人間裙屐胡足道絲吐春蠶自纏裹天津公子氣雄

豪長劔短衣無不可近聞西陲方有事廟算行將啟邊

鎖時閱邠抄聞出師之報吾曹猥以不羈身五寸垂綏等遊惰君

依官舍獲侍奉時逸峰隨尊甫觀我赴歸期尚難果殘

樽相屬且勿辭黃花正綻霜前朶

重陽日接胡茨村觀察書及見寄二律次韻奉

答

含語相逢兩未申，匆匆悔作渡河人。敢期交臂心相許，及捧來書意果真。白雪愛吟千遍熟，黃花催換一番新。眼前事事俱難料，不爲傷秋歎亦頻。

一序何當重左思，重煩傳語到臨歧。

來書屬余作詩文序故云可知

投劾休官地未是，移床遠客時九日歸心。憐我急十年恨事，識君遲不嫌寂莫。遊梁跡點綴行裝，賴好詩。

將歸故里留別霜巖三首

百里衝煩邑，河流接小黃。鄉程貪漸近，官味看初嘗。家本傳儒術，名猶在舉場。此情吾諒汝，捧檄爲高堂。別後寬相憶，君才百事能。神明真不忝，蘊藉若無憑。世苦需經濟，官廉慎愛憎。似聞田父語，蓄眼見何曾。

里何七稿故耶
此世里二字原可

剛



四海皆兄弟，相關得幾人。不愁官俸薄，翻計客囊貧。却饋非吾矯，論交到爾真。平生知己意，感動豈無神。

答趙蒙泉別後見寄之作

趙壹豈窮人，文章天下冠。成名陷羅網，識字召憂患。平生師友間，慷慨赴急難。一機駭初發，二事將并案。隻手探沸羹，孱軀分糜爛。欲知氣難奪，正賴神不亂。戴盆却望天，畫地詎宜犴。泊乎寃得白，重以讒被間。幸免輸鬼薪，誰堪讀城旦。先生鮮稻怒，一咲春冰泮。脫身楷棊中，去國等流竄。疲驢入京洛，旅食年頻換。囊中綠綺琴，焦尾實經爨。知音世不乏，聽者每三歎。捷徑有爭先，陳人尚魚貫。空持魯褒論，孰下于朱判。遇我夙懷傾，招呼詩

酒伴貧交無強合，失意多聚散。老淚落河橋，離愁渺雲漢。殘秋滯梁宋，仰視南飛鴈。寄我別來詩，開函一腸斷。君心人盡諒，蹤跡聊羈絆。出語忌孤高，時情伺譏訕。

留別吳梅梁表兄

幾日重陽雨，雨晴天忽寒。北風醒別酒，落葉打征鞍。不計授衣晚，欲爲分袂難。他鄉老兄弟，情到勸加餐。

大風晚至杞縣訪李明府不值

沙土晚濛濛，孤城萬木中。氣吞平野日，聲壯渡河風。結伴隨陽鳥，離程極轉蓬。不須煩地主，旅食報年豐。

歸德道中二首

海鴈橋邊路，向東霜消日。氣午怡融木，棉吐子如脂。白

野柿垂條似火紅，驢背人簪雙髻菊。牛蹄塵漲四輪風，旗亭一醉誰同伴。獨把吟鞭過宋中。

寒烟衰草入疎蕪，雎水流同戰血枯。他日江淮論保障，至今祠廟具規模。城連耗土秋多鼠，樹倚神叢社少狐。惆悵繁臺歌管歇，角聲吹落孝王都。

商丘周宜菴明府貽牡丹名種戲成四絕句

戚里名園結構新，千株遠致洛中春。燕中苑圃爭購此花，今秋北去者以

商丘一縣計之已至一千本多情誰似河陽宰，留取名花贈野人。

珍重新寒九月初，歸程作伴太憐渠。渡江船上人爭看，桃葉桃根恐不如。

瓦礫堆墻老圃家，燒餘一片變桑麻。問余臺榭今何處，

也要移栽富貴花
包裹泥封護本根
隔年分種自梁園
得歸且作看花想
未必花時穩閉門

永城縣陳太丘祠

賢人處末流
德器務廣大
先生得此意
名不黨籍挂庸
夫取同塵
君子重遠害
偶然出從政
初不計般最
曾為茲邑長
治道去其太
豈必赫赫名
當前互驚恠
到今有餘慕
俎豆禮無殺
我來謁公祠
下馬肅瞻拜
題詩警俗吏
似為求名戒
不見道旁碑
去官碑輒壞

望碭山

萬乘東南巡
本厭天子氣
匹夫廼心動
走向此中避
雲

氣隨真龍人誰跡
劉季可憐秦皇愚
不及呂后智英雄
論成敗孰者意料事
秋色中原來蒼然
入淮泗蜿蜒忽
橫亘東千里
勢沛祖右肩
濠梁舒左膀
古來雜玉
霸要豈山所致
吾將誦真宰
鏟爾作平地
山色如死灰
嗚呼識天意

南宿州即事

符離城外騎驢女
愛着紅裙愛插花
十里迴車無避處
不辭相送到村家

汴中無魚今日至
固鎮盤餐得此余
方以為喜座有晉人
乃至廢食云吾土有
客水鄉者所親必相
戒勿食魚恐傷骨鯁
也南北嗜好之不同

宿州在河南宿州之
符離州與徐州接
壤土人往宿音相
以故俗稱以多比
別之不得於中二
誤用入題也



如此

各有鄉風兩不知。區區口腹莫相疑。看他葱薤堆盤處。是我攢簪廢箸時。

臨淮曉渡飯於逆旅述老人所言

人影動浮橋。清流繞淮甸。月光水面澹。初日烟中見。中都地脈連。風物南方變。城灣鵝鴨鬧。客飯魚鱗便。逆旅八十翁。自云本武弁。前朝守陵戶。賦役除本縣。自從喪亂來。瓦落奉先殿。天家王氣盡。凍餓甘衰賤。誓死不去鄉。依依豈他戀。曾供洒掃職。麥飯每私薦。孟冬時享近。又欲往營奠。言罷竟出門。回頭淚如霰。

過鳳陽城外三首

帳下居然識帝王。千秋閭墓表滁陽。時來將相皆同里。淚落英雄有故鄉。芒碭天青雲氣散。江淮月白水聲涼。龍蛇變滅須臾事。猶指山名號鳳皇。

元老還朝起廢臣

宜興再相起馬士英為鳳陽總督

二陵收氣避黃巾

忽聞淮泗聲援地

已奉邯鄲假號人

南渡半年輸弱晉

西來群盜甚符秦。青絲白馬他年恨。草木餘威在壽春。

池河驛

古驛通橋水一灣。數家烟火出榛菅。人過濠上初逢雁。地近滁州飽看山。小店青帘疎雨後。遙村紅樹夕陽間。跨鞍便作匆匆去。誰信孤蹤是倦還。

度磨盤山滁濠分界處

只在羊腸鳥道間不知行過兩州山千家大柳烟中驛
一綫清流井底關樵斧樹稀行客倦茅亭茶熟老僧閒
路難馬力尤須惜莫遣鞭多比石頑

清流關

低迷野氣中路斷遇崖嶮陡然拔千丈直上匪由漸行
子中州來巖關此為險其西道尤惡石滑破馬膽步行
到關門一往生勇敢長風捲林薄敗葉撒兩點豁達眼
界開晶熒日光閃少休得古寺徐使神氣斂想當割據
初外戶畫長椽寧知暉鳳擒猿鳥就籠檻邇來幾易代
地僻設防減僧房同故閑鎖鑰誰復檢經過亦偶然形
勝窮一覽

此句度時之國非
上之國也不得以國
門稱
暉鳳之擒不在
此
國蓋注未讀歐
文而致誤者

滁州

岡迴樹轉到城遙甃石纔通路一條細水流應落西澗
韋左司有滁
州西澗詩好山青不盡南譙名賢出守曾相繼異姓
封王又一朝爭說此邦風土好至今生計穩漁樵

舟發六合

馬煩車殆歷開關轉愛江程一日閒吳女布帆十二幅
畫船頭尾載花還

大霧自儀真曉至京口

斗柄插秋江夜行指西東五更乍迷道水氣昏霾濛小
舟一葦如漂蕩雲海中焉能辨咫尺所向疑皆窮何物
導我前群飛賴南鴻稍知京口近忽報金山鐘旭日出

未高半天已先紅。須臾掃無跡。一望東南空。但見旗脚舒平流。起微風。畏途付噩夢。回首猶忡忡。

關吏行

大農按籍加關稅。小吏機乘搜瑣細。吳中支港夜不行。水柵村橋晨尚閉。歸人癡絕良可歎。枯蒲帶土包牡丹。歷馱馱增驟價貴。入船船重關津難。有情對爾應惆悵。近日花網多。北上獨携此本到江南。莫怪椰檉兩相向。

舟中紀事

十月之交冬令行。雷宜收聲乃發聲。嬰兒晝啼天女咲。群蟄啟戶魚龍驚。初聞吳中夏大水。萬頃平疇長蒲葦。又聞蔚州七月霜。盡殺稷菽秋無糧。雖云地氣異南北。

何至天道違陰陽。野人未敢窺天意。目擊口傳非一事。他年誰考五行書。五行志災不志瑞。

雨中發嘗熟回望虞山

錢生玉友約看吾谷楓。輕裝短櫂來匆匆。夕陽城西嵐氣

紫。正值萬樹交青紅。天工似嫌秋太濃。變態一洗歸空

濛。湖波蒸雲作朝雨。用意不在丹青中。大痴歿後無傳

派。此段溪山復誰畫。老夫新句亦平平。要與詩家除粉

繪

吳江田家行

高田去水一尺許。低田下濕流沮洳。半扉潦退尚留痕。兩足泥深難覓路。土墻頽塌茅屋倒。時見牽船岸上住。

敬業堂詩集卷二十一
家家網得太湖魚米少魚多無換處朝廷聞下寬大詔
今歲江南免田賦野老猶供計畝租官倉自貸輸糧戶
田家田家爾最苦有鐵何煩鑄農具平生衣食在江湖
賣犢揚帆從此去

敬業堂詩集卷二十一

易廿一之廿六

敬業堂詩集

敬業堂詩集卷二十一

海寧 查慎行

皖上集

起丙子正月盡四月

四十七歲

去冬歸自汴梁今年擬息勞筋稍理舊業適承座
主清溪公之命與令孫任可偕往皖城避春風
浪之險由四安鎮取山路經宣城池陽抵黃盆口
始渡江皆向來遊蹟所未到也

題三娘子圖四首

并叙

按諸葛元聲兩朝平攘錄三娘子俺答長女也生而
清麗資性穎異善書番文尊中國尚瞿曇每於佛前
懺悔求再生當居中華已受襖兒都司聘俺答通焉

結廬藏

遂奪之。隆慶五年，俺答歸順，封順義王。三娘子封忠順夫人。萬曆壬子，俺答死，其舅黃台吉烝而配之。黃台吉納婦一百八人，以象數珠三娘子佐之。貢市惟謹。台吉死，長子扯力艮襲封。復烝而配之。丁亥六月，扯力艮同妻入邊巡撫鄭洛傳語三娘子無忘香火舊情，卒聽平受賞于弘。賜堡去大同六十里。十七年間三封貴爵，貢市之不渝多有力焉。獨石中軍素善繪，因密圖三娘子及受封三王像以獻於朝，故得其詳如此。馬子衍齋屬周兼畫此圖，索余題句。撮始末使覽者有考焉。

香燈小炷懺前因，一念三生誤隔塵。莫聽琵琶思入塞。

明妃曾是漢宮人

別移部帳事休屠，衆裏方知顧盼殊。百八摩尼齊合掌，

讓他一顆佛頭珠。

詔恩三換等兒嬉，報貢頻頒五色絲。見說兩朝曾款塞，

不知通好是關氏。

埋香青冢亦堪悲，粉黛流傳又一時。想像承平光景好，

風流邊將畫蛾眉。

雨後行園梅花已落力，輩方編籬。

宿雨潤苔痕，幽人杖藜至。池邊一株雪狼籍，香滿地。不忍踏成泥，猶存惜花意。平生無長物，外遇中鮮滯。一出動經年，窺園偶然事。敢爲花作主，吾老身如寄。乃復補。

樊籬遮防亦情累小童如我嬾長養薔薇刺欲剪又踟
躕何當絕非類

食臺心菜

學杜牧在胸次与
用心霜雪餘尺寸取易長土膏發春雨其葉沃以光漸
見碧玉蓼枝枝葉中央初來但小摘爛熳抽四旁花時
籬落間色比黃金黃而我乃為口斲歸滿筠筐芼之供
盤餐指動齒頰香貧家寡私奉婢僕皆品嘗可無勤惰
分於此示激揚園丁給宜厚特以七箸償山田歲不登
老圃聊救荒所慚勞汝力充我藜藿腸

南湖舟次遇魏禹平時禹平歸自濟南余將往

皖上二首

低田幾稜菜花雨野水一灣蘋葉風却向家鄉話京國
小桃猶是別時紅
烟雨迷濛港脉斜葑湖水落吐圓沙春波門外春帆影
君是還家我別家

順風無帆戲作短歌

風頭滾滾浪花白啣尾隣船開絡繹千檣多作挂帆行
弦曠虛弓箭初釋開翎一一雁投渚騁足群群駒過隙
同時離岸我獨遲我坐無帆聊挂席偶然利鈍各有數
相去寧須論什伯來船未必盡無帆咲爾有帆風又逆
董文敏臨米天馬賦卷子真蹟余弟德尹以十
二金購自賣骨董其家鑒徵上人貽書張介老

謂為遠客攫去足值五十金訛老作長歌紀其語至呼弟為惡客且云此公詩歌妙絕特削其名氏正欲寄元激之使戰語托滑稽其實乃深忌之也時德尹已北去戲次原韻即倣訛老體

并示鑒公

前後老遠

古來善書者稱聖亦稱顛張芝采芾相繼出遂覺格勢大變非從前華亭老宗伯落筆何翩翩衆中自集一家法學本人力姿由天偶然放手撫寫天馬賦一斑窺豹知其全人間流落有此本幾逐市販同推遷昨來忽入好事眼三百十字顆顆明珠圓傾囊倒篋可咲不自量巧取或怵他人先腰纏十金一揮隨手盡世上乃有此

種揚州仙還家但徒步不辦書畫船老僧旁觀歎且婚謂此可值五十千大為得者長聲價暉卷十倍增鮮妍語聞張子恍然失固是痴癖寧非賢君家向來收藏亦已夥細入針孔思貫穿得無羨魚人往往猶臨淵去年臥病九十日料理藥物供高眠頗聞典賣及古玩何異開閣散遣諸婢媵故人傳與衛生訣撥棄嗜好年方延性之所近終不化如噉石蜜甘中邊又如雅量斲止酒麴車相遇口角仍流涎作詩相惱覲一擲寸鐵不用張空拳豈知懷寶出間道捲旗臥鼓有似刀藏鉛無端索和乃到我野戰突上荒山巔謂我曾經閱此卷劇壘相向師非偏我能為汝成其輔頰舌使汝鉢腎刻肺飲食

夢寐中難稱書評髯舉大概虎跳鳳翥龍蜿蜒若將
墨寶比良劍也應光恠直射文星躔然而達人宜自廣
美玉豈必收于闔貪多務得物斯聚富而可求吾亦為
執鞭近來書畫大半入秘府居竒幾輩包裹充黃綠三
間茆屋配汝作清供書生習氣如此真可憐猶復嘵嘵
引喙較得失物情什伯千萬胡相懸我於妙墨豈不好
只坐欲買羞澁囊無錢金奩玉軸所見不為儉過眼瞥
爾心恬然必教一一皆已有天地何以生雲烟况聞佛
法無我相試拈此句詰老禪滑稽代作解嘲語滿紙倔
強定有瀾翻篇翰攻倘許破堅壁正恐筆削為無權嚴
詩他日編杜集能禁此客姓氏泯泯終無傳

去秋自河南歸携植牡丹數種春來適有安慶
之役不及待其開以詩紀別

客遊出梁宋地主頗不俗貽我六娉婷相隨到空谷我
貧寄茆茨貯爾無金屋繁華有借境直以名姬蓄殷勤
手親栽不忍委僮僕冬暖少雪霜春陰滋霖霖栽培本
天意私願苦難足可惜姚家黃一株萎偏獨五家尚成
隊紉綺可合族別之豈無情行期為改卜未償道路債
妄冀看花福開時果出門詩讖已早伏余去年詩有未
必花時穩閉門
句明年豈不好吾老狀可掬應咲歸來遲尋春同杜牧

塘西舟中喜晴得六言律詩一首

雨絲渺渺將斷日氣葱葱半銜客路漸逢寒食遊人未

換春衫桃花古渡茆店柳色輕烟布帆此去清溪不遠
數尖已露晴巖

過峽老與之論詩

昨日鳩喚雨今朝鵲報晴村村桃李花處處隨浮萍中
流幾千點著此孤舟輕故人知我來一咲門前迎別來
四十日頗覺太瘦生苦吟誠乃疲中有金石聲子詩人
所怪任意方孤行自喜正在茲焉能博時名引我附同
調背汗顏亦頹失學事情游東西無期程古人傳著述
多在名山成涉獵得其粗不如閉戶精子今雖善病幽
居領餘清物理與天機靜觀皆性情願子堅自信後來
有公評

飲周柯雲家玉蘭花下

小船撐入菰蔣牙主人如客偶在家入門一揖仰面咲
玉樹正吐墻頭花此花畏雨兼畏日難得春來好天色
今朝恰是養花天又被狂風恣狼籍興來相就席乍移
無酒酤我我不辭杯中自吸冰雪影紙上誰賞瓊瑤詞
白雲茫茫屋上下醉眼迷離兩相射鈎簾何用更燒燈
自有花光能照夜

寒食湖上作二首

紅粧催上木蘭舟女伴家家愛出遊多事六橋新柳色
自含烟雨自遮樓
葑田青合去年沙遠岸殘桃賣酒家錯恠東風欺老眼

我來原不爲尋花

題蔡藜輝齋次峇老韻

風過溪來洒面涼一支健水出餘杭平分半幅疑看畫
難得三間恰向陽漁網愛牽簾影動釣絲閒拂水花香
浮家倘許來相就剪取橋南足練光

從湖州至四安舟中大雨

山迴兩崖高路盡一川狹春流不盈尺野艇容恰恰正
賴急雨來須臾同放燠孤篷支兩膝兀坐如被壓問路
屢見給方言亂鵝鴨紆遲終到岸我有安心法首路又
登山回頭憶清霽

雨中過九里岡

平生狎濤江老怯風波惡茲游特改路意取山行樂一
咲我命窮天公大戲劇朝來發古鎮苦雨若赴約肩輿
煩兩夫蹉跌防失脚山山勃姑叫泥滑石齮齶漸上九
里岡險如出劔閣我本村野姿浪遊因落魄無端役人
力揣分非所托稍待天放晴前林候乾鵲勞生就徒步
庶免中心忤

廣德州

山勢豁一州中央據衍土地當江浙會開拓自洪武長
興環其東外捍等干櫓西南界宣歙兀突重巖俯長江
乃北門集慶倚堂廡當年耿鄧功拱翼事真主張吳勢
雖偏力絀不得取時危有鬪爭事往失險阻如今城下

路日夜走商賈獨有好事人登城尚懷古

連日風雨山行頗有寒色

盤旋八九里下上千百尋身在雲氣中不知山淺深雨聲挂奔瀑風響交長林空谷早晚寒颼然作秋陰初疑春不到忽有啾啾禽

飲十字坡茶菴

連岡踏成泥山骨似無石汙池之所緒土赤水亦赤瓢漿乃時需解渴聊飲血一飲不自持吁嗟遠行客

紅林橋

山花不知名山島多聚族深村窅然入樹影散晴旭人家石橋邊共吸一溪淥年豐旅食賤市遠無魚肉但覺

此茅小五古皆極
成辛

松毛香茅簷燒筍熟

宣城道中喜晴

宣城古郡風土嘉就中最樂惟村家我來正值積雨後雲氣解駁生晴霞岡巒過盡徑路坦溝洫流去田塍斜新茶未焙穀雨葉早稻已茁清明芽長鬚搖風翻宿麥新翠著地鋪胡麻柴門相接綠陰裏籬落綴以朱藤花迴思連日走旋濤若涉大海無津涯人間乃復有此景始覺大地猶春華

曉望敬亭山懷梅耦長孝廉

千峰含霧爭出沒惟有敬亭先得日相看不厭吾亦云可惜游踪難自必都官詩派誰復論家法傳與長身孫

孝廉詩好畫亦好不愛城市居山村昔在京華曾倒篋
看畫求詩情頗狎入山不訪住山人古者論交無此法
山川興到尚可乘他日重來能不能作詩為報句溪叟
聊記吾曾過宛陵

高嶺菴小憇

再上已無路中休宜有菴花陰移客座松氣接僧談俯
視風斯下端居戶正南一泉香積味慚媿荷分甘

渡清弋江

一曲清江抱白沙牧之佳句舊曾誇乍離古渡舡如葉
初換春衫客憶家遠處人烟連竹色晴來村店忽楊花
亂山青過陵陽路遙指雲頭辨九華

飲劉濂菴光祿慕園二首

恬澹知君性中年早罷官自耽泉石趣轉覺世途難為
我開花徑携樽就藥欄肯辜楊柳月深坐到更闌
此來吾有幸別圃得春光地主留花待詩情被酒狂歛
門煩兩使愛客到諸郎千里能相就何須置鄭莊

南陵早發

林深葉密曉冥冥旭日初啣霧未醒小店門開惟土竈
一菴僧閉但茅亭秧從布穀聲中綠山向畫眉啼處青
獨與野樵爭路入偶逢釣叟覺魚鯉

山家柴柵編竹而不築墻云以拒虎虎能喻墻
而不敢窺籬蓋疑其為陷穽也作虎落歌

危巖下瞰千仞壑猛虎騰身只一躍東村黃犢西村羊
入室踰垣恣饕虐山人不以墻禦虎插竹成籬用藤縛
目睛如炬不敢窺疑是中間伏機獲天生人智爾則愚
咆哮作力胡爲乎不知此法自誰創陰絕覲覲真良圖
周防莫遣樊籬破與虎爲隣可高臥

蕎麥灣大雨

蹇驢蹙躃牛蹄重雨脚斜飛密無縫雲蒸霧氣取境迷
泉挾雷聲撼山動詩人好遊復好奇衣沾履濕去不辭
人生行路難如此偏在溪山最好時

山店阻雨次徐任可韻

長程愁冒雨小市喜臨橋旅飯留人住征衣借火燎溪

喧窻逾靜吟苦膝頻搖莫作衝泥去尋山不在遙

行經九華山麓欲登不果任可有詩戲次其韻

玉池瓣瓣蓮石角株株筍去天纔一握豈可尋文準一
百六青峰峰峰入吾眇終焉就埋沒雲霧諒不忍天如
憐詩人久被陰雨窘雖非鸞鶴姿稍異蟄蟲蠢撥雲使
就道迴馭控鞅勒我僕忽告勞從旁乃微哂平生汗漫
遊衰暮興易盡向來徒碌碌臨去猶惓惓寄語雲中人
塵寰終遠引他年香案吏名籍尙未泯

碎石嶺詞

黃泥岡頭白日黑竹雞一聲石盡扞杜鵑勸客不如歸
鷓鴣阻人行不得居人慣聽不覺愁一蓑背雨唱歌去

我與爾同風馬牛

初至皖城喜遇同年姚別峰兼招程松皋舍人
宜城渡頭三月尾荻洲新漲河豚起片帆帶雨剪江來
意外班荆得姚子人情得隴每望蜀便想同時兼兩美
作詩更欲招之罟東向樅楊寄雙鯉大龍山頂龍眠麓
起伏尻脰百餘里晴光欲動草翻烟春事將闌花潑水
君能命駕姚亦留猶及同看紅藥蕊

程松皋得余所寄詩即夕自桐城命駕過皖次
東坡喜劉景文至韻

偶然折柬相招呼起聽雙鶻鳴庭隅知君與我不遐棄
古義鄭重今人無肩輿西來二百里疾足遠致兩僕夫

欵門大咲發狂喜屐齒忽折行須扶余頭漸添種種髮
君頷競長鬚鬚須別來三歲遽如許尚不作達寧非迂
勿嫌江城春已晚百物生意咸昭蘇梢頭紅藥若有待
含語未吐真名姝烟花滿前太狼籍風雨賴汝能支吾
有情相對且盡醉只恐酒醒仍江湖

懷寧劉東臯明府招飲薔薇花下

江城十日九日風遊絲落絮飄晴空春光却在令君宅
別館布席依芳叢竹籬半庭添曲折葉幌一架穿玲瓏
不知花頭幾萬朵但覺香靄浮簾櫳晚霞烘天鶴頂赤
杯面倒影魚鱗紅小胥抄詩浣清露狂客噓氣攄烟虹
人言簿書妨作達正坐才短心憧憧如君治劇本閒暇

應酬之作
必存

豈有塵霧能相蒙神清政簡若無事佳興自與遊人同
不辭小戶徑霑醉髣髴置我葡萄宮酒闌更話十年舊
獨惜座上無車公朱梅人與劉同
邑交好故云
三月二十九日賦餅花
客中春忽盡僧舍少嘉樹野草着幽花荒庭邀一顧膽
瓶貯遠汲紅紫插交互雖深攀折憐且免風雨妬新枝
若矜寵昨者便成故也復有遊蜂窺尋入窻戶沾泥落
衽席等是閱朝暮微物感吾心流光去如鶩

晚晴登安慶城樓

浩浩風聲轟轟沙大江東去日西斜雄關地脉來千里
古郡山頭有萬家一鳥帶烟投皖口亂帆如葉點楊槎

最憐落拓重遊客獨倚高樓看落霞

同年左子畏家上臣各有魚米之餉詩以報謝
裹飯初來似趁虛可能彈鋏賦歸與故人館俸慚供米
久客江城愛食魚垂餌欲分鈎上粒勸餐恐有腹中書
頻年自識勞薪味指動無端忽累渠

與子畏上臣飲楊令詒孝廉宅

映門新漲碧鱗鱗步屨相過近有隣江上萍踪三月社
意中雲樹十年人傾來竹葉休辭醉飛到楊花不惜春
曾是東風同下第每逢高會易傷神

寓窗書所見

孤城低壓青山麓人在山樓正倚窻忽有一帆移樹杪

始知花外即長江

僧房多鼠戲次青丘集中乞猫詩韵

物以黠著名其性故狡獪詩有穿墉譏史徵渡江恠兩
端持首尾同穴爭勝敗宵行競睚眦晝伏避噲噲飲河
恣取滿食角忽入隘寧拚五技窮肯守一貪戒客來寓
開院古佛同破解下榻地無多群來擾我界迎猫古有
訓攫噬冀大快香積乏魚餐餘蔬雜饅餲公然掉尾去
窺瓦等歷塊坐長鼠輩驕法門幾大壞聲疑蝙蝠叫惡
甚蠅蚋嘍齧綫衲旋穿污几經屢曬懶禪倒頭睡并少
沙彌誠龕燈乍明滅慣伺神力憊客主滿堂中欺人盡
龔蹟老夫非不聞恥與鬪機械逝將歌去汝鞍馬早可

鞦韆復忍斯須歆眠發長噫人間老吏多斷獄豈盡賣
磔之肆階下微命直草蒯害有大於斯么膺法猶懈豺
狼問當道此語堪下拜

皖城遇張損持庶常

別君四年前養痾臥鄉井繼聞君遠出訪舊歷鄆郢藥
裹頗關心川長徒引領何期皖城下邂逅歸帆整春江
展明鏡照見兩人影一訊眠食佳再看詩句警所欣神
氣旺餘力出鋒穎男兒鬪身強即事有循省我貧甘瓠
落踪跡雜蛙黽君本青雲姿霜蹄早已騁姓名上館閣
著作富彪炳間亦事清遊官情冰雪冷却將燕許筆收
斂耳目景自咲捲波瀾人誰測千頃猶然荷降氣采取

到頑礦故交豈不多幾個念萍梗迂踈踵後悔窮老戀
真境且盡十日歡歸期敢遽請

答婁東曾蘭坡次唐實君考功扇頭舊韻

唐庚

謂東江

吳質

謂元明

並詞壇珂里流風尚未殘白髮江

湖稀老伴青韶朋舊半高官千金買賦愁何益二頃求
田計果難慚媿新篇謬推轂故應仍作布衣者

任可將歸有詩留別次韻奉送三首

來何草促去何輕話到臨岐百感生並轡山程驢沒淖
對眠禪榻鼠窺檠豪除湖海陳登氣老傍江關庾信名
行李累君吾轉媿不曾彈鋏為魚羹

欲解孤舟又覽維留行無計且遲遲夢回風雨春將老

興盡江山句益竒萬事到頭難逆料獨行何地不相思
人生只有情難割容易并刀剪亂絲

胡麻好種盍言歸悵望郊園白板扉隨水孤萍無定所

時余又將往益城

出巢雙燕又分飛鄉音伴我人餘幾家慶如

君世絕稀也道此番非遠別不知何事倍依依

損持見和前篇再疊韻奉酬

君才如轆轤倒捲百丈井運斤乃成風巧斲無匠郢和
章出神速佳處心獨領鬪險初以竒好暇仍用整余姿
實駑鈍何敢望鞭影未免竭蹶趨因君聊一警終焉免
冠謝老秃管城穎有顏知自慚在痛無不省稍窺作者
意此事力難甞一生坐好遊四牡蹙靡騁忽悟旋已迷

不文焉用炳北風吹短褐暖律中微冷逝收汗漫蹤少
補桑榆景鳥健叱兩角碧沼開半頃欲回焦穀芽如鑿
石田礦賦才亦分定造化豈可梗君苗硯欲焚邊幅窘
詩境詞華公等事稼圃吾所請

同損持任可步入一指巖

借居古寺如雞埭破窻無紙戶礙看庭荒草蕪一無見
臥聽別院鳴黃鸝故人敲門不暇懶邀我近出同尋詩
平岡路轉百餘步忽有曲徑穿疎籬春光已殘夏方淺
景物正及清和時新篁飄籜兩藪藪老樹吹絮風披披
石榴初綻的皜葢勺藥未吐婀娜枝三間精舍好位置
高下恰與林巒宜寓居纔隔一垣耳向所未到今追隨

自慚百事坐頽廢覽勝亦荷同儕貽

酬詩僧愷月

十日吟牕悵獨凭不知同舍有詩僧感深逆旅皆為客
快比西南乍得朋芳草一簾花外磬綠陰半榻雨中燈
從今便結尋山伴我着芒屨爾擔簦

詩筒為損持賦

誰將圍寸竹截作徑尺筒粉筠削盡肌理出玉質外瑩
其中空為君滿貯詩千首投以琅玕報瓊玖寄去寧煩
六六鱗捧來須得纖纖手

周通守劉明府惠鮓魚感賦

江橋市氣鯉細瑣雜鯁鰻鱓鮓及子鱗邂逅適我願鮓

魚乃海味族類去人遠無端四月初來就捕魚蝦成群
吹柳絮力小波濤困高價買銀刀充庖復奚恨千錢易
一尾竒貨居負販何當地主情絡繹餉懦鈍於余誠過
分爲爾勉加飯憶昨京口城南包充北獻 至尊珍七
筋官長申重引千艘網夜集卅驛沙晨歎爭致五侯鯖
誰焚百金券自茲遂成例難以什伯論乘時規盡取挂
一肯漏萬遺落偶人間搜羅又焉遯生平持竿手意釣
本無悶竭來江湖遊飽食慚頓頓仁人砧几憐豈獨泯
恩怨竭澤慎須防擊鮮毋久恩

登迎江寺塔同程佐衡作

江山本無窮遠景域近見凌空得古塔覽勝斯獨擅方

當賈勇登寧計足力倦一層一喘息屢上屢迴旋漸覺
所歷高團團目雙眩大龍鱗甲動掉尾曳正練東沈九
子烟西掣五老雷日光盪浮氣顯晦呈千變何來萬斛
船初若葉隋片須臾到城下鳧鴨依稀辨應有舟中人
回頭望雲巘江心拍倒影了了識我面多生幻妄緣顛
倒徒自炫不如且鬻憩萬象付虛盼直作御風行冷然
有餘善

次韻畬劉東臯

展翼須大風負舟視積水我無二者力於義昧知止魚
鳥兩忘機波流任縈委蹉跎不自覺憔悴今老矣華髮
映青衫無由脫塵滓近携詩卷出聊復向江汜邂逅劉

文房清吟壓錢起君家五字城藝苑久擅美千鈞斬龍
角八扎洞犁耳也似奏牛刀嗇然入媵理專家尚難到
碌碌况餘子不謂簿領中兼長乃有此訟庭懸一鞭客
座設四簋文書日堆案遮眼愛經史咳唾隨口成珠璣
誰得似猥蒙獎許及欲報慚何以君本大夏材干霄養
桐梓交章岳牧薦名姓上九齒猶復滯河陽年年種桃
李警諸閭草木臭味在蘭芷廊廟亟需才遠琛棄西珥
築臺收駿骨應自郭隗始班超筆未投卜式爵爭徒輸
邊半文吏磨盾雜象弭曷不走從軍尚堪作嚆矢

中語

三疊前韻答程佐衡

吾黨得程生紛綸五經井變風欲刪鄭高調乃和郢跌
蕩到文壇鶴鵝可獨領談辭聽奮發儀度看修整實至
名斯隨有如燈取影昔年入太學都講拔清警衆中頗
不凡揚藻謂見穎淒然經報罷徒步告歸省余時亦客
燕瑁操語交黽鴻飛豈顧弋馬繫終思騁內熱聊飲冰
寧堪膏自炳至今清夜夢一咲齒為冷小別曾幾何雙
丸劇馳景回思十年事倏忽若未頃君猶錐處囊我已
鐵錮礦向來期許意土偶遇桃梗正賴好江山鬱紆豁
竒境明朝有高會徑造不待請

來日約遊大觀亭

弔元左丞余忠宣公墓二首

王氣江東五彩雲上流假手緩游氛若教京觀同時築

誰表孤忠異代墳，僭號無成終是賊。殺身得地孰如君，到頭此事關天幸。不死吳軍死漢軍。

殘局何須論上都，一軍援絕勢真孤。江山故壘殘骸在，社稷中原尺土無。計定全家爭赴難，時危幾個肯捐軀。他時謫守含山廟，媿殺生降一老儒。用危太朴事

佐衡置酒大觀亭，招同損持蘭坡志。鄴分韻得

嵐字

故人置酒城西南，携我晚登百尺嵐。大觀亭在喬木杪，鵲巢近檻俯可攬。短牆截斷萬家井，惟見遠景浮青藍。海門一關三百里，白馬南下無停驂。南江勢與中江合，一折滙作蛟龍潭。孤亭如山撼不動，影入明鏡光泓涵。

舟人水鳥互出沒，去者兩兩來三三。夕陽欲沈沙岸樹，疎磬忽報隣僧庵。主呼痛飲客徑散，要令耳目留清酣。

宿松朱字綠博學，嗜古所葺南岳考。三卷援據往籍至數萬言，而斷以已意大要謂古之南岳乃瀟之天柱峰，非楚南衡山也。頃於皖城官舍出此見示，索余題辭作歌贈之。

皖中竒士推朱生，文采奕奕千夫英。手持一卷南岳考，筆力獨舉千鈞輕。首援六經證據確，旁及百氏搜羅并。尚書兩篇列四岳，惟有泰岱名孤撐。北恒西華南則霍，疆域錯見因圖經。厥初相距道非遠，天子一歲周巡行。後來漢武禮天柱，荒邈不及衡州衡。可知瀟岳即南岳。

此篇亦非

語雖似創辨頗精君家近住此山下高論直比山崢嶸
火維一神欲易位此事乃可口舌爭我思鴻濛肇開闢
群山綿亘誰指名自從肆覲加望祀錫以封秩同公卿
神靈豈邀軒冕貴世俗自炫壇墀榮界連郡邑互引重
事出讖緯多紛更陋儒聞見溺沿習幸免流輩相譏評
如君特識那易得我不爾怪旁人驚昌黎南遷偶失考
詩句聊紀衡陽程他年重續輿地志待爾著述名山成

敬業堂詩集卷二十一

敬業堂詩集卷二十二

海寧查慎行 悔餘

中江集

起丙子五月
盡十二月

四十七歲

留皖城兩閱月九江郡守朱恒齋枉札見招復買
帆溯江而上又踰月乃賦歸按禹貢有北江中江
之名皆在彭蠡東孔氏傳以入震澤者為北江則
古之中江當在皖口以上溢口以下今湖口一縣
當江湖之滙與經文所云東也北會滙東為中
江者正合而正義引地里志乃指為震澤之中江
竊恐不然輒据所歷攷正焉

久客皖上將之江州劉東臯以詩見送次韻留

初白於名負未見有
所詳攷此句亦但偶
以名其初身非果
据以攷定徑從也

別

大小孤山色西南兩點烟獨携孤枕夢又上九江船岸
濶沙沈樹風狂浪拍天感君投贈意臨別倍依然

酬別高雪亭

五年經遠別一月又將離捷徑人皆驚頭銜爾未移雪亭

為桐城令九年矣上官須善事衆口莫相疑但去沽名意後來

終見思

皖城早發却寄姚君山別峯兄弟

又背孤城去驪歌不忍聽薄遊逢地主久住為山亭月

黑江光動魚跳霧氣腥檣烏啼最早愁鬢轉星星

黃石磯

水淺舟膠細作鱗半篙撐過石粼粼風傳茅店棟花信

山作畫家荷葉皴王蒙畫法也鼓角自鳴孤戍壘江湖暗老

獨遊人郵籤不用長年報熟路重來免問津

重泊路灌溝憶十八年前曾阻風於此

沙嘴沿迴又一灣人家初在森茫間帆生浦口霏微雨

岸走雲根斷續山芳草迎船依舊綠白鷗如我幾曾閒

可憐路灌溝邊柳暗閱勞生六往還

蘆洲行

江干積薪如列屋巨艦裝來聯萬斛天生此物充正供

歲歲陳根發新綠舊崩沙岸冊未除新漲荒洲報方續

三年一丈久成例增減何曾量盈縮不知此課起何年

坐待摧枯濕同東我聞王政有遺利藪澤閒田聽樵牧
如今尺寸籍農丞作俑必由桑與卜踏地輸租爾勿慳
逃空那得出人間但看歸雁知人意不敢啣蘆徑度關

花洋鎮阻風望小孤山借東坡慈湖峽五首韵

積水西南一眺空海門遙在有無中行人已達大雷岸
好借半帆潮信風

遠色蒼然近晶然鷺鷥衝破夕陽天烟江疊嶂無人畫

一硯題詩落眼前

魚網漸收沙際市酒旗猶綽水邊扉青裙縞袂誰家女

日暮一砧來浣衣

萬竅爭號怒未融輕篙弱纜總無功老夫只作參禪坐

定裏松濤起半空

小孤知我重來意先向江心轟片帆為報白頭猶健在
擬尋初約上巉巖

避馬當之險從磨盤洲經沙灣至喻家洲

清江吐白沙去岸二三里小艇泛舸艚團團磨旋螳江
豚鼓鬚鬣簸蕩南風起篙工群作力進尺退或咫尺馬當
突兀來石狀惟且詭半為鬼斧劈倒插截其趾白鷺導
我前依依投別汜紆途雖較遠脫險差可喜輕生涉波
濤鹵莽迫暮齒前非踵知悔恐懼及茲始

阻風小孤山北晝夢家園牡丹盛開醒而聞鷓

鴉聲戲成一絕

群仙一味嘲輕脫故引名花入臥遊却被鷓鴣呼客起
黃蘆苦竹近江州

遊小孤山二首 并序

序頗明白予
到湖口既得見
大孤而不見小孤
日讀此竟如如
目覩也
序工而訪却
不稱

大江經湖口縣合彭蠡之水達於皖口禹貢所謂中
江也小孤山屹立于其中當盤渦激湍之匯雖好事
者亦罕游余過此數數矣至輒風濤間作丙子四月
杪從安慶溯江而上連遇西南風舟行濡滯五月戊
午黎明發喻家洲刑牲默禱須臾風止余竊喜曰登
山夙願也神其許我乎亟令榜人剪渡山形三面懸
峭惟西南一角橫石坡陀首受分派其下洄流可以
弭棹攀磴北上劣僅容趾凡百餘級入洞門折而東

鐵柱在焉稍西為神女祠再上為大士閣從神女祠
西北上兩旁峭壁中穿石罅如入螺殼中背東面西
已復折而北路盡一亭翼然行者必少憇以蘇喘息
然後躋絕頂焉山之顛遠而望之初若半圭已而如
拳如髻至此乃知其中分為二也環而計之東西北
皆方南獨圓南北長二里許東西得三之一東麓距
岸約四里西麓僅三之一山之大概盡矣既序茲遊
之始末又綴以二詩夫有所感也

一綫長江直向東可無拳石兀當中僧窻坐湧千帆日
客袖來當五月風筋力將衰酬夙願波濤不拒賴神功
山雲海市尋常事敢擬韓蘇說感通

鳥道羊腸盡坦途身先僮僕作前駟能為砥柱何妨小
不傍群山轉愛孤江海一關留鎖鑰金焦兩點闢門樞
從他萬口流傳誤肯許彭郎作配無小孤山神之為女
郎不知始于何時
歐陽公歸田錄稱小孤在水中巖然獨立深譏轉孤為
姑為俚俗之訛然東坡詩小姑前年嫁彭郎則宋以前
久承此
譌矣

午日重登庾樓和朱恒齋太守

已上孤城又上樓使君高宴最風流重來湓浦逢佳節
閒對廬山話昔遊畫鼓綵纏爭渡楫曉粧紅插半開榴
賞心事多非昔不獨思鄉易白頭

湓城喜雨

塋田長苦旱九江民俗呼遠水田為塋田近
水田為龍田塋讀作腴上聲炎夏方蘊

此自應是功字

隆坐看匡廬雲出沒千萬峰不肯作霖雨厥占歲當凶
天心有轉移夜枕聞靈籟火光出飛電起蟄鞭潛龍朝
雨忽滂沱雲來相附從偶然得際會似欲貪天工野人
本無心詩語出至公旱吾不汝罪雨亦非汝功

次韻酬南昌葉素我

寥寥海內幾同心此事終緣臭味深乍喜芝蘭留獨賞
每談風月輒相尋數篇為我開詩戒一語從君進酒箴
惆悵琵琶亭畔柳中年聚散最難禁

題恒齋太守春江載鶴圖小影次韻四首

麴塵濃綠染初勻紅杏村邊雨洗新不向春江看畫橐
誰知太守是詩人

杜長之樂玉此

也如泛宅也浮家畫舫移陰柳半遮好與茶山留故事
閒封遠信裹青紗黃山谷以青紗蠟紙裹茶寄人不
過二兩廬山產閒林茶故借用之
自飲廉泉不願餘更留何物伴琴書仙禽最得貧官意
未肯臨淵便羨魚

一群紅掌漾清波官閣詩成記放鵝恒齋有
放鵝詩斗粟累人
添鶴料二千石俸近無多今年官俸
俱充兵餉

發潯陽謝恒齋贈別二首

遊踪宦跡並沈淪管鮑交深在一貧小別星霜經五稔
遠來風雨又三旬弟兄托契情原厚兒女相關意倍親
料得他時了婚嫁兩翁俱是白頭人特與恒齋初
結兩姓之好
攀轅截鞵去何之廉吏誰云不可為風月招邀蓮社酒

江山開拓庾樓詩官情向冷憂還喜苦語臨分頌亦規
莫聽琵琶空洒淚清名難得九重知恒齋已挂吏議
奉旨特留

重過湖口望五老峰

又挂輕帆過石鐘有情難忘是遊蹤風痕忽散一湖浪
雲氣愛迷五老峰此日舟中回白首當年天半倚孤筇
衰遲定被山靈笑歷險探竒漸漸慵

赭磯雨泊

午汗翻漿晚未融雨聲夜入荻蘆叢孤舟野岸少嘉樹
六月大江多暴江湖舟人
呼作報風蚊響似為雷助勢螢光敢
與電爭紅等閒何用生分別多付微涼一枕中

彭澤阻風追憶壬申舊遊寄朱恒齋九江魏昭

士寧都

綠楊陰裏幾家烟，小縣重來記往年。劈紙風流看駐節，隔江雲樹識歸船。故人久別稀書札，太守新聲在管絃。欲上旗亭無酒伴，鬢絲愁絕杜樊川。

曉晴過馬當

風止波猶鳴，空江蕩餘勢。千帆散萍點，飄轉豈有蒂。夏雲少媚姿，突兀拔空際。小孤曉粧就，回首露寶髻。但覺兩岸移，寧知一川逝。詩成枕席上，出語如噴嚏。境過旋已忘，中流方鼓枻。

大雨泊東流域下食頃放晴二首

沙頭初繫纜，船尾忽聞雷。高浪吞天去，長風帶雨來。近

城嵐氣合對岸，夕陽開六月。川程惡陰晴，日幾回。

只有青山色，差宜雨後看。天心今若此，行役倍知難。翠

柳騎牛岸，清流浴鷺灘。不逢陶靖節，誰肯說休官。東流古彭

澤也

夜泊吉陽湖

酒旆當門柳拂船，雨餘一帶好山川。漁村吐火江初練，葦岸沈鈞月未弦。風進微涼知夜永，客歆孤枕覺秋先。亂蛙最是無情物，苦向荒灣聒醉眠。

曉發望江岸晚至樅陽

中流汙汙浪作花，輕帆南下整復斜。家書曉報大雷岸，客夢夜落長風沙。船頭一轉二百里，水面忽浮三兩家。

上句知字亦名真
然此二句為願得
去

烟收霧散目力短白鳥飛去移蒼葭

樅陽僧舍消暑七首

樅陽古重鎮六代推繁華軍府建旌麾居民十萬家自
從郡邑改夾岸惟蒹葭誰知近水市客饌無魚蝦

古刹聚劫灰入門尚茅茨曾經上畚住徑造不見辭短
牆日就頽故榻猶未移闍黎頗好事拍我壁上詩重來

亦偶然翻觸徂年悲王申客擬
陽曾寓此

昔與錢少陽茲焉互酬唱頻為文字飲屢荷雞黍餉別

中兩寄書松竹問無恙答言吾老矣後會恐難望世薄

風氣衰老成果殂喪田間一茅屋過者今悽愴傷錢飲
光先生

道楷本名僧文士相往還築居傍闍闕長苦不得閒遠

上者二字如此用
未知可否

客寡交游避暑來掩關汝出我居守塔焉似空山

庭空白日長竹樹森成林彼當炎歊氣我受清涼陰北

窻多好風時時中衣襟長恐俗子覺叩門來足音

客贈贛州蘭幽賞自矜貴遠遊無長物為爾添一累月

明看露光人靜覺花氣提携成老伴一咲吾臭味

老夫方晝眠風雨來縱橫欠伸得餘味群動了不驚電

影搜破壁謂是吾眼明雷聲殷空牀謂是吾耳鳴須臾

萬竅寂殘夢續復成

過青山弔田間先生示懷永懷玉兄弟及令姪

廷益三首

田塍高下路欹斜小雨濛濛早稻花到此不愁迷失道

讀書聲裏是君家

絮酒何辭觸熱過依然廢瑟在巖阿較他短笛山陽泪
三世論交感更多

存亡出處總相關惆悵燕臺客未還滿架遺書付君輩

天教風雨護名山

時越秀客
遊京師

順風過池口

舸艚船上南風急好片池陽雨後天九十九峰青不斷
白雲蒸出九枝蓮

大通舟中看雨

南岸雲埋山北岸雲出岫乘時各行雨天本無私覆豈
知倉猝間中有龍蛇鬪當其鬪未合中流猶白晝南勢

漸北侵渡江躡窮寇馬牛殊順逆蠻觸爭左右北風忽
不競退縮示免胃坐聽南風狂蛟涎捲奔溜雷公與電
母飛檄亟相就盡助昆陽圍誰為鉅鹿救須臾賀戰勝
雨點隨其後的樂走明珠淋浪撒金豆魚蝦半空落虎
豹或驚仆我窮客江湖境險迫邂逅閒中閱造化觸目
誇日富吟成看雨詩蓬隙日光漏

六月十五夜紫沙洲對月

檣船古柳岸江濶風吹裳快哉雷雨餘復此終夕涼清
波洗睂目白露入肺腸炯然孤月明漏此一掬光願從
魚鳥住永與江湖忘

當塗道中

六月江路惡驚濤戒舟枕挂帆入支河如馬馳康莊雨
過禾苗齊風來蒲稈香平灘立鷗鷺淺草眠牛羊宛宛
柳拂渠修修竹遮墻時見荷耜叟休陰坐微涼游子久
離家歸心日夜忙寧知此間樂風土近故鄉

晚登高淳縣南水月閣

偶爾經過偶泊船偶登佛閣亦隨緣一茶不負居僧意
留我西窗看稻田

渡高淳湖

曉程貪穩睡天色尚濛濛人語蓼花外鳥鳴菱葉中舟
稀知路僻水淺賴潮通脫盡江湖險朝來不怕風
從泝練出西沈二首

到此無風也自涼繞身四面是湖光舟人遙指宜興縣
孤塔對船如箭長
蘆灘淺處作人立白鷺一群如白衣何事近船還引避
故應慚我未忘機

九龍山下人家

小屋疎籬透晚涼亂蟬啼處正斜陽綠槐樹底通頭女
風過微聞抹麗香

初登惠山酌泉

九龍蜿蜒來垂首倒吸川歎雲洩乳竇至味淡乃全我
携陽羨茶來試第二泉山僧導我至古木枝叅天不知
閱幾朝仰視皆蒼烟蔭此一眼碧自然得澄鮮出山豈

不清真質恒相懸餅罌列市肆例索三十錢挹注苦被
欺向來殊可憐會當置符調此法休輕傳

六月廿三歸舟過荷花蕩口戲作

綠水紅蕖連夜開明朝多少畫舫來歸人合被遊人咲

揀取花前一日回

吳中風俗六月廿四日士女遊荷花蕩

常州道中紀事二首

一丈黃泥浪郊扉尚有痕孤城經雨塌百瀆被湖吞鵝
鴨回頭失蛟龍掉尾渾亂帆如白鷺點點稻花村
暴漲衝橋斷騎牛當渡船築塘連絕岸岸水出低田沈
竈蛙魚入疎籬荇藻懸天心人不測容易說豐年

春間從吳興買藕寄歸種園池中今歸自皖城

白蓮已試花徘徊池上有作

廢圃遺利多污池荒一畝養魚飽獮獺棄作葭菴數計
窮乃得變水淺規種藕種藕利稍遲事在三年後先為
看花計於義微有取呼兒移竹榻謀婦出斗酒舊來小
池亭頽圯惜已久

池南向有石亭亂後燬於火

艱難生理窄一醉還

家偶結茅何時成惆悵回白首

顏學山學憲招同劉坡千林碧山沈昭嗣湖舫

燕集

京國頻年散素心湖山一夕盍朋簪笙歌隔座通荷氣
臺榭移舟過柳陰解后不愁佳客少往還誰似故交深
只慚當路憐才意猶許方干作醉吟

九月同趙蒙泉項霜田楊次也泛舟西湖登孤山和蒙泉作二首

清醪盈樽蟹螯黃故人有約作重陽啼殘楓樹鴉翻陣影拂蘆花雁起行此日烟波還命侶去年風雨正遊梁回思南北勞勞路翻怪登高得故鄉

涵碧橋東畫舫停遊人多上御碑亭樓臺頓改才人

畫丘壑潛移處士星紅葉晚燒諸寺赤碧天秋縱兩峯青詩翁老去狂猶昔肯向湖山更乞靈

唐考功東江為仇滄柱編修禮闈所得士今來

典試吾浙出闈後為湖舫雅集邀余奉陪即席

和蒙泉韻二首

紅杏香碧却不相犯

前輩風猶在斯文寄不輕歐陽為座主蘇軾得門生一月了公事三秋多勝情旁觀爭太息誰不重科名錦纜牽官舫餐錢費客庖酒開清箬甕橘拆洞庭包霜嶺將楓葉烟堤尚柳梢湖山君作主何地置貧交題吳紫萸所藏吳白畫設色金銀花天公省事厭紛華澹白微黃本一家却被毫端勾染出無端分作兩般花

秦郵道中即目

以下十月北行作

不知滌潦齧城根但看泥沙記水痕去郭幾家猶傍柳邊淮一帶已無村長堤凍裂功難就濁浪侵南勢易奔賤買河魚還廢箸此中多少未招魂

舟經寶應居民被水者多結茅於堤上故廬漂沒不可問矣

蛟涎魚沫奪殘黎收復流亡賴此隄寒比蟄蟲宜堦戶忙如巢燕正爭泥雲沈雪意千帆合天壓湖光四面低好與官家勤畚鍤免教歲歲逐鳧鷖

季冬朔日渡黃河

是日河水合而復開土人名曰黨凌

崑崙萬里來盛氣日盪決嚴寒一掣歛流汞變積鐵下容蛇龍臥上少螻蟻穴風雨過輪蹄雷霆駭魚鱉河神不敢偵縮頸比蟲蟄東風昨夜至氣候改栗烈忽開無底竇善與厚地裂將毋銀山崩散作萬堆雪小船晨喚渡投間伺其缺虎齒齧兩旁羊腸迴九折中流倘失勢

過涉慮頂滅篙師駁瘵痕手足互流血非無白日照煦汝乍煖熱造化故無私寧為一夫悅客子衣裘單長途計尤拙歲窮迫行役既濟轉愁絕

王家營旅店遲揚次也家東亭不至

已過江淮半月期一行雁羽尚參差勞人相傍貪同伴熟路頻經漸少詩急景欲回西日咲輕裝那免北風欺鯉魚信斷河冰合悶極寒燈照影時

紅花埠遇雪

記得芳時幾度經

自此至郟城五十里間桃花最盛衝余甲子己巳庚午皆于三月過此

寒明發又郟城橋邊雪意詩催就鬢上冰花氣結成埃館迎來風北向鄉程讓與雁南征敝裘或有天憐分只

費殘冬半月晴

雪後蒙陰道中

日出天忽高山寒雲不附峰峰帶晴雪遠近畢呈露馬蹄碎瓊田蛇尾曳絲路草枯燒不盡白者疑伏兔饑鷹下攫之注目始知誤糾然變身上却立槎枒樹樹更僵於人咆哮風正怒何處問旗亭衝寒背城去

張夏旅壁見德尹隋車傷指絕句戲次原韻三

首

役車歲晚幾曾休斗酒何時與婦謀此意自憐還念汝一燈今夜白人頭

一蹶驅馳老未休隋鞍如與少陵謀回思下澤車中客

不為封侯合轉頭

安穩生涯一醉休天全畢竟勝人謀人間險語何須鬪

不說矛頭即劍頭

題曰如此

趙北口夾堤柳陰最密不知何故忽被斫伐存者惟枯椿而已感歎成詩命兒建同作

五度征鞍柳拂絲重來禿髻已無枝摩挲老眼還三歎看汝成陰又幾時

白溝旅店見甲戌冬杪題壁詩談是山繼和一

首再次前韻兼寄未庵

帽裹驚沙鬢點霜三年前記卸行裝天寒倍覺暮程遠酒薄不禁冬夜長吳語同來還有伴燕歌相和若無旁

詩成爲報君兄弟飛夢三更已帝鄉

敬業堂詩集卷二十二

敬業堂詩集卷二十三

海寧查 慎行 悔餘

得樹樓集

起丁丑正月
盡十二月

四十八歲

吾家自喪亂後僅存橫溪老屋與兩弟同居余所
棲在西北隅年深瓦落不足以庇風雨丁丑春大
兒倖舉南宮挈之還家爰即舊址改築小樓樓成
而老木數十章皆在几榻間因取少陵詩意顏曰
得樹

人日同孫松坪張漢瞻楊晚研宮友鹿錢亮功
方拱樞吳元朗蔣揚孫家德尹集王赤杼耶舍
分賦上元燈八首

四垂羅帶影飄飄
一綫中懸愛細腰
莫傍市門輕銜影
有人依樣要偷描

瓶口紅光忽吐蜺
醉人相對舌如箕
却因酒具名相似
記起花時鳥勸提

右葫蘆燈

偃僂聊為秉燭遊
似曾閱世笑蟬蛸
朱門光景番番換
幾輩相看到白頭

故紆形容大可憐
敢同南極指星躔
誇人只有香山老

張丈前頭炫少年
右老人燈

鱗鬣粧成畫不如
竿頭擎出晚晴初
九衢塵淨月如水
一隊人隨一隊魚

星橋鎖動沸波濤
人海中間湧巨鰲
多少書蟬曾飽死

讓他枵腹事焚膏
右魚燈

一幅輕紗隔座深
芸牕小立夜沈沈
不爭六曲屏山好

虛費人間屈戍金

三尺孤光一片冰
當筵珠翠照何曾
眼昏已少看花分
更隔看花霧一層
右屏風燈

二月杪南歸涿州道中遇雪十八韻

頗訝今年雪方知
此地寒春深猶漠漠
野濶更漫漫咳
吐紛珠玉飛揚富
羽翰近從煙際辨
遠入霧中看鴻爪
輕留跡揚花滾作
團風輪旋蟻磨車
轍轉蜨丸銀海光
相耀瓊田暖未殘
密防蟲戶啟細補
鵲巢完淺草勾尖
沒枯株萬木攢千
家如畫裏雙塔拍
城端石滑經橋怯

沙平取徑難，幾曾填窞井。特為顯峰巒，席帽融冰濕。征衣燎火單，茅茨雖易壓。穴隙莫相鑽，對爾吟慚郢。催余鬢比潘，勿愁燈焰短。直愛酒升寬，朔候何當變。泥塗不肯乾，明朝有奇計。酩酊上歸鞍。

連日車行泥淖中，朝來催短驢。自固城至安肅，縣凡兩隨鞍。即事有感。

雪消春水發，古道窪然低。客行忽落此，局促如雞栖。兩車同隻輪，六馬併一蹄。力盡甫脫險，阨深復無蹊。長恐雪繼作，有淪雲萋萋。晨興天色佳，日脚垂虹蜺。跨驢橫短策，快比駿馱騏。西南見郎山，刻露出角圭。寧知一往氣，世路偏多迷。蹶跌豈及防，康莊有排擠。前行苟無失。

遲速理亦齊，還來車上坐。且免衣沾泥。

保定旅次閱邸抄得從弟東亭及兒建南宮捷

音口占志喜兼寄嘲老友姜西溟

邸報傳來樂事重，一尊相屬慰浮蹤。青春三月客懷好，白髮半頭歸興濃。子弟聯翩同榜義，家門成就老夫慵。探花却入少年隊，試問髯姜可勝儂。時姜亦成進士

渡三汊河聞前路泥乾喜而有作

三汊河畔水濺濺，洗盡春泥上渡船。從此騎驢似騎鶴，折條垂柳當歸鞭。

晚抵安平縣

野曠天高落日紅，近城烟氣忽如籠。楊椿綠上鷓棲處。

草意青回馬跡中昔夢尚驚泥活活歸心還怕雨濛濛
衰遲自分邀天幸坎陷迴車路未窮

大風過深州城外

驚沙袞袞日黃黃不料東風爾許狂茅屋捲空留破柱
酒旗吹折剩萸楊幾家賣餅枯壕畔一老扶犁大道旁
為話連年秋潦苦出車畿甸正輸糧

曉渡衡水橋風色甚寒小飲市樓

石古橋滑臨奔湍衡漳流濁同桑乾高樓下瞰岸千尺
美酒大書旗一竿帽絮蒙頭欲敗意魚羹入饌聊加餐
杏花全未有開信知是北來風色寒

棗強道中喜晴

斷雲開四望初日解重陰野氣浮天動烟光薄樹深疲
牛尋故跡老馬得歸心題徧旗亭壁何人識苦吟

客有稱高唐州為縣駒里者戲成絕句

野語齊東最易訛縣駒遺俗近如何自從一變崑山調
不是吳兒不善歌

大道曲

荒鷄聲遲月落早行人出門看參昴一條大道飛古塵
歲歲何曾長春草我欲疊作山羊腸九折爭躋攀我思
鑿成水涵人出沒波濤裏直教馬無四足車輪方此路
始應春草長

穀城山

東阿城東穀城趾傳是仙家舊鄉里圮橋老叟果何人
能致留侯跪進履兵書一卷既不傳事往無徵正在此
秦皇凶暴蔑賢聖偶語詩書皆棄市布衣起自泗上亭
溲溺儒冠固其理此非可以正道說詭託陰符自茲始
竟參帷幄佐奇謀躡足時時還附耳大蛇中斷群雄滅
走狗旋烹舊臣死舞陽活自女嬃偷蕭相生遭獄吏取
子房遠禍蓋有道直視侯封同敝屣神仙之說誠渺茫
有托而逃斯隱矣陋儒讀書寡深識異事人人徵太史
後來競指黃石公當日原無赤松子我為此語豈好音
石若有知呼可起

清明後一日同戴田有弟東亭兒克建重游濟

寧南池

露氣霞光水洗鮮孤城深入鏡中天杏花風暖高樓笛
柳色烟濃隔浦船蠟屐半生凡幾兩青袍一夢忽三年
壯心敢擬桓宣武直為攀條也自憐

黃河打魚詞

桃花春漲衝新渠船船滿載黃河魚大魚恃強猶掉尾
小魚力薄唯噉水魚多價賤不論斤率以千頭換斗米
河壩大潦秋不登今年兩稅姑停徵但願田荒免逋賦
與官改籍充漁戶

大風渡黃河舟中與長源姪對局

柳絮春狂剪渡風片帆飛下急流中船頭已達長淮岸

一局殘棋劫未終

過揚州示崔性甫楊曉先兩同年
不到紅橋已八年有人柳下記停船
楊郎落第崔郎病
縱使同遊越可憐

閏三月朔日蝕舟中遇雨紀事

丁丑閏三月日食法當既明星晝當見從卯當至未白
晝如昏黃果然伊可畏舟行拚偃臥閉目聊自慰何來
打篷聲雨點驟如沸皇天閱垂象下土雲翳飄似欲弭
此灾而為不祥諱我聞日當食不食乃足貴豈有晦昧
晨又蒙霾霧氣將毋陰太盛推驗得髣髴六師方犁庭
櫂槍掃敵愾佇清沙漠塵聲教朔南暨公卿滿臺閣賀

表辭不費五事占休徵竊疑非此謂天變雖偶然民勞
亦宜暨野人語無擇托興在薈蔚不敢學盧仝險艱殊
少味

初到家戲謝戚黨之見賀者

趣伴携兒出帝畿到家猶及換春衣遠煩親友來相賀
不道余仍下第歸

兒建赴殿試北上詩以示之

今年夏苦旱六月未徂暑兒子將北行衝炎逐徒旅留
之又不可遣去無多語汝名已倖成汝力正須努
天子方右文策名在當宁萬言應廷對有抱期畢吐煌煌
鐘虞懸叩擊諧律呂自從制科設得士凡幾許置汝于

其間太倉特一黍然而勿自薄儕輩盡翹楚同年百五十若者指可數父事中有人姜西溟吾癸酉同榜嚴雁行敢兄序功名亦時至非可有意取造物吝虛名齒角肯兼予吾宗兩太史荆州兄並聲山姪選搏風羽盛事傳一時借居隣韋杜雖云官禁近未免索米苦汝今往甞依慎勿希華廡秋深決歸計且復返鄉土久甘南巷貧差勝北門窶千薪尚壅積銓注十纜五從政雖多途不如科目舉讀書想先輩既進或慚沮豈必一第邀便思行縮組閉門更力學合轍驗今古却出作選人於世冀小補而翁百念灰自審莫若處諄諄向臨發庭誥述父祖吾但當弄孫門戶全付汝

前題云詩以此

題云以詩先生

題目多隨手

如此

得樹樓初成以詩落之九首

百年計樹人十年計樹木辛勤荷先澤以有此老屋與

火乃幸存曩基方改築勞生竟何得去此空馳逐誓收

湖海蹤歸掃一庭綠樓成名得樹外是非吾欲

五架初度材謂在百金內銖銖累木石所費奚啻倍貧

家舉事難輕發每追悔連朝責逋負工藝集群喙將為

逃債臺一笈付聾聵

列垣周四隅與樓勢迴環憑高無遠矚胡以開心顏竅

壁延綠陰少見天疑慳別添一小閣忽湧海外山豁然

百里目乃在圭竇間

貞白居三層元龍臥百尺神仙彼可致豪氣我非昔方

當伊斯人未許校什伯敢云去地遠稍與雞豚隔尚恐
鳥雀群移巢避生客

一榻雖已安終慚自為計心長髮苦短力不及諸弟前
人締造艱親歷始知勤撫茲念堂構補葺當次第身在
吾敢辭茫茫配根蒂用少陵四
松詩中語

設梯盡十級僂僕連睚尻日上能千回兒孫捷飛孫阿
翁貪靜坐嗔嚇時一遭形神既未忘那免陟降勞習勞
亦不憚所戒舉趾高

卑濕苦舊棲老根連草蔓新來稍軒敞恰直樹之半雖
除螻蟻緣却被蝸蟾亂朝眠與晝坐鳴聒傍几案推牕
驚不去疎響或一斷喧寂兩聽之老夫化成見

夕陽轉庭西樹影來墻東龍蛇動戶牖始知天有屋開
襟亟當之快若逸虛空人間正炎熱置我微涼中

竹垞工八分大字作擘窠為余題歲月惜墨不費磨懸
之樓中央筆勢翻江河疑挾風雨至颯然散高柯時時
臥其下所得良已多得字借收

樓上看雨

臥聞牀下殷輕雷起拓南窓八扇開墻缺雲流山影去
樹頭風截雨聲來一鳩逐婦移陰立雙燕將雛取勢回
我本無田還望歲略分餘潤到蒼苔

題周兼畫南唐小周后真六首

人間姊妹工相妬遺恨茫茫豈有涯
惻悵瑤光梅信晚

厚老鴻亦有此

題七絕試以對一
者乃見作若才
力相越之遠

時字在第五字
用平字者能收束

一枝潛進未開花
湘裙如水不擡風
鳳味携來倒挂紅
色色丹青無著處
泥金一縷在雙弓
月暗花明霧氣多
盈盈羅襪步凌波
外間誰管深宮事
偷唱新聲子夜歌
不須更減一分肌
周昉繇來善貌肥
如此丰姿如此畫
當初猶道未勝衣
開寶初元議禮屢
待年承寵已多時
在廷只有韓熙載
曾托元和諷諭詩
垂鬟分絡髮初長
想是南朝時世粧
指與俗工從未識
可憐絕筆付周郎
時兼惜
已下世

晚景

晚景蟲聲入空庭
易夕陽鵲巢風更穩
鶴骨露初涼
病葉非關蝨
秋花不取香
物情閒處得
吾轉惜流光

次韻答顧措玉

失學負壯年
東西逐烏兔
蹉跎髮漸絲
落拓衣仍布
者心躡前踵
回首却故步
歌筑混屠沽
唱酬雜緇歸
來稍稍悔
事去種種悟
庶望針砭加
奚啻雪霜雨
去聲雖蒙
同人憐或恐
異已妬之子
負高才於余
枉佳句紛然
蓬麻中直拔
千尺樹溫恭
具真性磊砢
得奇趣何期
天畔鴻狎此
沙頭鷺知音
世不遭敢惜
肝膽露鷄鳴
風雨晦旅館
燈燭暮明朝
走相尋戶外
有二屨由來
意氣合詎

若邂逅遇君家門地高舊是雲間顧昂藏自殊衆標榜不在互問途慚已經吾老乃迷路

雨夜過徐淮江二首

萍浮梗泛久西東每過南湖憶此翁斷港船通新漲水空庭樹拔去年風五經自課佳兒讀半刺曾嫌俗客通好是扣門能不拒一燈重對雨聲中

草堂南畔小池幽一片蘆聲蓼穗秋滿壁詩牋存歿泪積年書疏往來郵閒追昨夢驚彈拍老剩貧交幸到頭未免對君還自媿乘榆晚景亟宜收

八月十六日同鄭春薦嚴定隅吳紫葦家潤木

湖頭小飲風雨大作泊舟湧金門外是蚤襍被

而出晚來興盡入城戲作一律邀諸子並和

及到繁華地翻成寂寞游烟波三百頃風雨一孤舟山好偏宜澹湖空易作秋却防漁父关襍被不曾留

種菜四章

晚豆尚沿籬秋瓜已除架畦丁惜地利菜子及時下功力積纖毫滋培仰造化勾萌達新雨布綠密無罅一旬可分蒔半畝不待借用東坡事既足散其餘猶能乞音隣舍氣

灌溉既已勤其長亦奮迅窠窠盡發洩生意不少吝連朝風日晴秋蟻忽成陣洒灰得方法經驗始深信幸是力能施何難手除痰黍苗被蟲食四野年不順老圃奪天工忍饑聊免饑

晚菘雖弱植不怕霜雪加秋種春可殖盤餐佐貧家根
株諒無幾口腹豈有涯人間賣菜傭求益方紛拏禦冬
吾有計肯蓄良足誇

杜陵客西川種藝頗有園清晨送菜把乃感地主恩茲
事吾不取恐為貪夫援於世苟無求食力稍自尊英雄
亦如此無事且閉門

九日獨行園池上看木芙蓉

雨後罷登高杖藜惜腰脚園荒少秋菊無以慰寂莫兩
株木芙蓉紅白正聯萼忽然失明鏡萍漲水將酒坐使
雙嬋娟影妍無處著空持好顏色脉脉自開落應得主
人憐新晴走赴約吾衰減情累於物何厚薄不忍廢重

陽逢花還命酌

友人齋中看菊此游字為未

幽人如晚卉愛傍籬邊遊瓦盆薦茅齋高下凡千頭紅
紫豈不好黃花乃吾秋森然群豔中正色與目謀競賞
違衆嗜獨吟發孤愁泉明不可作孰與偕唱酬

喜又微姪自南昌歸

共客洪州幕回頭十五年未成宗炳臥各有尚平牽身
健貧何礙吟深句必傳故鄉稀酒伴日日望歸舩

傷庭前牡丹四首

別樣風光散綺羅豪家亭榭占春多天公直似相欺得
不為茅齋剩一窠

此是正諦可為近
日欲洋菊者茲
石

兩行枯卉列東西綠上苔痕路不迷夜月魂歸吾望汝
半年猶護種花泥

自知未到忘情處幾度徘徊惜好枝不獨我憐人亦爾
空欄客過立移時

依稀一夢閱繁華草沒庭荒野老家省却暮年多少事
灰心從此不栽花

觀刈早稻有感

襤褸相逢半壓肩刈禾爭趁老晴天蒹葭對岸遮隣屋
蚱蟪如風過別田地瘠不知豐歲樂民勞尤望長官賢
誰知疾苦無人問秋稅新增戶口錢

吾邑戶籍十萬每丁歲輸力役之征

今年忽從田賦加派數百年舊制壞矣

偕介菴叔訪菊步入鄰僧融然房

偶聽村家打稻聲夕陽影裏向西行一叢深樹擁精舍
兩板壞橋支斷浜靜對老僧通菊氣怕逢俗客問花名
只將我算東籬伴不要溪頭費送迎

家釀新成獨酌至醉

種秫始微收釀法遵舊譜逡巡俟其熟計日屈指數朝
來香滿城甘滑如潑乳開嘗親洗盞一飲一升許好客
期不來頽然自稱主黃農忽已遠薄俗難久處寧知醉
鄉中風氣仍太古尊前可徑造有路胡勿取

秋感六首

蟋蟀鳴近牀螭蟬聞無聲二蟲相代禪中已寒暑更大

初白五古以學
杜而實未能也
讀杜詩法履考
結句乃知此之
味

哉造化理乃以微物呈人從此中老擾擾何多營天機
昧群動靜者觀我生

末俗愛盆山花草妃紅白看看耳目玩屈辱到松栢可
憐千丈材窘束不盈尺寓形難自主抱性終莫易亦復
耐歲寒蒼然傍几席對之還失咲未覺生意窄向非冰
雪姿雨露有夭折

菊莖日以黃楓葉日以紅物情判老穉變態隨霜風霜
風故無私榮悴兩不同一般賞顏色矇叟隨盲童

西隣一老樹有藤縈繞之歲久腹漸空槎枒但枯枝借
藤以為葉下蔭仍紛披藤如有矜色張王去聲方乘時纓

薪伐不材斤斧旦夕施樹摧藤亦斷附麗終奚為

世衰分誼薄適用取日前紈扇遇秋風一度一棄捐不
念昔當暑與人久周旋我有敝羊裘隨身二十年皮存
毛半附無補冬號寒明年與汝期五月拂釣竿

渡淮橘成枳一變性終失不聞返故土枳又化為橘人
生百年中孰是保初質就衰水赴壑駐景戈挽日幾見
白頭翁鬢霜復如漆

送學菴弟入都

黃葉打茅簷北風如矢棘此時來叩戶問子有底急為
言將別家結束赴京國可無酒一杯為子煖行色匆匆
乃徑去有語惜不得子誠吾家駒頭角早岐嶷賦質負
高明秉心就沈默讀書十行下洞照窮樞闕經史及百

家貫穿歸組織時文雖小試落筆輒英特皇天不憐才
 盛壯遭屈抑十年蹟場屋知者為太息昨遇曲阜公青
 雲加賞識拔之冠多士庶用示矜式虛名萬口傳子故
 深自匿窮鄉慙生趣巷遇歌偈仄堂上有老親髮絲白
 變黑鑿坏豈得已彼屺傷遠陟幸托賢主人時與陳實齋黃門同
 行解推濟其嗇男兒志未遂放轍無南北不聞橫海鱣
 蟠尾肯溝洫余方踏歸路投老尚迷惑子真賢友生東坡
詩豈徒為我弟要賢友生朝夕宜在側奈何不能留又復奪有力
 江河歲月晚追逐乏羽翼道逢南來鴻寄書慰相憶

送陳實齋給諫服闋還朝兼呈大司農澤州陳公時吾邑賦役不均頗望當事者留意也

三年簪筆作名臣四紀還家為老親實齋前以終養乞歸仕路卷
 舒雖在我田間屬望更何人朝無遺闕書應少邑有更
 張見頗真為語司徒仍舊制也教游惰識公旬

介菴叔惠菊花

宗老移花到家童掃地迎澆深經夏旱開晚及秋晴酒
 復何人送詩從即事成濁醪留一醉珍重見君情

次兒武原歸舟又得菊數種

道遠宜兼土船輕不費擔好花來一一荒徑闢三三萬
 事同兒戲餘香借客談瓦盆非俗物多取未為貪
 有携折足几來售者以百錢買之

折足用不適傾囊計亦疎聊將安破硯或可配殘書棄

置終憐汝枝梧頗累余難憑非一几舊友比何如宋人詩舊友誰如几可憑

園中西府海棠秋盡忽發花

萬木正搖落一枝春忽回縱饒花意好不稱此時開草
本名相托霜風艷恐摧天寒憐袖薄為爾一低徊

客來

與世了無競并教棋局閒客來無一事籬下看南山

再偕介菴叔過村西僧舍看菊

憶昨披榛入經旬踏葉來秋花偏耐久名種或遲開天
意晴連月自重九後不雨人生夢幾回屢遊貪佛日原不為啣

杯

冬曉語溪舟中

江鄉已牢落冬候更蕭條風葉鳴孤樹霜溪影一橋沿
塘收蠓斲遠市插魚標雀鼠何多耗年荒爾獨驕

陳傅巖給諫以種園圖索題二首

身在元龍百尺樓菴居那便署休休慣聽絲竹知魚樂
別築陂塘領鶴遊僮約屢申松菊徑水租新報芰荷洲
黃橙綠橘皆垂實歲計如農亦有秋

鴨舍鵝欄

閩門內橋名見吳郡志

地接聯鄰翁拍點舊平泉園為申文

別業橋通別業仍三徑樹到成陰已百年碁局且從閒
處布畫圖留與後來傳看君用意真幽絕要使詩家賦

輞川

虞山張文貽乞節母于太君七十壽詩

妻無夫兒無父襁褓伶仃半生苦兒無父母有兒白頭
綽楔光門楮人言張子孝我謂子孝由母慈人言張母
賢我謂母賢非子世不知不見吾家節母苦節與張比
旌典不加坐無子今年生亦七十矣家叔母葛太君十
九稱未亡人去年
六十九苦
節而歿

歲寒雜感十首

斗室寬然著老夫欠伸纔罷又踟躕書能引睡聊遮眼
吟不求工似惜鬢古佛可燒同骨拙獨膠得煖勝醍醐
自從悟徹安心法儒墨同歸識一塗
萬里從戎記黑頭不成一事老林丘稍收芋栗宜充腹

不犯冰霜可廢裘橘柚洲前非楚澤鶴鴉沙外是涼州

最憐跋扈飛揚氣歲晚因人尚遠游閩德尹於十一
月赴蘭州幕府

文章鐘鼓付盲聾都入閒吟靜嘯中敗竹行疎猶響雪

枯桑葉盡自鳴風物情豹隱龍蛇蟄歲事星回日月窮

不信鄒生居黍谷能吹煖律挽天工

小閣簾開取向東寒天強半是西風瓷餅減水朝防凍

布被加絲夜代烘袖手輸贏迷黑白轉頭兒女換青紅

自知於世全無用新署頭銜號長翁宋陳造云物之無
用者為長故自號

江湖
長翁

力田制策已殊科忽枉瑤箋到薜蘿得路君言猶若此

窮愁我况更如何同年顧書宣見寄詩有病中
趨死易貧裏養生難之句行藏委

此况字是况味之况
况然二不甚好

年
与
年
同

運談何易人鬼論文意太苛虞山錢玉友寄詩有窮通判人鬼隔絕如陰陽之句

傳語兩家多憤激向來結習費消磨
鑿開渾沌本無情萬竅從教怒不平巧竿誰能推雪片
頑空何自起風聲陰陽橐籥機相引水火丹爐勢必爭
真宰茫茫竟誰是難憑齊物詰莊生

偷存子敬舊寒瓊與汝相依已有年向老情懷偏戀舊
過時顏色敢爭妍嬾魚冰底頭頭伏凍雀枝間箇箇拳
便學蟄蟲吾亦得屈伸何事乃關天

無聊且作杜門人肯逐鄉風鬥比隣俗儉稱家刪饋歲
年衰無伴看迎春生涯豈可謀妻子鄙事何煩瀆鬼神
但使黃金同土價齊奴巴婦一時貧

誰將正變溯源流今古何殊貉一丘稊米太倉雖見錄
遺珠滄海詎勝收斑窺半豹難為管腋萃千狐始是裘
好與風騷搜累代他時文選續名樓竹垞先生書來相約選宋元明詩
剝啄聲中歲徧除督催詩債甚追呼不徇俗好頭今白
自去名心膽更狷耐冷且來尋筆研消閒差覺勝撈捕
此中甘苦何人識豈獨雕蟲悔壯夫

聞李辰山藏書多歸竹垞

嘆息詩人失李頎柘湖回首舊遊非自憐老友今無幾
且喜藏書得所歸萬卷又增三篋富千金直化兩蚨飛
平生謬託知交在悔不從渠借一瓶

近遊集

起戊寅正月至三月

四十九歲

竹垞選宋
元詩之大
方未定
何



東廣微志狹九州爰作近遊之賦跡不越井里田
園事不離衣裳男女近則近矣於遊之義奚取乎
余自己未至今南北往還約計七萬里將收遊蹤
自遠而近茲集所以志也

戊寅元旦

屋頭初日靄春暉梅蕊看成豆粒肥扣齒焚香吾起早
敲門投刺客來稀舊梳白髮新逾短貧煉初心老肯違
苦覺鶴山聞道晚方知四十八年非

魏了翁詩四十年成一非

盛宜山新築瓣香菴於南湖之上雪中過之索

詩賦贈二首

三十年前舊酒徒天教晚節占南湖不辭太守分清俸

便有游人指畫圖水鳥雲帆爭出沒風簾雨檻對虛無
繞籬尚少成陰樹先種芭蕉一兩株

半間小閣一枝藤餘事行看次第增野色憑闌牕面面
遠烟浮樹塔層層不知雪裏參禪坐何似花時挾妓登
畢竟前言吾是戲近來詩派併傳僧

雨中同朱十表兄過宿徐淮江聽鶯齋

去城日已夕曲折尋枉渚水涸舟屢膠用篙迺舍櫓雨
人苦兀坐拄杖入村鵲稍稍深竹間疎燈翳復吐此來
占不速况復往遇雨犬吠僮僕嗔開門揖賢主爇薪燎
我衣敲冰轆汝釜明朝迫人日節物良有取剪韭佐春
盤嘉肴竟踰五新年困酒食愛逐清談侶一醉不得辭

初白先生易學
最保於詩中
用易則不甚佳

重君風義古

穀日至當湖沈南疑招同孫嘯夫過陸瞻成耕
廬探梅分韻得豐字

殘冰消盡水光中短棹移灣港汊通小圃花經人日雨
生一夕故人酒敵石尤風溪山興發長先到肴核年荒
微雨勿太豐醉墨歌斜吾自笑草書未暇為匆匆
是夕瞻成索書楹帖

凡三易紙乃成故云

大風渡前山漾

能事以中者
心學獲二日
川光蕩我前一碧開玻璃岸濶山斷續船輕浪參差但
聞捍索鳴心與閒雲馳萬木盡却走孤帆正窮迫道場
屹不動白埕如卓錫平生汗漫遊老嬾意漸墮結念在

茗雪泛宅方自茲

重至湖州戲簡許舜功張桐軒兩學博

偶然乘興到西吳社日還尋舊飲徒不用恢諧歸割肉
上丁纔過定膳吾

座主清溪徐公招同楊玉符編修談未菴文選
泛舟碧浪湖

蒲柳城南水一方三年重此泊吳航閒陪白社青門客
愛入銀鷗雪鷺鄉帳下諸生看漸老甕頭吏部最能狂
烏巾美酒東風汎并作澄湖匹練光

雨中游飛英寺次東坡稀字韻

春陰覆城堞花淺游人稀愛此北郭幽晨征夕忘歸盤

旋上窳堵恣眼窮清暉東風拂面寒細雨濕我衣客來
僧啓鑰客去僧掩扉跡在有迎送心空無是非
春分前一日余征吉學博招集杏花下
落盡苔枝春欲分杏花庭院又斜曛得錢沽酒即相覓
誰似能詩鄭廣文

登道場山次東坡先生舊韵

船迴浦淑淺徑轉村陽小不覺坡陀高騰身萬松杪菰
城陷井底白塔巒雲表浮氣盪一州湖波白渺渺天長
接遙翠目極青未了漸上伏虎關群峰忽環繞清颺蓄
戶牖古殿深且窈脈絡引檻泉淙泓匯池沼長廊百餘
步旁入逾幽悄蒼鼠窺別枝投空攫啼鳥巋然翠微閣

中敞外見少野火不到山蒼蔚復誰燎坐令杉桂材蒙
茸委蓬蓼飛蟲晝轟聚高蔓晴天矯老僧守空庖恐作
山中殍軍持乞米出厭寂喜膠擾我來久徘徊愛此吟
風篠春深花淡淡日暮雲孃孃餘暉帶疎鐘詩境隨空
杳古今一大夢回首隔昏曉

二月十六夜自長水塘乘月放舟二鼓抵嘉興
城下

兩岸朧朧桃李花一天風露屬漁家小船卧聽擢歌去
行到鴛湖月未斜

同竹垞表兄飲譚護城給諫南樓看海棠

我愛城南給事宅海棠兩樹紅交加牆頭過酒便留客

樓上點燈兼照花，濯枝偏宜的樂。雨倦眼似隔朦朧紗，
徑須時赴二老約爛醉不問東西家。

寒食鍾復周秀才家看海棠和鍾飛濤

細字味樹蕙花稠花光盡入樓，偶逢寒食賞偏憶少年游。照
座驚紅艷傷春到白頭，苦憐風雨惡燒燭為君留。

清明日南湖泛舟

積雨初霽交清明，桃花杏花飄滿城。城南水色綠於酒，
鵝鴨一灘春草生。

曾道扶學憲惠蜀中藥材

吾比多幽憂，早衰坐善病。豈無三年艾，真贗苦難證。炮
炙投成方，庸醫執其柄。邇來讀本草，稍稍諳藥性。蜀山

美產多州邑，若畫境靈苗。倘易地厥品變，邪正時俗但
徇名采真復誰更。先生校蜀士甲乙，手親評開籠貯參
苓，拔茅群有慶。餘材搜草木，良楛別明鏡。萬里宦游裝，
錐刀肯相競。大江五六月，風壯波濤盛。百束壓歸艇，蛟
龍不敢橫。分張荷見及，行篋忽輝映。從來苦口利義比，
良友諱若待。倉猝求誰為，緩急應於公。感深意臭味殊，
可敬。

上巳雨中同竹垞及兒建再赴淮江招

三月三日東風寒，徐尚書家春未殘。半篙新水淥忍唾，
兩樹碧桃紅耐看。蛙黽幸未聒人耳，蛤蜊大可充君盤。
一番相過一冒雨，咲口欲開爾許難。

先生之不能為杜
學也蓋病在淺
者故耳

題沈南疑林屋山居圖卷二一首

莫釐峰下是查巒及記扁舟壓雪還一事至今留缺陷
不曾西到石公山

浮家泛宅事良難綰綬行將赴一官縱使買山爭得住
故應寫作畫圖看

自入春來往返嘉興湖州兩郡凡六十餘日穀
雨後還家花事盡矣

累月扁舟碧水潯歸來三徑已春深樓頭一帶槎牙樹
多為黃鸝換綠陰

題又微姪載花圖小影

落魄江湖不計年風流別是一生緣桃根桃葉無顏色

迴避儂家載酒船

再題種菜圖二首
此却一首遂初賦和我三章學圃詩彈鋏思魚原失策

封侯食肉更何時

黃齏百蕻亦前因腰腹如渠那稱貧也與萬羊同一飽
算來原自可驕人

題族孫恒弘看舞圖

可是相逢游冶場由來壯士愛紅粧試他舞袖長多少
虹暈輕巾是電光

敬業堂詩集卷二十三

敬業堂詩集卷二十四

海寧查 慎行 悔餘

賓雲集

戊寅四月

四十九歲

春來既以近游名集是夏復偕竹垞先生作閩南之行淵明所謂饑來驅我也往反五閱月共得詩若干首唱酬者居其半釐為三集曰賓雲者紀遊武彛也曰炎天冰雪者取諸噉荔也而以垂索終焉中間聯句數章竹垞已刻入曝書亭集茲不復刪義取各見存題目也

初發江干

江路羊腸迴江風羊角合

丘長春西遊記風初起如羊角者千百須臾合為一風可

證莊子羊角而上語漸近漁浦潭忽失六和塔

自漁浦挂席至富陽聯句

編郎唱櫂雨初消梅餘突起東風送客船百里晴山低似

屋竹地一江新水健於潮舟人謂江暴漲時海潮不得上得携老伴無拘

束梅縱是貧游未寂寥况有月波春甕在竹隔船不乏

酒人招梅

又聯句一首

江山小船急浪衝竹疾若鷲鳥凌霜冬梅灣濶忽轉赤

亭岸竹俄頃不見南高峯梅鮪魚出網白尾尾竹烏柏

夾路青茸茸梅井西道人畫不得竹暖翠浮嵐如此濃

和竹垞雨泊桐廬限腹字

灘聲遠初喧山色晚逾綠宵宵城上鐘濛濛雨中屋平

生湖海夢又近嚴陵宿濯足有烟波胡為加帝腹

和竹垞七里瀨限脚韵

老黿没水風旋作合江亭西石勢惡兩蛇對走赴一壑

雲端百丈挽山腰井底孤蓬轉山脚

瀧中吟俗作龍亦作籠葉夢得避暑錄辨其謠云當作龍閣江反今從之

瀧中亂峯高插天瀧中急水折復旋瀧中竹樹青如烟

白龍倒垂尾蜿蜒洩雲歎霧為飛泉晴光一綫忽射穿

兩點白晝打客舩舩行無風七十里一日看山柁樓底

有風七里無風七十里瀧中口號

晚次汝步乘月抵蘭谿城下

飛盡漁灣白鷺鷥眾師逆浪上灘遲蘭溪城外數錢女
月出未收青酒旗

雨發東峰亭

昨日不料風今朝不料雨生涯昧所向智不如商賈聊
為山水遊旅興時一鼓東峰吾舊識嘉樹紛可數中流
乍回頭悵若辭地主三衢渺何處去去信柔櫓自此西
行余遊

水碓聯句四十韻

百灘趨漸江昏旦鳴不息竹大波恣奔放小波迴汨渚
悔居人擅水利審曲引使直竹其長走蛟蛇其廣納溝

減悔遏防激之怒徑隘流轉亟竹夫豈水性然適來遭

勢偪悔于焉扼其吭壘石添檠杙竹椽茅架小屋度地

隨偃仄悔斲木為巨輪當衝立樞極竹旁安三十輻輳

輻輳斤墨悔龜繇交兩兆驚甲支九肋竹括張等虞機

璇運就圜則悔江心鏡欲躍海底月半蝕竹滅頂涸人

騰升陟壯士踣悔尻高首或下後湧前忽匿竹團團牛

旋磨匝匝鴉翻翼悔棗軸貫中央有如著在劫竹循環

觸牙動揚者必先抑悔石白質本頑甘為杵所賊竹昂

然馬騰槽俛若鶴啄食悔砢砢應關挨次第符漏刻竹

擣紙十萬牋取禾三百億悔穰穰除未盡藤竹需孔棘

竹一為機事牽焉得休汝力悔先王昔制器取象配卦

德竹舟楫涉大川耒耜徂畛域梅養生務佃漁分壤別

動植竹隣歌答春相作苦爰稼穡梅俾習四體勤群黎

無懈忒竹後世技巧繁淫竒難忖測梅桔槔輓轡作便

利成典式竹紛紛鑿渾沌一一騁胸臆梅能令蠢者靈

通者忽以塞竹即此水碓論用意略可識梅居然役造

化安坐無怍色竹乃知天生民若苗之有騰梅夜來山

雨驟趨漲漫澤國竹沙崩岸漂沈有械施不得梅物成

久則毀茲理復何惑竹逸豫安可貪民勞宜率職梅

和竹翁衢州城下作

開府專征地孤城盜賊邊身常當矢石險豈恃山川劉

渙何知反睢陽竟得全白頭遺老在對客話當年甲寅乙卯

此題朱集卷三

之亂武定李文襄公鎮此浙東西數郡獲全

篁步

去衢州二十里地產柑橘

百折金川水東流下石門碓床聲不斷炭塢氣長昏小

屋椽欄岸疎籬橘柚村荔支方入貢剩爾未移根

常山山行

常山小城如破驛細路多嵌彈丸石一乘竹轎役兩夫

雜遝前行隨估客憐渠雇直止百錢為我赤脚頰兩肩

我今亦復被物役何暇悲人還自憐

和竹垞沙谿舖

山田早插綠秧齊小犢新生未架犁聞背村童浮水去

牛欄只在岸東西

龔家渡夏文愍公墓道作

東市朝衣血西江野哭魂已無鄉社祭猶有墓門存亂水荒阡斷悲風宰木昏鈴山藉官後得謚即君恩

自焦石塘抵鉛山河口兩岸石山獐劣上無寸土草木不生作詩嘲之並邀竹垞先生同賦以傳好事者

爾雅釋山名類族紛可數土山或戴石石山或戴土草木別有無無者名曰岵挾筴事出游舊聞證新覩一山一巨石突兀向江滸若被烈火焚禿鬣了無取于獸燻其毛于鳥翦其羽于人為寡髮渾沌出太古無心腹腎腸無耳目肱股大疣蠹盜懸醜疾蘧篠俯陳根何處托

沈泉不得吐正坐山無情遂令旁少輔樵人弛負擔匠氏輟斤斧塊然天地間於世爾奚補

從河口陸行至鉛山縣三十里間山水清佳老樟古桂不記其數皆千年以外樹也所至輒流連其下自悔舟中誚頑石之作復賦此詩邀竹垞再和

溪迴峰巒竒雲日互虧蔽兩邊盡古木曲徑入蒼翠行人雜負戴偃憩隨所至如開步障陰下可萬間庇想當生材初造物本無意榮枯非分定蒙養在托地我昨嘲頑山無端坐好事目前不見睫幾欲一槩視向來身未經鹵莽悔輕議譬諸覘他邦不仁在高位輒云彼無人

賢者豈終棄作詩還自哂一解前言戲

鉛山城中有古樟三每歲四月白鷺來巢其間
伏雛乃去亦一異也

惟底空城老樹梢鷺鷥引隊似蘆菱魚蝦飽噉無人問
生子看看占鵲巢

和竹垞雨晴

入門雨脚垂出門雲氣遯皇天本無私邂逅適我願

紫溪道中二首

去城漸遠漸青葱畫裏谿橋曲折通無有一村無好樹
歇涼人在小亭中

壘土層層勢就低石田如畀岸如梯清泉盡是秧針水

朱集卷之三

直到山根始作谿

度紫谿嶺

渡橋正亭午白日無匿景微茫紫翠間嶒嶸西南頂躋
攀力已殫仰視猶半嶺迴風轉轆轤汲我出深井茅菴
冠木末快若衣振領綠樹忽交陰蒼然失人影坐來殊
氣候濁暑驚清冷匆匆行役心佳處惜俄頃

觀造竹紙聯句五十韻

信州入建州篁竹冗於篠竹居人取作紙用穉不用老

悔 遑恤簫笛材緣坡一例倒竹束縛沈清淵殺青特存

縞 五行遞相賊伐性力揉矯竹出諸鼎鑊中復受杵

白擣悔不辭身糜爛素質終自保竹汲井加汰淘盈箱

費旋攪悔層層細簾揭焰焰活火熇竹舍粗乃得精去

濕忽就燥悔擘來風舒舒暴日杲杲竹箬籠走南北

適用各言好悔緬維邃古初書契始倉皐竹自從史記

煩方策布豐鎬悔中經祖龍燔孰敢撲原燎竹漆簡及

韋編殘灰跡同掃悔當時禍得脫賴爾生不早竹漢代

崇師儒家各一經抱悔截緝蒲柳姿刀削詎云巧竹如

何荆物智乃出寺人造悔麻頭魚網布棄物收豈少竹

後來逾爭奇新製越意表悔山苗割藤芟水滋采苔漆

竹桑根斧以斯蠶繭機不絞悔澄心光綴綴鏡面波晶

晶竹研宜金粉膏繪作龍鸞爪悔桃花注輕紅松花染

深縹竹鴉青蜜香色一一隨浣澡悔十樣益部箋萬番

傳癖橐竹紛然輸館閣逝矣來海鳥悔要為日用需若

黍稷梁稻竹惜哉俗暴殄塗抹太草草悔俗詩鼃蝮鳴

俗書蛇蚓繞竹俗學調必俳俗文說多勦悔流傳人有

集刷印方未了竹積穢堆土苴餘殃毒黎棗悔或污蝸

角涎或供蠹魚飽竹或為肉馬踏或被饑鼠齧悔糊窓

信兒童覆瓿付翁媪竹遭逢幸不幸所繫豈纖杪悔平

生嗜竒古卷帙事研討竹秘笈藉爾抄籟金匪吾寶悔

響榻溯籀斯斷碑拓洪趙竹提携白刺史著錄庶可考

悔由拳法失傳將樂槽苦小竹楚產肌理疎晉產膚澤

槁悔物情相倍蓰美惡心洞曉竹非無雲霞膩愛此霜

雪皎悔小疊熨帖平捆載赴逵道竹預恐壓歸裝又滋

征權擾悔

烏石村

修竹連山萬萬栽，斬新換葉碧如苔。特留老節非無用，歲歲生孫作紙材。村家造紙多，取新竹故云。

分水關

萬斛松風捲戍樓，泉源同在此山頭。忽教一塚巖墻劃，不許東西更合流。

崇安孔彛仲明府招飲縣齋池上分賦二首

南遊吾偶到北海，席頻虛未敢輕修刺。何當先下車客來，童掃徑衙罷吏抄書欲識閒官味。君看清獻渠樹陰齋舫合，荷氣板橋灣水檻晴初倚。溪門夜不關，座

中無俗客，管內有名山。未到聞君說，如遊九曲還。彛仲于座

上極稱武
尼之勝

和竹垞慢亭

慢設曾孫宴，歌傳鼓笛聲。神仙如可學，大抵屬多情。

冲祐宮

一溪隨擢轉，天半削兩峯。萬年宮在兩峯趾，古殿入門三五重。長廊白日氣幽邃，蔭以楓桂樟楠松。不知中有路，但見列岫四面排高墉。不知下有谿，但聞噌吰鞺鞳相應。如鼓鐘，神仙高居道士俗。三月四月忙於農，苦言茶味薄不足充。上供客來正炎熱，亟思澆此枯渴胸。頭網封裹度嶺去，上品一呷霑無從。明朝試扣白雲洞。

口老僧逢不逢

武居茶出僧製者其價倍於道院

宿虞道士山房

晚涼新浴罷古觀有餘清一院松篁氣滿窓風雨聲擣
蘿日藥日暖酒就茶鐺預飭齋廚飯山遊望曉晴

和竹垞仙蛻巖

生前不煉紫金丹身後何須白玉棺已向虛巖委枯骨
癡兒尚掃漢家壇

虹橋板歌

板為崇安潘秀才在東所贈

潘生贈我虹橋板云此購得從仙山幔亭宴罷橋忽斷
此木板在萬仞之孱顏蒼鷹健鶻對對巢不得但見成
群接臂叫跳猿猴獬黃冠白足力難致間出廣者相欺

此詩蓋亦不實不
若朱子之云實矣

此詩亦不實不
若朱子之云實矣

豚呼閩切豕乳

犀也

謾有時晦冥晝風雨神物欲降天為慳前者偶經此巖
下巖前白浪吞船豚忽驚片板半空落有若胎禽墜毳
飛輕翹主人大咲童僕喜謂獲至寶非空還已令巧匠
刻為佩何異袖鞭使物駢妖姦知君好竒特分贈徑尺
未許酬千鍰我時聞斯語未敢相譏訕今晨入武巨好
事搜險艱生為指其處乃在一曲二曲三曲灣初疑棧
道上露出船尾彎復如鳥鼠穴竹箭亂插同榛菅神輪
鬼運義奚取徑路斷絕誰躋攀忽憶少年日南走五溪
窮百蠻蠻人寄命巖洞裏多構柴棚臨崢嶸今之所見
正此類亦如秦客避亂來其間不然颺輪雲馭本飛渡
豈有剝木留塵寰摩挲重是千歲物肌理駁蝕生香斑

携歸歷書儘有用何必新奇環詭驚愚頑

和竹垞小九曲石壁是唐許碣題詩處故名題

詩巖附錄借詩閣苑花前是醉鄉召翻王母紫霞影雜仙拍手嫌輕薄請向人間作酒狂

石上三生事渺茫題詩重過苾芻房此中大好安茶竈何苦人間作酒狂

和竹垞御茶園歌

宋茶貴建產上者北苑次壑源研膏京挺南唐貢茶名製一

變爭新鬪異凡幾番白龍之團青鳳髓輦載入洛重馬

奔武巨粟粒芽其初植未繁何人著錄始經進前有丁

謂後能蕃君謨士人亦為此餘子碌碌安足論宣和以

來雖遊驛場未官設民不煩元人專利及瑣細高興父

朱集卷之三

子者寵恩大德三年歲己亥突於此地開茶園中連房

廊三十舍繚垣南北拓兩門先春次春徧采摘一火二

火長溫磨緘題歲額五千餅雞狗竄盡山邊村携來詐

馬筵和入潼酪供鯨吞豈知靈苗有真味石銚合煮青

松根爾來歷年已四百御園久廢名猶存筠籃四月走

商販茶戶幾姓傳兒孫我思鱗魚橘袖任土貢微物亦

可充天關朝廷玉食自不乏何用置局灾黎元追思興

也實禍首幸保要領歸九原山靈曷不請於帝按女青

律管其魂傳語後來者毋以口腹媚至尊

仙掌峰瀑布

接笋仙掌峰入望初聯綿兩崖訝然豁一瀑垂蜿蜒不

從仙翁指間出却穿左脅下走六曲為奔川行人衣沾
芒屨滑拄杖直上孤雲嶺崎嶇丘前石徑轉胡麻小澗
當橋邊尋源初自稻田發三里五里斷復連淺處生菖
蒲深處得種菱與蓮千年老蟾蜍爬沙亦頑仙仰天喻
其舌噴水一竅清而圓始知山前雷轟礮激千丈瀑布
水即是山背涓涓泉匏樽便向道人借我懶欲住清涼
天

天遊觀萬峯亭

占地既已高尤難在扼要前臨殊陁絕旁睨轉孤峭群
雄奉一尊奔赴不待召來時記目擊歷歷本形肖羊群
呼可起石馬首回若掉馬頭象鼻垂彎環象鼻獅頭

跳午夢且雨却
顏中所作亦不可
混甲

仰軒越

獅子巖

鼓鐘應考覈

鼓子峰

龍虎答吟嘯

以龍潭

兜鍪勇士冠

兜鍪

粧鏡神女照

粧鏡臺

石笋瘦而長

接

蓮花娟且妙

蓮花

到亭悉殊狀變幻非意料初高後

反匿曩隱今忽跳投空翻白鴉削背掠蒼鷄烟生松外

村竹亞崦中廟清溪截羅帶已斷復縈繞澄泓鷗鷺池

中有一翁釣流觀飽創獲俯仰恣吟剽翻嗟神靈區僻

左落遠徼奇峰三十六名可配嵩少奈何杜韓輩足未

涉閩嶠山靈秘莫宣自古閉窻窻我來及新晴朗日相

照耀終疑雲霧窟滃渤尚埋竅幸賴此孤亭予焉踟翫

戲重遊果何時臨去屢回眺

坐竹簿入九曲聯句

連峰六六收蒼霾梅 雨餘滑澆碎石街竹 挈我栗杖樓
 毛鞵梅 蘭湯渡口上竹簞竹 篙工初指一曲涯梅 姓名
 幾輩爭磨礪竹 娉婷玉女峰最佳梅 野花簇髻松搖釵
 竹 當年武尺集神媧梅 歌絃鼓板金管齧竹 高張雅奏
 無滯哇梅 子禽小蛾定爾儕竹 群仙一散後會乖梅 黃
 心老木委蛻蘊竹 爾獨對鏡留形骸梅 千尋鐵障鎔頑
 錯竹 大藏小藏有背揆梅 山魃獨脚帝所差竹 洞門石
 扇呀然闖梅 壑舟力負何矻勅竹 其中瑰木類積稽梅
 又類羽鏃抽鞞鞞竹 水光汎汎聲潏潏梅 冥冥微徑不
 可階竹 欲往金井迷鬼艾梅 深潭龍臥波滾滾竹 誰歟
 釣者貪鮪鮭梅 茶園新芽出舊蔕竹 僧籃道笈采摘皆

梅 可惜不逢紅粉娃竹 題詩古巖平不欬梅 精廬小於
 負殼蝸梅 豈若大隱屏之厓竹 祠宇百世人模楷竹 大
 書照耀銀泥牌梅 學達性天 聖德諧竹 屹然天柱高
 歲襲梅 勢如拱揖趨庭堦竹 須臾路迴仙掌排梅 神臯
 下上車駢輦竹 竹窠桃澗雜樹槐梅 龜浮獺控形膠臠
 竹 白雲奔前雙眼揩梅 俯視九曲滌青縞竹 新村村落
 尤可懷梅 新苗活水通荆柴竹 穀犬跳聒雞膠嗜梅 况
 無蛇虎狼猱豺竹 何時買地營茅齋梅 畊稜漁弋與子
 偕竹

和竹垞建陽

考亭本是黃家墓侍御橋邊宅久空陳跡已消名姓外

好詩猶展畫圖中後來結構原因此佳處溪山遂屬公
欲買麻沙村畔屋餘年拚作蠹書蟲

唐未侍御史黃子稜自洛陽寓居建陽東觀山築亭以望其父之墓曰望考亭因以名里朱文公之父章齋先生愛建陽山水未及卜居公築考亭以承先志正取黃侍御之意後人專以考亭屬文公侍御之名湮矣人過小橋頻拍點全家都在畫圖間侍御

詩中句

樟灘

小縣晨發船建溪展平綠前行三四里跳沫粗如鵠厥
名曰樟灘畜害自古酷假令勢下趨直瀉無迴躅石梁
伏水底未免防坎毒奈何三折形故作巴字曲湍奔方
有激石起陡被束一芥一針投中間不容粟兩旁剗刀
劍悍惡伺失足篙工善駕馭肯與怒機觸馴彼積豕牙

服我童牛牯終焉脫於險初若順所欲方悟不擾心可
以遠蹶促側聞前灘多恠石難悉錄吾生不有命恐懼
隨羸僕

雨中下黯淡灘

未到先愁出險難忽驚片葉落奔湍星流電轉目未瞬
一道白光飛過灘

延平晚泊

小雨冥濛劔浦西浮槎壓水女垣低人家多傍翠巖住
榕葉滿城山鷓啼

水口

雨餘忽飄雨數點山外更添山幾層六百里灘過盡

都

也如出峽到夸陵

小箬驛榕樹

古驛千年樹蟠根積水涯細筋堅作骨新葉嫩如花綠
處陰三畝枯邊畫一樞散材真自幸剪伐幾曾加

竹崎關

佛桑花根犬吠龍眼枝頭鳥鳴漸覺山平水遠郵籤報
近榕城

贈汪悔齋方伯

國家有異數畸人出當之巍巍宏博科鶴鳳集一池公
來承主眷初亦由文詞繼乃悉公才拔萃超常資我
朝拓遐陬南不盡島夷勿輕發介使大體存羈縻曠典

偶一修擇賢誠足毗公時膺特簡啣命東南馳粘天

駕波濤帖首馴蛟螭平生抱忠信涉足無嶮巖肅將明

明威慎重瞻丰儀必若誕文教要令崇先師鰲背屹宮

墻作記刊諸碑餘事當潤色問俗陳風詩手持王會圖

歸獻白玉墀至尊動顏色前席為頻移迄今奉使錄

燦若星日垂自茲益嚮用歷試無不宜試公以吏治出

領嵩洛伊政成多異蹟獨創非前規試公以擊斷明決

仁且慈八閩百萬戶立起殘瘡痍試公以大藩旬宣來

保釐民勞既已堅國計終無虧凡此十年中官塗自透

迤旁無汲引力皆受特達知煌煌名書屏屢被褒美

辭行省尚見屈看人換旌麾賤子田間來於公少恩私

側聞道路口籍籍皆如斯當今梁棟材大器非公誰公
昔守洛陽舍弟久追隨猥蒙齒頰及佳句時或披堦前
尺寸地投謁獨性遲男兒屬有願會合寧無期携我作
遠遊竹垞真好竒武厝昔未到昨始慰所思此來復識
公又得啖荔支何期寂寞遊三樂併一時篇終述已意
公幸勿見嗤

敬業堂詩集卷二十四

敬業堂詩集卷二十五

海寧 查慎行 悔餘

炎天冰雪集

起戊寅五月
月盡六月

四十九歲

端陽前二日初食荔支戲寄德尹時弟在蘭州
二首

荔子初紅到福州絳囊欲擘已涎流阿頻來往如相避

咲擲閩南一度遊

弟於甲戌二月遊此四月還
家未嘗啖荔也阿頻弟小名

方紅陳紫價爭高次第行將飫老饕直作衝炎吾得計

西遊終不羨蒲桃

魏文帝以蒲桃比
荔支世訊其繆

西施舌

一名
沙蛤

尤物佳名托依然住水鄉死難逃越網生只戀吳航

沙蛤

產吳航者佳

香螺

螺女江邊產形麗味特奇客廚貪一飽空殼付僧吹

梅聖

俞詩佛寺吹螺空唱嘍

螺名閩大記一

味美尤在螯一枚十錢買自從擘蝓蚌不憶分湖鱗

蟹魚腹下有十二足雌雄常相負取之輒作雙

介屬魚其名雌雄同一束爬沙苦無力安用十二足

花蛤

入水化幾時登盤復充膾剗腸誰見憐文采却在

黃螺

藏尾露兩角肉黃漫多腥時於蝸殼中自負枵然形

珠蚶

珠蚶細已甚魚鱗鵝眼許海錯幸自多烹鮮乃及汝

食江瑶柱

河豚豈不佳中毒時有之須臾聊為性命忍當筵輟箸

甘被旁人嗤半生夢想江瑶柱客或誇示長朶頤南遊

無一事直為口腹寧非癡土人向我言惜來非其時客

欲嘗此味請以冬為期清晨無端食指動腥風恠雨入

座紛離披天教尤物落吾手海市忽逐神鞭移常鱗凡

介盡辟易獨許上品當釜錡其形初如羊角合倏若蝠

蝠兩翅張襪襪格高味厚少為貴中間甲柱孤撐搯瀾

以百沸湯。逡巡發華滋。鮮於金盤露。潔比白玉脂。食經
百六十五卷。鳴薑點醬無不宜。良庖俗庖兩兩割。烹好
方法不用傳。嚴龜隋大業中刻淮南王食經一百六退
之引類及章。舉坡老比儼。到荔支二公評。隲竟誰是吾
方飽噉不暇措。一辭

林草臣攜酒見過

六自不坊先生所

草堂無定所。亂後屬他人。愛客老尤篤。論交晚自親。割
鮮兼眾味。載酒過比隣。一醉叨深眷。翻憐地主貧。

養蜂歌

逆旅主人貪養蜂。木櫃中結房千重。別開孔竅聽出入。
高置簷宇虞奔衝。頗同君臣儼有禮。稍別種族如知宗。

以不能成
其功在
生中間力
處身

兩衙薨薨勤鼓翅。四序擾擾無停蹤。婦姑勃蹊或同室。
子弟盛壯旋分封。秦宮每向花底活。韓憑大抵枝頭逢。
苦兼黃連充藥使。甘比稼穡成花農。乾坤大哉類斯聚。
形體眇爾性則迥。天生是物本巖谷。於世無競宜相容。
自求辛螫誰作俑。乃至役物為人傭。僦居一椽在隘巷。
偏側欲避愁無從。明知倉卒非大害。未免有意防針鋒。
吾將縱女任所適。解衣盤礴便疎慵。主人一咲不見許。
留待割蜜當嚴冬。

汪學使棣園寄餉興化荔支

南越百株移遠植。西川一騎走炎埃。如何兩日楓亭路。
也為先生置驛來。

林竹筠封翁招飲榕菴

山根沮洳濕蒼苔別業重新鑿石開但使周遭留竹樹
不妨次第補亭臺五經又課諸孫讀次公碧山以五一經擢第故云

榼頻携遠客來拍點舊時門逕改雙榕前歲拔風雷門

榕樹二株丙子七月為大風所拔

汪悔齋方伯署庭有荔支小暑後摘以見餉率

成十六韻

陰合重樓外枝垂曲檻東珊瑚推舊譜玳瑁占新叢畫

省初凝露薇垣迥得風繁星紛乍摘白雪沃俱融步障

絲褰紫宮衣袖卷紅品方瑤柱美東坡梅溪以江瑤柱比荔支肌愛

玉環豐只許輝銀印白樂天寄楊使君荔支詩對君銀印色相鮮何期餉竹

籠從來臭味合大抵餽貽通不是分甘好將毋嚼蠟同

炎官方赫赫熱屬又蟲蟲解駁涼無汗醫蠲渴有功稍

宜親夏簟惟欠剝春葱長樂全勝畫郵亭尚憶楓長樂所產

名勝畫者可與興化之楓亭相匹皆名種晚熟者近應來郡縣遠不比瀘戎少

詩憶過瀘戎摘荔支旅橐終難致頃筐倘更蒙此遊專為口貪得

咲何窮

甘泉漢瓦歌為候官林同人賦

林生老立專門學金石遺文卷盈握曾經從宦走長安

斷碣殘碑薛親劄昭陵蹟廢補亡闕磨石山高穿硤礪

冰霜裂面虎豹鼻沙礫堆中拾完璞摩挲銅狄自何年

萬棟灰飛片瓦全為按黃圖考宮殿始知地是漢甘泉

此是王朱二作

當對看

此言節序在於

亦日初見古瓦
如此作二佳到
日別所見多矣不
直多作也

底平面正規而圓肖形似鏡還如錢其高半寸徑三寸
旁具輪郭中不穿土花蝕後文留識音上有長生未央
字龍拏鳳攫結撰奇肉厚肌疎形體異與人作硯不中
用抱質如初無變置吁嗟乎楊南劉不作識者希時
俗誰能辨真偽巧多滋偽樸者真此瓦人間蓋無二豈
同冰并香姜閣堦堦紛紛托疑似勸生勿更加磨磨本
色須教存古意生領此語索我詩我詩質直無娉辭請
煩拓致數十本徧乞羊何共和之或恐流傳落人口陶
甄又復成今手

張民瞻舍人趙二今孝廉同日餉荔支

側生倒挂頰虬珠後先磊落致座隅空齋長夏失炎熱

中有仙姝冰雪膚太真飛燕兩媚嫵那辨徐家蔡家譜

新譜蔡君謨著蒲田譜徐師閔著

野人揣分已不廉一飽今朝煩二主

此生大嚼知幾回一日可少三百枚從茲便結荔支社

用東坡嶺南事

日日西禪寺裏來

六月初六日同竹垞青壇過長慶寺噉荔支二

首

碧蘚埋唐碣紅雲擁寺門客嘗初揀樹僧引為開園甘

露充香飯清泉注瓦盆分沾徧僮僕猶自壓枝繁

蚶殼稍稍重星球箇箇圓生偏當遠嶠吾及遇豐年寺僧

云今年荔子最熟似為遠客設供

邂逅三人話衰遲一飽緣勿嫌來較

晚禽鳥讓爭先

與陳漳浦莘學話舊

誰憐香案吏遠謫到天南索米洵非易折腰良不甘山
租輸海貝市舶賤迦楠喜拜貧官惠輕風白葛含時以廣葛

贈見

數日前作詩報悔齋方伯末有無厭之請蓋在
楓亭荔支也朝來果蒙分餉再成一律

四樹楓亭種曾經入貢餘人間應漸少名下果無虛絕
品慚供客兼程苦累渠色香全未減地主誼何如驛庭只四

樹樹老半枯故開人宋比玉荔支詩也

龔運使榕溪招飲園亭

擲印歸家髮未蒼手栽梧竹闢池塘到來但覺綠陰好

坐久始知清晝長客子解衣思避暑主人投轄怕逃觴
不辭户小拚沈醉三伏世間無此涼

飲陳集斯烏石山莊

先生去言詩清切
中間有以杜之句
非若李獻吉之
右利以是然亦
卒歸於風氣引
左者以何故也

炎天塵滿街襍穢何太苦野人寡酬酢一飯必擇主陳
生靜者流邀我遊椒塢小樓城北面豁達寄簷宇漸入
轉幽深忽高迷步武清泉閱巖竇涓滴時復吐碧眼貯
渟泓瀉為荷芰渚隔籬微辨徑疊石不帶土瘦竹走長
鞭淡花垂細乳木桃正垂實木桃似木瓜而有紋上結一臍如小桃錯落
拍可數中無一蟬嘶上有獨鶴舞孤亭出林表七塔皆
下俯客來導攀躋赤日方卓午清涼徹山骨快若新過
雨善病君得閒息交吾獨取何當把鑿柄共治黃精圃

六月十四夜喜雨

撲扇蚊蠅若不支，
涼聊與睡相宜。
一窻歸夢芭蕉雨，
六月驚心蟋蟀詩。
遠客交遊長寂寞，
殊方節物極參差。
明朝紅屐城西路，
已是潮田穫稻時。

題讓竹亭修禊圖卷

何必山陰亦有亭，
一時盛事又丹青。
舊因洗竹開三徑，
新為栽花讓半庭。
詩好儘容僧入社，
客來總與鶴忘形。
年年上巳風光在，
長指天南聚酒星。

送龔仲圭歸合肥

嗟余生苦晚前輩，
目未識側聞長老言。
蘊穠推厚德，
煌煌煌端毅。
古道手扶植，
南宮昔校士。
良窳就陶埴，
至性

實憐才搜羅，
如不克謂宜。
餘澤在十世，
報猶食公子負。
英才承家奉，
軌則于人非。
本意負米貧，
自力堂有白髮。
親傷哉彼屺，
陟通門謁開府。
願望良易塞，
舊時桃李花。
當路化荆棘，
交幾厄陳蔡。
歸及課畊織，
不污棗囊金正。
復壯行色螺，
江水新漲帆。
影輕比翼一事足，
誇人來從荔支國。

薩天錫詩紅塵香煖荔支國

仙遊茅筆歌

群山海上來，
絡繹趨九仙。
僊翁此山住，
示夢於幾先。
九祠祈夢，
山中老樵枕石眠。
斧柯斷爛不記年，
夢中髣髴遇神授。
筆花畫吐黃茅天。
覺來信手縛不律，
巧被筆工偷妙術。
遂令九仙祠下三脊茅，
用與雞毛鼠須匹。
中書

免冠頭不秀管崩居然效微質幸渠一束價未高殿頭
簪珥非汝曹若教朱墨官盡取便恐仙山成不毛君不
見連山伐竹兔拔毫鐵梳膠綴何其勞穢史自執奸吏
搯直與此輩供錐刀老夫抄書指生繭怕搦人間管城
管塗鴉結蚓隨爾為不要殘年護吾短

壽山石歌

周禮重璽節後來印章母乃同自從秦人刻玉稱國寶
此外雜用金銀銅鑄成往往戴紐負鼻作力碑跌雄
橐駝羔鹿虎豹龍細者龜兎巨者龍與熊肖形寓像隨
所好繆篆法與蟲魚通漢時斗檢封下沿唐宋仍相蒙
神龍貞觀宣和中六印旁及金章宗當時御府收藏及

書畫首尾鈐識丹砂紅民間私記不知幾千萬楊克一

古印王厚之有復姜夔有集趙子昂有集古誰能窮車

礫瑪瑙犀角及象齒古印譜適於用俱牢籠後來摹刻忽以

石其法創自王山農元末諸暨人王冕自稱煮石自元

歷明三百載巧匠到處搜殫山農始用花乳石刻私印吾鄉青田舊坑凍價重

蒼壁兼黃瓊福州壽山晚始著強藩力取如輸攻初聞

城北門日役萬指傭千工掘田田盡廢壽山石產田鑿

山山為窟崑岡火連三月烽玉石俱碎汗其宮况加官

長日檢括土產率以包苴今所用者皆充今之存者大洞蓋已少洞

所產亞於田石別穿巖穴開芙蓉出芙蓉巖居人業此成石

戶斑白老叟携兒童采來製紐尚倣古一一彫琢加磨

驚我聞金石古稱壽茲山取義奚所從如何出寶還自
賊地脈將斷天無功山靈有知便合變頑礦庶與鴻蒙
混沌相始終

以蜜漬生荔支戲成一律

蠟黃封蒂上方奩未入蜜時先融蠟封蒂兩月南中已屬厭筐籠
人情憐白曬瘋嬰方法愛紅鹽白曬紅鹽俱見君謨荔譜離枝便減
三分色入蜜懸知一味甜珍重老翁親手摘歸教兒女
得分沾

飲張民瞻齋

出牆藤蔓走龍蛇拍點相過路不賒却喜隣居連北巷
每拈書籍問東家寓舍去張最近頻得借書故云涼生翠蓋亭邊雨風

落紅薇屋角花借取深杯還接燭不愁官鼓夜催搗是微雨竹垞先歸余及龔容溪兩人復留縱飲

高斯億為余畫竹以詩報之

畫竹原從草書出眼中孰是張芝筆高生善書久絕倫
餘技兼為竹寫真自言亦用狂草法頗覺游戲能通神
無諸城中少修竹客舍連旬苦炎毒賴君妙手補化工
為我一揮終十幅幅終擲筆風雨來野人疎爽心顏開
須臾雨止墨光濕潤入紙背生蒼苔老龍蛻骨瘦崛強
翠鳳掉尾紛毳毼魄雄氣大腕力壯盡掃篠蕩皆凡材
忽然幻作鐵鈎鎖江南李圭作竹自根及梢極小者一鈎鎖謂之鐵鈎鎖自云惟柳公權有此世有誠懸應識我渭川千畝胸鬱蟠放縱精微
筆法

無不可文湖州派繼者難後來獨推王孟端人間多畫

風中柳東坡題文與可墨竹詩那珍重蕭郎十五竿斯

墨竹甚自秘重故用蕭悅事為比

福州太守毀淫祠歌

愚眊致貧蓋有術祈福淫祠亦其一八閩風俗尤信巫
社鼠城狐就私暱巫言今年神降殃癘疫將作勢莫當
家家殺牛磔羊豕舉國奔走如風狂迎神送神解神怒
會掠金錢十萬戶旗旄夾道鹵簿馳官長行來不避路
忽聞下令燔妖廬居民聚族初睚眦青天白日鬼恠遁
向來祇奉寧非愚嗟嗟千年陋習牢相紐劈正須煩巨
靈手江南狄公永州柳此事今亡古亦偶獨不見福州

遲太守

題悔齋方伯小照二首

鯨喙鰲擲氣何如目送雲濤蕩碧虛記得大羅天上事

澥山難著白尚書

獨立蒼茫又一竒長松恠石兩叅差披圖聊識高人意

未是科頭曳履時

楊浴菴餞別於謀野莊

黃門門下無多士楊為先黃門伯禮闈所取士三十年來盡罷官白

首荷君存古道清樽留我話更闌科名得路人餘幾子

弟能文事最難別後倘逢潮信便好從魚素報平安

垂橐集起戊寅七月盡十二月

四十九歲

舟發螺江林草臣張民瞻追送於洪山橋

小雨作秋涼扁舟客將返殷勤良友意送我不辭遠洪塘十五里短亭復長亭可憐橋下水臨別難為聽來時梅子黃去時龍眼熟新歡旋已散後會恐未卜勿謂嶺海遙合并諒有由所嗟迫衰賤去住兩白頭

朝發竹崎順風晚抵水口驛

荔海南來得飽餐此遊那更咲無端歸帆偶得東風便明日方知上水難自此以上皆險灘矣涼月一梳微帶暈暗潮三尺忽平灘炎方未必無清景貪向船頭坐夜闌

初上灘

建溪之惡惡無比狠石高低勢隨水竹篙如鐵船似紙

曲折蜂窠犬牙裏南浦迢迢六百里大灘小灘從此始黃河亦可濫觴耳不到水窮行不止

逆水逆風歌戲呈竹垞

逆水曠強弩逆風簸蠻旗澁灘怪石張頤頤使我有筴不敢拽有篙不能施但見北來船乘流挂席東南馳我欲問天天不可問丈夫處也各有利鈍塞者自塞通自通造化小兒遊戲中解后兩相值我適遭其窮却咲竹垞老與我同舟還遇風乃以我故兼累翁翁今涉世頗知退坐狎雷霆如一噫我拍手翁和歌人生大都逆境多順流豈遂無風波

七月十五夜泊埂程

一村樹合煙初暝四面山高月未升隔岸聞鐘知有寺
滿川風浪放河燈

折紙灘去尤溪縣二十里

可憐尤溪灘險於太行山羊腸九折有路猶可攀折紙
一折乃在疾雷掣電中央間高下既懸絕東西故彎環
上灘不易下更艱有生寄命脆如此揺手休輕過折紙

箭孔灘

銅牙發利矢未足喻其急小舟欲穿針孔入石梯倒行
三十級強弓寸寸彎不得羿殼不中嗟何及束手號天
天雨泣

茶陽灘

舟人口號云大水大湖小水茶陽灘水落時茶陽最險也

二字未省所出

大水大湖小水茶陽亘川塞路如牛如羊叱之不動迺
是石波臣橫踞千步岡當時大禹疏鑿不到此漸長牙
角勢莫當棄置九州外放流比投荒如今郡縣關海外
尚於中道梗咽為民殃何人為剷除毋令與水爭強梁
石言吾何辜水性本易怒請君看取淮揚交正坐中流
無砥柱

盆灘

灘險寓盆名波瀾頗不小寄語踏浪兒如何狎池沼

雨後過南鵝口

暴漲添三丈朝來冒兩涯山深惟古戍岸轉忽人家苦
竹秋來筭紅薑雨後牙似聞靈鵲語報我過南鵝

朝來聞鵲

聲延平以南所無也

建寧遇德州田子益以蜜漬荔支分餉

兩月三山客歸裝但荔支製來經我手開處朶君頤野饋憐同好人情感過時平生甘苦分一味不曾私

飲甌寧陳明府陞來縣齋

京國三年別溪山半日留眼中逢地主意外繫歸舟對酒寬相憶當歌感昔遊應憐舊同學臨老獨漂流

萬石灘俗名阿彌陀佛灘中流有三石幢

物各以類從號石數有萬波流石自止於義特取良憶昨經茲灘嶄巖爭自獻今看三石柱尋丈纔露寸一條換骨龍掉尾秋更健逡巡溯流上淹滯得无悶揚帆過

須臾正賴長女與舟人歸佛力剪紙酬夙愿老夫亦欣然滿酌不待勸

大小米灘

掀波成山石作底風平石出波瀾瀾秋天一碧雨新洗大灘小灘如撒米

牛頭牛尾灘

牛頭彎稜稜牛尾直挺挺牛腰沒水五里長牛角雙雙亞桅頂我聞灑瀨如馬戒舟枕爾牛曷不服爾箱又聞刻石作犀鎮水怪爾牛胡敢恣為害夜從甯戚飯朝就巢父飲或策或笠或詛寢客過灘頭亦安枕

重過雙溪口懷武夸舊遊二首

雲封霧冒失烟鬟縱棹曾從九曲還自覺秋來遊興嬾
竟貪歸路不登山

颺飄笙鶴萬峰頭只許南來一度游不分此生難再到
萍萊風近且迴舟

迴龍渡

已窮三日程未盡西甌境晚煙投古渡歷歷見人影北
際仙霞關東走括蒼嶺中間小聚落百舍同一井結屋
深箐中開田萬松頂年豐米價賤市散村聲靜野戍依
其旁孤燈光耿耿雖無荷戈役尚有擊櫓警殘月猶未
生寥寥秋夜永勞生竟何事俯仰媿清景

龍牙灘

垂龍竊天符啜霧南入海無端蛻鱗甲隨地幾千載帝
將馴擾之不忍甚厥罪已令化為石本性終未改欲遣
水逆流障川作峯巖河神勿聽命蓄怒更百倍森然磨
其牙昂首若有待舟行一不戒適掾魚鱉餒幸以險著
名設防亦每每篙師出全力遇此愈精采滅頂世豈無
母貽過時悔

蓮花灘

潭潭積水中沈石知多少偶然一呈露妍醜難自保茲
灘乃以蓮花稱秀出溪面開層層惜哉非所據徒取見
者憎不見關中岳蓮撐兩峰江上九子名芙蓉千年老
鶴巢雲松仙居縹緲築臺殿復有詩老來扶筇爾今胡

為不自拔縱使娟好誰為容漁翁溪女詎知賞惟見蚌
沫相驗喞石兮如有知得地未必非遭逢

鼠灘

以茅皆不必
存

五行紀異古垂戒銜尾渡江占鼠恠從來一穴可沈舟
為禍於人豈在大張湯雖酷未盡除我今方嫌漢網疎
致令此輩繁有徒詭托黠狀生江湖安得秦時鞭石法
驅使浮沈逐鵝鴨大倉溷廁從渠偷切莫飲水污清流
同學王令詒於庚午冬過嶺有南浦見寄絕句
今日至浦城追憶前詩和此遙答時令詒宰黔
之銅仁

平生怕讀江淹賦南浦今來別恨同此地故人曾憶我

一官今落瘴烟中

綠波亭

愛山愛水成吾癖一咲艱辛亦飽經虎舌龍牙初脫險

二灘名又題詩上綠波亭

行經夢筆山下

詞賦成名只等閒寸心得失略相關詩人老去防才盡
不敢輕嘲夢筆山

發浦城晚宿漁梁嶺下

城北城南叫鷓鴣似言前路極崎嶇回思習坎真輕命
頓覺升高是坦途戍壘防秋仍鼓角人家經亂久榛蕪
殘燈影裏蕭蕭夕萬疊荒山客夢孤

蕭蕭指何物

梨嶺廟前古松為火所焚作歌弔之
吾聞梨嶺廟前老松樹舊與嶺勢爭岌嵒此廟有興廢
此松閱世不知凡幾朝亦不知其高幾萬丈直從山根
拔起上蔽山之椒今來何聞寥竽籟不復聞簫韶可憐
去年秋已作霹靂焦雷公斬斷青虬腰白鶴飛去誰能
招豈無榎栴與竹柏坐覺滿山氣象入望成蕭條獨留
古根深礪底神呵鬼護如靈苗茯苓歲久化琥珀居人
德薄何敢以倖邀翻思十年前東南寇盜蜂擁潮山童
石赭供爨樵汝於此時幸得脫賊兵不斫乃被野火燒
天既賦良材使得干雲霄胡為灰劫隨僧寮長成艱難
摧拉易自古在昔非今朝嗚呼自古在昔非今朝

度仙霞關題天雨菴壁

虎嘯猿啼萬壑哀北風吹雨過山來人從井底盤旋上

嶺下有龍井

天向關門豁達開地險昔曾資劇賊時平誰敢

說雄才一茶好領閒僧意知是芒屨到幾回

峽口初入衢州界

矮屋荒村岸浮橋亂水灣船初通峽口路已入鄉關紅
斂初沈日青餘未了山沙田秋熟早牛更比人閒

雨中過江郎街二首

奇峰登五老秀嶺度雙姑昨度大小楊始嶺好咲三郎石朝來

却避吾

雨滴松杉徑煙迷穉耜鄉秋山行處好何必識江郎

曉晴發清湖鎮舟中望江郎山
碓牀石瀨響泠泠愛入歸人舊耳聽岸草綠痕移蟋蟀
水花紅影帶蜻蜓樵爭曉市秋初霽風轉荒灣擢一停
雲霧不遮南望眼三峰回首偃天青

雲尖渡即日

水鳥插頭眠近船忽群去只有一條谿前飛落何處

兩夜宿王子穎龍游學署

先生六十鬢將華老去方憐始願奢百里好山長繞郭
一官閒地便移家空堂對酒涼生幔細雨移燈夜落花
分爾歸裝無俗物芙蓉巖石竹窠茶

巖陵二絕句

巢由等是未稱臣自占箕山潁水濱誰遣州名屬流寓
却疑此地竟無人

信公門下實多才柴市餘生大可哀不是英雄誰有泪
更無一個哭西臺

夜發富陽曉至泥汊避潮小泊

浦口沙積岸潭頭雨壞橋客程兼昨夜鄉夢破今朝小
堰孤舟渡荒山八月樵風波歸更怕不賦廣陵潮

吼山

天開地坼石崢嶸一棹穿雲入舊城喚起清風答長嘯
滿山松柏盡雷鳴

偶遊蘭亭

黃茅十里騎驢路中有南朝內史祠墨本尚傳修稷帖
紅墻新護御書碑浮橋過雨衝泥渡曲水平階疊石
為一咲山陰付陳迹人間何事不兒嬉

語溪舟中與竹垞別

一條柳標一扁舟每過佳山約少留榕葉蕉陰消客夏
艾盤菱角到家秋粗償行脚平生債不爽歸期汗漫游
我有新詩同七發起翁微病待翁酬

時竹翁方抱病

閩中垂橐而歸家人適告米盡口占二律

烏有歸來問子虛鄉園米價近何如雞爭野老場邊粟
鼠啗先生案上書閱世始憐貧是病占年空說衆維魚
荔枝飽噉吾知分此福從來有折除

半生顏狀忝風塵檢點身謀悔亦頻辟穀有方宜拔宅
毀車無用是勞薪篋空咲貯加餐字吾老羞為乞米人
賓客不來僮僕散免教鵝雁惱比隣

昌黎詩隔墻極鵝雁

戊寅除夕

手中著擲流光過

東坡詩流年已似手中著余今年四十九矣

老境猶彎寸

寸弓鄉曲無醫憐病婦米鹽何物累衰翁一家懸磬豐
年後萬事挑燈此夕中那不癡騃逐兒女試看禿鬢已
還童

敬業堂詩集卷二十五

敬業堂詩集卷二十六

海寧查慎行悔餘

杖家集

起巳卯正月
盡十二月

五十歲

歲已卯婦病沉繇為之料理醫藥入冬悼亡治喪
又踰月始計偕北上時余年五十矣豈意杖家之
日乃為妻杖期之日乎

四日立春

風從東來雲四散獻節重開月上澣田家占歲在新春
已過三朝不暇懶起除雞柵掃庭宇旋拆牛宮治町疇
去冬無雪土不膏蠶豆根拳麥苗短直憑今日占今年
喜動桑榆一村暖野夫杖藜亦蚤出走向橋西閒趁伴

偶逢鄰叟看春還云見城門懸 詔板鸞輿是月南巡
狩為念頻年淮泗滿宣房未築茨捷空畚鍤吏庸可
緩洪流渙渙冰開後肯信吾鄉猶旱暵勿愁燠沐入春
無漢明帝永平四年詔冬無宿雪春不燠沐注云無暵潤之氣 雨露行隨拂雲罕
山陰道中喜雨

曹娥廟

謝家雙履舊曾攜轉覺清游愛會稽白塢紅亭山向背
赤欄烏榜岼東西波光拂鏡羣鵝浴竹氣通煙一鳥啼
野老豈知身入畫滿田春雨自扶犁

掠面飛蝙蝠當門印虎蹄我來尋古廟人為指新泥前
夕有虎入廟 小市風掀瓦高江浪壑堤連宵巫覡喜殺盡一

村雞

上元前後里人賽社羣集廟中燈火最盛

上元前一日飲陶穎儒上虞縣齋

溪山漸入漸無窮短棹飄然又浙東載酒也應懷賀老
折腰母乃累陶公論交世路風塵外得句春帆雨雪中
是日大雪記取山城作元夕一燈曾為兩人紅

雪後從西興晚渡錢塘江

牛車沒轂水沙渾暗長春潮二尺痕萬竈鋪煙沉海戍
兩山銜雪束江疊船開渡口愁將晚月到圓時過上元
莫負承平好風景河塘燈火鬧黃昏宋時沙河塘燈火最盛東坡詩繁星

開河塘

十七夜會城觀燈

會城二字出何書豈非
幕友京居內之文
辛年

亦可不作

短長則失其音

節矣然此詩本

不佳

亦可不作

委巷爭除道殘燈未拆棚所難惟物力最動是民情白
屋寒堆雪紅樓夜放晴俗貧官不諒簫鼓徧春城時萬乘
將南巡州縣承上官意比戶皆令張燈起自
十三至十七夜照耀如白晝數十年僅見也

偶題

天關竹藤緣底事偶因展卷一歛歔武成或取二三策

戰國漫誇短長書史記索隱云戰國策亦名短長書未到流傳成帝虎

不應磊落鄙蟲魚曾從顏氏看家訓何用和凝百卷餘

王應麟困學紀聞云和凝為文以多為富舊集百餘卷自鏤板行於世識者多非之此顏之推所謂論痴符也

題王松年流觴曲水圖二首

內史家風世不如流觴長記暮春初如今勝事傳來別

禊帖鐫碑換御書

紅墻新割老僧田鑿石穿渠又五年畢竟讓君圖畫好
茂林修竹近天然

題鳴野叔跌坐圖

華髮蒼顏映白須列仙真個是臞儒一丘一壑誰能畫

留待長康自補圖叔工畫山水

春分前三日南湖舟中口占

節物今年異春分尚有梅畫船依音挨岼泊高閣偏雲開

水郭連旬雨湖天昨夜雷莫催桃李放留待翠華來

時聞大駕已發京師

連雨不止獨居小樓和陶雜詩十一首但借其

韻不擬其體也

檐空有餘滴窗暗無隙塵几榻隨所設頽然置我身幸
無俗客喧聊與書卷親溼薪爇破竈煙氣迷四鄰明明
際陽和奈此晦昧晨寧無好桃杏寂莫傷遊人

晚色時一晴殘陽帶諸嶺參差入我牖出沒墮空景夜
雨旋復鳴三更布衾冷漫漫失清旦未覺春晝永起望
海岬山依然化雲影狂風卷平地水勢怒欲騁誰知倚
樓人注目心逾靜

杖藜雖鮮適幽事亦易量盆蘭如佳人含笑新出房瓦
盆列左右獨坐於中央泠泠風露晨宛在南山陽勿將
明媚眼換此冰雪腸

種樹待春風花開人向老媚人以華色花亦難自保泣

然霽潦中倉卒難就燥天工詎汝惜得氣翻悔早蜂蝶
兩不知芳心爲誰抱既開會有落茲理何足道

雙燕將來巢經營尚猶豫窺簷時下上入室互翔翥初
如擇所依終乃訖不去烏衣亦可託寧免漂搖慮舊年
堂上竇風雨今焉如浮塵寓天地孰者爲去住始知鵬
鷖遊未到逍遙處區區校大小叛道吾竊懼

雨來鳩喚愁雨止鵲聲喜吐哉二鳥微鳴噪強多事陰
晴及旱潦造物茫茫意偏勝豈必無時行偶相值但看
雲鬣鬣忽散飈如駛馳思亦何爲燥濕隨宜置

我窮不有命生理乃見迫遂令多牛翁傲人以阡陌益
無五斗陳甕有十月白薰然壹醉富未覺真鄉窄連宵

風雨聲夢破江湖客浮家猶見累何計成拔宅
老夫不任畊病婦兼廢桑本務既兩失衣單食糝糠莽
蒼無所之况需三月糧連陰欲何詣却立希朝陽低頭
爾室中跼踖敢自傷寸田富梨棗辟穀何奇方仙人去
我遙再拜酌一觴

人情動如潮洶洶非一端三農赴力役百賈逐貿遷因
之情游民狂走成癡顛 至尊軫疾苦玉食方風餐肯
以供億繁而爲奸吏緣柔能暨遠邇義在大雅篇
異端好大言談天率無稽欺人盡聾瞶自位高嵒崖使
讀聖賢書未必副所懷背馳去千里詎易相逢彌合之
則兩傷不如聽其滴吾道譬暉曜潛見示角羈積陰等

海蝕暫蔽焉能虧

海角已窮僻村中更蒼涼春流渾渾來欲濟川無梁舊
來豆麥隴半作鼃黿鄉甘澤苟非時殺菽同殞霜詩成
感蔚薈惡草日夜長

春分後大雪和陶連雨獨飲韻

物情向暄潤天道殊不然却收花柳姿都付冰雪間老
梅閱世久崛強如頑仙瘦竹亦舊栽影障池南天朝來
悉被壑天闕無後先初疑冬太暖倚伏理必還豈獨一
黃楊百厄同閏年聞者或不察吾詩若響言

西湖權歌詞十首

栽松城石號花園亭剪椽毛竹織樊貪看 御舟新樣

子遊人多出湧金門

御舟以機毛為亭中植松竹名花園船

湖面平添積雨餘放生池外葑初除誰司水族加恩簿
開過桃花未打魚

曼衍魚龍百戲張蜃樓幻出水中央船頭風引三山近

方丈蓬萊望渺茫

時禁游人不
得登湖心亭

滇茶紅染鶴頭殷畫檻朱欄點綴間何限兩堤花柳色

却收小景上盆山

亭臺到處羅列盆
景寶珠山茶尤多

草色纒青柳未齊石函橋北斷橋西琉璃一片樓臺影

過盡笙歌十里隄

鑿開混沌著丹青落石猶疑處士星白鶴不歸梅樹老

鷺鷥飛上

御書亭

紅葉千花綴彩棚火蓮龜背吐層層不知白日長多少

又點湖心照夜燈

漁家小女髮如油新向湖干學盪舟也道城中粧束好

碧波回眼看梳頭

蜂喧蝶鬧奈春何拂面風香過綺羅此意少年應未會

第三橋畔落花多

弄潮天氣中秋後競渡風光午日前併與西湖作寒食

人生行樂趁今年

愷功侍讀扈從至杭喜成二律

夢想清遊十載餘此來兼得侍

鑿輿

愷功與陳乾齋
南來唱和成卷一厨自展將軍

畫三篋行隨秘監書不少吟聯傳館閣

愷功與陳乾齋
南來唱和成卷

可無長策佐河渠自從南涉江淮後司馬文章世不如
扈從風流別一家得官畢竟要清華曾衝漠北多番雪
及看江南兩月花春服幾人還戲彩時隨相寺門無
不籠絃留君暫作湖山任計日頭綱待賜茶

南巡歌八章

吾君盛德邁唐堯河伯波臣詎敢驕一道長虹東跨
海不煩鞭石更成橋

沉玉搴茨事已賒十年泛泛使臣查此行直為河渠出
望祀虛傳萬里沙

六龍南下宿遷城三月桃花浪已平多少詞臣爭獻頌
黃河意為聖人清

淮泗東南盡海邦家家羊酒壓豐杠綠牌曉奏知名姓
特慰輿情一渡江

盡除鹵簿撤朝班耆耆老來迎御舫還為話道旁經眼
見天顏有喜侍慈顏

德音一日徧江湖百萬重聞貸宿逋洒道清塵皆雨露
不因水旱始蠲租

行過山鄉又水鄉豆花褪後麥苗長翠華小駐非無
意要使宮人識采桑

岳牧頻煩事屢詢屬車偶動為勤民從今便引虞書
例直望君王歲一巡

眼鏡

巧製海西傳能爭造化權隙光分日月宿障掃雲煙頓
覺生虛白猶堪續草玄一編聊炳燭兀兀慰衰年

查浦書屋圖為德尹題四首

兩磚斜日過墻遲課罷頻看桂影移此樹年來生意盡
可堪頭白話兒時聽事東偏小齋余與弟幼時讀書處也庭有老桂一本每視樹影上墻為

放學之候令桂已為薪矣

生子還同邵伯溫

弟年四十五生子故借邵堯夫事

見翁時節恰能言

挽湏問事休輕嚇直為憐渠合杜門

五十年來老弟兄暫歸也復可憐生一燈不作音江湖

夢好片對床風雨聲

藏書不過五千卷築屋只消八九楹先被畊煙偷畫藁

圖為王石谷所寫石谷自署畊煙散人問君書屋幾時成

留筍

好筍如人意新梢補舊林汝長應計日吾老望成陰不

礙疎籬破能令曲徑深咸韶如到耳風雨助清音

竹兼風雨

似咸韶黃伐檀句

五十生日德尹次二蘇兄弟生日唱和詩為壽

次答二首

百年突過半千慮鮮得一無聞世或疑衰賤天所隲安

心雖漸退始願竟莫必鐘鼓委盲聾主賓炫名實窮為

東野鳴拙被南宮黜那將桑榆晚坐待婚嫁畢人言庚

寅降賦命例不吉吉祥在止止虛白生爾室結習顧未

忘時猶弄詩筆可傳或有在老境知幾日
蹉跎向遲暮孤露追本始自我稱鮮民併畧久抱恥有
親養不逮具體痛瘡痕忍復把一觴覲顏對兒子稍欣
老兄弟兩杖交頭倚分飛二十年意料不及此驕榮落
霜葉浮慮淨菜几庶幾共殘年服食勝菊杞

池上看雨

五月蓮未華團團葉如扇亭亭不自匿一一出池面細
雨聽無聲初於葉上見綠盤擎不定的樂珠光旋流永
忽一傾倒垂三尺練萍開魚影聚萍合魚影散即事偶
成詩悠然觀物變

建蘭已萎盆中稗草叢生

誰云造物好栽培膏澤多教長不才此理年來看爛熟
建蘭盆上稗花開

梅雨初晴

沮如下溼生蒼苔三旬苦雨經黃梅水田萬蛤夜羣吠
林巷一蟬晴忽來晒書亭前日淡淡打麥場上風颼颼
鄰家作苦一相勞耘鼓正報槐花開

海塘行

邑城去海十步遙塘為外捍非一朝去年八月塘忽壞
洲潭崩裂隨秋潮邇來沙漲三十里魚鱉殘生差可喜
縣官欲為先事防倡議重修從此始人輸一石名樂輸
石今無脛何可驅編排既須照戶籍運致仍復煩丁夫

里符夜下朝必赴田卒污萊敢申訴築塘捍海亦為民
此事不勞官長怒公旬三日古有之向蠲力役誰所為
吾邑戶口十萬丁丑冬縣令王某
忽盡除丁糧每田十畝代納一丁人情已自逐游惰亦
與三農同怨咨火雲燒空日光赤盡遣山田龜兆拆陽
侯勸爾莫漫驕緩我塘工待農隙

暑夜

滿庭苻藻疑浮空樓陰乃在樹影中繁星沸天月將落
銀漢中亘垂天虹夜深人靜氣一歛坐覺襟袖來微風
波紋搖窗簾呱呱煙氣隔幃紗濛濛暑徂涼近誰最警
露草已報吟秋蟲

餅中紅白蓮花

紅蓮頰如霞白蓮淡如雪兩皆以色故幻相紛羅列或
云色即空紅白本無別或云空即色是紅要非白入我
止觀中萬象隨起滅一瓶井華水眼界琉璃徹空花久
已除此色為誰設

秋旱四十韻

槁壤黃塵外明霞杲日西直防金被鑠頗怪火猶稽箕
畢占曾驗陰陽數不齊雄雷張旱氣師曠占云雷始起
其霹靂者所謂雄
雷旱雌霓散朝躋一物關災青羣情固慘悽潤希蛛網
露乾裂燕梁泥蚯蚓潛深穴蛟龍困老隄蝸涎粘壁死
鷺脚插巢棲舌燥呼羣鴨沙軟振羽雞魚噍貪涸轍牛
喘失涪蹄萍塊膠連蚌苔痕兆拆蟻涉波無白獮聒耳

管照勿或以連下句
讀之身然究未切

厭青蜚古栢俄成杌衰楊那復稊瘦針撐棘枳柔木偃
棟榭蕉碎離披卷桐孿小弱圭宮槐當晝聶爾雅守宮槐葉晝聶
夜岸莖舉叢低乾曠悲荒蔚爭先任蒺藜坤雅蒺藜旱草也歲欲旱
先生竹身焚忽爆花面炙多薰是水湯同涕無岡石不
驚為時宜長養有力故排擠壞葉頻辭樹良苗半萎畦
村村拋襪襖户户挂耒犁瓶卧空依井橋長尚跨谿蝗
來疑布陣螢照儼然犀東海行枯矣南山望蔚今更誰
施補救不過禁屠刳巫覡終難信童謡豈有倪吁嗟聽
藐藐爾雅注零之祭舞者吁嗟而請雨瞻印目睽睽客或歌雲漢吾方
賦病梨相煎何太迫欲避奈無蹊烈燄融爐炭焦煙著
竈炷衫絺同挾纊懲熱到吹蠶不擬開三徑因思接九

梯後漢東夷傳挹婁國土俗極寒穴居以深為貴大家至接九梯窮於入角鼠窘甚觸
藩羝晨課書渾廢宵眠枕罷攜蠅聲俄已集蚊翼詎勝
批瘡上天難問勞生計總逃但聞風發發幾見滄萋萋
作苦隨鄰父沉絲奈老妻更愁兒索飯早晚傍門啼

即事

老夫畏暑如酷吏逃入鄰園樹影中貪趁槐陰成久坐
歸來衣上帶青蟲

大雨二十韻

時雨何妨驟秋陰不在多民情方缺望天意一滂沱卷
幔聲初到傾盆勢已俄隙光飛礮礮萬籟入礮磨地濶
雷全動風驍電突過水綃龍挂練壅繭鳳投梭急點齊

穿屋橫流倒瀉河搜林駢虎兇劈岬徒蛟鼉旱魃駢頭
溺天吳拔尾拖崑崙囚甫創蝦蟆指非訛轉眼陰晴判
空人燥溼和不關居墮壞乍喜去煩苛野氣通籬落斜
陽在薜蘿板橋間倚杖茅舍亂堆蓑曖曖連村樹油油
被隴禾遠煙微映竹新瀾半畝荷菱角紅將采雞頭白
可搓蟬涼猶抱葉魚樂自跳波大有豐年象初聞野老
歌詩成無好語改罷亦長哦

打魚歌

秋池瀾瀾瀏且平罟師撒網初無聲綠玻璃碎鏡光裂
一尾撥刺千頭驚蛙跳蝦擲鱮亂似欲去此舉族行
豈知縱舍固有道竭澤之利吾忍爭老魚勢屈適就烹

死非其罪如韓彭弱魚力小如孩嬰分無倖理乃放生
本來於汝何厚薄恩怨不入須忘情可憐韓子不知足
一飽欲鱠東溟鯨終當不殺賦淨業梁武帝淨業賦見
淨業之可愛與不
殺而毋以口腹戕生成

曉過南湖

卧看西南落月圓夢龍晴色滿湖煙孤城傍水開門早
一鷺如人導我前菰葉曉沉風外岸菱花秋淡影中天
何當穩與漁翁約長守蘆根舊釣船時計偕
北上

峒嵒題壁

小驛三家市西京百里侯漢書地理志有
司吾侯國即此河聲下淮甸
山路入沂州瘠地人多儉殘年客善愁南飛有孤雁急

急復奚求

喜遇同年汪東山與聯轡北上

京洛三年別升沉分已殊如何偏殘臘復此共長途

丁丑歲進士今赴明年殿試故態狂猶在名心老漸無夜寒君不飲

吾醉好相扶

除夜平原旅舍夢亡妻

分明入夢又曹騰昨歲今朝病正增倦枕為余猶強起

殘樽到手已難勝圍爐火兒烹藥薄雪鈎簾婢上燈

誰遣荒雞忽驚覺北風茅店冷於冰

牧業堂詩集卷二十六